

## 為唐書

後晉 劉 昫 等撰

華 書 局

中

**卷**一〇一至卷一一九(傳)

册

## 舊唐書卷一百

### 列傳第五十一

#### 李义 薛登 章凑 從子虛心 虚舟 韓思復 曾孫依 張廷珪

### 王求禮 辛替否

若迴救贖之錢物,減困貧之徭賦,活國愛人,其福勝彼。」 饒,生育無限;府庫之用,支供易殫。費之若少,則所濟何成;用之倘多,則常支有闕。 於拯物,豈若憂人。且醫生之徒,唯利斯視,錢刀日至,網罟年滋,施之一朝,營之百倍,未 德,及鱗介之微品。雖雲雨之私, 有霑於末類; 而生成之惠,未洽於平人。 爲業,魚鱉之利,黎元所資,土地使然,有自來矣。伏以聖慈含育,恩周動植,布天地之大 累遷中書舍人。時中宗遣使江南分道贖生,以所在官物充直。 义上疏曰:「江南水鄉,採捕 李乂,本名尚眞,趙州房子人也。少與兄尙一、尙貞俱以文章見稱, 懸進士。 何則?江湖之 景龍中,

列傳第五十一 李义 薛登

尉,早卒;尚貞,官至博州刺史。 當 下,多所 初,特令义與中書侍郞蘇頲纂集起居注,錄其嘉謨昌言可體國經遠者,別編奏之。义在門 駁之權也。 一時所稱。 义 知 駁 制誥凡數載。 正。 俄拜刑部尚書。 义方雅有學識,朝廷稱其有宰相之望,會病卒。 兄尚一,清源 
 專轉黃門侍郎。時睿宗令造金仙、玉眞二觀,乂頻上疏諫,帝每優容之。
 開元初,姚崇爲紫微令,薦义爲紫微侍郎,外託薦賢,其實引在己下,去其糾 景雲元年,遷吏部侍郎,與宋璟、盧從愿同時典選,銓敍平允, 兄弟同爲一集,號日李氏花萼集,總二十卷。 甚爲

刺史。 僅以身免。 聞 人嗣安等同據本郡,以禦寇賊。武德二年,遣使歸國,高祖嘉之,降璽書勞勉,拜東武州 薛登本名謙光,常州義興人也。父士通,大業中爲鷹揚郞將。江都之亂,士通與鄉人 俄而 輔公而於江都構逆,遺其將西門君儀等寇常州,士通率兵拒戰,大破之,君儀等 及公而 平,累功封臨汾侯。 貞觀初、歷遷泉州刺史,卒。

**友**善。 謙光博涉文史,每與人談論前代故 文明中,解褐 閬中主簿。 天授中,爲左補闕,時選舉頗濫,謙光上疏曰: 事,必廣引證驗,有如目擊。少與徐堅、劉子玄齊名

臣聞國以得賢爲寶,臣以舉士爲忠。 是以子皮之讓國僑,鮑叔之推管仲,燕昭委

永固 兵於樂毅,苻堅託政於王猛。子產受國人之謗,夷吾貪共賈之財,昭王錫輅馬以止讒, [ 戮樊世以除譖。處猜嫌而益信,行間毀而無疑,此由默而識之,委而察之深也。

若宰我見愚於宣尼,逢萌被知於文叔,韓信無聞於項氏,毛遂不齒於平原,此失士之故 也。是以人主受不肖之士則政乖,得賢良之佐則時泰,故堯資八元而庶績其理,周任

不以才,假譽馳聲,互相推獎,希潤身之小計,忘臣子之大餓,非所以報國求賢,副陛下 十亂而天下和平。由是言之,則士不可不察,而官不可妄授也。何者?比來舉薦,

翹翹之望者也。

馬 西河美。 賢愚,即 必修貞確不拔之操,行難進易退之規。衆議以定其高下,郡將難誣於曲直。故計貢之 **義**以標信,以敦朴爲先最,以雕蟲爲後科。故人崇勸讓之風,士去輕浮之行。希仕者 則 臣竊窺古之取士,實異於今。先觀名行之源,考其鄉邑之譽,崇禮讓以勵己,明節 駿 州將之榮辱;穢行之彰露,亦鄉人之厚顏。是以李陵降而隴西慚,干木隱而 馬來庭;葉公好龍, 故名勝於利,則小人之道消;利勝於名,則貪暴之風扇。是以化俗之本, 昔冀缺以禮讓升朝, 則眞龍入室。 則晉人知禮;文翁以儒林獎俗, 由是言之,未有上之所好而下不從其化 則蜀士多儒。 燕昭好

列傳第五十一 薛登

者也。

煬帝嗣興,又變前法,置進士等科。於是後生之徒,復相放效,因陋就寡,赴速邀時,緝 狀。代俗以此相高,朝廷以茲擢士,故文筆日煩,其政日亂。」帝納李諤之策,由是下制 綴小文,名之策學,不以指實爲本,而以浮虛爲貴。 禁斷文筆浮詞。其年,泗州刺史司馬幼之以表不典實得罪。於是風俗改勵,政化大行。 詢,忽君人之大道,好雕蟲之小藝。 連篇累牘,不出月露之形; 積案盈箱,唯是風雲之 不以修身爲務。逮至隋室,餘風尙在,開皇中李諤論之於文帝曰:「魏之三祖,更好文 風,乖授職惟賢之義。有梁薦士,雅愛屬詞;陳氏簡賢,特珍賦詠。故其俗以詩酒爲重 推高,然後爲府寺所辟。魏氏取人,尤愛放達;晉、宋之後,祇重門資。獎爲人求官之 自七國之季,雖雜縱橫,而漢代求才,猶徵百行。是以禮節之士,敏德自修,閭里

彰,則廉潔之風薄。是知府命雖高,異叔度勤勤之讓; 黃門已貴,無秦嘉耿耿之辭。 縱 之澤;摩頂至足,冀荷提攜之恩。故俗號舉人,皆稱覓舉。覓爲自求之稱,未是人知 之舉人,有乖事實。鄉議決小人之筆,行修無長者之論。策第喧競於州府,祈恩不勝 有唐纂曆,雖漸革於故非;陛下君臨,思察才於共理。樹本崇化,惟在旌賢。今 察其行而度其材,則人品於茲見矣。徇己之心切,則至公之理乖;貪仕之性 或明制纔出,試遣搜敭,驅馳府寺之門,出入王公之第。上啓陳詩,唯希欬唾

列傳第五十一 醉登

閭。 縱使名虧 罹其弊,潔己則兆庶蒙其福。 厚之士,則懷祿者必崇德以修名;若開趨競之門,邀仕者皆戚施而附會。 競利之心,謙遜者亦無貪賄之累。 校量其廣狹也 不能抑己推賢,亦不肯待於三命。豈與夫白駒皎皎,不雜風塵,東帛戔戔,榮高物表, 司 補署 豈得 **誼然於禮聞;州貢賓王,爭訟於階闥。謗議紛合,浸以成風。 夫競榮者必有** 禮則,罪挂 比郭有道之銓量,茅容望 ! 是以耿介之士, 羞自拔 |刑章,或冒籍以偷資,或邀勳而竊級, 假其不義之賂,則是無犯 故風化之漸,靡不由茲。今訪鄉閭之談,唯祇歸於里正。 。自非上智,焉能不移;在於中人,理由習俗。 重,裴逸人之賞拔,夏少名高 (1),語其優劣也 而致其辭;循常之人,捨其疏而取其附。 附會則 岩 故選 百姓 重 瀘 鄉

樂之右;若使協贊機猷,則安仁、靈運亦無裨附之益。由此言之,不可一概而 任,必失指縱之機;使蕭何入戲下之軍,亦無免主之効。 於穆之,平津文劣於長卿,子建筆麗於荀彧。 甲第,藻思微減,便卽告歸。以此收人,恐乖事實。 如武藝,則趙雲雖勇,資諸葛之指撝; 是以文泉聚米,知隗嚣之可圖,陳湯屈指,識鳥孫之自解。 祇 如才應經邦之流,唯令試策;武能制敵之例, 周勃雖雄,乏陳平之計略。 若以射策爲最,則潘、謝、曹、馬必居孫、 何者?樂廣假筆於潘岳, 只驗彎弧。若其文擅淸奇,便充 **鬭將長於推鋒,謀將** 八難之謀設, 若使樊噲 取也。 靈運 居蕭何之 審於料 詞高 追

夫元長自表, 妄飾詞鋒, 曹植題章, 虛飛麗藻, 校量其可否也! 慚於酈生;九拒之計窮,公轍息心於伐宋。謀將不長於弓馬,良相寧資於射策。

以語,考之以事;寡其言而多其行,拙於文而工於事。」此取人得賢之道也。其有武藝 於文園令,不以公卿之位處之者,蓋非其所任故也。 豈弓矢之用也! 謹案楊得意誦長卿之文,武帝曰:「恨不得與此人同時。」及相如至,終 之任,非將事也。」謹案諸葛亮臨戎,不親戎服,頓蜀兵於渭南,宣王持劍,卒不敢當。此 之憂。臣謹案吳起臨戰,左右進劍,吳子曰:「夫提鼓揮桴,臨難決疑,此將事也。 凌雲之策,練穿札之工,承上命而賦壮泉,稟中軍而令赴敵,旣有隨才之任,必無負乘 超絕,文鋒挺秀,有効伎之偏用,無經國之大才,爲軍鋒之爪牙,作詞賦之標準。自可試 始旣察言觀行,終亦循名責實,自然僥倖濫吹之伍,無所藏其妄庸。故晏嬰云:「舉之 飾詞,收實用之良策,不取無稽之說,必求忠告之言。文則試以劾官,武則令其守禦, 伏願陛下降明制,預峻科。千里一賢,尚不爲少,僥倖冒進,須立隄防。 斷浮虚之

之人,選司有謙撝之士。仍請寬立年限,容其採訪簡汰,堪用者令其試守,以觀能否, 於得賢。賞罰之令行,則請謁之心絕;退讓之義著,則貪競之路消。自然朝廷無爭祿 謹案漢法,所舉之主,終身保任。楊雄之坐田儀,責其冒薦,成子之居魏相,酬

荀彧 多驗行事,以別是非。不實免王丹之官,得人加翟璜之賞,自然見賢不隱,食祿自專**。** 進 種繇、 郭嘉 ,劉陶薦李膺、朱穆四,勢不云遠。 有稱職者受薦賢之賞,濫舉者抵

欺罔之罪,自然舉得賢行,則君子之道長矣。

大夫。 州刺史。 主所構,出爲岐州刺史。 光嚴備安輯、闔境肅然。 子悅千牛爲憲司所劾,放歸田里。 謙光曰:「憲臺理冤滯,何所迴避,朝彈暮黜,亦可矣。」遂與殿中慕容珣奏彈之,反爲太平公 開元初,爲東都留守,又轉太子賓客。以與太子同名,表請行字,特敕賜名登。 **尋轉水部員外郎,累遷給事中、檢校常州刺史。** 時僧惠範恃太平公主權勢,逼奪百姓店肆,州縣不能理。 撰四時記二十卷。 轉刑部侍郎,加銀青光祿大夫,再遷尙書左丞。 惠範旣誅,遷太子賓客, 朝廷以其家貧,又特給致仕祿。 轉刑部尙書, 屬宣州狂寇朱大目作亂,百姓奔走,謙 加金紫光祿大夫、昭文館學 謙光將加彈奏,或請寢之, 七年卒,年七十三,贈晉 景雲中,擢拜御史 尋以 葽

史。凑,永淳二年,解褐授婺州多軍, 京兆萬年人。曾祖 瓚,隋尙書右丞。 累轉揚府法曹參軍。 旭 叔諧, 蒲州 州人前仁壽令孟神爽豪縱, 刺史。 父玄,桂州都督府

第五十

窜

湊

假借"神爽妄稱有密旨(三),究問引虛,遂杖殺之,遠近稱伏。 凑,景龍中歷遷將作少匠、司 法,交通貴戚,前後官吏莫敢繩按,凑白長史張潛,請因事除之。會神爽坐事推問,凑無所

農少卿。嘗以公事忤宗楚客,出爲貝州刺史。

改葬節愍太子,優韶加諡;又雪李多祚等罪,還其官爵,仍議更加贈官。 凑上書曰: **睿宗卽位,拜鴻臚少卿,加銀青光祿大夫。** 景龍二年,轉太府少卿,又兼通事舍人。

管、蒸爲戮。諡者,臣議其君,子議其父,而曰「靈」曰「厲」者,不敢以私而亂大猷也,則 也。 立諡以褒貶之,所以勸誡將來也。斯並至公之大猷, 善善者,懸爵賞以勸之也;惡惡者,設刑罰以懲之也。其賞罰所不加者,則考行 臣聞王者發號施令,必法乎天道,使三綱攸敍四,十等咸若者,善善明,惡惡著 非私情之可徇。 故箕、微獲用。

其餘安可失衷哉!

竄。 向使同惡相濟,天道無徵,賊徒闕倒戈之人,侍臣虧陛戟之衞,其爲 黃屋,騎騰紫微。孝和皇帝移御玄武門,親降德音,諭以逆順,而太子據鞍自若,督衆 言!于時臣任將作少匠,賜通事舍人內供奉。其明日,孝和皇帝引見供奉官等,雨淚 不停。俄而其黨悔非,轉逆爲順,或迴兵討賊,或投狀自拘。多祚等伏誅,太子方事逃 臣竊見節愍太子與李多祚等擁北軍禁旅,上犯宸居,破扉斬關,突禁而入,兵指 禍 也,胡 可忍

謂曰:「幾不與卿等相見!」其爲危懼,不亦甚乎!而今聖朝雪罪禮葬,諡爲節愍,以臣

愚識,竊所惑焉。

帝,而逆命之子,可褒諡乎?此又臣所未諭 甚乎。 有傑、紂之行,臣子無廢殺之理。況先帝功格宇宙,德被生靈,廟號中宗,諡曰孝和皇 乎?此又臣所未諭也。夫君或不君,臣安可不臣,父或不父,子安可不子。 子爲母,豈有廢母之理乎!且旣非中宗之命而廢之,是劫父廢母,亦悖逆也,可褒諡 嘉之乎? 然韋氏逆彰義絕,雖誅之亦可也。當此時也,韋氏未有逆彰,未有義絕,於太 父,則可嘉也,而乃因欲自取之,是競爲逆,可褒諡乎? 此又臣所未諭也。 將廢韋氏而 譏其無禮,知其必敗。由是言之,則太子稱兵宮內,跨馬御前,悖禮已甚矣,況將更 絕馳道。 夫臣子之禮,嚴敬斯極,故過位必趨,蹙路馬獨有誅。 昔漢成之爲太子也,行不敢 而可褒諡,此臣所未諭也。以其斬武三思父子而嘉之乎。然弄兵討逆以安君 當周室之衰微也,秦師過周北門,左右免冑而下,王孫滿猶以其不卷甲束兵, 也。 借如君父

乎?」太子曰:「不可,君安驪姬,是我傷君之心也。」曰:「然則盍行乎?」曰:「不可,君 謂我欲弑君也,天下豈有無父之國哉!吾何行之!」使人辭於狐突曰:「申生不敢愛其 昔獻公惑驪姬之譖,將殺其太子申生,公子重耳謂之曰:「子盍言子之志於公

列

首,乃自縊。 其行如是,其諡僅可爲恭。 今太子之行反是,可諡爲節愍乎?此又臣所 死。雖然,吾君老矣,子少,國家多難。伯氏苟出而圖吾君,申生受賜而死。」再拜稽

諭也。 明於大義者。」及後太子孫立爲天了,是日孝宣皇帝,太子方獲禮葬,而諡曰戾。 疑曰:「諸君何患於衞太子。昔蒯聵出奔,輒拒而不納,春秋是之。衞太子得罪先帝, 於父,然身死於湖,不葬無諡。至昭帝時,有男子詣北闕自稱衞太子,制使公卿識視, 其事,因此爲姦,遂至太子宮掘蠱,得桐木以誣太子。時武帝避暑甘泉宮,獨皇后、太 愍太子之行比之,豈可同年而語。 其於陛下,又猶子也,而諡爲節愍乎? 此又臣所未 亡不卽死,今來自詣,此罪人也。」遂送制獄。 天子聞而嘉之曰:「公卿大臣,當用經術 至者莫敢發言。京兆尹雋不疑後至,叱從吏收縛之。或曰:「是非未可知,且安之。」不 子在,太子不能自明,納其少傅石德謀,遂矯節斬充,因敗逃匿。非稱兵詣闕,無逆謀 昔漢武帝末年,江充與太子有隙,恐帝晏駕後爲太子所誅。會巫蠱事起,充典理 今節

高祖滅項氏,遂戮丁公以徇,曰:「使項王失天下者,丁公也。」夫戮之,大義至公也,不私 昔項羽之臣丁公,常將危漢高祖,高祖謂之曰:「二賢豈相厄哉!」丁公乃止。及

**德之,所以誠其後之事君者。今節愍太子之爲逆,復非欲保護陛下,其可褒諡乎?此** 

又臣之所未諭也。

臣言非也,甘受謗聖政之罪,赴鼎鑊之誅。仍請申明義以示天下,使臣輩愚惑者咸蒙冰 故曰:「狂夫之言,聖人擇焉。」臣輒緣斯義,敢以陳聞,願得與議諡者對議於御前。若 罪,請從宥免,不謂爲雪,以順天下之心,則盡善盡美矣。 **譬**,資以爲辭,是開悖亂之門,豈示將來之法! 伏望改定其諡,務合禮經。 其字多祚等 釋,則無復異議矣。若所諡未當,奈何施之聖朝,垂之史册,使後代逆臣賊子因而引 五臣,良佐也,猶廣聽芻薨之言者,蓋爲智者千慮,或有一失,愚者千慮,或有一得也。 陛下天縱聖哲,所任賢明,以臣至愚,寧可干議?然臣又惟堯、舜,聖君也,八凱、

美,請稱其行,改諡以一字。多祚等以兵犯君,非曰無罪,祇可云放,不可稱雪。」帝然其言。 書奏, 睿宗引凑謂曰:「誠如卿言。事已如此, 如何改動。」 凑曰: 「太子實行悖逆, 不可褒 當時執政以制令已行,難於改易,唯多祚等停贈官而已。

農月, 利,拾農受雇,棄本逐末。 臣聞一夫不耕,天下有受其飢者,臣竊恐不可。」帝不應。 凑又奏 明年春,起金仙、玉眞兩觀,用工互億。凑進諫曰:「陛下去夏,以妨農停兩觀作,今正 翻欲興 功。 雖知用公主錢,不出庫物,但土木作起,高價雇人,三輔農人,趨目前之

列傳

第

五十

草麥

開元二年夏,敕靖陵建碑,徵料夫匠。凑以自古園陵無建碑之禮,又時正旱儉,不可興功, 凑日:「叨食厚祿,死且不辭,況在明時,必知不死。」 尋出爲陝州刺史,無幾,轉汝州刺史。 旨。」睿宗方納其言,令在外詳議。中書令崔湜、侍中岑羲謂湊曰:「公敢言此,大是難事。」 曰:「且陽和布氣,萬物生育,土木之間,昆蟲無數。此時興造,傷殺甚多,臣亦恐非仁聖本

飛表極諫,工役乃止。尋遷岐州刺史。

四 年,入爲將作大匠。時有敕復孝敬廟爲義宗,凑上書曰:

不毀。 或 宗,稱之萬代,以臣庸識,竊謂不可。 寰瀛,立廟稱宗,恐非合禮。 宗之義,不亦大乎!伏惟孝敬皇帝位止東宮,未嘗南面,聖道誠冠於儲副,德敎不被於 宗,武帝爲世宗。其後代有稱宗者,皆以方制海內,德澤可宗,列於昭穆,期於不毀。 實,故當相副。 虧盡善, 豈不 臣聞王者制禮,是曰規模,規模之興,實由師古。師古之道,必也正名,名之與 故殿太甲爲太宗,太戊日中宗,武丁日高宗;周宗文王、武王;漢則文帝爲太 一惜哉 其在宗廟,禮之大者,豈可失哉!禮,祖有功而宗有德,祖宗之廟,百代 ! 望更詳議,務合於禮。 況別起寢廟,不入昭穆,稽諸祀典,何義稱宗?而廟號義 陛下率循典禮,以闢大猷,有司所議,以致此失, 稱

於是敕太常議,遂停義宗之號

史,轉汾州刺史。十年,拜太原尹兼節度支度營田大使。其年卒官,年六十五。 **凑前後上書論時政得失,多見採納。** 再遷河南尹,累封彭城郡公。以公事左授杭州刺 贈幽州都

督,諡曰文。子見素,自有傳。凑從子虛心。

全者千餘人。虛心有孝行,及丁父憂,哀毀過禮,鬚鬢盡白,朝廷深所嗟尙。 郎宋之問工於詩,時人以爲戶部有二妙。終於左庶子。虛心舉孝廉,爲官嚴整,累至大理 丞、左右丞、兵部侍郎、荆揚潞長史兼採訪使,所在官吏振肅,威令甚舉,中外以爲標準。 丞、侍御史。神龍年,推按大獄,時僕射竇懷貞、侍中劉幽求意欲寬假,虛心堅執法令,有不 戶部尙書、東京留守,卒,年六十七。 可奪之志。景龍中,西域羌胡背叛,時並擒獲,有敕盡欲誅之。虛心論奏,但罪元首,其所 虚心父維,少習儒業,博涉文史,舉進士。自大理丞累至戶部郎中,善於剖判,時員外 後遷御史中

兼採訪使,多著能政。入爲刑部侍郎,終大理卿。家有禮則,父子兄弟更踐郎署,時稱「郎 季弟虚舟,亦以舉孝廉,自御史累至戶部、司勳、左司郎中,歷荆州長史,洪、魏州刺史

韓思復,京兆長安人也。 司戶 **多**軍,爲政寬恕,不行杖罰。 祖倫,貞觀中爲左衞率,賜爵長山縣男。 在任丁憂,家貧, 醫薪終喪制。 思復 時姚崇爲夏官侍 少襲祖爵。 初

郎,知政

(事,深嘉歎之,擢授司禮博士。

仍執前 任汝州 不聰 諸 思,書至便發,向懷逆節,寧即 朝,屬韋氏擅內,恃寵宮掖,謀危宗社。善思此時遂能先覺 乖,下情不達,雖欲從衆,其可及乎!凡百京司,逢時之泰,列官分職,有賢有親。 恤,事合昭詳。 登宸極。 反,請從絞刑。」思復駁奏曰:「議獄緩死,列聖明規;刑疑從輕, 所 景龍中,累遷給事中。 借天下之目以視 議,嚴善思十纔一入,抵罪惟 刺史,素與重福 議請誅之。思復 雖交遊 請付刑部集羣官議定奏裁,以符愼獄。」是時議者多云善思合從原宥, 重福、蓋謀陷韋氏。 又駁曰:「臣聞刑人於市, 虧人於朝, 必愈謀攸同, 始行之無惑。 交遊,召至京師,竟不言其謀逆,唯奏云『東都 ,視無不接。今羣言上聞,採擇宜審,若棄多就少,臣實懼 時左散騎常侍嚴善思坐譙王重福事下制獄,有司言:「善思昔嘗 奔命? 輕。 一面疏 及其謁見,猶不奏聞,將此行藏,即從極法。 夫帝閣 網,誠合順生; 九重,塗遠千里。故借天下之耳以聽 ,因詣相府有所發明,進 三驅 有國常典。 取禽,來而 有兵氣』。 可宥。 嚴善思往 據狀正 焉。 1論聖 且敕 親則列藩 惟 輿 誦 聽 有 刑 一躬必 在 當 謹 追 善 先 匿

諸王,陛下愛子;賢則胙茅開國,陛下名臣。見無禮於君,寧肯雷同不異。今措詞多出,法 合從輕。」 上納其奏,竟免善思死,配流靜州。 思復尋轉中書舍人, 數上疏陳得失,多見

出思復疏以付崇。 御史大夫。思復性恬澹,好玄言,安仁體道,非紀綱之任。 思復遂爲崇所擠,出爲德州刺史,轉絳州刺史。入爲黃門侍郎,加銀青光祿大夫,代裴漼爲 御史劉沼重加詳覆,沼希崇旨意,遂鐘撻百姓,迴改舊狀以奏之。由是河南數州,竟不得免。 停。書云:『皇天無親,惟德是輔;人心無親,惟惠是懷。』不可不收攬人心也。」上深然之, 急之務,召至公之人,上下同心,君臣一德,持此誠實,以答休咎。 南、河北蝗蟲,頃日更益繁熾,經歷之處,苗稼都損。 年七十餘。 不敢昌言,山東數州,甚爲惶懼。 蝗蟲而埋之。 開元初,為諫議大夫。時山東蝗蟲大起,姚崇爲中書令,奏遣使分往 思復以爲蝗蟲是天災,當修德以禳之,恐非人力所能翦滅。 崇乃請遣思復往山東檢蝗蟲所損之處,及還,具以實奏。崇又請令監察 且天災流行,埋瘞難盡。望陛下悔過責躬,發使宣慰,損不 今漸翾飛向西,游食至洛,使命來往, 無幾,轉太子賓客。十三年卒, 前後驅蝗使等,伏望總 河南、河北諸道殺 上疏曰:「臣聞河

子朝宗,天寶初爲京兆尹。

列

傳第五十一

韓思復

張

廷珪

開成二年,卒於官,贈工部侍郎。 宰,依悉諾之。 稽諸故籍,取其可者,然後補之。」會春衣使內官至,求賄於郵吏,二豪家因厚其資以求邑 轉京兆少尹,遷給事中。出爲桂州觀察使。 桂管二十餘郡,州掾而下至邑長三百員,由吏部 韶置五管都監,計所費盡 而前曰:「具員請補其闕。」|依戒曰:「在任有政者,不奪所理;有過者,必繩以法。 而補者什一,他皆廉吏量其才而補之。依旣至桂,吏以常所爲官者數百人引謁, 史,遷刑部員外。求爲灃州刺史。 會孫依,字相之,少有文學,性尙簡澹。 使去,坐以撓法,各笞其背。自是豪猾斂跡,皆得淸廉吏以蘇活其人。 一境地征,不足飽其意,飲特用儉約處之,遂爲定制,君子以爲難。 歲滿受代,宰相牛僧孺鎭鄂潴,辟爲從事,徵拜刑部郞中, 舉進士,累辟藩方。 自襄州從事徵拜殿中侍御 一更執籍 缺者當俟 、未幾,

制舉。 張 廷珪,河南濟源人,其先自常州徙焉。 長安中,累遷監察御史。 則天稅天下僧尼出錢,欲於白司馬坂營建大像。 廷珪少以文學知名,性慷慨,有志尚。 廷珪上疏 弱冠應

諫日:

以曹之?經云:「若人滿三千大千世界七寶以用布施,及恆河沙等身命布施,其福 我,是人行邪道,不能見如來。」此眞如之果不外求也。 財,彈萬人之力,窮山之木以爲塔,極冶之金以爲像,雖勞則甚矣,費則多矣,而所獲福 多。若人於此經中受持及四句偈等爲人演說,其福勝彼。」如佛所言,則陛下傾四海之 塔廟?廣其尊容,已徧於天下久矣。蓋有住於相而行布施,非最上第一希有之法。 夫佛者,以覺知爲義,因心而成,不可以諸相見也。 陛下信心歸依,發宏誓願,壯其 經云:「若以色見我,以音聲求 甚 何

不愈於一禪房之匹夫。

切衆生, 朔未寧,軍裝日給,天下虛竭,海內勞弊。 或器賣以充,怨聲載路,和氣未洽。 食瓢飲,農炊星飯,飢渴所致,疾疹交集。 不忍害其生哉!又役鬼不可,唯人是營,通計工匠,率多貧窶,朝驅暮役,勞筋苦骨,簞 礴,峻築基階,或塞穴洞,通轉採斫,輾壓蟲蟻,動盈巨億。 又營築之資,僧尼是稅,雖乞丐所致,而貧闕猶多。 菩薩作福德,不應貪著,蓋有爲之法不足高也。況此營建,事殷木上,或開發盤 應如是布施, 則其福德若南西北方四維上下虛空不可思量矣。 **豈佛標隨喜之義, 愍愚蒙而** 豈佛標徒行之義,愍畜獸而不忍殘其力哉! 伏惟陛下愼之重之,思菩薩之行爲 州縣徵輸,星火逼迫,或謀計靡所, **豈佛標坐夏之義,愍蠢動而** 不忍奪其產哉 何必勤於住 利益 且邊

以釋教論之,則宜救苦厄,滅諸相,崇無爲。 相,凋蒼生之業,崇不急之務乎!臣以時政論之,則宜先邊境, **伏願陛下察臣之愚,行佛之意,務以理爲** 蓄府庫,養人力; 臣

上,不以人廢言,幸甚幸甚。

則天從其言,卽停所作,仍於長生殿召見,深賞慰之。 景龍末,爲中書舍人,再轉洪州都督,

仍爲江南西道按察使。

開元初,入爲禮部侍郎。 時久旱,關中饑儉,下制求直諫昌言、弘益政理者。 廷珪上

疏曰:

黔黎,高運璿衡,光膺寶籙。日月所燭之地,書軌未通之鄉,無不霑濡渥恩,被服淳化。 朝將均於絕綖。 轉禍爲福者也。 十薨、九舜,未足稱也。 臣聞古有多難興王、殷憂啓聖者,皆以事危則志銳,情迫則思深,故能自下登高 伏見景龍之末,中宗遇禍,先天之際,兇黨構謀,社稷有危於綴旒 陛下神武超代,精誠動天,再掃氛診,六合淸期。 明明上帝,照臨下土,宜錫介祉,以答鴻休。 而後上順皇旨,俯念 。 域

將恐陛下春秋鼎盛,神聖在躬,不崇朝而建大功,自藩邸而陟元后,或簡下濟之道,獨 莫爨,糧籺靡資,不復聊生,方憂轉死。偶會昌運,遘茲難否者,臣竊思之,皇天之意, 然屬頃歲已來,陰陽愆候,九穀失稔,萬姓阻飢,關輔之間,更爲尤劇。 至有樵蘇

司,清望耳目之官,有犯當殺卽殺,當流卽流,不可決杖。士可殺,不可辱也。」時制命已行, 然議者以廷珪之言爲是。俄坐泄禁中語,出爲沔州刺史,又歷蘇、宋、魏三州刺史。入爲少 再遷黃門侍郎。時監察御史蔣挺以監決杖刑稍輕,敕朝堂杖之,廷珪奏曰:「御史憲 曾不是察!況今陛下受命伊始,敷政惟新,卿士百僚,華夷萬族,莫不清耳以聽,刮目 將齊甿沮志,億兆攜離,愁苦勢極,無以奉上矣。斯蓋安危所繫,禍福之源,奈何朝廷 畏者,則將上帝憑怒,風雨迷錯,荒饉日甚,無以濟下矣。 或謂人之窮乏不足恤者,則 璧,未足多也;珍祥下降於地,雖鳳皇巢閣,麒麟在郊,未足奇也。 或謂天之炯戒不足 清四海,塵銷九域,農夫樂其業,餘糧棲於畝。則和氣上通於天,雖五星連珠,兩曜合 懸軍,矜恤惸嫠,獨薄徭賦。去奇伎淫巧,捐|和璧|隋珠,不見可欲,使心不亂。自然波 佞人, 屏退後宮, 滅徹外廐, 場無蹴踘之翫, 野絕從禽之賞。 休石田之遠境, 罷金甲之 **满雄圖之志,輕虞舜而不法,思漢武以自高。是故昭見咎徵,載加善誘,將欲大君日愼** 而視,延頸企踵,冀有所聞見,顒顒如也。何可怠棄典則,坐辜其望哉! 旨而寅畏哉! 日,雖休勿休,永保太和,以固邦本也。斯皇天於陛下睠顧深矣,陛下焉可不奉若休 臣愚誠願陛下約心削志,澄思勵精,考義、農之書,敦素朴之道。登庸端土,放黜

傳第五十一

張廷珪

王求

醴

三五

府監,加金紫光祿大夫,封范陽男。四遷太子詹事,以老疾致仕。二十二年卒,年七十餘, 贈工部尙書,諡曰貞穆。 廷珪素與陳州刺史李邕親善,屢上表薦之,邕所撰碑碣之文,必

請廷珪八分書之。 廷珪旣善楷隸,甚爲時人所重

之道。請斬懿宗以謝河北百姓。」懿宗大懼,則天竟降制赦之。 哉!懿宗擁強兵數十萬,聞賊將至,走保城邑,罪當誅戮。 今乃移禍於註誤之人,豈是爲臣 敢進。旣而賊大掠而去,懿宗條奏滄、瀛百姓爲賊詿誤者數百家,請誅之。求禮執而劾之 所畏避。時契丹李盡忠反叛,其將孫萬榮寇陷河北數州,河內王武懿宗擁兵討之,畏懦不 曰:「此詿誤之人,比無良吏敎習,城池又不完固,爲賊驅逼,苟徇圖全,豈素有背叛之心 |求禮, 許州長社人。則天朝爲左拾遺, 遷監祭御史。性忠謇敢言, 每上封彈事, 無

邪?」欽望作色拒之,乃奏曰:「秦、漢皆有稅算以膽軍,求禮不識大體,妄有訟辭。」、求禮對 豫厚俸優,輟之可也。 國家富有四海,足以儲軍國之用,何藉貧官薄俸。 公此舉豈宰相法 日:「秦皇、漢武稅天下,虛中以事邊,奈何使聖朝則效?不知欽望此言是大體耶!」事途 契丹陷幽州,饋輓不給,左相豆盧欽望請輟京官兩月俸料以助軍,求禮謂欽望曰:「公

#### 不行。

降暮春,災也,安得爲瑞?如三月雪爲瑞雪,則臘月雷亦瑞雷也。」舉朝嗤笑,以爲口實。 時三月雪,鳳閣侍郎蘇味道等以爲瑞,草表將賀,求禮止之日:「宰相調變陰陽,而致雪

禮竟以剛正,名位不達而卒。

又駙馬武崇訓死後,棄舊宅別造一宅,侈麗過甚。時又盛興佛寺,百姓勞弊,帑藏爲之 辛替否,京兆人也。景龍年爲左拾遺。時中宗置公主府官屬,安樂公主府所補尤多猥

#### 上竭。 替否上疏諫曰:

陛下百倍行賞,十倍增官,金銀不供其印,束帛無充於錫,何愧於無用之臣,何慚於無 垂拱 完行,家有廉節,朝廷有餘俸,百姓有餘食。下忠於上,上禮於下,委裘而無倉卒之危, 人訪乎羣司,負寵者畏權勢之在躬,知榮者避權門而不入。故稱賞不僭,官不濫,士皆 而無顚沛之患。夫事有惕耳目,動心慮,作不師古,以行於今者,蓋有之矣。 伏惟 臣聞古之建官,員不必備,九卿以下,皆有其位而闕其選。賞一人謀乎三事,職一 至於公府補授,罕存推擇,遂使富商豪賈,盡居纓冕之流,鬻伎行巫,咸涉膏

列傳

第

腴之地。

忘前禍而忽後禍。臣竊謂陛下憎之矣,非愛之也。 過於臣子也。去年七月五日,已見其徵矣。而今事無改,更尙因循,棄一宅而造一宅, 等朝臣,則亦有今日之福,無曩時之禍。人徒見其禍,不知禍之所來。所以禍者,寵愛 人怨也;費人之財,人怨也;奪人之家,人怨也。愛數子而取三怨於天下,使邊疆之 也。然而用不合於古義,行不根於人心,將恐變愛成憎,轉福爲禍。何者。竭人之力, 職以輔之,傾府庫以賜之,壯第觀以居之,廣池籞以嬉之,可謂之至重也,可謂之至憐 士不盡力,朝廷之士不盡忠,人之散矣,獨持所愛,何所恃乎。向者魯王賞同諸壻,禮 臣聞古人曰:「福生有基,禍生有胎。」伏惟公主陛下之愛女,選賢良以嫁之,設官

常去已以全眞,不爲榮身以害教。三時之月,掘山穿池,損命也;殫府虚帑,損人也; 四海傷心。夫釋教者,以淸淨爲基,慈悲爲主,故當體道以濟物,不欲利己以損人,故 宅,伐木空山,不足充梁棟,運土塞路,不足充牆壁。誇古耀今,踰章越制,百僚鉗口 危駭,倉廩空虛,揭竿守禦之士賞不及,肝腦塗地之卒輸不充。而方大起寺舍,廣造第 爲久安之計以存之,不使姦臣賊子以伺之。臣聞微不可不防,遠不可不慮。當今疆場 臣聞君以人爲本,本固則邦寧。邦寧則陛下夫婦、母子長相保也。伏惟外謀宰臣,

廟,方得久長之祚乎! 代而秦受之,自漢已後歷代可知也。何者?有道之長,無道之短,豈因其窮金玉、修塔 以經邦,則殷、周已往皆暗亂,漢、魏已降皆聖明;殷、周已往爲不長,漢、魏已降爲不 繼軌,曾不改途,晉臣以佞佛取譏,梁主以捨身構隙。若以造寺必爲其理體,養人不足 前,白馬方行於漢後。風流雨散,千帝百王,飾彌盛而國彌空,役彌重而禍彌大。覆車 短。臣聞夏爲天子二十餘代而殷受之,殷爲天子二十餘代而周受之,周爲天子三十餘 廣殿長廊,榮身也。損命則不慈悲,損人則不濟物,榮身則不淸淨,豈大聖大神之心 ,一臣以爲非眞敎,非佛意,違時行,違人欲。自像王西下,佛敎東傳,青螺不入於周

苦以全昆蟲,是有如來之仁;罷營構之直以給邊陲,是有陽、武之功;迴不急之祿以 爲出家者,捨塵俗,離朋黨,無私愛。今殖貨營生,非捨塵俗,拔親樹知,非離朋黨,畜 姦訛者盡度爲沙門;其所未度,唯貧窮與善人。將何以作範乎?將何以役力乎?臣以 無,重俗人之所爲而輕天子之功業,臣竊痛之矣。當今出財依勢者盡度爲沙門,避役 購賡清,是有唐、虞之理。 陛下緩其所急,急其所緩,親未來而疏見在,失眞實而冀虛 法,如夢幻泡影,如露亦如電。」 臣以減雕琢之費以賑貧下,是有如來之德; 息穿掘之 臣聞於經曰:「菩薩心住於法而行布施,如人入暗,卽無所見。」又曰:「一切有爲

猶尙不給。 況資於天生地養,風動雨潤,而後得之乎! 臣聞國無九年之儲,國非其國。 陛下何有之矣!百姓何食之矣!雖以陰陽爲炭,萬物爲銅,役不食之人,使不衣之士, 無其數,一寺當陛下一宮,壯麗之甚矣!用度過之矣!是十分天下之財而佛有七八, 擾,霜雹薦臻,沙門不可擐干戈,寺塔不足攘饑饉,臣竊痛之矣! 伏計倉廩,度府庫,百僚供給,百事用度,臣恐卒歲不充,況九年之積乎! 一旦風塵再 不增修飾,獨恐奢麗。陛下尙欲填池壍,捐苑囿,以賑貧人無產業者。今天下之寺蓋 妻養孥,非無私愛。是致人以毀道,非廣道以求人。伏見今之宮觀臺榭,京師之與洛陽,

疏奏不納。歲餘,安樂公主被誅。

睿宗即位, 又爲金仙、玉眞公主廣營二觀。先是, 中宗時斜封受官人一切停任, 凡數

百千人,又有敕放合却上。替否時爲左補闕,又上疏陳時政曰: 則萬歲之業,自可致矣,何憂乎黎庶之不康,福祚之不永! 臣請以有唐已來理國之得失,陛下之所眼見者以言之。惟陛下審之聽之,擇善而從之, 臣嘗以爲古之用度不時,爵賞不當,破家亡國者,口說不如身逢,耳聞不如眼見。

省其官,清其吏,舉天下職司無一虚授,用天下財帛無一枉費。賞必俟功,官必得俊, 伏以太宗文武聖皇帝,陛下之祖,撥亂反正,開階立極,得至理之體,設簡要之方。

天地 所爲無不成,所征無不伏。不多造寺觀而福德自至,不多度僧尼而殃咎自滅。道合乎 穀遂其成,腐栗爛帛,塡街委巷。 千里萬里,貢賦於郊; 九夷百蠻,歸款於闕。 自有帝 皇已來,未有若斯之神聖者也,故得享國久長,多歷年所,陛下何不取而則之? ,德通乎神明。 故天地憐之,神明祐之,使陰陽不愆,風雨合度。四人樂其業,五

以塗 相傾 歲之儲,庫不貯一時之帛。所惡者逐,逐多忠良;所愛者賞,賞多讒慝。朋佞喋喋,交 譏萬代,見笑四夷。此陛下之所眼見也,何不除而改之? 六年間,再三禍變,享國不永,受終於兇婦人。 數百億 土木。 動。 官爵非擇,虛食祿者數千人;封建無功,妄食土者百餘戶。造寺不止,枉費財者 中宗孝和皇帝,陛下之兄,居先人之業,忽先人之化,不取賢良之言,而恣子女之 ;度人不休,免租庸者數十萬。是使國家所出加數倍,所入減數倍。倉不停卒 容身不爲於朝廷,保位皆由於黨附。奪百姓之食,以養殘兇,剝萬人之衣, 於是人怨神怒、親忿衆離、水旱不調、疾疫屢起。 寺舍不能保其身,僧尼不能護妻子,取 遠近殊論,公私罄然。五

於場。 萬人以怨,百事不寧,故累卵之危立可致矣。頃自夏已來,霪雨不解,穀荒於壟,麥爛 依太宗之理國,則百官以理,百姓無憂,故太山之安立可致矣;依中宗之理國,則 入秋已來,亢旱成災,苗而不實,霜損蟲暴,草葉枯黃。 下人容嗟, 未知賙賑;

列

宗、觀萬國? 本,不忍棄中宗之亂階;忍棄太宗久長之謀,不忍棄中宗短促之計。陛下又何以繼祖 乎!以違萬人之心乎!伏惟陛下續阿韋之醜跡,而不改阿韋之亂政。 忍棄太宗之理 之間,迥無所出,軍旅驟敗,莫不由斯。而乃以百萬貫錢造無用之觀,以受六合之怨 邊之上可轉輸乎?當今發一卒以禦邊陲,遣一兵以衞社稷,多無衣食,皆帶飢寒。賞賜 也,無所不見。旣知且見,知倉有幾年之儲,庫有幾年之帛?知百姓之間可存活乎?三 載土塡坑,道路流言,皆云計用錢百餘萬貫。 而營寺造觀,日繼於時,檢校試官,充臺溢署。 伏惟陛下愛兩女,爲造兩觀,燒瓦運木, 惟陛下,聖人也,無所不知;陛下,明君

內,而不改羣兇之事,臣恐復有切齒於陛下者也,陛下又何以非羣兇而誅之。臣往 亭不得遊,宅不得坐。信邪佞之說,成骨肉之刑,此陛下之所眼見也。今茲造觀,臣必 趙履温勸爲園亭,損數百家之居,侵數百家之地。工徒斵而未息,義兵紛以交馳,卒使 益無用之官,行不急之務,而亂政者也!臣以爲棄其言而不行其信,慕其善而不遷其 見明敕,自今已後,一依貞觀故事。且貞觀之時,豈有今日之造寺營觀,加僧尼道士, 惡,陛下又何以刑於四海?往者,和帝之憐悖逆也,爲姦人之所誤,宗晉卿勸爲第宅, 昔陛下爲皇太子,在阿韋之時,危亡是懼,常切齒於羣兇。今貴爲天子,富有海

知非陛下、公主之本意,得無趙履温之徒將勸爲之,冀誤其骨肉,不可不明察也

哉 ! 以俟豐年。以兩觀之財,爲公主施貧窮,塡府庫,則公主福德無窮矣。不然,臣恐下人 涛,**陛下不樂**,則臣請殺身於朝,以令天下言事者。 朝亦危矣。 怨望,不減於前朝之時。 視 之直,惟陛下察之。 韋月將受誅於丹徼,燕欽融見殺於紫庭,此人皆不惜其身而納忠於主,身旣死矣, 且舊觀足可歸依,無造無營,以取窮竭。 軀天尊,無欲無營,不損不害。 臣 [聞出家修道者,不預人事,專淸其身心,以虛泊爲高,以無爲爲妙,依兩卷]老子, 故先朝誅之,陛下賞之,是陛下知直言之士有裨於國。 前朝之時,賢愚知敗,人雖有口而不敢言,言未發聲,禍將及 何必璇臺玉樹,寶像珍龕,使人困窮, 若此行之三年,國不富,人不安,朝廷不 伏惟陛下行非常之惠,權停兩觀, 臣今直言,亦先代 然後爲道

八十餘。 疏奏, 睿宗嘉其公直。 稍遷爲右臺殿中侍御史。 開元中,累轉潁王府長史。 天寶初卒,年

史臣曰:夫好聞其善,惡聞其過,君人者之常情也,寧諂媚以取容,不逆耳以招禍,臣 列 第五 + 辛 否 校 勘 記

三一六コ

人者之常情也。能反此者,不亦善乎!李、薛等六君,吐忠讖之言,補朝廷之失,有犯無隱,

不愧古人,有唐之良臣也。

言,醫國之病。 庠、王章疏,犯顏竦聽。 張子法言,實裨時政。 贊曰:臣之事君,有邪有正。君之使臣,從諫則聖。李、薛翰忠,救人之命。 1年、韓讞

校勘記

[1] 夏少 英華卷六九六作「夏統」。

(二) 劉陶 各本原作「劉隱」。按薦李膺、朱穆者當爲劉陶,事見後漢書卷五七劉陶傳。 英華卷六九

六正作「劉陶」,據改。

(三) 密旨 「旨」字各本原無,據葉校本補。

(B) 使三綱攸敍 「攸」字各本原無,據唐會要卷八〇補。

# 舊唐書卷一百二

## 列傳第五十二

馬懷素 褚无量 劉子玄 兄知柔 子貺 飹 躛 秩 迅 迥 徐堅

吳兢 韋述 弟道 迪 蕭直 蕭穎士 母煛 殷踐猷附

博覽經史,善屬文。舉進士,又應制舉,登文學優贍科,拜郿尉,四遷左臺監察御史。 坐,況元忠罪非彭越,陛下豈加追送之罪。 相送,誠爲可責,若以爲謀反,臣豈誣罔神明?昔彭越以反伏誅,欒布奏事於其屍下,漢朝不 事,懷素執正不受命。則天怒,召懷素親加詰問,懷素奏曰:「元忠犯罪配流,貞愼等以親故 于郊外。易之怒,使人誣告貞愼等與元忠同謀,則天令懷素按鞫,遣中使促迫,諷令構成其 長安中,御史大夫魏元忠爲張易之所構,配徙嶺表,太子僕崔貞愼、東宮率獨孤緯之餞 馬懷素,潤州丹徒人也。寓居江都,少師事李善。家貧無燈燭,畫採薪蘇,夜燃讀書,遂 陛下當生殺之柄,欲加之罪,取決聖衷可矣。

第五十二

馬盥案

楮无

置

**顺、李傑等充十道黜陟使。懷素處事平恕,當時稱之。 使還,遷考功員外郞。** 之之勢,受納貨賄,懷素奏劾之,迥秀遂罷知政事。 付臣 夫,累封常山縣公,三遷秘書監,兼昭文館學士。 請託公行,懷素無所阿順,典舉平允,擢拜中書舍人。 [推鞫,臣敢不守陛下之法?」則天意解,貞愼等由是獲免。時夏官侍郎李迥秀恃張易 懷素累轉禮部員外郎,與源乾曜、盧懷 開元初,爲戶部侍郎, 加銀青光祿大 時貴戚縱态,

藏之祕府。」上於是召學涉之士國子博士尹知章等,分部撰錄,幷刊正經史,粗創首尾。會 以申師資之禮。是時祕書省典籍散落,條流無敍,懷素上疏曰:「南齊已前墳籍,舊編王儉 懷素病卒,年六十,上特爲之舉哀,廢朝一日,贈潤州刺史,諡曰文。 傳,浮詞鄙而猶記。若無編錄,難辯淄、澠。望括檢近書篇目,丼前志所遺者,續王儉七志, **迟远。已後著述,其數盈多,隋志所書,亦未詳悉。或古書近出,前志闕而未編;或近人相** 同爲侍讀。 懷素雖居吏職,而篤學,手不釋卷,謙恭謹愼,深爲玄宗所禮,令與左散騎常侍褚无量 每次閤門,則令乘肩輿以進。上居別館,以路遠,則命宮中乘馬,或親自送迎,

褚无量,字弘度,杭州鹽官人也。 幼孤貧,勵志好學。家近臨平湖,時湖中有龍鬭,傾里

景龍 **閈就觀之,无量時年十二,讀書晏然不動。及長,尤精三禮及史記,舉明經,累除國子博士。** 子祭酒祝欽明、司業郭山惲皆希旨, 三年,遷國子司業,兼修文館學士。是歲,中宗將親祀南郊,詔禮官學士修定儀注。 請以皇后爲亞獻, 无量獨與太常博士唐紹、蔣欽緒固 或

爭,以爲不可。

无量

一建議

莫如周禮。 后不合預 制。 祭中最大,皇后內主,禮位甚尊。 人倫。其義可以幽贊神明,其文可以經緯邦國,備物致用,其可忽乎! 順 天心,下符人事,欽若稽古,率由舊章,然後可以交神明,可以膺福 蓋由祭天南郊,不以地配,唯將始祖爲主,不以祖妣配天,故唯皇帝親行其禮 夫郊祀者,明王之盛事,國家之大禮。行其禮者,不可以臆斷,不可以情求,皆上 也。 周禮者,周公致太平之書,先聖極由衷之典,法天地而行教化,辯方位 若合郊天助祭,則當具著禮典。 今偏檢周官,無此 站。 至如冬至圓丘, 然禮文雖衆, 而敍 儀 皇

凡者,生上起下之名,不專繫於本職。、潤禮一部之內,此例極多,備在文中,不可具錄。 不祭祀,則攝而薦豆箋」。 文云:「凡大祭祀,王后不與,則攝而薦豆箋,徹。」若皇后合助祭,承此下文,卽當云「若 謹按大宗伯職云:「若王不與祭祀(1),則攝位。」注云:「王有故,代行其祭事。」 下 今於文上更起凡, 則是別生餘事。 夫事與上異, 則 別 起

掌宗廟之祀,王后不與,則贊宗伯」。此之一文,與上相證。何以明之?案外宗唯掌宗 廟祭祀,不掌郊天,足明此文是宗廟祭也。案王后行事,總在內宰職中。檢其職文,唯 而不徹。」則知中徹者,爲宗伯生文。 若宗伯攝祭,則宗伯親徹,不別使人。 又案「外宗 祭天七獻,無后亞獻。以此諸文參之,故知后不合助祭天也。 也。又內司服掌王后六服,無祭天之服;而巾車職掌王后之五輅,亦無后祭天之輅; 云「大祭祀,后祼獻則贊,珞爵亦如之」。 鄭注云:「謂祭宗廟也。」 注所以知者,以文云 文王后助祭,親薦豆箋而不徹。案九嬪職云:「凡祭,贊后薦,徹豆箋。」注云:「后進之 「裸獻」,祭天無祼,以此得知。又祭天之器,則用陶匏,亦無瑤爵,注以此得知是宗廟

倫,黷神諂祭,不經之典,事涉誣神。故易傳曰:「誣神者,殃及三代。」太誓曰:「正稽古 朝叶昭曠之塗,天下知文物之盛,豈不幸甚。 古,忝守經術,不敢默然。請旁詢碩儒,俯摭舊典,採曲臺之故事,行圓丘之正儀,使聖 立功立事,可以永年,承天之大律。」斯史策之良誠,豈可不知。今南郊禮儀,事不穩 唯漢書郊祀志則有天地合祭,皇后預享之事,此則西漢末代,強臣擅朝,悖亂奪

時左僕射章巨源等阿旨,叶同欽明之議,竟不從无量所奏。

尋以母老請停官歸侍。 景雲初,玄宗在春宮,召拜國子司業,兼皇太子侍讀,嘗撰翼灣

爲造腰輿,令內給使輿於內殿。一元量頻上書陳時政得失,多見納用。又嘗手敕褒美,賜物二 國公,實封二百戶。未幾,丁憂解職,廬於墓側。其所植松柏,時有鹿犯之,无量泣而言曰: 禮記,各隨端立義,博而且辯,觀者歎服焉。旣畢,進授銀靑光祿大夫,發賜以章服,幷綵絹 記以進之,皇太子降書嘉勞,賚絹四十匹。太極元年,皇太子國學親釋奠,令无量講孝經、 終身不 「山中衆草不少,何忍犯吾先塋樹哉!」因通夕守護。 俄有羣鹿馴狎,不復侵害,无量因此 食鹿肉。服闋,召拜左散騎常侍,復爲侍讀。以其年老,每隨仗出入,特許緩行,又 玄宗即位,遷郯王傅,兼國子祭酒。尋以師傅恩遷左散騎常侍,仍兼國子祭酒,封節

宗令於東都乾元殿前施架排次,大加搜寫,廣采天下異本。數年間,四部充備,仍引公卿已 量。」遽令選經明篤行之士國子博士郄恆通郭謙光、左拾遺潘元祚等,爲太子及郯王已下侍 五 下入殿前 人,年近十歲,尚未就學,无量繕寫論語、孝經各五本以獻。 病卒,年 无量以內庫舊書,自高宗代卽藏在宮中,漸致遺逸,奏請繕寫刊校,以弘經籍之道。 ,令縱觀焉。開元六年駕還,又敕无量於麗正殿以續前功。 太子就國子監行齒胄之禮,无量登座說經,百僚集觀,禮 七十五。 臨終遺言以麗正寫書未畢爲恨。 上爲舉哀,廢朝 上覽之曰:「吾知无量意无 |畢,賞賜甚厚。 皇太子及郯王嗣 河田, 贈禮部尙書, 明年, 直等

列

傳

第

五十

猪无量

劉

子玄

三一六八

諡曰文。

行果等又入侍講,雖屢加賞賜,而禮遇不逮褚焉 初,无量與馬懷素俱爲侍讀,顧待甚厚;及无量等卒後,祕書少監康子元、國子博士侯

侍郎蘇味道、李嶠見而歎曰:「陸機豪士所不及也。」 獲嘉 **爵**僭濫而**法**網嚴密,士類競爲趨進而多陷刑戮,知幾乃著思愼賦以刺時,且以見意。 主簿。證聖年,有制文武九品已上各言時政得失,知幾上表陳四事,詞甚切直。是時官 劉子玄,本名知幾,楚州刺史胤之族孫也。少與兄知柔俱以詞學知名,弱冠舉進士,授 鳳閣

監修國史,知幾以監修者多,甚爲國史之弊。蕭至忠又嘗責知幾著述無課,知幾於是求罷 依舊修國史。 知幾長安中累遷左史,兼修國史。擢拜鳳閣舍人,修史如故。景龍初,再轉太子中允, 時侍中韋巨源紀處訥、中書令楊再思、兵部尚書宗楚客、中書侍郎蕭至忠並

哉?靜言思之,其不可者五也。何者?古之國史,皆出自一家,如魯、漢之丘明、子長, 僕自策名士伍,待罪朝列,三爲史臣,再入東觀,竟不能勒成國典,貽彼後來者,何 史任,奏記於至忠日:

駿。 於當代,傳、范兩家嗤之於後葉。今史司取士,有倍東京,人自以爲間、遠,家自稱爲政、 晉、齊之董狐、南史,咸能立言不朽,藏諸名山,未聞藉以衆功,方云絕筆。唯後漢東觀 大集羣儒,而著述無主,條章靡立。由是伯度譏其不實,公理以爲可焚,脹、察二子糾之 每欲記一事,載一言,皆閣筆相視,含毫不斷。故首白可期,而汗靑無日。

使尼父再出、獨且成其管窺,況限以中才,安能遂其博物。其不可二也。 起居;衣冠百家,罕通行狀。求風俗於州郡,視聽不該;討沿革於臺閣,簿籍難見。 史官所修,載事爲博。原自近古,此道不行,史臣編錄,唯自詢採。而左右二史,闕注 前漢郡國計書,先上太史,副上丞相;後漢公卿所撰,始集公府,乃上蘭臺。 由是

門,幽居九重,欲人不見。尋其義者,由杜彼顏面,防諸請謁故也。 棲毫而搢紳咸誦。 士如林、皆願長喙、無聞觸舌。倘有五始初成,一字加貶,言未絕口 ,!其不可三也。 昔董狐之書法也,以示於朝;南史之書弒也,執簡以往。而近代史局, 夫孫盛實錄,取嫉權門;王韶直書,見讎貴族。人之情也,能無畏 然今館中作者,多 而朝野具知, 皆通籍禁 筆未

古者刊定一史,纂成一家,體統各殊,指歸咸別。 夫倘書之敎也,以疏通知遠爲

則云「必須直詞」,宗尚書則云「宜多隱惡」。十羊九牧,其事難行;一國三公,適從焉 斯並襲賢得失之例,良史是非之準,作者言之詳矣。頃史官注記,多取稟監修,楊令公 春秋之義也,以懲惡勸善爲先。史記則退處士而進姦雄,漢書則抑忠臣而飾主闕。

在?其不可四也。

某傳、 成。 削之例也。 紀編年,則年有斷限;草傳敍事,則事有豐約。或可略而不略,或應書而不書,此失刊 今監之者旣不指授,修之者又無邈奉。用使爭學苟且,務相推避,坐變炎涼,徒延 竊以史置監修,雖無古式,尋其名號,可得而言。夫言監者,蓋總領之義耳。 歸之此官。此銓配之理也。斯並宜明立科條,審定區域,倘人思自勉,則書可立 其不可五也 屬詞比事,勞逸宜均;揮鉛奮墨,勤惰須等。某帙某篇,付之此職;某紀 如創

筆之官,願罷記言之職者,正爲此耳。當今朝號得人,國稱多士。蓬山之下,良直差 序已淹,何時輟手?竊以綱維不舉,而督課徒勤,雖威以次骨之刑,勗以懸金之賞,終 不可得也。 比者伏見明公每汲汲於勸誘,勤勤於課責。或云墳籍事重,努力用心;或云歲 凡 此不可,其流實多,一言以蔽,三隅自反。而時談物議,焉得笑僕編次無聞者 語曰:「陳力就列,不能則止。」僕所以比者布懷知己,歷抵羣公(三),屢辭載

;芸閣之中,英奇接武。僕旣功虧刻鵠,筆未獲麟,徒殫太官之膳,虛索長安之米。

乞以本職,還其舊居,多謝簡書,請避賢路。惟明公足下哀而許之。

至忠惜其才,不許解史任。宗楚客嫉其正直,謂諸史官曰:「此人作書如是,欲置我何地

者,宜置此書於座右。」知幾自負史才,常慨時無知己,乃委國史於著作郎吳兢,別撰劉氏家 王囂曾孫司徒居巢侯劉愷之後,不承楚元王交。皆按據明白,正前代所誤,雖爲流俗所譏, 史十五卷、譜考三卷。 時知幾又著史通子二十卷,備論史策之體。太子右庶子徐堅深重其書,嘗云:「居史職 推漢氏爲陸終苗裔,非堯之後。 彭城叢亭里諸劉,出自宣帝子楚孝

功, 學者服其該博。 果封居巢縣子。 初,知幾每云若得受封,必以居巢爲名,以紹司徒舊邑;後以修則天實錄 又鄉人以知幾兄弟六人進士及第, 文學知名, 改其鄉里爲高陽鄉

**単里。** 

皆乘馬著衣冠。

子玄進議

東宮,知幾以名音類上名,乃改子玄。二年,皇太子將親釋奠於國學, 景雲中,累遷太子左庶子,兼崇文館學士,仍依舊修國史,加銀青光祿大夫。 有司草儀注 時玄宗在 令從臣

歷代經史, 古者自大夫已上,皆乘車而以馬爲騑服。魏、晉已降,迄乎隋代,朝士又駕牛車 具有其事,不可一二言也。 至如李廣北征,解鞍憩息; 馬援南伐,據鞍顧

列傳第五十二 劉子玄

乘馬 憑軾,可擐朝衣;單馬御鞍,宜從褻服。求之近古,灼然之明驗也 ,則爲御史所彈。又顏延之罷官後,好騎馬出入閭里,當代稱其放誕。 斯則鞍馬之設,行於軍旅,戎服所乘,貴於便習者也。 按江左官至尚書郎而 此則專車 輒輕

傍, 絓驂相續, 固以受嗤行路, 有損威儀。 塵之內,出入於旌棨之間,倘馬有驚逸,人從顚墜,遂使屬車之右,遺履不收,淸道之 驚今俗。求諸折中,進退無可。 且長裾廣袖,襜如翼如,鳴珮行組,鏘鏘奕奕,馳驟於風 冠,本非馬上所施,自是車中之服。必也韈而升鐙,跣以乘鞍,非唯不師古道,亦自取 行,今乘車旣停,而冠履不易,可謂唯知其一而未知其二也。 臣伏見比者鑾輿出幸,法駕首途,左右侍臣,皆以朝服乘馬。 庶有衣冠親迎者,亦時以服箱充馭。在於他事,無復乘車,貴賤所行,通用鞍馬而已。 自皇家撫運,沿革隨時。至如陵廟巡謁,王公册命,則盛服冠履,乘彼輅車。 何者?褒衣博帶,革履高 夫冠履而出,只可配車而

於水鄉,非京華所有;帷帽創於隋代,非漢宮所作。議者豈可徵此二畫,以爲故實者 公祖二疏,而兵士有著芒屬者;閻立本畫明君入匈奴,而婦人有著帷帽者。 夫芒屬出 臣案此圖是後人所爲,非當時所撰。且觀代間有古今圖畫者多矣,如張僧繇畫羣 今議者皆云祕閣有梁武帝南郊圖,多有危冠乘馬者,此則近代故事,不得謂無其

乘馬 不一 衣冠, 由 斯而言,則梁氏南郊之圖,義同於此。 秦冠漢佩,用捨 竊謂 宜從省廢。 無常。 臣懷此異議,其來自久,日不暇給,未及推揚。 況我國家道軼百王,功高萬古,事 又傳稱因俗,禮貴緣情。 有不便, 殷輅周冕, 理資 今屬殿下親 變通 規模 其

皇太子手令付外宣行,仍編入令,以爲常式。

從齒

青

,將臨國學,凡有衣冠乘馬,皆憚此行,所以輒進狂言,用申鄙見

爲當時所稱。 <u>| 玄注、老子無河上公注,修唐書實錄,皆行於代,有集三十卷。</u> 幼及長,述作不倦,朝有論著,必居其職。 **夐古已來,能應斯目者,罕見其人。」時人以爲知言。子玄至安州,無幾而卒,年六 贼**臣,所以知懼,此則爲虎傅翼,善無可加,所向無敵者矣。脫苟非其才,不可叨居 石,巧若公輸,而家無楩柟斧斤,終不果成其宮室者矣。 猶須好是正直,善惡必書, 理,上聞而怒之,由是貶授安州都督府別駕。 有良田百頃,黃金滿籯,而使愚者營生,終不能致於貨殖者矣。 「史才須有三長,世無其人,故史才少也。 三長:謂才也,學也,識也。 開元初,遷左散騎常侍,修史如故。 禮部尚書鄭惟忠嘗問子玄曰:「自古已來,文士多而史才少, 九年,長子既爲太樂令,犯事配流。 預修三教珠英、文館詞林、姓族系錄,論孝經 子玄掌知國史,首尾二十餘年, 後數年,玄宗敕河南府就 如有才而無學,亦猶 夫有學而 何也? 子玄詣執政 多所撰述,甚 無才, 史任。 + 使驕 思 一。自 對 日: 亦猶 非 兼 自 訴

傳

寫史通以進,讀而善之,追贈汲郡太守,尋又贈工部尙書,諡曰文。

卿、尙書右丞、工部尙書、東都留守。卒,贈太子少保,諡曰文。代傳儒學之業,時人以述作 兄知柔,少以文學政事,歷荆揚曹益宋海唐等州長史刺史、戶部侍郎、國子司業、鴻臚

子玄子既、觫、彙、秩、迅、迥,皆知名於時。

貺,博通經史,明天文、律曆、音樂、醫算之術,終於起居郎、修國史。撰六經外傳三十七

卷、續說苑十卷、太樂令壁記三卷、眞人肘後方三卷、天官舊事一卷。

餗,右補闕、集賢殿學士、修國史。著史例三卷、傳記三卷、樂府古題解一卷。

彙,給事中、尙書右丞、左散騎常侍、荆南長沙節度,有集三卷。

要三卷。論喪紀制度加纏豆,許私鑄錢,改制國學,事各在本志。

l秩,給事中、尚書右丞、國子祭酒。撰<sub>政典</sub>三十五卷、止戈記七卷、至德新議十二卷、指

迅,右補闕,撰六說五卷。

迥,諫議大夫、給事中,有集五卷。

既子狹、滋,彙子贊。 滋,貞元中位至宰輔。 贊,觀察使,自有傳·

筆。堅獨與說構意撰錄,以文思博要爲本,更加姓氏、親族二部,漸有條流。 制,俄而書成,遷司封員外郎。則天又令堅删改唐史,會則天遜位而止。 麟臺監張昌宗及成均祭酒李嶠總領其事,廣引文詞之士,日夕談論,賦詩聚會,歷年未能下 才識,走避不得。」堅又與給事中徐彥伯、定王府倉曹劉知幾、右補闕張說同修三教珠英。時 方慶深善之。又賞其文章典實,常稱曰:「掌綸誥之選也。」再思亦曰:「此鳳閣舍人樣,如此 判官,表奏專以委之。方慶善三禮之學,每有疑滯,常就堅質問,堅必能徵舊說,訓釋詳明, 學(三)。聖曆中,車駕在三陽宮,御史大夫楊再思、太子左庶子王方慶爲東都留守, 徐堅, 西臺舍人齊耼子也。少好學, **徧覽經史,性寬厚長者。** 進士舉,累授太子文 諸人依堅等規 引堅爲

四海。」中宗納堅所奏,遂令決杖,配流嶺表。 舉必書,將何以訓?伏願詳依國典,許至秋分,則知恤刑之規,冠於千載;哀矜之惠,洽乎 陛下誕膺靈命,中興聖圖,將弘巖、軒之風,以光史策之美,豈可非時行戮,致傷和氣哉! 夏在辰,天道生長,即從明戮,有乖時令。謹按月令:『夏行秋令,則丘隰水潦,禾稼不熟。』 即令殺之。時方盛夏,堅上表曰:「月將誣構良善,故違制命,準其情狀,誠合嚴誅。 但今朱 神龍初,再遷給事中。時雍州人韋月將上書告武三思不臣之跡,反爲三思所陷,中宗 君

列

第五十

徐堅

劍南兵往築城,將以列置州縣。 屬之,未得同華夏之制,勞師涉遠,所損不補所獲,獨建議以爲不便。 知古,相率反叛,役徒奔潰,姚、嵩路由是歷年不通。 史李知古請兵以擊姚州西貳河蠻,旣降附,又請築城,重征稅之。堅以蠻夷生梗, **睿宗卽位,堅自刑部侍郎加銀青光祿大夫,拜左散騎常侍,俄轉黃門侍郎。** 知古因是欲誅其豪傑,沒子女以爲奴婢。 睿宗不從, 令知古發 蠻衆恐懼, 時監察御 可以羈縻 乃殺

以詞學著聞,議者方之漢世班氏。 布以賵之,贈太子少保,諡曰文。堅長姑爲太宗充容,次姑爲高宗婕妤,並有文藻。 公。以修東封儀注及從升太山之功,特加光祿大夫。堅多識典故,前後修撰格式、氏族及國 史等,凡七入書府,時論美之。十七年卒,年七十餘。上深悼惜之,遣中使就家弔, 蓋避難也。」及義誅,堅竟冤深累。出爲絳州刺史,五轉復入爲祕書監。 左散騎常侍。其年,玄宗改麗正書院爲集賢院,以堅爲學士,副張說知院事,累封東海郡 堅妻卽侍中岑羲之妹,堅以與羲近親,固辭機密,乃轉太子詹事,謂人曰:「非敢求高, 開元十三年, 堅父子 內出絹 再遷

參朮芝桂以防疴疾。 規誡,嘗謂仁傑曰:「下之事上,亦猶蓄聚以自資也。 尤善音律及詁訓之書。舉進士,累轉通事舍人,納言狄仁傑甚重之。 日:「此吾樂籠中物,何可一日無也!」九遷至陝州刺史,兼隴右、關內兩道按察使,未行,拜 伏想門下賓客, 堪充旨味者多,願以小人備一藥物。」仁傑笑而謂人 **譬貴家儲積**, 則 行沖性不阿順,多進 補腊

開

開

以

供

及

強

勝

、

魏明帝時,河西柳谷瑞石有牛繼馬後之象,魏收舊史以爲晉元帝是牛氏之子,冒姓司馬,以 石文。行沖推尋事跡,以後魏昭成帝名犍,繼晉受命,考校謠讖,特著論以明之。 行沖以本族出於後魏,而未有編年之史,乃撰魏典三十卷,事詳文簡,爲學者所稱。 初

太常少卿

散職。 爲讒邪所構,又奏請從輕條出之。當時雖不見從,深爲時論所美。 大理卿。時揚州長史李傑爲侍御史王旭所陷,詔下大理結罪,行沖以傑歷政清貞,不宜枉 兄志謙被人誣告謀反,考訊自誣,繫獄待報,連坐十數人,行沖察其冤濫,並奏原之。 固辭按察,乃以寧州刺史崔琬代焉。俄復入爲右散騎常侍、東都副留守。時嗣彭王志陳庶 開元初,自太子詹事出爲岐州刺史,又充關內道按察使。行沖自以書生不堪搏擊之任, 七年,復轉左散騎常侍。九遷國子祭酒,月餘,拜太子賓客、弘文館學士。 俄又固辭刑獄之官,求爲 累封常山 四

列傳第五十二 元行沖

成, 命學士鄂縣尉毋煚、櫟陽尉韋述、曹州司法參軍殷踐猷、太學助教余欽等分部修檢,歲餘書 書,事未就而懷素、无量卒,韶行沖總代其職。於是行沖表請通撰古今書目,名爲羣書四錄, 奏上之。上又特令行沖撰御所注孝經疏義,列於學官。尋以衰老罷知麗正殿校寫書 秘書監馬懷素集學者續王儉今書七志,左散騎常侍褚无量於麗正殿校寫四部

奏上之。 學官。 行沖等絹二百匹,留其書貯於內府,竟不得立於學官。 等解徵所注,勒成一家,然與先儒第乖,章句隔絕,若欲行用,竊恐未可。」上然其奏,於是賜 貞觀中,魏徵因孫炎所修,更加整比,兼爲之注,先朝雖厚加賞錫,其書竟亦不行。今行沖 年,著爲經敎,不可刊削。 初,有左衞率府長史魏光乘奏請行用魏徵所注類禮,上遽令行沖集學者撰義疏,將立 行沖於是引國子博士范行恭、四門助教施敬本檢討刊削,勒成五十卷,十四年八月 尚書左丞相張說駁奏曰:「今之禮記,是前漢戴德、戴聖所編錄,歷代傳習,已向千 其詞曰: 至魏孫炎始改舊本,以類相比,有同抄書,先儒所非,竟不行用。 行沖恚諸儒排己,退而著論以自釋,

又承制旨,造疏將頒。未悉二經,孰爲優劣?」主人答曰:「小戴之禮,行於漢末,馬融 客問主人曰:「小戴之學,行之已久,康成銓注,見列學官。傳聞魏公,乃有刊易, 列傳第五十二 元行冲

賞、資縑千匹、錄賜儲藩。將期强宜、未有疏義。聖皇纂業、耽古崇儒、高曾規矩、宜所 錯雜,紬衆說之精深。經文不同,未敢刊正;注理睽誤,等不芟礱。成畢上聞,太宗嘉 自後條例支分,箴石間起。馬伷增革,向踰百篇,、葉遵删修,僅全十二。魏公病羣言之 疲,聞義能徙,具於鄭志,向有百科。章句之徒,曾不窺覽,猶遵覆轍,頗類刻舟。 錮獄起,師門道喪,康成於竄伏之中,理紛拏之典,志存探究,靡所咨謀。 而猶緝述忘 注之,時所未覩。盧植分合二十九篇而爲說解,代不傳習。鄭因子幹,師於季長。屬黨 貫,沉疑多月,擯壓不申。 進,敕付羣儒,庶能斟詳,以課疏密。豈悟章句之士,堅持昔言,特嫌知新慤,欲仍舊 修襲,乃制昏愚,甄分舊義。其有注移往說,理變新文,務加搜窮,積稔方畢。具錄呈 因之,重茲開釋,或多改駁,仍按本篇。又鄭學之徒,有孫炎者,雖扶玄義,乃易前編。 優劣短長,定於通識,手成口答,安敢銓量。」

難 比肩皆是。 『相如常忿俗儒淫詞冒義,欲撥亂反正而未能果。然雅達通博,不代而生;浮學守株, 是何言歟?談豈容易!昔孔安國注壁中書,會巫蠱事,經籍道息。族兄臧與之書曰: 一矣。 客曰:「當局稱迷,傍觀見審,累朝銓定,故是周詳,何所爲疑,不爲申列?」答曰: 衆非難正,自古而然。誠恐此道未申,而以獨智爲議也。』則知變易章句,其

學,而君獨修古義,修古義則非章句內學,非章句內學則危身之道也。獨善不容於代, 「漢有孔季產者,專於古學;有孔扶者,隨俗浮沉。扶謂產云:『今朝廷皆爲章句內

黨之議,卒令子駿負謗於時。則知變易章句,其難三矣。 名儒襲勝,時爲光祿,見歌此議,乃乞骸骨,司空師丹,因大發怒,奏歌改亂前志,非毁 納,令其討論,各遷延推辭,不肯置對。劉歆移書責讓,其言甚切,諸博士等皆忿恨之。 必將貽患禍乎!』則知變易章句,其難二矣。 先朝所立。帝曰:『此廣道術,何爲毀耶?』由是犯忤大臣,懼誅,求出爲河南太守,宗 室不典三河,又徙五原太守。以君賓之著名好學,仲公之深博守道(日),獨迫同門朋 「劉歆以通書屬文,待詔官署,見左氏傳而大好之,後蒙親近,欲建斯業。哀帝欣

對,疲於歲時。則知變易章句,其難四矣。 答以聞。又遣博士張融案經論詰,融登召集,分別推處,理之是非,具聖證論。汪肅酬

「子雅規玄數十百件,守鄭學者,時有中郞馬昭,上書以爲肅繆。韶王學之輩,占

求其學。得尙書注,退而思之,以盡其意,意皆盡矣。所疑之者,猶未喻焉。凡有兩卷, 伊、洛已東,淮、漢之北,一人而已,莫不宗焉。咸云先儒多闕,鄭氏道備,粲竊嗟怪,因 「卜商疑聖,納誚於曾興;木賜近賢,貽嗤於武叔。自此之後,唯推鄭公。王粲稱

子愼 名也。 之區 淹年月,賴諸賢輩能左右之,免致愆尤,仍叨賞賚,內省昏朽,其榮已多。何遽持一己 道之行廢,必有其時者歟!僕非專經,罕習章句,高名不著,易受輕誣。頃者修撰,殆 也。而專門之徒,恕已及物,或攻先師之誤,如聞父母之名,將謂亡者之德言而見壓於 亦玄慮之失也。及服虔釋傳,未免差違,後代言之,思弘聖意,非謂揚已之善,掩人之 百餘年,未有偉於玄者。然二郊之祭,殊天之祀,此玄誤也。其如皇天祖所自出之帝, 列於其集。又王肅改鄭六十八條,張融覈之,將定臧否。融稱玄注泉深廣博,兩漢四 失,中材 廷遠矣。孔季產云:『物極則變。比及百年外,當有明直君子,恨不與吾同代者。』於戲! 句,其難五 士大夫恥爲章句。唯草野生以專經自許,不能究覽異義,擇從其善。徒欲父康成,兄 重壤也。 ,等道孔聖誤,諱聞鄭、服非。然於鄭、服甚憒憒、鄭、服之外皆讎也。』則知變易章 ·伏以安國尙書、劉歆左傳,悉遭擯於曩葉,咸見重於來今。故知二人之鑒,高於漢 ,抗羣情之噂喈,捨勿矜之美,成自我之私,觸近名之誠,興犯衆之禍。 一舉四 何者?君子用心,願聞其過,故仲尼曰『過也人皆見之,更也人皆仰之』是 不爲,是用韜聲,甘此沉默也。」 故王劭史論曰:『魏、晉浮華,古道夷替,洎王肅、杜預, 更開門戶。歷載三百, 也。

列傳

第

Ħ.

+

元行沖

行沖俄又累表請致仕,制許之。十七年卒,年七十七,贈禮部尚書,諡曰獻。

監修國史,奏取處所撰國史,得六十五卷。累遷台、洪、饒、蘄四州刺史,加銀靑光祿大夫, 稱之。末年傷於太簡。國史未成,十七年,出爲荆州司馬,制許以史稿自隨。中書令蕭嵩 議大夫,依前修史。俄兼修文館學士,歷衞尉少卿、左庶子。居職殆三十年,敍事簡要,人用 開元三年服闋,抗疏言曰:「臣修史已成數十卷,自停職還家,匪忘紙札,乞終餘功。」乃拜諫 遷右補闕,與章承慶、崔融、劉子玄撰則天實錄成,轉起居鄓。俄遷水部郞中,丁憂還鄉里。 及居相輔、薦兢有史才,堪居近侍,因令直史館,修國史。累月,拜右拾遺內供奉。 遷相州長史,封襄垣縣子。天寶初改官名,爲鄴郡太守,入爲恆王傅。 ,汴州浚儀人也。 勵志勤學,博通經史。宋州人魏元忠、亳州人朱敬則深器重之, 神龍中,

家,時年八十餘。一兢卒後,其子進一兢所撰唐史八十餘卷,事多紕繆,不逮於壯年。一兢家聚書 卷,又傷疏略。 頗多,嘗目錄其卷第,號吳氏西齋書目。 一鼓嘗以梁、陳、齊、周、隋五代史繁雜,乃別撰梁、齊、周史各十卷、陳史五卷、隋史二十 兢雖衰耗,猶希史職,而行步傴僂,李林甫以其年老不用。 天寶八年,卒於

述爲 待明試。」之問曰:「本求異才,果得遷、固。」是歲登科。 景駿之姑子,爲時大儒,常載書數車自隨。述入其書齋,忘寢與食。行沖異之,引與之談,貫 童年有何事業?」述對曰:「性好著書。」述有所撰唐春秋三十卷,恨未終篇。 穿經史,事如指掌,探隨奧旨,如遇師資。又試以綴文,操牘便就。行沖大悅,引之同楊曰: 「此吾外家之寶也。」舉進士,西入關,時述甚少,儀形眇小。考功員外郎宋之問曰:「韋學士 兒童時,記覽皆徧,人駭異之。景龍中,景駿爲肥鄉令,述從父至任。 司農卿弘機曾孫也。 父景駿、房州刺史。述少聰敏、篤志文學。家有書二千卷、 洛州 至如詞策, 仰 刺史元行沖,

錄之中,別撰成開元譜二十卷。其篤志忘倦,皆此類也。 卷,述於分課之外手自抄錄,暮則懷歸。 |沖代掌其事,五年而成,其總目二百卷。||述好譜學,祕閣中見常侍||柳沖先撰||姓族孫錄二百 齊澣、秘書少監王珣、衞尉少卿吳兢幷逃等二十六人,同於秘閣詳錄四部書。懷素尋卒,行 開元五年,爲櫟陽尉。祕書監馬懷素受詔編次圖書,乃奏用左散騎常侍元行沖、左庶子 如是周歲,寫錄皆畢,百氏源流,轉益詳悉。乃於柳

轉右補闕,中書令張說專集賢院事,引述爲直學士,遷起居舍人。 列 五 + = 說重詞學之士,述與

載,兼 張九齡、許景先、袁暉、趙冬曦、孫逖、王翰常遊其門。趙冬曦兄冬日,弟和壁、居貞、安貞、 中書令,卽集賢之同職,裴耀卿爲侍中,卽述之舅,皆相推重,語必移晷。 二十七年,轉國子 頤貞等六人,述弟迪、道、逈、氾、巡亦六人,並詞學登科。 十八年,兼知史官事,轉屯田員外郎、職方吏部二郎中,學士、知史官事如故。及張九齡爲 司業,停知 充禮儀使。其載遷尙書工部侍郎,封方城縣侯。 史事。俄而復兼史職,充集賢學士。天寶初,歷左右庶子,加銀青光祿大夫。九 說曰:「趙、韋昆季,今之杞梓也。」

仰,而 卷,事 累有修撰,竟未成一家之言。 蜀,述抱國史藏於南山,經籍資產,焚剽殆盡。 器、藥方、格式、錢譜、璽譜之類,當代名公尺題,無不畢備。 年,直因入奏言事稱旨,乃上疏理述於蒼黃之際,能存國史,致聖朝大典,得無遺逸,以功補 槧,雖御 三司議罪, 述在 簡而 純厚長者,澹於勢利,道之同者,無間貴賤,皆禮接之。家聚書二萬卷,皆自校定鉛 府不逮也。 書府四十年,居史職二十年,嗜學著書,手不釋卷。國史自令狐德棻至於吳兢, 記詳 流於渝州 ,雅有良史之才,蘭陵蕭穎士以爲譙周、陳壽之流。述早以儒術進,當代宗 兼古今朝臣圖,歷代知名人畫,魏、晉已來草隸眞跡數百卷,古碑、古 爲刺史薛舒困辱, 至述始定類例,補遺續闕,勒成國史一百一十三卷,并史例 不食而卒。 述亦陷於賊庭,授偽官。至德二年,收兩京, 其甥蕭直爲太尉李光弼判官,廣德二 及祿山之亂,兩京陷賊,玄宗幸

過,合霑恩宥。乃贈右散騎常侍。

則萬石爲最;達 議者云自唐已來,氏族之盛,無踰於韋氏。 於禮儀,則叔夏爲最,史才博識,以述爲最。 其孝友詞學,承慶、嗣立爲最; 明於音律, 所撰唐職儀三十卷、高宗實

錄三十卷、御史臺記十卷、兩京新記五卷,凡著書二百餘卷;皆行於代。

道,學業亦亞於述,尤精三禮, 與述對爲學士,迪同爲禮官,時人榮之。 累遷考功員外

郎、國子司業,以風疾卒。

三年登進 蕭穎 士者 士第,考功員外郎孫逖稱之於朝。 ,聰儁過人,富詞學,有名於時,賈曾、席豫、張垍及述皆引爲談客。 開元二十 褊躁無威儀,與時不偶,前後五授官,旋即駁

落。乾元初,終於揚府功曹。

**答**從子 述在 ,明班史,通於族姓。 秘 閣 時,與鄂縣尉毋煚、曹州司法殷踐猷並友善,二人相次卒。 子寅,有至性,早孤,事母以孝聞。 應宏詞舉 ,爲永寧尉 踐猷,申州刺史仲

博識多聞, 史臣曰:前代文學之士,氣壹矣,然以道義偶乖,遭遇斯難。 遇好文之君,隆師 資之禮,儒者之榮, 可謂際會矣。 劉、徐等五 馬懷素、褚无 公, 學際天人, 才 量好 古嗜學,

列

傳

第

五

+

窜逃

校勘

記

兼文史,俾西垣、東觀,一代粲然,蓋諸公之用心也。然而子玄鬱結於當年,行沖彷徨於極

筆,官不過俗吏,寵不逮常才,非過使然,蓋此道非趨時之具也,其窮也宜哉!

贊曰:學者如市,博通甚難;文士措翰,典麗惟艱。 馬、褚、兢、叇,徐、元、子玄,文學之

書,胡寧比焉!

#### 校勘記

(1) 若王不與祭祀 「與」字各本原無,據英華卷七六一、周禮卷一八大宗伯補。

(三) 歷抵羣公 「抵」,各本原作「詆」,據史通通釋卷二〇件時篇改。

(三) 太子文學 各本原作「太學」,據冊府卷七二八補「子文」二字。

(1) 仲公 各本原作「公仲」。按師丹字仲公,作公仲誤,今據漢書卷八六師丹傳改。

### 書卷 百百三

## 列傳第五十三

郭虔瓘 張嵩 郭知運 子英傑 王君臭 賈師順附 張守珪

#### 牛仙客 王忠嗣

領兵,以同俄之死,懼不敢歸,遂將其妻歸降。 以贖同俄。 其子移涅可汗及同俄特勤率精騎圍逼北庭行力, |虔瓘使勇士伏於路左,突起斬之。 郭虔瓘,齊州歷城人也。開元初,累遷右驍衞將軍,兼北庭都護。二年春,突厥默啜遣 及聞其死,三軍慟哭,便引退。 賊衆旣至,失同俄,相率於城下乞降,請盡軍中衣資器仗 默啜女壻火拔頡利發石阿失畢時與同俄特勤 虔瓘以破賊之功,拜冠軍大將軍,行右驍衞 虔瓘率衆固守。 同俄特勤單騎親逼城下, 同

列 净 **股**聞 第 五 賞有功、 + Ξ 報有德者,政之急也。若功不賞,德不報,則人何謂哉。 郭 塵 瓘 三一八七 雲麾將軍、檢 大將軍。

又下制曰:

勞臣勸而懦夫立焉。虔瓘可進封太原郡開國公,知運可封介休縣開國公。 史;將廉頗、李牧,與朕同時。眷言茂勳,是所嘉歎。信可以疇其井邑,昭示遐邇,俾 漢之外,奔迫孤城之下。 強寇益侵,援兵不至,旣守而戰,自秋涉多,櫪馬長嘶,戍人遠 紫金魚袋、上柱國郭知運等,早負名節,見稱義勇。頃者柳中、金滿,偏師禦敵,蕭條窮 太原縣開國子郭虔瓘,宣威將軍、守右驍衛翊府中郎將、檢校伊州刺史兼伊吾軍使、借 校右驍衞將軍,兼北庭都護、瀚海軍經略使、金山道副大總管、招慰營田等使、上柱國、 謀以十勝,成其九拒。途能摧日逐之遺種,斬天驕之愛息。豈耿恭、班超,獨高前

度瓘乃奏請募關中兵一萬人往安西討擊,皆給公乘,兼供熟食,敕許之。將作大匠章湊上 虔瓘俄轉安西副大都護、攝御史大夫、四鎭經略安撫使,進封潞國公,賜實封一百戶

疏曰:

兵,足宜式遏之威,非降赫斯之怒。此師之出,未見其名。臣又聞安不忘危, 見猶未實。 自近及遠,強幹弱枝,是以漢實關中,徙諸豪族。今關輔戶口,積久逋逃,承前先 臣聞兵者凶器,不獲已而用之。今西域諸蕃,莫不順軌。 屬北虜犯塞,西戎駭邊,凡在丁壯,征行略盡。豈宜更募驍勇,遠資荒 縱鼠竊狗盜, 有戍卒鎮 理必資

又一萬行人、詣六千餘里,咸給遞馱,並供熟食,道次州縣,將何以供。秦、隴之

圖之。」 萬 絕域, 得,校其多少,即知利害。 君稱盛德者 懷,不崇征伐,有占風覘雨之客,無越海踰 大同之化,不獨子子,不獨親親,何隔華戎,務均安靖。 ﹐里資粮,破損尤廣。 ,人戶漸少,凉州已去,沙磧悠然。 北擊匈 奴 咸指唐堯之代,不歸漢武之年。 雖廣獲珍奇, 縱令必克, 其獲幾何? 儻稽天誅, 無乃甚損 況用者必賞,獲者未量,何要此行,頓空畿甸。 多斬首級, 遣彼居人,如何得濟?又萬人賞賜, 山之師。 而中國疲耗, 其要功不成者, 其後漢武膺圖, 洎皇道謝古,帝德慚皇,猶尚綏 殆至危亡。 復焉足比議?惟陛下 !請令計議所用所 志恢土字, 是以俗號昇平、 且上古之時, 費用極 多;

| 皮瓘竟無克獲之功。尋遷右威衞大將軍,以疾卒。

許。 杜暹代嵩爲安西都護。 及在安西,務農重戰,安西府庫,遂爲充實。 其後,又以張嵩爲安西都護以代虔瓘。 嵩身長 十年,轉太原尹,卒官。 七尺,偉姿儀。 初進士舉, 俄又以黃門侍郎 常以 邊 任自

郭 知 列 運 傳 第 逢時 五 + ,瓜州 Ξ 郭 常樂人。 知 運 壯勇善射, 頗有膽略。 初爲秦州三度府果毅,以戰功累

監牧馬而去,詔知運率衆擊之。知運與薛訥、王晙等掎角擊敗之曰,拜知運鄯州都督、隨 賊所執,詔薛訥領兵討之。叛賊至綏州界,詔知運領朔方兵募橫擊之,大破賊衆於黑山呼 破突厥於北庭,以功封介休縣公,加雲麾將軍,擢拜右武衞將軍。其秋,吐蕃入寇隴右,掠 除左驍衞中郎將、瀚海軍經略使,又轉檢校伊州刺史,兼伊吾軍使。 甲及馬犛牛等數萬計(三)。知運獻捷,遂分賜京文武五品已上清官及朝集使,拜知運爲兼 延谷,賊捨甲仗幷棄張知運走。六年,知運又率兵入討吐蕃,賊徒無備,遂掩至九曲,獲鎖 右諸軍節度大使。四年多,突厥降戶阿悉爛、陜跌思太等率衆反叛,單于副都護張知運爲 亦號勇將,時人稱王、郭焉。子英傑、英乂。 百斛、絹帛五百段,仍令中書令張說爲其碑文。知運自居西陲,甚爲蕃夷所憚,其後王君奠 左武衞大將軍,授一子官,賜金銀器百事、雜綵千段。 九年,卒於軍,贈凉州都督,錫米粟五 鴻臚卿、攝御史中丞,加封太原郡公。八年,六州胡康待賓等反,詔知運與王晙討平之,拜 開元二年春,副郭虔瓘

羅守忠等率精騎萬人及降溪之衆以討契丹,屯兵於楡關之外,契丹首領可突干引突厥之 戰於都山之下(目)。官軍不利,知義、守忠率麾下便道遁歸。 英傑與克勤逢賊力戰,皆 英傑官至左衞將軍。開元二十一年, 其下精銳六千餘人仍與賊苦戰,賊以英傑之首示之,竟不降,盡爲賊所殺。英义, 幽州長史薛楚玉遣英傑及裨將吳克勤、烏知義、

皆盡 其後。 故 **壽爲少府監** |蕃 運卒,遂代知運爲河西、隴右節度使,遷右羽林軍將軍,判涼州都督事。 追之,不及。 、特賞 並 報國,今日何不 取軍資及倉糧。 馬萬數。 大將悉諾邏率衆入寇大斗谷,又移攻甘州,焚燒市里而去。 乘冰而 ,馬死過半。 王君矣,瓜州常樂人也。 (之,封爲武 會大雪,賊徒凍死者甚衆,賊遂取積石軍 渡。 ,仍聽致仕。上又嘗於廣 君臭以功遷右羽林軍 君奠先令人潛入賊境,於歸路燒草。 會悉諾邏已度大非山,輜重及疲兵尚在青海之側, 、威郡夫人。 君臭襲其後,入至青海之西,時海水冰合,君臭與秦州都督張景順等率將 戰? 又進攻玉門軍及常樂縣。 君臭聞父被執,登陴西向而哭,竟不敢出兵 其多,吐蕃寇陷 初,爲郭知運別奏,驍勇善騎射,以戰功累除右衞副率。 一大將軍 達樓引君奠及妻夏氏設宴,賜以金帛。 ,攝御史中丞,依舊判凉州 仍縱僧 [瓜州, 西路而還。 悉諾邏還至大非川,將息甲牧馬, 徒使歸凉州 執刺史田仁獻及君奠父壽, 君臭令副使馬元慶、裨將 君臭以其兵疲,整 謂 都督,封晉昌伯。 君奠日:「 君臭縱兵盡俘獲之,及 開元十六年多, 夏氏亦有戰功, 將軍常欲以忠 殺掠人戶, 土馬以: 拜其父 而 野 車 及 草 掩 吐 知

列

州,盧山都督思結歸國長流瓊州。 詣東都自陳枉狀。君奠遽發驛奏「迴紇部落難制,潛有叛謀」。上使中使往按問之,迴紇等竟 制贈特進、荆州大都督,給靈輿遞歸京師,葬於京城之東,官供喪事。仍令張說爲其碑文, 晡,左右盡死。遂殺君奠,馱其屍以奔吐蕃。 奪君奠旌節,先殺其左右宋貞,剖其心,云是其始謀也。 其怨。會吐蕃使間道往突厥,君奠率精騎往肅州掩之,還至甘州南鞏笹驛,護輸伏兵突起 輕。 問爲撫州別駕,嵩爲連州別駕。於是承宗之黨瀚海州司馬護輸糾合黨與,謀殺君奠,以復 不得理。 上自書石以寵異之。 及君奠爲河西節度使,迴紇等快快,恥在其麾下。 ,凉州界有迴紇、契苾、思結、渾四部落,代爲酋長,君奠微時往來凉府,爲迴紇等所 由是瀚海大都督迴紇承宗長流瀼州,渾大德長流吉州,賀蘭都督契苾承明長流藤 右散騎常侍李令問、特進契苾嵩以與迴紇等結婚,貶令 追及之,護輸遂棄君奠屍而走。上甚痛惜之, 君臭以法繩之,迴紇等積怨,密使人 **君**奠從數十人與賊力戰,自朝至

中,悉諾邏使夜就城下詐爲私見,謂師順曰:「瓜州已破,吐蕃盡衆來此,豈有拒守之理?小 將悉諾邏又盡引其衆乘勢以攻之,數日不陷。賊中有分得漢口爲妻者,其妻弟在常樂城 、妻弟在城,情有所念,明府何不早降,以全城中之衆。」師順答曰:「漢法,降賊者九族爲 吐蕃之寇瓜州也,分遣副將莽布支攻常樂縣,縣令賈師順嬰城固守。 及瓜州城陷,大

爲路。 使謂 **戮,吾受國官爵,祇可以死拒寇,豈得背恩降賊!」悉諾邏知師順不降,又攻城八日,復令前** 師順 悉諾邏 日:「明府既 知城中無 不肯降,吾衆欲還,城中豈無財物以相贈 財帛,夜燒死人,收營而去,引衆毀瓜州 耶? 城。 師順遽開門收器械, 師順 請脫士卒衣裳以 更

修守備。 吐蕃果使精騎 迴襲,而巡城 知有備,始去。

買師 順者 岐州人也。 以守城之功, 累遷鄯州都督、 隴右節度使。 入爲左領軍將軍

病卒。

凉,爲國之良將,方以子孫相託,豈得以僚屬常禮相期耶!」|守珪後累轉左金吾員外將軍 慨,有節義。 爲建康 救援,在路逢 突厥又寇北庭,虔瓘令守珪間道入京奏事 及賊敗,守珪以功特加游擊將軍,再轉幽州 張守珪,陝州 軍使 時盧 )賊甚衆,守珪身先士卒,與之苦戰,斬首千餘級,生擒賊率頡斤一人。 齊 河北人也。 卿 爲 幽 州刺 初以戰功授平樂府別將,從郭虔瓘於北庭鎮〔五〕,遣守珪率衆 史,深禮遇之,常共榻 ,守珪因上書陳 良社府果毅。 而 坐, 利害,請引兵自蒲昌、輪臺翼而擊 謂曰:「足下數年 守珪儀形瓌壯,善騎射,性慷 外必 開元初 節 度幽、

守

璶

祭祈禱,經宿而山水暴至,大漂材木,塞澗而流,直至城下。 舊業。守珪以戰功加銀靑光祿大夫,仍以瓜州爲都督府,以守珪爲都督。 將士。 賊疑城中有備,竟不敢攻城而退。 守珪縱兵擊敗之。於是修復廨宇,收合流亡,皆復 不宜稼穡,每年少雨,以雪水溉田。至是渠堰盡爲賊所毁,旣地少林木,難爲修葺。 曰:「彼衆我寡,又創痍之後,不可以矢石相持,須以權道制之也。」乃於城上置酒作樂,以會 修築州城。 十五年,吐蕃寇陷瓜州,王君奠死,河西恟懼。以守珪爲瓜州刺史、墨離軍使,領餘衆 板堞纔立,賊又暴至城下,城中人相顧失色,雖相率登陴,略無守禦之意。 守珪使取充堰,於是水道復舊, 瓜州地多沙磧, 守珪設 守珪

州人刻石以紀其事。明年,遷鄯州都督,仍充隴右節度。 與可突干爭權不叶,悔潛誘之,夜斬屈刺及可突干,盡誅其黨,率餘燼以降。守珪因出師 帳,賊徒初無降意,乃移其營帳漸向西北,密遣使引突厥,將殺悔以叛。會契丹別帥李過折 與可笑干恐懼,遺使詐降。守珪察知其僞,遺管記右衞騎曹王悔詣其部落就謀之。悔至屈刺 薛楚玉等前後爲幽州長史,竟不能拒。及守珪到官,頻出擊之,每戰皆捷。契丹首領屈剌 置使。先是,契丹及溪連年爲邊患,契丹衙官可突干驍勇有謀略,頗爲夷人所伏。趙含章、 次于紫蒙川,大閱軍實,<br />
聽賞將士,傳屈剌、可突干等首于東都,<br />
梟於天津橋之南。<br />
詔封李 二十一年,轉幽州長史、兼御史中丞、營州都督、河北節度副大使,俄又加河北採訪處

畢酺 御史大夫,餘官並如故。 過折爲北平王,使統其衆,尋爲可突干餘黨所殺。 事,便爲守珪飲至之禮,上賦詩以褒美之。 仍賜雜綵一千匹及金銀器物等, 廷拜守珪 二十三年春,守珪詣東都獻捷,會籍田 爲輔國大將軍、右羽林大將軍、兼 與二子官, 仍韶於幽州立 立碑以紀

功賞。

之。 而行。 **| 突餘燼於橫水之北,將踐其禾稼。** 伏法,守珪以舊功減罪,左遷括州 守珪厚路仙童,遂附會其事,但歸罪於白眞陀羅,逼令自縊 二十六年,守珪裨將趙堪、白眞陀羅等假以守珪之命,逼平盧軍使鳥知義 及逢賊,初勝後敗,守珪隱其敗狀而妄奏克獲之功。 刺史,到官無幾,疽發背而卒 知義初猶固辭, 真陀羅又詐稱 韶命以迫之, 事頗泄, 而死。 上令謁者牛仙 二十七年,仙童事露 知義 令率騎邀叛 不 得已 往 按

皆爲興元節度使,各自有傳。 弟守琦,左驍 衞 將 軍;守瑜, 金吾將軍。 守珪子獻誠、守瑜子獻恭、守琦子獻甫,

仙客參預其 牛 仙 客,涇州 事 遂 鶉觚 以軍 人也。 功累轉洮州 初爲縣 司馬。 小更, 開元初,王君奠爲河西節度使,以仙客爲判官,甚 縣令傅文靜甚重之。 文靜後爲隴右 營田使, 引

列

必以誠 委信之。 不從獲免。 河西節度使,判凉州事。歷太僕卿、殿中監,軍使 時又有 及嵩 俄 m 《入知政事,數稱薦之。 稍遷太僕少卿,判凉州 蕭嵩代君奠爲河西節度,又以軍政委於仙客。 判官宋貞,與仙客俱爲腹心之任。 及君奠死,宋貞亦爲迴紇所殺, 如故。 別駕事 仙客清勤不倦,接待上下, ,仍知節度留後事。竟 仙客以

代嵩爲

工部尚 度事。 書令張九齡執奏以爲不可,乃加實封二百戶。 傳往覆視之。 廷詰之,子諒辭窮,於朝堂決配流瀍州,行至 曰:「牛仙客不才,濫登相位,大夫國之懿親,豈得坐觀其事?」適之遽奏子諒之言,上大怒, 仙客既居相位, 開元二十四年秋,代信安王韓爲朔方行軍大總管,右散騎常侍崔希逸代仙客知河西節 書、 初,仙客在河西節度時,省用所積鉅萬,希逸以其 同中書門下三品 仙客所積倉庫盈滿,器械精勁, 獨善其身, 仍知門下事。 唯諾 而已。 |藍田 所有 時有監察御史周子諒竊言于御 皆如希逸之狀。上大悅,以仙客爲 其年十一月,九齡等罷 錫賚,皆緘 而 死 事奏聞,上令刑部員外郎 封不啓。 知 百司有所諮 政 事 史大夫李適之 , 遂 尚書。 以 張 決, 仙客 利貞馳 仙客 中 爲

州 年六十八。內出絹一千匹、布五百端,遺中使送至宅以賻之,贈尙書左丞,諡曰貞簡 日 ,「但依令式 刺 史。 俄 又 進 可也」,不敢措手裁決。 拜 ,侍中,兼兵部尙書。天寶年,改易官名, 明年 ·,特封 豳 國 公, 拜左相,尚書 贈其父意爲禮 如如 部尙書, 故。 其年七月卒, 祖會爲涇

魠 來弔,以其表上。 叔尚書右丞弈及兵部侍郎盧奐堪代己,閎爲起草。仙客時旣危殆,署字不成,其妻因中使 知休咎。 初,仙客爲朔方軍使,以姚崇孫閎爲判官。 仙客頗信惑之。及疾甚,閱請爲仙客祈禱,在其門下,遂逼仙客令作遺表薦閎 玄宗覺而怒之,左遷齊爲永陽太守,盧奐爲臨淄太守,賜閔死。 及知政事,閎累遷侍御史,自云能通鬼道,

甚衆。 客、郭知運、王晙、安思順以禦之,以海賓爲先鋒。及賊于渭州西界武階驛,苦戰勝之,殺獲 級,獲馬七萬五千匹、羊牛十四萬頭。玄宗聞而憐之,詔贈左金吾大將軍。 勇聞隴上。 王忠嗣,太原祁人也,家于華州之鄭縣。父海賓,太子右衞率、豐安軍使、太谷男,以驍 諸將嫉其功,按兵不救,海賓以衆寡不敵,歿于陣。 開元二年七月,吐蕃入寇,朝廷起薛訥攝左羽林將軍,爲隴右防禦使,率杜賓 大軍乘其勢擊之,斬首一萬七千

年。 應對縱橫 肅宗 忠嗣初名訓,年九歲,以父死王事,起復拜朝散大夫、尙輦奉御,賜名忠嗣,養於禁中累 ,皆出意表。玄宗謂之曰:「爾後必爲良將。」十八年,又贈其父安西大都護。 在忠即、與之游處。及長、雄毅寡言、嚴重有武略。 玄宗以其兵家子, 與之論兵,

其後,遂從河西節度、兵部尚書蕭嵩,河東副元帥、信安王緯, 並引爲兵馬使。二十一

列

攝御史大夫,兼充河東節度,又加雲麾將軍。二十九年,代章光乘爲朔方節度使,仍加權知 員,專又兼左羽林軍上將軍、河東節度副使,兼大同軍使。二十八年,以本官兼代州都督, 旣下新城,忠嗣之功居多,因授左威衞郎將,專知行軍兵馬。是秋,吐蕃大下,報新城之役, 拔新城,或言忠嗣之材足以輯事,必欲取勝,非其人不可。 希望即奏聞, 督。嘗短皇甫惟明義弟王昱,憾焉,遂爲所陷,貶東陽府左果毅。 河東節度事。其月,以田仁琬充河東節度使,忠嗣依舊朔方節度。 而復合,殺數百人,賊衆遂亂。三軍翼而擊之,吐蕃大敗。以功最,詔拜左金吾衞將軍同正 **晨壓**官軍,衆寡不敵,師人皆懼焉。 忠嗣乃以所部策馬而前,左右馳突,當者無不辟易,出 年再轉左領軍衞郎將、河西討擊副使、左威衞將軍、賜紫金魚袋、淸源男, 屬河西節度使杜希望謀 韶追忠嗣赴河西。 兼檢校代州都

伐之, 取其右廂而歸, 其西葉護及毗伽可敦、男西殺葛臘哆率其部落千餘帳入朝(水), 因加 竟遷延不至。忠嗣乃縱反間於拔悉密與葛邏祿、迴紇三部落,攻米施可汗走之。忠嗣因出兵 北,高會而旋。時突厥葉護新有內難,忠嗣盛兵磧口以威振之。烏蘇米施可汗懼而請降, 左武衞大將軍。明年,又再破怒皆及突厥之衆。自是塞外晏然,虜不敢入。天寶三載,突厥 九姓拔悉密葉護等竟攻殺烏蘇米施可汗(も),傳首京師。四載,加攝御史大夫,充河東節度採 天寶元年,兼靈州都督。是歲北伐,與溪怒皆戰于桑乾河,三敗之,大虜其衆,耀武漠

訪使。五月,進封淸源縣公。

斤,嘗貯之袋中,示無所用。軍中皆日夜思戰,因多縱間諜以伺虜之隙,時以奇兵襲之,故 於上以記之,軍罷却納。若遺失,即驗其名罪之。故人人自勸,甲仗充牣矣。 士樂爲用,師出必勝。每軍出,即各召本將付其兵器,令給士卒,雖一弓一箭,必書其名姓 在撫其衆而已。吾不欲疲中國之力,以徼功名耳。」但訓練士馬,缺則補之。有漆弓百五十 忠嗣少以勇敢自負,及居節將,以持重安邊爲務。 嘗謂人云:「國家昇平之時,爲將者

月,河、隴以皇甫惟明敗衂之後,因忠嗣以持節充西平郡太守,判武威郡事,充河西、隴右節 其載四月,固讓朔方、河東節度,許之。 久,備語邊事,得士卒心。及至河、隴,頗不習其物情,又以功名富貴自處,望減於往日矣。 **戰靑海、積石,皆大克捷。尋又伐吐谷渾於墨離,虜其全國而歸。初,忠嗣在河東、朔方日** 自國初已來,未之有也。尋遷鴻臚卿,餘如故,又加金紫光祿大夫,仍授一子五品官。後頻 度使。其月,又權知朔方、河東節度使事。忠嗣佩四將印,控制萬里,勁兵重鎮,皆歸掌握, 創制,斥地各數百里。自張仁亶之後四十餘年,忠嗣繼之,北塞之人,復罷戰矣。五年正 四載,又兼河東節度採訪使。自朔方至雲中,緣邊數千里,當要害地開拓舊城,或自

玄宗方事石堡城、詔問以攻取之略、忠嗣奏云:「石堡險固、吐蕃舉國而守之。若頓兵

光弼 吾羽林將軍, 卒,年四十五。子震,天寶中秘書丞。 刺史,忠嗣爲河東節度,云「早與忠王同養宮中,我欲尊奉太子」。玄宗大怒,因徵入朝,令三刺史,忠嗣爲河東節度,云「早與忠王同養宮中,我欲尊奉太子」。玄宗大怒,因徵入朝,令三 之未制於敵,不得之未害於國,忠嗣豈以數萬人之命易一官哉?假如明主見責,豈失一金 捷,歸罪於大夫矣。」忠嗣曰:「李將軍,忠嗣計已決矣。平生始望,豈及貴乎。今爭一城,得 大夫以士卒爲心,有拒董延光之色,雖曰受詔,實奪其謀。何者?大夫以數萬衆付之,而不 庭,忠嗣曰:「李將軍有何事乎?」光弼進而言曰:「請議軍。」忠嗣曰:「何也?」對曰:「向者 忠嗣分兵應接之。忠嗣僶俛而從,延光不悅。河西兵馬使李光弼危之,遽而入告。將及於 之上者。」玄宗因不快。李林甫尤忌忠嗣,日求其過。 堅城之下,必死者數萬,然後事可圖也。臣恐所得不如所失,請休兵秣馬,觀釁而取之,計 請以己官爵贖罪。 司推訊之,幾陷極 延光過期不克,訴忠嗣緩師,故師出無功。 懸重賞, 謝曰:「向者恐累大夫,敢以衷告。大夫能行古人之事,非光弼所及也。」途趨而 則何以賈三軍之勇乎?大夫財帛盈庫,何惜數萬段之賞以杜其讒口乎!彼如不 歸朝宿衞乎!其次,豈失一黔中上佐乎?此所甘心也。雖然, 刑。 玄宗怒稍解。 會哥舒翰代忠嗣爲隴右節度,特承恩顧,因奏忠嗣之枉,詞甚懇切, 十一月,貶漢陽太守。七載,量移漢東郡太守。 李林甫又令濟陽別駕魏林告忠嗣,稱往任朔州 六載,會董延光獻策請下石堡城,詔 ,公實愛我。」 明年,暴 出。 及

于天寶末,戰馬蕃息。 馬益少,而漢軍益壯。及至河、隴,又奏請徙朔方、河東戎馬九千匹以實之,其軍又壯。迄 忠嗣之在朔方也,每至互市時,即高估馬價以誘之,諸蕃聞之,競來求市,來輒買之。故蕃 其後哥舒翰大舉兵伐石堡城,拔之,死者大半,竟如忠嗣之言,當代稱爲名將。先是, 實應元年,追贈兵部尚書。

嗣因青蠅之點,幾危其身,讒人之言,誠可畏也: 何異焉?仙客爱自方隅,驟登廊廟,顯招物議,獨善其身,蓋才有不周,昧於陳力就列。忠 兵竟不出,此則不知門外之事,義斷恩也。 守珪以至誠感神, 取材成堰, 與夫耿恭拜井,有 傳介子之流也。然虔瓘以萬人征西,請給公乘、熟食,可謂謀之不臧矣。君奠以父執登陴, 史臣曰:郭虔瓘、郭知運、王君奠、張守珪、牛仙客、王忠嗣,立功邊域,爲世虎臣,班超、

存乎方策。 贊曰:隨山之西,幽陵之北,爰有戎夷,世爲殘賊。 二郭、二王,守珪、仙客,禦寇之功,

校勘記

列傳第五十三 校勘記

- 移涅可汗 「涅」字各本原作「江」,據新書卷二一五上突厥傳改。
- (三) 王晙 各本原作「王皎」,據本卷王忠嗣傳、本書卷九三王晙傳、冊府卷三五八改。 下同
- (n) 獲鎖甲及馬犛牛等數萬計 「甲」字各本原在「及」字下,據冊府卷三五八改。
- (1) 可突干 「干」字各本原作「于」,據本書卷八玄宗紀、通鑑卷二一三改。
- (H) 從郭虔瓘於北庭鎮 此句下疑有脫文。新書卷一三三張守珪傳作:「從郭虔瓘守北庭, 突厥侵

輪臺,遺守珪往援。」

(水) 西殺 「西」字各本原無,據冊府卷四一一補。

(七) 九姓拔悉密葉護 「九」字各本原作「十」,「護」字各本原無,據本書卷九弦宗紀改補。

## 舊唐書卷一百

### 列傳第五十四

# 高仙芝 封常清 哥舒翰

秩。 善騎射,勇決驍果。 事節度使田仁琬、蓋嘉運,未甚任用,後夫蒙靈督累拔擢之。開元末,爲安西副都護、 高仙芝,本高麗人也。父舍鷄,初從河西軍,累勞至四鎭十將、諸衞將軍。仙芝美麥容, 少隨父至安西,以父有功授游擊將軍。年二十餘卽拜將軍,與父同班

四鎮都知兵馬使。

使田仁琬、蓋嘉運幷靈詧累討之,不捷,玄宗特敕仙芝以馬步萬人爲行營節度使往討之。時 步軍皆有私馬,自安西行十五日至撥換城,又十餘日至握瑟德,又十餘日至疏勒,又二十餘 日至葱嶺守捉,又行二十餘日至播密川,又二十餘日至特勒滿川,卽五識匿國也。仙芝乃 小勃律國王爲吐蕃所招,妻以公主,西北二十餘國皆爲吐蕃所制,貢獻不通。後節度

列

傳第五十

四

高仙芝

以三牲祭河,命諸將選兵馬,人齎三日乾糧,早集河次。水旣難渡,將士皆以爲狂。旣至, 中有兵千人,又城南十五里因山爲栅,有兵八九千人。城下有婆勒川,水漲不可渡。仙芝 自赤佛堂路入;仙芝與中使邊令誠自護密國入,約七月十三日辰時會于吐蕃連雲堡。堡 分爲三軍:使疏勒守捉使趙崇玭統三千騎趣吐蕃連雲堡,自北谷入;使撥換守捉使賈崇瓘 成列,是天以此賊賜我也。」遂登山挑擊,從辰至巳,大破之。至夜奔逐,殺五千人,生擒千 人不濕旗,馬不濕韉,已濟而成列矣。仙芝喜謂令誠曰:「向吾半渡賊來,吾屬敗矣,今旣濟 人,餘並走散。得馬千餘匹,軍資器械不可勝數。

但借汝路過,向大勃律去。」城中有首領五六人,皆赤心爲吐蕃。仙芝先約元慶云:「軍到, 好心奉迎,娑夷河藤橋已斫訖。」仙芝陽喜以號令,兵士盡下。娑夷河,即古之弱水也,不勝 兵士果不肯下,云:「大使將我欲何處去?」言未畢,其先使二十人來迎,云:「阿弩越城胡並 迎,即是好心。」又恐兵士不下,乃先令二十餘騎詐作阿弩越城胡服上嶺來迎。旣至坦駒嶺, 人守其城,仙芝遂進。三日,至坦駒嶺,直下峭峻四十餘里,仙芝料之曰:「阿弩越胡若速 路。仙芝明日進軍,又令元慶以一千騎先謂小勃律王曰:「不取汝城(1),亦不斫汝橋, 玄宗使術士韓履冰往視日,懼不欲行,邊令誠亦懼。仙芝留令誠等以羸病尪弱三千餘 下嶺三日,越胡果來迎。明日,至阿弩越城,當日令將軍席元慶、賀婁餘潤先

芝之所 之一年方成 元 領 慶 矿 百姓必走入山谷,招呼取以敕命賜綵物等,首領至,齊縛之以待我。 藤 縛 橋 ,去勃律猶六十里,及暮,纔斫了 諸首領。 勃律先爲吐蕃所詐借路,遂成此橋。 王及公主走入石窟 ,取不可得。 , ,吐蕃兵馬大至,已無及矣。 至是, 仙芝至,斬其爲吐蕃者五六人。 仙芝徐自招諭勃律及公主出降, 」元慶旣至,一 藤橋闊一箭道,修 急令 如 仙

井平其國

仙芝鴻 邊令 汝奏得? 能 處分懸 日:「中丞。」「安西都知兵馬 至 作捷 河 趜 『、康懐 天寶 西 誠等相見。 走 臚 書。」單恐懼 奏捷書! 夫蒙靈詧都不使 如 」仙芝曰::「中丞。」 「焉耆鎭守使誰邊得? 卿 六載八月, 仙芝虜勃律王及公主趣赤佛堂路班師。 順 故 攝 陳奉忠 靈詧 御史中丞,代夫蒙靈詧爲 據高麗 其月末,還播密川 請罪。 益 等, 不 - 自安。 奴此 人迎勞,罵 令誠具奏其狀日:「仙芝立奇功, 嘗構潛 使誰邊得? 罪, 將軍 合當斬, 仙芝於靈詧。 程 仙芝曰:「噉狗腸高麗 令劉單草告捷 千里時 」曰:「中丞。」 靈詧曰:「此 四鎭 但緣新立 節度使 爲 副 仙芝既領節度事 都 書, 」曰:「中丞。」「安西副都護使誰邊得? 大功, 微 護,大將軍 遣中使判官王廷芳告捷。 靈 奴 詧 不欲處置 今將憂死。」 九月, 入朝。 噉 畢 狗屎高麗 既皆我所奏, 思琛爲 謂 復至婆勒川連雲堡, 靈 程千里日二公面似男 詧大懼 其年 叉 靈詧押 謂 奴 六月〇分, 劉單 ,仙芝每 于闐 安得 仙芝軍還 使誰 丼 不待我 制 聞 行 見 與 典 官 爾

列

對曰:「此是中丞知思躁辛苦見乞。」仙芝曰:「吾此時懼汝作威福, 兒,心如婦人,何也?」又謂思蹂曰:「此胡敢來!我城東一千石種子莊被汝將去,憶之乎?」 言,恐汝懷憂,言了無事矣。」 又呼王滔等至,捽下將笞,良久皆釋之,由是軍情不懼 豈是憐汝與之! 我欲不

耳巻 應。 平之,獲其國王以歸。 初,舍鷄以仙芝爲懦緩,恐其不能自存,至是立功。家財鉅萬,頗能散施,人有所求, 其載,入朝,拜開府儀同三司,尋除武威太守、河西節度使,代安思順。 面請留,監察御史裴周南奏之,制復留思順,以仙芝爲右羽林大將軍。 八載,入朝,加特進,兼左金吾衞大將軍同正員,仍與一子五品官。 仙芝性貪,獲石國大塊瑟瑟十餘石、眞金五六馲駝、名馬寶玉稱是。 九載,將兵討石國, 十四載,進封密 思順諷 羣胡割 言無不

潼關。」常清、仙芝乃率見兵取太原倉錢絹,分給將士,餘皆焚之。俄而賊騎繼至,諸軍惶駭 仙芝曰:「累日 仙芝兼御史大夫。 飛騎、擴騎及朔方、河西、隴右應赴京兵馬,并召募關輔五萬人,繼封常清出潼關 於陝州。 十一月,安祿山據范陽叛。是日,以京兆牧、榮王琬爲討賊元帥,仙芝爲副。 是月十一 血戰,賊鋒不可當。且潼關無兵,若狂寇奔突,則京師危矣。 十二月,師發,玄宗御望春亭慰勞遣之,仍令監門將軍邊令誠監其軍 日,封常清兵敗於汜水。 十三日,豫山陷東京,常清以餘衆奔陝州, 宜棄此守, 進討,仍以 命仙芝領 急保 一,屯

棄甲而走,無復隊伍。仙芝至關,繕修守具,又令索承光守善和戍。 賊騎至關,

不能攻而去,仙芝之力也。

未納。 前,何見拒之深乎?公若方圓取人,則士大夫所望;若以貌取人,恐失之子羽矣!」仙芝猶 投牒請預一傔。常淸細瘦目纇,脚短而跛,仙芝見其貌寢,不納。明日又投牒,仙芝謂曰: 軍高仙芝爲都知兵馬使,頗有材能,每出軍,奏傔從三十餘人,衣服鮮明。常淸慨然發憤, 樓上,教其讀書,多所歷覽。外祖死,常淸孤貧,年三十餘,屬夫蒙靈詧爲四鎭節度使,將 「吾奏傔已足,何煩復來!」常淸怒,倨謂仙芝曰:「常淸慕公高義,願事鞭轡,所以無媒而 封常清,蒲州猗氏人也。外祖犯罪流安西劾力,守胡城南門,頗讀書,每坐常清於城門 常清自爾候仙芝出入,長夕不離其門,凡數十日,仙芝不得已,補爲傔。

作捷書,具言次舍井泉,遇賊形勢,克獲謀略,事頗精審。仙芝所欲言,無不周悉,仙芝大駭 二千騎自圓城向北至||稜嶺下,遇賊擊之。||達奚行遠,人馬皆疲,斬殺略盡。||常清於幕中潛 開元末,會達奚部落背叛,自黑山北向,西趣碎葉,玄宗敕靈詧邀擊之。 仙芝軍迴,靈詧賞勞,仙芝去奴袜帶刀見。 判官劉朓、獨孤峻等逆問之曰:「前者捷 靈詧使仙芝以

累以軍功授鎭將、果毅、折衝。

芝,命常淸進坐,與語如舊相證,衆人方異之。以破達奚功,授疊州地下戍主,便以爲判官。 誰之所作。副大使幕下何得有如此人。」仙芝曰:「卽仙芝傔人對常清也。」眺等揖仙

使, 郞 仆地, 營田 死矣! 清起自細微, 諸將皆引前,德詮見常淸出其門,素易之,自後走馬突常淸而去。 王 至,廳連節度使宅院,凡經數重門,德詮旣過, 鄭德詮 一府錄事參軍 事 天寶 曳出。 將何得無禮,對中使相凌!」因此之曰:「郎將須暫死以肅軍容。」因令勒迴,杖六十,面 已爲郞將,德詮母在宅內,仙芝視之如兄弟,家事皆令知之,威望動三軍。常淸出迴, 載, 八六年 及見常清 仙芝每出征討,常令常清知留後事。 仙芝改河西節度使, 仙芝妻及乳母 預中丞兵馬使傔, ,充節度判官,賜紫金魚袋。尋加朝散大夫,專知四鎭倉庫、屯田、甲仗、支度、 ,從仙芝破小勃律。十二月,仙芝代夫蒙靈詧爲安西節度使,便奏常淸爲慶 ,遂無一言,常淸亦不之謝。 於門外號哭救之,不得,因以其狀上仙芝。 ,中丞再不納,郎將豈不知乎?今中丞過聽,以常淸爲留後 奏常清爲判官。 命隨後閉之。 常淸有才學,果決。 諸大將有罪者,擊殺 王正見爲安西節度, 德詮至,常清離席謂之日:「常 常清至使院,命左右密引 知留後時,仙芝乳母子 二人,於是軍中股慄。 奏常清爲 仙芝覽之,驚曰:「已 四鎮 支度營

田

副使、行軍司馬。

十一載,正見死,乃以常凊爲安西副大都護,攝御史中丞,持節充安西

列傳第五十四 封常清

官 四 庭都護,持節充伊西節度等使。 鎭 ,賜第一區,亡父母皆贈封爵。俄而北庭都護程千里入爲右金吾大將軍,仍令常淸權 節度、經略、支度、營田副大使,知節度事。十三載入朝,攝御史大夫,仍與一子五品 常清性勤 ·儉,每出征或乘驛,私馬不過一兩匹,賞罰嚴 知此 明。

常清退入上東門,又戰不利,賊鼓譟於四城門入,殺掠人吏。 告之,恐賊難與爭鋒,仙芝遂退守潼關 守宣仁門,又敗。 萬,皆傭保市井之流。 甖子谷, 常清奏曰:「祿山領兇徒十萬,徑犯中原,太平斯久,人不知戰。然事有逆順,勢有奇變, 走馬赴東京,開府庫,募驍勇,挑馬鐘渡河, 十四四 翌日 兇威轉熾, 一載,入朝,十一月,謁玄宗於華淸宮。時祿山已叛,玄宗言兇胡負恩之狀,何方誅 ,以常清爲范陽節度,俾募兵東討。 乃從提象門入,倒樹以礙之。 先鋒至 乃斫斷河陽橋,於東京爲固守之備。 一葵園。 常清使驍騎與柘羯遊戰, 至穀水,西奔至陝郡,遇高仙芝, 其日, 計日取逆胡之首懸於闕下。」玄宗方憂, 常清乘驛赴東京召募, 十二月,祿山渡河,陷陳留,入 常清 殺賊數十百人。 又戰於都亭驛 賊大軍繼至, 旬日得兵六 不勝。 具以賊勢 壯 退

敗之狀。 衣 皂衣以從事。 玄宗聞常淸敗,削其官爵,令白衣於仙芝軍劾力。 |玄宗怒, 遺令誠齎敕至軍並誅之。 監軍邊令誠每事干之,仙芝多不從。 令誠入奏事, 具言仙芝、常清逗撓奔 仙芝令常清監巡左右廂諸軍, 常清

旌麾,受戮賊手,討逆無効,死乃甘心。」初,常清兵敗入關,欲馳赴闕庭,至渭南,有敕令却 令誠至潼關,引常清於驛南西街,宣敕示之。常清日:「常清所以不死者,不忍汚國家

赴潼關,自草表待罪。是日臨刑,託令誠上之。 其表曰:

秋,見狼瞫稱未獲死所,臣今獲矣。 萬死之恩,以報一生之寵。 自城陷已來,前後三度遣使奉表,具述赤心,竟不蒙引對。臣之此來,非求苟活,實欲 陳社稷之計,破虎狼之謀。冀拜首闕庭,吐心陛下,論逆胡之兵勢,陳討捍之別謀。將酬 中使駱奉仙至,奉宣口敕,恕臣萬死之罪,收臣一朝之效,令臣却赴陝州,隨高仙 負斧縲囚,忽焉解縛,敗軍之將,更許增修。臣常淸誠懽誠喜,頓首頓首。臣 豈料長安日遠,謁見無由,函谷關遙,陳情不暇!臣讀春

惜死之徒,許臣竭露。 徒,素未訓習。率周南市人之衆,當漁陽突騎之師,尙猶殺敵塞路,血流滿野。臣欲挺 欲盡所忠,肝膽見祭。 斬臣於都市之下,以誠諸將;,二期陛下問臣以逆賊之勢,將誠諸軍; 三期陛下知臣非 身刃下,死節軍前,恐長逆胡之威,以挫王師之勢。是以馳御就日,將命歸天。一期陛下 昨者與羯胡接戰,自今月七日交兵,至于十三日不已。臣所將之兵,皆是烏合之 臣死之後,望陛下不輕此賊,無忘臣言,則冀社稷復安,逆胡敗 臣今將死抗表,陛下或以臣失律之後,誑妄爲辭; 陛下或以臣

有知,必結草軍前,迴風陣上,引王師之旗鼓,平寇賊之戈疑。 生死酬恩,不任感激,臣 **覆,臣之所願畢矣。仰天飮鴆,向日封章,即爲屍諫之臣,死作聖朝之鬼。** 若使歿而

常清無任永辭聖代悲戀之至。

此,豈命也夫!」遂斬之。 常清旣刑,陳其尸於蘧陈上。仙芝歸至廳,令誠索陌刀手百餘人隨而從之,曰:「大夫亦有 謂之曰:「封二,子從微至著,我則引拔子爲我判官,俄又代我爲節度使,今日又與子同死於 君輩卽言實;我若實無之,君輩當言枉。」兵齊呼曰「枉」,其聲殷地。仙芝又目常清之尸, 君輩破賊,然後取高官重賞。不謂賊勢憑陵,引軍至此,亦欲固守潼關故也。我若實有此, 列在外,素愛仙芝,仙芝呼謂之曰:「我於京中召兒郞輩,雖得少許物,裝束亦未能足,方與 賜物等,則誣我也。」謂令誠曰:「上是天,下是地,兵士皆在,足下豈不知乎!」其召募兵排 恩命。」仙芝遽下,遂至常清所刑處。仙芝曰:「我退,罪也,死不辭;然以我爲滅截兵糧及

<u></u>
父道元,安西副都護,世居安西。 翰家富於財,倜儻任俠,好然諾,縱蒱酒。 年四十,遭 哥舒翰,突騎施首領哥舒部落之裔也。蕃人多以部落稱姓,因以爲氏。祖沮,左淸道

列

倨,不爲用,翰怒,撾殺之,軍中股慄。遷左衞郎將。後吐蕃寇邊,翰拒之于苦拔海,其衆三 行,從山差池而下,翰持半段槍當其鋒擊之,三行皆敗,無不摧靡,由是知名。 財重氣,士多歸之。忠嗣以爲大斗軍副使,嘗使翰討吐蕃于新城,有同列爲副者,見翰禮 新城,使翰經略,三軍無不震慴。後節度使王忠嗣補爲衙將。翰好讀左氏春秋傳及漢書,疏 父喪,三年客居京師,爲長安尉不禮,慨然發憤折節,仗劍之河西。初事節度使王倕,倕攻

翰善使槍,追賊及之,以槍搭其肩而喝之,賊驚顧,翰從而刺其喉,皆剔高三五尺而墮,無不 馳擊,殺之略盡,餘或挺走,伏兵邀擊,匹馬不還。隊有家奴日上車,年十五六,亦有膂力。 翰使王難得、楊景暉等潛引兵至積石軍,設伏以待之。吐蕃以五千騎至,翰於城中率驍勇 死者。左車輒下馬斬首,率以爲常。 吐蕃每至麥熟時,即率部衆至積石軍獲取之,共呼爲「吐蕃麥莊」,前後無敢拒之者。至是, 天寶六載,擢授右武衞員外將軍,充隴右節度副使、都知關西兵馬使、河源軍使。先是,

中,翰叩頭隨之而前,言詞慷慨,擊淚俱下,帝感而寬之,貶忠嗣爲漢陽太守,朝廷義而壯之。 守,攝御史中丞,代忠嗣爲隴右節度支度營田副大使,知節度事。仍極言救忠嗣,上起入禁 明年,築神威軍於靑海上,吐蕃至,攻破之;又築城於靑海中龍駒島,有白龍見,遂名 其多,玄宗在華清宮,王忠嗣被勃。敕召翰至,與語悅之,遂以爲鴻臚卿,兼西平郡太

功,拜特進、鴻臚員 爲 牧十萬 應龍 城,吐蕃屛跡不敢近青海。 衆委翰總統攻石堡城。 (外卿)與一子五品官,賜物千匹、莊宅各一所,加攝御史大夫。 翰使麾下將高秀嚴、張守瑜進攻;不旬 吐蕃保石堡城,路遠而險, 久不拔。 八載,以朔方、 加田河田河 拔之,上錄其 河東

加開府儀

同三司

惡翰 以爲譏其胡也,大怒,罵翰曰:「突厥敢如此耶 何不 高 力士及中貴人於京城東駙馬崔惠童池亭宴會。 相親乎?」翰應之曰:「古人云、野狐 ,嘗銜之,至是忽謂翰曰:「我父是胡,母是突厥,公父是突厥,母是胡。 翰 素 與祿山、思順不協, ,上每和解之爲兄弟。 向窟嘷,不祥,以其忘本也。 」翰欲應之,高力士目翰 翰母尉遲氏, 其多 禄山、思順、翰並來朝,上使內侍 于闐 敢不盡 之族也。 翰遂 心焉 止 與公族類同 豫山 以 | 旅山 思順

Щ, 頻奏其反狀,故厚賞翰以親結之。十三載,拜太子太保,更加實封三百戶,又兼御史大夫。 翰好 十二載,進封凉國公,食實封三百戶,加河西節度使,尋封 飲 酒 ,頗恣聲色。 至土門軍,入浴室,畫 風疾,絕倒良久乃蘇。因入京,廢疾于家 西平郡王。時楊國忠有隨於祿

爲御 史中丞 **渾**夢、 充行軍司馬, 契苾寧等爲裨將, 以王思禮、鉗耳大福、李承光、蘇法鼎、管崇嗣 河隴、朔方兵及蕃兵與高仙芝舊卒共二十萬 及蕃將火拔歸仁、 拒賊於潼

及安祿山反,上以封常清、高仙芝喪敗,召翰入,

拜爲皇太子先鋒兵馬元帥,

以田良丘

上御勤政樓勞遣之,百僚出餞于郊。十五載,加翰尚書左僕射、同中書門下平章事

叶,人無鬭志。 行軍司馬田良丘。良丘復不敢專斷,敎令不一,頗無部伍。其將王思禮、李承光又爭長不 關計事,因斬之。自是,翰心不自安。又素有風疾,至是頗甚,軍中之務,不復躬親,委政於 牧小兒三千人訓練於苑中。」韶從之,遂遣劍南軍將李福、劉光庭分統焉。又奏召募一萬人, 屯於<u>灞上,</u>令其腹心杜乾運將之。翰慮爲所圖,乃上表請乾運兵隸於潼關,遂召乾運赴潼 乃奏曰:「兵法『安不忘危』,今潼關兵衆雖盛,而無後殿,萬一不利,京師得無恐乎!請選監 國忠,此漢挫七國之計也,公以爲何如?」翰心許之,未發。有客泄其謀於國忠,國忠大懼, 翰至潼關,或勸翰曰:「祿山阻兵,以誅楊國忠爲名,公若留兵三萬守關,悉以精銳迴誅

恐其謀己,屢奏使出兵。上久處太平,不練軍事,旣爲國忠眩惑,中使相繼督責。以輸不得已, 速戰。今王師自戰其地,利在堅守,不利輕出,若輕出關,是入其算。乞更觀事勢。」楊國忠 討之。翰奏曰:「賊旣始爲兇逆,豫山久習用兵,必不肯無備,是陰計也。 且賊兵遠來,利在 傷兵擒茲寇矣。賊將崔乾祜於陝郡潛鋒蓄銳,而覘者奏云「賊殊無備」,上然之,命悉衆速 先是,翰數奏祿山雖竊河朔,而不得人心,請持重以弊之,彼自離心,因而翦滅之,可不

引師出關。

不得 陽 萬 不 而 擁 人,號 識陛下, 塞 ,但留臣,臣以尺書招之,不日平矣。」祿山大喜,遂僞署翰司空。 西 千人先據險要。 歸,爲火拔歸仁執降於賊。祿山謂之曰:「汝常輕我,今日如何? ,無復隊伍。 六月四日,次于靈寶縣之西原。八日,與賊交戰,官軍南迫險峭,北臨黃河;崔乾祐以 因爲兇徒所乘,王師自相排擠,墜于河。其後者見前軍陷敗,悉潰,塡委于河,死者數 叫之聲振天地,縛器械,以槍爲楫,投北岸,十不存一二。軍旣敗,翰與數百騎馳 遂至於此。 午後,東風急,乾祐以草車數十乘縱火焚之,煙焰亙天。將士掩面, 翰及良丘等浮船中流以觀進退,謂乾祜兵少,輕之,遂促將士令進,爭路 禄山知事不諧,遂閉翰於苑中,潛殺之。 陛下爲撥亂主,今天下未平,李光弼在上門,來頑在河南, 作書招光弼等,諸將報 」翰懼,俯伏稱:「肉眼 魯炅在南 開

天下冤之。 山 書皆讓翰不死節。 遺思順書,於關門擒之以獻。其年三月,思順及弟太僕卿元貞並坐誅,徙其家屬于嶺外, 翰之守潼關也,主天下兵權,肆志報怨,誣奏戶部尚書安思順與祿山潛通,偽令人爲祿

史臣日:大盜作梗,豫山 列 傳 第 五 + 29 哥 舒 1 観常、 翰 校 **訶雖欲誅國忠,志則謀危社稷。** 勘 記 于時承平日久, 金革道

之,古之命將者,推轂而謂之曰:「閩外之事,將軍裁之。」觀楊國忠之奏事,邊令誠之護戎, 以之播遷,自身以之拘執,此皆命帥而不得其人也。禮曰:「大夫死衆。」又曰:「謀人之軍 消,封常清、高仙芝相次率不教之兵,募市人之衆,以抗兇寇,失律喪師。 哥舒翰廢疾于家, 又掣肘於軍政者也,未可偏責三帥,不尤伊人。後之君子,得不深鑑! 師敗則死之。」翰受署賊庭,苟延視息,忠義之道,即可知也,豈不愧於顏杲卿乎! 抑又聞 起專兵柄,二十萬衆拒賊關門,軍中之務不親,委任又非其所。及遇羯賊,旋致敗亡,天子

贊曰:羯賊犯順,戎車啓行。委任失所,封、高敗亡。 虔劉圻甸,僭竊衣裳。 醜哉舒翰,

校勘記

不能死王。

(1) 不取汝城 「不」字各本原作「吾」。 校勘記卷四一引閣本考證云:「刊本『不』訛『吾』。」新書卷

其年六月 一三五高仙芝傳作「不闚若城」。據改。 按本卷下文封常清傳載仙芝於天寶六載十二月代夫蒙靈眷爲安西節度使,通鑑卷

二一六亦作十二月。

# 舊唐書卷一百五

### 列傳第五十五

# 宁文融 章堅 楊慎矜 王鈚

品,代于志寧爲侍中。坐房遺愛事配流桂州而卒。父嶠,萊州長史。 勞之曰:「朕所以不置左右僕射者,正以卿在省耳。」永徽初,累遷黃門侍郎、同中書門下三 法令,以幹局見稱。 時江夏王道宗嘗以私事託於節,節遂奏之,太宗大悅,賜絹二百匹,仍 宇文融,京兆萬年人,隋禮部尚書平昌公敷之玄孫也。祖節,貞觀中爲尚書右丞,明習

逃戶。 部員外郎,兼侍御史。融於是奏置勸農判官十人,並攝御史,分往天下,所在檢括田疇,招攜 察御史。時天下戶口逃亡,冤役多僞濫,朝廷深以爲患。 融乃陳便宜,奏請檢察僞濫,搜括 融,開元初累轉富平主簿,明辯有吏幹,源乾曜、孟温相次爲京兆尹,皆厚禮之,俄拜監 玄宗納其言,因令融充使推勾。 無幾,獲僞濫及諸免役甚衆,特加朝散大夫,再遷兵

列

傳第五十五

宇文融

F 其新附客戶 ,則免其六年賦調,但輕稅入官。議者頗以爲擾人不便,陽翟尉皇甫憬

上疏曰:

給也! 輸。 深, 其次化之,以安爲上。 月之畜,雖其厚稅,亦不可供。 火,不可不愼。今之具僚, 親遣括量,故奪農時,遂令受弊。又應出使之輩,未識大體,所由殊不知陛下愛人至 不急之務衆,則數役; 息茲弊?若以此給,將何以堪!雖東海、南山盡爲粟帛,亦恐不足,豈括田稅客能周 務以勾剝爲計。 急之則都不謀生,緩之則盧法交及。 臣恐逃逸從此更深。 臣聞智者千慮,或有一失;愚夫千計,亦有一得。且無益之事繁,則不急之務衆; 州縣懼罪,據牒卽徵。逃亡之家,隣保代出;隣保不濟,又便更 但責其疆界,嚴之隄防,山水之餘,卽爲見地。何必聚人阡陌, 數役、則人疲;人疲,則無聊生矣。是以太上務德,以靜爲本; 向逾萬數,蠶食府庫,侵害黎人。 戶口逃亡,莫不由此。 縱使伊、阜申術,管、晏陳謀,豈 國絕數載之儲,家無經 至如澄流在源,止沸由

於獲多,皆虛張其數,亦有以實戶爲客者。歲終徵得客戶錢數百萬,融由是擢拜御史中丞。 成 (其事,乃貶憬爲盈川尉。 左 拾遺楊相如上書,咸陳括客爲不便。上方委任融,侍中源乾曜及中書舍人陸堅皆贊 於是諸道括得客戶凡八十餘萬, 田 亦稱是。 州縣希融旨意,務

詞, 言事 唯戶部侍郎楊瑪獨建議以括客不利居人,徵籍外田稅,使百姓困弊,所得不補所失。 者循稱括客損居人,上令集百僚於尙書省議。公卿已下懼融恩勢,皆雷同不敢有異

融 之所至, 融 乃馳傳巡歷天下,事無大小,先牒上勸農使而後申中書,省司亦待融指撝而後決斷。 必招集老幼宣上恩命, 百姓感其心, 至有流淚稱父母者。廳使還具奏,乃下

制

,場出爲外職

命。 縣 于 言念再三,其勤 後 不還,上情靡通 以眇 釐革 延英殿,股以 ,寵綏華夏,上副宗廟乾坤之寄,下答字縣貢獻之勤 歸首 獝 人惟 恐股 ,眇之身,當四海之貴。雖則長想遐邇,不可家至 便 百 ,邦本,本固邦寧,必在安人,方能固本。永言理道,實獲股心。思所以康濟黎 萬 令充使,奉以安人。 之薄德 于下, 至矣。 仍聞宣制之日,老幼欣躍 人必土著, , 未孚于人, 撫字安存, 更冀良算。 衆心罔達於上。 莫副 因議逃亡,嘉其忠讜,堪 )股命, 遂能 實用恧焉,當扆永懷, 恤我黎元,克將股命,發自夏首,來於歲終,巡 求之明發,想見其人。 ,惟令是從, 任以 多流 一何嘗 遂命百司長吏, 方州 日見。至于宣布政教,安輯逋亡, 事 靜言厥緒。 ,乃授其田 淚以感股心 不夜分輟寢,日旰忘 當屬 括地使宇文融 豈人流自 F 紀 咸 綱 吐 岳牧 兼 一誠以 委 食。 荷 一按所 招 之 謁 諭 見

列

折衷。欲人必信,期於令行,凡爾司存,勉以遵守。 堂 廣徵異見。羣詞盈於札翰,環省彌于旬日,庶廣股意,豈以爲勞,稽衆考言,謂斯

時,務以矜恤。且分災恤患,州黨之常情;損餘濟闕,親隣之善貸。故木鐸云徇,里胥 用,仍許預付價直,任粟麥兼貯。 與州縣商量,勸作農社,貧富相恤,耕耘以時。仍每至雨澤之後,種穫忙月,州縣常務, 均功,夜續相從,齊俗以贍。 今陽和布澤,丁壯就田,言念鰥惸,事資拯助。 所以存九年之蓄,收上中之斂。 切停减。 今流戶大來,王田載理,敖庾之務,寤寐所懷。 夫食爲人天, 富而後教, 經教彝體, 前哲至言。 故平糴行於昔王, 義倉加於近代, 使趨時急於備寇,尺鏖賤於寸陰,是則天無虛施,人無遺力。 **穰賤則農不傷財,災饉則時無菜色,救人活國,其利博 并舊常平錢栗,並委本道判官勾當處置,使斂散及** 其客戶所稅錢,宜均充所在常平倉 宜委使司

役,勿欺隱及其兩處徵科。宣布天下,使明知殷意。 資存撫。 委之,不須廣差餘使,示專其事,不擾于人。政術有能,必行賞罰。其已奏復業歸首, 勾當州縣,每季一申,不須挾名,致有勞擾。 又政在經遠,功惟久著,今逃亡初復,居業未康,循逃戶及籍外剩田,猶宜勞徠,理 其十道分判官,三五年內,使就厥功,令有終始。 其歸首戶,各令新首處與本貫計會年戶色 當道覆屯,及須推劾,並以

Z 輩,焉能 患 説所抑。 數潛 中書舍人張九齡言於說曰:宇文融承恩用事,辯給多詞,不可不備也。」說曰:「此狗鼠 書令張說素惡融之爲人,又患其權重,融之所奏,多建議爭之。關揣其意 為事 毁之。 融乃 與御史大夫崔隱甫連名劾說,廷奏其狀,說由是罷知政事。 上惡其朋黨, 」融尋銀戶部侍郎。從東封還,又密陳意見,分吏部爲十銓典選事,所奏又爲 尋出融爲魏州刺史。俄轉汴州刺史,又上表請用禹貢九河舊 融恐說復用爲己 先 事

道

開稻

田以利人,丼迴易陸運木錢,官收其利。

雖興役不息,而事多不就

章事 马 宋璟爲右 日 御 賓 史李宙劾之二,驛召將下獄。 而 容故 + 六年 融旣 入, 丞 相 ,復入爲鴻臚卿,兼戶部侍郎。 居相位,欲以天下爲己任,謂人曰:「使吾居此數月,庶令海內無事矣。」於是薦 晨夕飲謔, ,裴耀卿爲戶部侍郎,許景先爲工部侍郎,甚允朝廷之望。然性躁急多言,又 曲 是爲 時論所譏。 **樟既申訴得理,融坐阿黨李宙,出爲汝州刺史,在相凡百** 明年,拜黃門侍郎,與裴光庭並兼同中書門下平 時禮 部尚書、信安王緯爲朔方節度使,殿中侍

司 配 流巖州 農 少卿蔣岑舉奏融 裴 光 庭 時 地 旣 兼 瘴 御史大夫,又彈融交遊朋黨及男受贓等事,貶昭州平樂尉。 毒 在汴州 、憂恚發疾, 迴 造船脚,隱沒 遂詣廣府, 鉅 將停留未還。 萬, 給事 中馮紹烈又深文案其 都督耿仁忠謂融曰:「明公負朝 不事實, 在嶺外歲餘, 融於是

必不相容也。」融遽還,卒于路。上聞之,思其舊功,贈台州刺史。 廷深譴,以至於此,更欲故犯嚴命,淹留他境,仁忠見累,誠所甘心, 亦恐朝廷知明公在此,

進奉而致恩顧,堅乃以轉運江淮租賦,所在置吏督察,以裨國之倉廩,歲益鉅萬。玄宗以 爲長安令, 宣太子妃,堅妻又楚國公姜皎女,堅妹又爲皇太子妃,中外榮盛,故早從官敍。二十五年, **韋堅,京兆萬年人。父元珪,先天中,銀青光祿大夫,開元初,兗州刺史。堅姊爲贈惠** 以幹濟聞。與中貴人善,探候主意。見字文融、楊愼矜父子以勾剝財物爭行

而成。 即於栿背上堆積廣陵所出錦、鏡、銅器、海味;丹陽郡船,即京口綾衫段;晉陵郡船,即折 於長安城東九里長樂坡下、滻水之上架苑牆,東面有望春樓,樓下穿廣運潭以通舟楫,二年 通 山東租賦。 天寶元年三月,擢爲陝郡太守、水陸轉運使。自西漢及隋,有運渠自關門西抵長安,以 堅預於東京、汴、宋取小斛底船三二百隻置於潭側,其船皆署牌表之。若廣陵郡船, 奏請於咸陽擁渭水作興成堰,截壩、滻水傍渭東注,至關西永豐倉下與渭合。

造官端綾繡,會稽郡船,即銅器、羅、吳綾、絳紗;南海郡船,即瑇瑁、眞珠、象牙、沉香;豫

体耶?潭裏船車鬧,揚州銅器多。三郎當殿坐,看唱得体歌。」至開元二十九年,田同秀上言 章那船,即名瓷、酒器、茶釜、茶鐺、茶椀;宣城郡船,即空青石(三、紙筆、黄連;始安郡船, 當殿坐,看唱得寶歌。」成甫又作歌詞十首,自衣缺胯綠衫,錦半臂,偏袒膊,紅羅抹額,於第 子、寬袖衫、芒屨,如吳、楚之制。 即蕉葛、蚺虵膽、翡翠。 廣集兩縣官,使婦人唱之,言:「得寶弘農野,弘農得寶耶! 潭裏船車鬧,揚州銅器多。 爲靈寶縣。及此潭成,陝縣尉崔成甫以堅爲陝郡太守鑿成新潭,又致揚州銅器,翻出 「見玄元皇帝,云有寶符在陝州桃林縣古關令尹喜宅」,發中使求而得之,以爲殊祥,改桃林 一船作號頭唱之。和者婦人一百人,皆鮮服靚妝,齊聲接影,鼓笛胡部以應之。 船中皆有米,吳郡卽三破糯米、方文綾。凡數十郡。 先是,人間戲唱歌詞云:「得丁紅反体都董反 **紇那也,紇囊得** 駕船人皆大笠 餘船沿進, [此詞,

至樓下,連檣彌亙數里,觀者山積。 京城百姓多不識驛馬船檣竿,人人駭視。 堅跪上諸郡輕貨,又上百牙盤食,府縣進奏,敎坊出樂迭奏。玄宗歡悅,下詔敕曰:

輸,未免艱辛,故置此潭,以通漕運。萬代之利,一朝而成,將允叶於永圖,豈苟求於縱 改授一三品京官兼太守(三),判官等並卽量與改轉。 其專知檢校始末不離潭所者幷孔 觀。其陝郡太守韋堅,始終檢校,夙夜勤勞,賞以懋功,則惟常典。 古之善政者,貴於足食,欲求富國者,必先利人。 股關輔之間,尤資殷贍,比來轉 宜特與三品, 仍

目官 獎。 日多 ′,並放 及至 其押運綱各賜一中上考,準前錄奏。船夫等宜共賜錢二千貫,以充宴樂。外郡進 今年地稅。 典選日,優與處分,仍委韋堅具名錄奏。 且啓鑿功畢,舟楫已通,旣涉遠途,又能先至,永言勸勵,稍宜甄 '應役人夫等,雖各酬傭直,終使役

土物,賜貴戚朝官。 賜名廣運潭

時堅姊故惠宣太子妃亦出寶物供樓上鋪設,進食竟日而罷。

爲播川太守。 發,以堅戚里,不合與節將狎暱,是構謀規立太子。 兵部員外與芝、堅男河南府戶曹諒並遠貶。 李適之善,貶適之爲宜春太守。七月,堅又長流嶺南臨封郡, 年正月,堅又加兼御史中丞,封韋城男。 運使,勾當緣河及江淮南租庸轉運處置使並如故;又以判官元撝、豆盧友除監察御史。 `恐入爲相,乃與腹心構成其罪。 四月,進銀靑光祿大夫、左散騎常侍、陝郡太守、水陸轉 李林甫以堅姜氏壻,甚狎之。至是懼其詭計求進,承恩日深, 五 載正月望夜,堅與河西節度、鴻臚卿皇甫惟明夜遊,同過景龍觀道士房,爲林甫所 堅妻姜氏,林甫以其久遭輕賤,特放還本宗。倉部員外郞鄭章貶南豐丞,殿中 尋發使殺惟明於黔中,籍其資財。 六月,又貶堅爲江夏員外別駕。 又構堅與 九月,拜守刑部尚書,奪諸使,以楊愼矜代之。 至十月, 玄宗惑其言,遽貶堅爲縉雲太守,惟明 使監察御史羅希奭逐而殺之,諸弟及 堅弟將作少匠蘭、鄠縣令冰、 堅又與李適之善,益怒

男諒並死。

以聞, 合浦 侍 御 其母 郡 史鄭 因之綱典船夫盗於牢獄,郡縣徵剝不 又 亦勒 庸宗 敕 欽 說 嗣 隨男。 時爲皇太子, 辞王 貶夜郎尉, 琄 堅貶黜後, 夷 一陵郡 ء 恐懼 察御 員 外 林 別 史豆盧友貶富 上 甫 表, 駕 諷 長 所 任, 稱 與新 止,隣伍盡成裸形 司 其母 發使於江 水尉, 婦 離 隨 男任 絕。 准 監察御史楊惠貶巴東尉, 9 七 載 女婿 東京 ,死於公府,林甫 ",嗣薛王琄停,仍於 緣 新貶巴陵太守盧 河轉運使, 死乃停。 恣求堅 夜郎 幼林 連累者數 之罪 郡 長 安 流

利可汗, 徳所 十餘 洛、梁、滑、汾、懷五州刺史, 便出錢數百萬貫 者無與爲比。 改爲崇禮。 破 ,授戶部尙書致仕。 楊愼矜,隋煬帝玄孫 ,胡會康蘇密以蕭后及正道歸,授尚衣奉御。 因與 開元初,擢爲太府少卿,雖錢帛充牣,丈尺間皆躬自省閱,時議以爲前 其祖母蕭皇后入于建德 擢拜太府卿, 時太平且久,御府財物山積,以爲經楊卿者無不精好,每歲勾剝省 也 加銀青光祿大夫,進封弘農郡公。 皆以清嚴能檢察人吏絕於欺隱聞 曾祖隋齊王 軍 建德送于突厥 暕。 祖 正道,大業末,隨字文化及至 父隆禮 處羅 ,長安中天官郞 可汗牙。 在職二十年,公清 景雲中, 貞觀 以名犯玄宗上字, 初, 中, 河北、爲 李靖撃 如 神龍 後爲太府 破 年九 歷

列

於諸州納物者有水潰傷破及色下者,皆令本州徵折估錢,轉市輕貨,州縣徵調,不絕於歲月 御史,仍知太府出納。 愼名授大理評事,攝監察御史,充都含嘉倉出納使,甚承恩顧。 愼矜 父 知太府出納。 任者。 在臺數年,又專知雜事,風格甚高。 宰臣以愼餘、愼矜、愼名三人皆勤恪淸白有父風,而愼矜爲其最,因拜監察御史, 沉毅有材幹,任氣尙朋執。初,爲汝陽令,有能名。崇禮罷太府,玄宗訪其子堪委其 **愼餘先爲司農丞,除太子舍人,監京倉。尋丁父憂。二十六年服闋,累遷侍** 

以愼矜 出 權 納。 ,愼矜以遷拜不由其門,懼不敢居其任,固讓之,因除諫議大夫,兼侍御史,仍依舊知太府 天寶二年 以鴻臚少卿蕭諒爲御史中丞,諒至臺,無所撝讓,頗不相能,竟出爲陝郡太守。 屈於己,復擢爲御史中丞,仍充諸道鑄錢使,餘如 ,遷權判御史中丞,充京畿採訪使,知太府出納使並如故。時右相李林甫握 故。

狎,做入 與於慎矜有間,又誘而啗之, 供乃何其隙以陷之。 慎矜奪 鉄職田,背詈 供, 抵其母氏, 供不堪 善 獄,愼矜 一,漸 時 不平之。 散騎常侍、陝郡太守韋堅兼御史中丞,爲水陸漕運使,權傾宰相。侍御史王供推堅 (臺,愼矜爲臺端,亦有推引。 引身中立以倭望,餓恨之,林甫亦憾焉。 五載,愼矜遷戶部侍郎 及鉄遷 ,中丞、使如故。 中丞,雖 **愼矜與**供父瑨中外兄弟, 做即表姪,少相 與鉄同列,每呼爲王鉄,鉄恃與林甫 林甫見愼矜受主恩,心嫉之,又知王

於林甫 其 辱 **慎矜性疏快,素昵於供,嘗話讖書於供,又與還俗僧史敬忠游** 成其罪, 云慎矜是隋家子孫、心規克復隋室, 故蓄異書,與凶人來往 處, 敬忠有 , 學業。 而 鉷

休咎

無 腰 拷訊不得,乃令不良枷瑄,以手力絆其足,以木按其足間,敝其枷柄向前,挽其身長校數尺, 獲之,便赴行在所。先令盧鉉收太府少卿張瑄於會昌驛,繫而推之,瑄不肯答辯。 曹吉温往東京收愼矜兄少府少監愼餘、 尙 所 細欲絕,眼鼻皆血出,謂之「驢駒拔撅」,瑄竟不肯答。又使鉉與御史崔器入城搜愼矜宅, 書蕭隱之、大理卿李道邃、少卿楊璹、侍御史楊釗、殿中侍御史盧鉉同鞫之,又使京兆 鮮于賁、范滔 為,拷其小妻韓珠團,乃在豎櫃上作一闇 **愼矜曰:「他日不見,今乃來,是命也。吾死矣。」及温以敬忠至戲水驛東十餘里,使典說** 時 號王巨 天寶六載十一月,玄宗在華清宮,林甫令人發之。玄宗震怒,繫之於尚書省, 證之, 温揚,即求首陳不可得矣。」去温揚十餘里,敬忠乞紙筆於桑樹下具吐之。比見愼 典敬 愼矜皆引實。 忠相 並 决 重杖 識 解 官於 配流 二十五 遠郡; (南賓) 日,韶楊愼矜、愼餘、愼名並賜自盡; 和 愼矜 安置 弟洛陽令愼名等雜訊之,又令温於汝州捕史敬忠 ; 外甥前通事 |函盛讖書等,|鉉於袖中出而納之, 詬以示愼 太府少卿張瑄決六十,長流嶺南臨封郡,亦 舍人辛景凑決杖配流。義陽郡司 史敬忠決重杖一 鉉百端 韶刑部

列

傳

五

+

楊伽

矝

王

以堪此!」書後又數條事。又宅中作一板池,池中魚一皆放之,遂縊而死。 [[[名神色不變,入房中作書曰:「拙於謀運,不能靜退。 兄弟并命,唯姊尚存,老年孤薨,何 **齎敕至大理寺,愼餘聞死,合掌指天而縊。** 萬頃宜敕示之。愼名見愼矜賜自盡,初尙撫膺,及聞愼餘及身皆爾,遂止。及宣敕了,愼名 **黄等準此配流。乃使監察**御史顏眞卿送敕至東京,殿中侍御史崔寓引愼名,令河南法曹張 死於流所。愼矜兄弟并史敬忠莊宅官收,以男女配流嶺南諸郡,其張瑄、万俟承暉、鮮于 曰:「今奉聖恩,不敢稽留晷刻,但以寡姊老年、請作數行書以別之。」 寓揖眞卿,眞卿許之。 監察御史平例

盡長六尺餘,有如此貌、 客喜飲,籍甚於時。愼名嘗覽鏡,見其鬚面神彩,有過於人,覆鏡歎惋曰:「吾兄弟三人, 滅,以熱羹投之乃滅。無何,下獄死。兄弟甚友愛,事寡姊如母,皆偉儀形,風韻高期,愛 初,愼矜至温揚,正食,忽見一鬼物長丈餘,朱衣冠幘,立於門扇後,愼矜叱之,良久不 如此材而見容當代以期全,難矣!何不使我少體弱耶?」竟如

王鉄、太原祁人也。祖方翼、夏州都督、爲時名將、生斑、瑨、珣。斑、瑨、開元初並歷中

興別駕。又加鉷長春宮使。四載,加勾戶口色役使,又遷御史中丞,兼充京畿採訪使。 又于終南山下爲荷家觜買山居,欲以避世亂。玄宗怒,敕與推之,朝宗自高平太守貶爲吳 和糴使,遷戶部郎中。三載,長安令柳升以賄敗。 書舍人。珣,兵部侍郎、秘書監。鉄,即瑨之孽子。開元十年,爲鄂縣尉、京兆尹稻田 二十四年,再遷監察御史。二十九年,累除戶部員外郎,常兼侍御史。天寶二年,充京和市 初,韓朝宗爲京兆尹,引升爲京令。 判官。 朝宗

又爲京畿、關內道黜陟使,又兼充關內採訪使。

國之術,利於王用,益厚待之。丁嫡母憂,起復舊職,使如故。 億萬,便貯於內庫,以恣主恩錫賚。一針云:「此是常年額外物,非征稅物。」玄宗以爲與有富 於宸極。 有等差。 產,彌年不了。恣行割剝,以媚於時,人用嗟怨。 古制,天子六宮,皆有品秩高下,其俸物因 乃甚於不放。輸納物者有浸漬,折估皆下本郡徵納。又敕本郡高戶爲租庸脚士,皆破其家 爲己用。旣爲戶口色役使,時有敕給百姓一年復。供卽奏徵其脚錢,廣張其數,又市輕貨, 時右相李林甫怙權用事,志謀不利於東儲,以除不附己者,而供有吏幹,倚之轉深,以 玄宗在位多載,妃御承恩多賞賜,不欲頻於左右藏取之。。鐵探旨意,歲進錢寶百 唐法沿於周、隋,妃嬪宮官,位有尊卑,亦隨其品而給授,以供衣服鉛粉之費,以奉

'載,又加檢察內作事,遷戶部侍郎,仍兼御史中丞,賜紫金魚袋。 八載, 五 十五 王 兼充開廢使

星洞 及苑 銀青光祿大夫、都知總監及栽接等使。 見 內營田五坊宮苑等使、 老 人,云有玉版石記符,聖上長生久視。 隴右羣牧都使支度營田使, 九載五月、兼京兆尹、使並如故。 玄宗令與入山洞求而得之,因上尊號,加供 餘並如故。 太白山人李渾言于金

亦鬭 得, 珍饌 甥, 者。 III 賜 遊其門,問其相命, 遺, 同產兄王繇尚永穆 誣以 或 鷄供奉,每謔岫,岫常下之。 |針 ,常有備 不絕於門,雖晉公林甫亦畏避之。林甫子岫爲將作監,供奉禁中; 有憾於會,告於供,供遣賈季隣收於長安獄,入夜縊之,明辰載屍還其家。 威 他事杖殺之。 權 轉盛,兼二十餘使,近宅爲使院,文案堆積,胥吏求押一字, 擬,以候準所適。 言有王否。 公主,而惕息不 定安公主男革會任王府司馬, 又於宅側自有追歡之所。 萬年尉章黃裳、長安尉賈季隣常於廳事貯錢數百繩,名倡 海川 敢 震懼,潛匿不出。 聞之,話於私庭,乃被侍兒說於傭保 針懼 針 與弟戶部郞中聲,召術士任海 ] 洩其事, 令逐之, 至馮翊郡 即累日不遂。 **鉄子準衞尉少卿**, |會皇堂外 中使

及 潛 好弈棋,釋善棋,鐵因趕與之交故,至是意肆在粹處金城坊,密召之,日晏, 石相 構遊 + 謀 載 李林甫、左相 引 ,封太原縣公,又兼殿中監。 右 龍 武軍 陳希烈等。 萬騎刻取 + 先期二日事發,玄宗 月殺龍武將軍, 十一載四月,銲與故鴻臚少卿邢璹子辉情密累年,粹 臨朝,召鉄,上於玉案前 因燒諸城門及市 ,分數百人殺楊國忠 始令捕賊官捕 過狀與針。 針

裴冕恐銲引之,冕��冒之曰:「足下爲臣不忠,爲弟不義。 聖上以大夫之故,以足下爲戶部 宰相,林甫曰:「大夫後之矣。」遂不許。俄銲至,國忠問:「大夫知否?」銲未及應。侍御史 高。鉄朝週,於中書侍郞廳修表,令人進狀,門司已不納矣。須臾,敕爲烈推之。以以表示 不欲捨之而謀存。」乃進狀。十二日,與入朝,左相陳希烈言語侵之,與恨之,憤訴言氣頗 中亦未必至極刑,大夫必存,何如倂命!」鐵俯首久曰:「小弟先人餘愛,平昔頻有處分,養 國忠不敢洩上意,諷針曰:「且主上眷大夫深,今日大夫須割慈存門戶,但抗疏請罪郞中。郞 |鉄與銲別生,嫉其富貴,故欲陷||鉄耳,遂特原||銲不問,然意欲||鉄講罪之。上密令國忠諷之, 爲亂兵所斬,擒其黨善射人章瑤等以獻。國忠以白玄宗,玄宗以蝕委任深,必不與之知情, 國忠曰:「賊有號,不可戰。」須臾,驃騎大將軍、內侍高力士領飛龍小兒甲騎四百人討之,粹 乎!」鉷與國忠共計逐辉,釋下人曰:「勿損大夫下人。」國忠爲劍南節度使,有隨身官以白 謂之曰:「我與邢縡故舊,粹今反,恐事急妄相引,請足下勿受其言。」榮先等至粹門,粹等 知,亦不可妄引。」銲方曰:「七兄不知。」季隣證其罪。及日暮,奏之。與決杖死於朝堂,賜 郎中,又加五品,恩亦厚矣。 大夫豈知粹事乎?」國忠愕然,謂與曰:「實知,卽不可隱;不 十餘人持弓刃突出,榮先等遂與格戰。季隣以與語白)供,) 做謂之曰:「我弟何得與之有謀 萬年尉薛榮先、長安尉賈季隣等捕之,逢肆於化度寺門。季隣爲賦所引用,爲赤尉,與

墓所 做自盡於三衞廚。明日,移於資聖寺廊下,裴冕言於國忠,令歸宅權斂之,又請令妻、女送 (其) 汲引,及貴盛爭權,供附於李林甫,爲所誘,陷愼矜家。 經五年而供至赤族,豈天道歟! 至故驛殺之;妻薛氏及在室女並流。初,針與御史中丞、戶部侍郎楊愼矜親,且情厚,頗爲 ,國忠義而許之,令鉷判官齊奇營護之。男準除名,長流嶺南承化郡,偁長流珠崖郡,

斯道 括戶取媚,或以漕運承恩,或以聚貨得權,或以剝下獲寵,負勢自用,人莫敢違。 張說、李林 賢佐、無 也。 不令,其弊已多,良可痛也。 甫 手握大權,承主恩顧,尙遭凌擯,以身下之,他人卽可知也。然天道惡盈,器滿則覆,終雖 也。 玄宗以聖哲之麥,處高明之位,未免此累,或承之羞,後之帝王,得不深鑑! 史臣曰:夫奸佞之輩,惟事悅人,聚斂之臣,無非害物。 如之何,所以禮經戒其勿畜。宇文融、章堅、楊愼矜、王錤,皆開元之倖人也,或以 君人者,中智已降,亦心緣利動,言爲甘聞,志雖慕於聖明,情不勝於嗜欲,徒有 宋璟、裴耀卿、許景先獲居重任,因融薦之,此亦有鳳之一毛 賈禍招怨, 敗國喪身, 罕不由

贊曰:財能域人,聚則民散。 如何帝王,志求餘羨。 融、堅、矜、鉷,因利乘便。以徼寵 記

(二) 李宙劾之 「劾之」二字各本原無,據冊府卷三三七補。

[11] 空靑石 殘狀本「石」字作「綠」,餘各本均作「石」字。 新書卷一三四韋堅傳作「空靑石綠」。

(三) 仍改授一三品京官兼太守「一」下各本原有「子」字,據冊府卷四八三刪。

## 書卷一百六

#### 列 傳第五十六

李林甫 楊國忠 張暐 王琚 王毛仲 陳玄禮附

郭? 開元 潔白其父曰:「李林甫求爲司門郞中。」 官至揚府參軍,思誨卽林甫之父也。 」數日,除論德。 初,遷太子中允。 李林甫,高祖從父弟長平王叔良之會孫。叔良生孝斌,官至原州長史。 哥奴,林甫小字。 時源乾曜爲侍中,乾曜姪孫光乘,姜皎妹壻,乾曜與之親。 林甫善音律,初爲千牛直長,其舅楚國公姜皎深愛之。 累遷國子司業。 乾曜日:「鄓官須有素行才望高者, 哥奴豈是郎官 孝斌生思誨, 乾曜之男

惠妃云:「願保護壽王。」 傾後宮, 十四年,宇文融爲御史中丞,引之同列,因拜御史中丞,歷刑、吏二侍郎。 列 二子壽王、盛王以母愛特見寵異,太子瑛益疏薄。林甫多與中貴人善,乃因 傳 第 五 + 六 李 惠妃德之。初,侍中裴光庭妻武三思女,詭譎有材略,與林甫私。 林 甫 三二三五 時武惠妃愛 中官干

中

浦白休。 使中書令蕭嵩擇相,嵩久之以右丞韓休對,玄宗然之,乃令草韶。一力士遽漏於武氏,乃令林 本出三思家,及光庭卒,武氏銜哀祈於力士,請林甫代其夫位,力士未敢言。 体既入相,甚德林甫,與嵩不和,乃薦林甫堪爲宰相,惠妃陰助之,因拜黃門侍郎,

玄宗眷遇益

爲禮 養下士,盡至榮寵。 清列,爲時委任。 部尙書、同中書門下三品,並加銀青光祿大夫。林甫面柔而有狡計,能伺候人主意,故 而猜忌陰中人,不見於詞色,朝廷受主恩顧,不由其門, 二十三年,以黃門侍郞平章事裴耀卿爲侍中,中書侍郞平章事張九齡爲中書令,林甫 專歷戶、兵二尚書,知政事如故**。** 而中官妃家,皆厚結託,伺上 一動靜,皆預知之,故出言進奏,動必稱 則構成其罪,與之善者,雖廝

惟聖慮思之。」帝默然。 言,旣 謀於宰臣,將罪之。 封,九齡 人未見過, 尋 而 又以太子瑛、鄂王瑤、光王踞皆以母失愛而有怨言,駙馬都尉楊洄白惠妃。玄宗怒, 謂 又奏曰:「邊將訓兵秣馬,儲蓄軍實,常務耳,陛下賞之可也;欲賜實賦,恐未得宜。 中貴 陛下奈何以喜怒間忍欲廢之?臣不敢奉詔。」玄宗不悅。 人曰:「家事何須謀及於人。」時朔方節度使牛仙客在鎮,有政能,玄宗加實 九齡曰:「陛下三箇成人兒不可得。 林甫以其言告仙客, 仙客翌日見上,泣讓官爵。 太子國本,長在宮中,受陛下義方, 林甫惘然而退,初無 玄宗欲行實封之

典,目不識文字,若大任之,臣恐非宜。」林甫退而言曰:「但有材識,何必辭學,天子用人,何 事有未允,臣合盡言。違忤聖情,合當萬死。」玄宗曰:「卿以仙客無門籍耶?卿有何門閥?」 命,兼爲尙書,九齡執奏如初。帝變色曰:「事總由卿?」九齡頓首曰:「陛下使臣待罪宰相, 九齡對曰:「臣荒徼微賤,仙客中華之士。然陛下擢臣踐臺閣, 掌綸誥;仙客本河湟一使

」玄宗滋不悅

輩有顔 中書門下平章事,知門下省事。 有私。」玄宗籍前事,以九齡有黨,與裴耀卿俱罷知政事,拜左、右丞相,出挺之爲洺州刺史, 子諒本九齡引用,乃貶九齡爲荆州 元琰流于嶺外。 韶三司使推之,挺之救免其罪。 九齡 面。」九齡日:「此挺之前妻,今已婚崔氏,不合有情。」玄宗曰:「卿不知,雖離之,亦却 與中書侍郎嚴挺之善。 即日林甫代九齡爲中書、集賢殿大學士、修國史;拜牛仙客工部尙書、同 監察御史周子諒言仙客非宰相器,玄宗怒而殺之。林甫言 玄宗察之,謂九齡曰:「王元琰不無贓罪,嚴挺之囑託所由 挺之初娶妻出之,妻乃嫁蔚州刺史王元琰。時元琰坐贓, 長史。

刑措。 州,死於故驛,人謂之「三庶」,聞者冤之。 玄宗終用林甫之言,廢太子瑛、鄂王瑤、光王琚爲庶人,太子妃兄駙馬都尉薛鏽長流瀼 玄宗推 功元 輔,封林甫晉國公,仙客豳國公。 其月, 佞媚者言有烏鵲巢於大理獄戶, 天下 其多,惠妃病,三庶人爲祟而薨 · 幾致 儲宮

當守器東宮。」乃立爲皇太子。 虚位,玄宗未定所立。林甫曰:「壽王年已成長,儲位攸宜。」玄宗曰:「忠王仁孝,年又居長, 自是林甫懼,巧求陰事以傾太子。

度事 機,恆以大臣接對拘檢,難徇私欲,自得林甫,一以委成。故杜絕逆耳之言,恣行宴樂,袵席 參議,但唯諾而已。 適之既罷,乃引希烈同知政事。 無別,不以爲恥,由林甫之贊成也。 甫同論時政,多失大體,由是主恩益疏,以至罷免。黃門侍郎陳希烈性便佞,嘗曲事林甫, 御府膳羞,遠方珍味,中人宣賜,道路相望。 與宰相李適之雖同宗屬,而適之輕率,嘗與林 ,加光祿大夫,遷尙書左僕射。 |林甫旣秉樞衡,兼領||隴右、河西節度,又加吏部尚書。||天寶改易官名,爲右相,停知節 每有奏請,必先賂遺左右,伺察上旨,以固恩寵。 林甫久典樞衡,天下威權,並歸於己, 大載,加開府儀同三司,賜實封三百戶,而恩渥彌深。**凡** 合司機務, 希烈不敢 上在位多載,倦於萬

每 必陰計中傷之。 之,及女樂二部,天下珍玩,前後賜與,不可勝紀。 史中丞楊愼矜陰伺堅隙。 事過愼,條理衆務,增修綱紀,中外遷除,皆有恆度。 林甫京城邸第,田園水磑,利盡上腴。城東有薛王別墅,林亭幽邃,甲於都邑,特以賜 初,韋堅登朝,以堅皇太子妃兄,引居要職,示結恩信,實圖傾之,乃潛令御 會正月望夜,皇太子出遊,與堅相見,愼矜知之,奏上。上大怒, 宰相用事之盛,開元已來,未有其比。然 而耽寵固權,已自封植 1,朝望稍著,

不叶, 類也 親,出入中禁,奏請多允,乃擢在臺省,令按刑獄。會皇太子良娣杜氏父有鄰與子婿柳勣 以爲不軌,黜堅,免太子妃韋氏。林甫因是奏李適之與堅昵狎,及裴寬、韓朝宗並曲附適之, 是賜有鄰自盡,出良娣爲庶人,李邕、裴敦復枝黨數人並坐極法。 史中丞,託以心腹。一供希林甫意,遂誣罔密奏慎矜左道不法,遂族其家。楊國忠以椒房之 上以爲然,賜堅自盡,裴、韓皆坐之斥逐。後楊愼矜權位漸盛,林甫又忌之,乃引王鉷爲御 林甫之苞藏安忍,皆此

條行。告未上,林甫知之,諷御史臺逮捕,以爲妖言,重杖決殺。 外人交通?此妄也。」然忠嗣亦左授漢陽太守。八載,咸寧太府趙奉章告林甫罪狀二十餘 節度,自云與忠王同養宮中,情意相得,欲擁兵以佐太子。」玄宗聞之曰:「我兒在內,何路與 林甫嘗令濟陽別駕魏林告隴右、河西節度使王忠嗣,林往任朔州刺史,忠嗣時爲河東 林甫自以始謀不佐皇太子,慮爲後患,故屢起大獄以危之,賴太子重愼無過, 流言不

才略,亦不專委大將之任,多以重臣領使以制之。開元中,張嘉貞、王晙、張說、蕭嵩、杜暹 忠 十載,林甫兼領安西大都護、朔方節度,俄兼單于副大都護。十一載,以朔方副使李獻 讓節度,舉安思順自代。國家武德、貞觀已來,蕃將如阿史那社爾、契苾何力,忠孝有

之任故也。 皆以節度使入知政事,林甫固位,志欲杜出將入相之源,嘗奏曰:「文士爲將,怯當矢石,不 仙芝、哥舒翰皆專任大將,林甫利其不識文字,無入相由,然而祿山竟爲亂階, 如用寒族、蕃人,蕃人善戰有勇,寒族卽無黨援。」帝以爲然,乃用思順代林甫領使。 由專得大將 自是高

度,林甫舅子,度妻誕子,林甫手書慶之曰:「聞有弄麞之慶。」客視之掩口。 林甫不識「杕」字,謂吏部侍郎韋陟曰:「此云『杖杜』,何也?」陟俯首不敢言。 郭愼微、苑咸文士之關茸者,代爲題尺。林甫典選部時,選人嚴迥判語有用「杕杜」二字者, 林甫恃其早達,興馬被服,頗極鮮華。自無學術,僅能秉筆,有才名於時者尤忌之。 而 太常少卿姜

還,謁林甫 出於庭中,上登降聖閣遙視,舉紅巾招慰之,林甫不能興,使人代拜於席。 入相之意。又曰:「卿止到蜀郡處置軍事,屈指待卿。」林甫心尤不悅。 年十月,扶疾從幸華淸宮,數日增劇,巫言一見聖人差減,帝欲視之,左右諫止。 領劍南節度,會南蠻寇邊,林甫請國忠赴鎭。帝雖依奏,然待國忠方渥,有詩送行, 諸子以吉儀護柩還京師,發喪於平康坊之第。 初,楊國忠登朝,林甫以微才不之忌;及位至中司,權傾朝列,林甫始惡之。 ,拜於牀下,林甫垂涕託以後事。 專卒,贈太尉、<br />
揚州大都督,給班劍、 林甫時已寢疾。 翌日,國忠自 乃敕林甫 時國忠公 西園 句末言

太常少卿;子壻張博濟爲鴻臚少卿, 夕屢徙,雖家人不之知。 有子二十五人、女二十五人:岫爲將作監, 崿爲司儲 林甫晚年溺於聲妓,姬侍盈房。自以結怨於人,常憂刺客竊發,重扃複壁,絡板 鄭平爲戶部員外郎,杜位爲右補闕,楊齊宜爲諫議大 鄓 中, 、甃石, 嶼爲

構,天下以爲冤。 曹參軍,至是不十年,林甫卒,國忠竟代其任,其形狀亦類寬焉。 代我故也。」時寬爲戶部尙書、兼御史大夫,故因李適之黨斥逐之。是時楊國忠始爲金吾胄 循格令,衣冠士子,非常調無仕進之門。所以秉鈞二十年,朝野側目,憚其威權。及國忠誣 人,岫、崿諸子並謫於嶺表。林甫性沉密,城府深阻,未嘗以愛憎見於容色。自處台衡,動 奏林甫與蕃將阿布思同構逆謀, 夫 (三) 元撝爲京兆府戶曹。 初 ,林甫嘗夢一白皙多鬚長丈夫逼己,接之不能去。旣寤,言曰:「此形狀類裴寬,寬謀 誘林甫親族間素不悅者爲之證。 國忠素憾林甫, 旣得志, 誣 韶奪林甫官爵,廢爲庶

卽 國忠之舅 楊國 忠本名釗,蒲州永樂人也。父珣,以國忠貴,贈兵部尚書。則天朝幸臣張易之, 也。 國忠 無學術拘檢,能飮酒,蒱博無行,爲宗黨所鄙。 乃發憤從軍,事蜀帥,

列傳

第

五

+

楊國忠

軍。 以 屯 優當 太眞 妃 遷 即國忠從祖妹也。 益州長 ,史張寬惡其爲人,因事笞之,竟以屯優授新都尉。 天寶初,太眞有寵,劍南節度使章仇兼瓊引國忠爲賓佐,既 稍遷金吾衞兵曹念

而爲邪 外鄓 郎中 深阻保位 樹威權。 詆,爲國忠爪牙之用,因深竟堅獄,堅及太子良娣杜氏、親屬柳勣、 堅 而 擢 與皇甫惟明 面賜國忠金紫,兼權太府卿事 秦國三夫人同 兼 ·,不期年,兼領 授監察御史。去就輕率,驟 時李林甫 侍御史,監水陸運及司農、出納錢物、 得以 於京城別置推院,自是連歲大獄,追捕擠陷, 國忠凡所奏劾,涉疑似於太子者,林甫雖不明言以指導之,皆林甫所使, **心**與意。 私謁 將不利於皇太子,掎摭陰事以傾之。 日 太子 十五餘使,轉給事中、兼御史中丞,專判度支事。 1拜命, 上春秋高, ,以國忠怙寵 兄銛拜 履淸貫,朝士指目嗤之。 意有所愛惡 0 鴻 國忠既 臚 敢言,援之爲黨, 卿。 專錢穀之任,出入禁中,日 八載, 內中市買、召募劍南健兒等使。 國忠探知其情, 玄宗召公卿百僚觀左藏 侍御史楊愼矜承望風旨,誣太子妃兄章 誅夷者數百家,皆國忠發之。 以按其事。 動契所欲。 杜昆吾等,痛繩其罪, 京兆府法曹吉温舞文巧 是歲, 加親幸。 驟 庫, 貴妃姊虢國、韓 以稱職 遷檢校度支員 喜其貨幣山 林甫方 國忠 遷度支 以 乘

事防患,因與與有隙。 初,楊愼 矜希林甫旨,引王鉷爲 鐵乃附國忠,奏誣愼矜,誅其昆仲, 御史中丞, 同構大獄 ,以傾東宮。 由是權傾內外, 既帝意不迴,愼矜稍避 公卿惕息。 吉温

尹,賜名國忠。乃窮竟邢粹獄,令引林甫交私供、趕與阿布思事狀,而陳希烈、哥舒翰附會 所親善,國忠皆誣奏譴逐,林甫不能救。王鉷爲御史大夫,兼京兆尹,恩寵侔於國忠,而位望 爲國忠陳移奪執政之策,國忠用其謀,尋棄兵部侍郎。 居其右。 國忠忌其與已分權,會邢縡事泄,乃陷歐兄弟誅之,因代與爲御史大夫,權京兆 京兆尹蕭炅、御史中丞宋渾皆林甫

國忠,證成其狀,上由是疏薄林甫。

南節度、山南西道採訪、兩京出納租庸鑄錢等使並如故。 數月召還。會林甫卒,遂代爲右相,兼吏部尙書、集賢殿大學士、太淸太微宮侇、判度支、劍 載,南蠻侵蜀,蜀人請國忠赴鎮,林甫亦奏遣之。將辭,雨泣懇陳必爲林甫所排,帝憐之,不 凡舉二十萬衆,棄之死地,隻輪不還,人銜冤毒,無敢言者。國忠尋兼山南西道採訪使。十一 其徵發皆中國利兵,然於土風不便,沮洳之所陷,瘴疫之所傷,饋餉之所乏,物故者十八九。 城區,不戰而敗,李宓死於陣。國忠又隱其敗,以捷書上聞。自仲通、李宓再舉討蠻之軍, <u>仲通代已爲京兆尹。國忠又使司馬李宓率師七萬再討南蠻。</u> 表請國忠兼領益部。十載,國忠權知蜀郡都督府長史,充劍南節度副大使,知節度事 率精兵八萬討南蠻,與羅鳳戰于瀘南,全軍陷沒。國忠掩其敗狀,仍敍其戰功,仍令仲通上 南蠻質子閣羅鳳亡歸不獲,帝怒甚,欲討之。 國忠薦閬州人鮮于仲通爲益州長史,令 **宓渡瀘水,爲蠻所誘,** 了,仍薦 至和

前政。 辟易 皆決於私家。 字,猶不能盡,皆責成胥吏,賄賂公行。 務威權,出入騎從簡易。自林甫承恩顧年深,每出車騎滿街,節將、侍郎有所關白,皆趨走 袂 、扼腕,自公卿已下,皆頤指氣使,無不醫憚。 故事,宰相居台輔之地,以元功盛德居之,不 ,有同案吏。舊例,宰相午後六刻始出歸第,林甫奏太平無事,以巳時還第,機務塡委, 國忠本性疏躁,強力有口辯,旣以便佞得宰相,剖決機務,居之不疑。立朝之際,或攘 國忠自侍御史以至宰相,凡領四十餘使,又專判度支、吏部三銓,事務鞅掌,但署一國忠自侍御史以至宰相,凡領四十餘使,又專判度支、吏部三銓,事務鞅掌,但署一 主書吳珣持籍就左相陳希烈之第,希烈引籍署名,都無可否。國忠代之,亦如

相對大噱。 是 陳希烈於座隅,給事中在列,曰:「旣對注擬,過門下了矣。」吏部侍郎章見素、張倚皆衣紫, **弟垂簾** 對注唱,一 吏部三銓 本司決事,兵部尚書、侍郎亦分銓注擬。開元已後,宰臣數少,始崇其任,不歸本司。 故事 日與本曹郞官同咨事,趨走於屛樹之間。旣退,國忠謂諸妹曰:「兩員紫袍主事何如人?」 國忠旣以宰臣典選,奏請銓日便定留放,不用長名。先天已前,諸司官知政事,午後歸 觀之,笑語之聲,朗聞於外。故事,注官訖,過門下侍中、給事中。國忠注官時,呼左相 ·三注三唱,自春及夏,才終其事。 國忠使胥吏於私第暗定官員,集百僚於尚書省 日令畢,以誇神速,資格差謬,無復倫序。明年注擬,又於私第大集選人,令諸女 其所昵京兆尹鮮于仲通、中書舍人竇華、侍御史鄭昂諷選人於省門立碑,以頌

國忠銓綜之能

甍棟 於前 三百戶,俄 會 夜集, 每年多十月幸華清宮,常經多還宮。 相接,天子幸其第,必過五家,賞賜宴樂。 出有餞路,還有軟脚,遠近餉遺,珍玩狗馬,閹侍歌兒,相望於道。進封衞國公,食實封 妃 姊虢國夫人, 無 拜 司 復禮度。 空。 有時與虢國並轡入朝,揮鞭走馬,以爲諧謔,衢路觀之, 國忠與之私,於宣義里構連甲第,土木被綈繡,棟宇之盛 國忠山第在宮東門之南,與虢國相對,韓國 每扈從驪山,五家合隊,國忠以劍南幢節引 ,兩都莫比, 無不 、秦國 駭 歎。

其搖 變起 温 捕 萬歲之後,方圖 逆之狀,上不之信。 東宮監國 其宅 知 一、欲以 留 動, 時 安祿山恩寵特深,總握兵柄,國忠知其跋扈,終不出其下,將圖之,屢於上前言其悖 , 得 內以 ,當與娘 皇太 李超、 兼 御 取 叛換。 子監國,自欲親征,謀於國 史中丞、京畿採訪使,內何朝廷動靜。國忠使門客蹇昂、何盈求祿山 信於上,上竟不之悟。 安岱等,使侍御史鄭昂縊殺於御史臺。又奏貶吉温於合浦,以激怒祿山,幸 子等倂命矣。」姊妹哭訴於貴妃, 是時,豫山已專制河北,聚幽、丼勁騎,陰圖逆節,動未有名,何上千秋 及見國忠用事,慮不利於己,祿山遙領內外閑廐使,遂以兵部侍郎吉 由是祿山 忠。 國忠 惶懼, 貴妃銜土請命,其 大懼,歸謂姊妹曰:「我等死 遂舉兵以誅國忠爲名。 事 乃止。 在旦夕。 玄宗聞河朔 及哥舒翰守 陰事 重

其速 戰,自中督促之。 ,諸將以 函 關 距京師三百里,利在守險,不利出攻。 翰不獲已出關,及接戰桃林,王師奔敗,哥舒受擒,敗國喪師,皆國忠 國忠以翰持兵未決,盧反圖己,欲

方進 潼關 明,任寄失所。近亦覺悟,審其詐佞,意欲到圖,肆諸市朝。 身死 朝野怨咨,以至 親屬 之誤惑也 怒,龍武將軍陳玄禮懼亂,先謂軍士曰:「今天下崩離, 宮門大樹下。 **獨藁之積,煙火燭天。旣渡渭,卽令斷便橋。 辰時,至咸陽望賢驛,官吏駭竄,無復貴賤,坐** 不守。 固所願也。」會吐蕃和好使在驛門遮國忠訴事 ,擁上出延秋門,諸王妃主從之不及,慮賊奄至,令內侍曹大仙擊鼓于春明門外,又焚 驒 自 禄山 ,乘輿播越,此而 , 左相章 擒國忠,斬首以徇。 十二日凌晨,上率龍武將軍陳玄禮、左相韋見素、京兆尹魏方進,國忠與貴妃及 兵起,國忠以身領劍南節制,乃布置腹心於梁、益間,以圖自全之計。六月九日, 亭午,上猶未食,有老父獻麨,帝令具飯,始得食。 見素傷。 此耶?若不誅之以謝天下,何以塞四海之怨憤!」衆曰:「念之久矣。 不誅,患難未已。 良久兵解,陳玄禮等見上謝罪曰:「國忠撓敗國經,構興 是日,貴妃旣縊, 臣等爲社稷大計,請矯制之罪。」帝曰:「朕識之不 韓國、魏國二夫人亦爲亂兵所殺,御史大夫魏 • 軍士 萬乘震蕩, 豈不由楊國忠割剝甿庶, 呼曰:「楊國忠與蕃人謀叛。」諸軍 今神明啓卿, 諧朕夙志, 將疇爵 翌日,至馬嵬,軍士飢而 、禍亂 ,使黎 事行, 憤

### 賞,何至言焉。」

乘興遷幸,朝廷陷沒,百僚繫頸,妃主被戮,兵滿天下,毒流四海,皆國忠之召禍 卒,連收恆、定,若崤、函固守,兵不妄動,則兇逆之勢,不討自弊。及哥舒翰出師,凡不數日 是時,祿山 [雖據河洛,其兵鋒東止於梁、宋,南不過許、鄧。 李光弼、郭子儀統河朔勁 也

追兵所殺 人皆自剄死。 兄弟各立第於親仁里,窮極奢侈。國忠娶蜀倡裴氏女曰裴柔,國忠旣死,柔與虢國夫 國忠子:喧、咄、曉、晞。 暄爲太常卿兼戶部侍郎,尚延和郡主; 咄爲鴻臚卿,尚萬春公 暄死於馬嵬;毗陷賊被殺;曉走漢中郡,漢中王瑀榜殺之;晞走至陳倉,爲

遺,車馬盈門,財貨山積;及國忠敗,皆坐誅滅,其斷喪王室,俱一時之沴氣焉。 國忠之黨翰林學士張漸寶華、中書舍人宋昱、吏部郎中鄭昂等,憑國忠之勢,招來賂

禮自山東來,有女美麗,善歌舞,王幸之,止於暐第,生廢太子瑛。 賓客,以弋獵自娛。 張暐,汝州襄城人也。 會臨淄王爲潞州別駕,暐潛識英姿,傾身事之,日奉遊處。及樂人趙元 祖德政,武德中鄭州刺史。障,景龍初爲銅鞮令,家本豪富,好 唐隆元年六月,王清內

琚

難,升爲皇太子,召暐拜宮門大夫,每與諸王、姜皎、崔滌、李令問、王守一、薛伯陽在太子左 右以接歡。 其年,擢拜左臺侍御史印,數月遷左御史臺中丞。

將軍,又爲殿中監、太僕卿。 爲備。 龍之極。 書左僕射、兼侍中; 二月,改元開元,以雍州爲京兆府,長史爲尹。 先天元年,太子卽位,帝居武德殿。 太平聞之,白於睿宗,乃流暐於嶺南峯州,幽求謫於嶺外。及太平之敗,幽求 暐亦有應務才幹,遷太子詹事,判尙書左右丞,再除左羽林大將軍,三爲左金吾太 暐爲大理卿,封鄧國公,實封三百戶,逾月又加權兼雍州長史。 太平公主有異謀,廣樹朋黨,障與僕射劉幽求請先 障首遷京兆尹,入侍宴私,出主都政,以爲榮 其年 追 拜尚

錦袍繒綵,御賜詩以寵異之,乘傳來往,敕郡縣供擬。 數里,衣冠榮之。 同三司。 二十年,以暐年高,加特進。 其後,履冰爲金吾將軍,季良殿中監,俱列棨戟,時人美之。 中使中路追賜藥物。 子履冰、季良、弟晤皆居淸列。 至襄城月餘、韶還京。 障鬢髮華皓,在興中, 五載薨,年九十餘,贈開府儀 天寶初,暐還鄉拜掃, 障壽考,善保終始。 子弟車馬 特賜 連接

懷州河內人也。 叔父隱客,則天朝爲鳳閣侍郎。 琚少孤而聰敏,有才略,好玄象

大臣 沉殿 於富 養帝於宮中,後與上官桀、燕王謀害大司馬霍光,不議及君上,漢主恐危劉氏,以大義去之。 所出。」踞曰:「天子之孝,貴於安宗廟,定萬人。 徵之於昔,蓋主,漢帝之長姊,帝幼,蓋主共 人心盡搖,思立字氏,殿下誅之爲易。今社稷已安,太平則天之女,凶狡無比,專思立 於社稷,大孝於君親,何得有此聲?」玄宗遽召見之,踞曰:「頃韋庶人智識淺短,親行弑逆, 行徐視高,中官曰:「殿下在簾下。」踞曰:「在外只聞有太平公主,不聞有太子。 太子有大功 危。 之大臣,多爲其用。主上以元妹之愛,能忍其過。賤臣淺識,爲殿下深憂。」玄宗命之同榻 事,歷然可觀。 資其行裝,乃至長安。 義而 合鍊之學。 ,心輔殿下。 沙門普潤先與玄宗筮,克淸內難,加三品,食實封,常入太子宮。」居見之,說以天時人 玄宗泣曰:「四哥仁孝,同氣唯有太平,言之恐有違犯,不言憂患轉深,爲臣爲子, 商家,主人後悟其非傭者,以女嫁之,資給其財。經四五年,睿宗登極,踞具白主人,厚 許之,與周璟、張仲之爲忘年之友。及同皎敗,踞恐爲吏所捕,變姓名詣於 功格 列 傳 第 天地,位尊儲貳。 神龍初,年二十餘,嘗謁駙馬王同皎,同皎甚器之,益歡洽。言及刺武三思事 普潤白玄宗,玄宗異之。及踞於吏部選補諸暨主簿,於東宮過謝,及殿,而 太平之黨,必有移奪安危之計,不可立談。」玄宗又曰:「公有何小藝,可隱 遇玄宗爲太子監國,爲太平公主所忌,思立孱弱,以竊威權,太子憂 太平雖姑,臣妾也,何敢議之一今劉幽求、張說、郭元振一二

功,朝

計 無

江都

i',傭書

知 跡 晚, 獨踞常預秘計。 與寡人遊處? 呼爲王十一。 」踞曰:「飛丹鍊藥,談諧嘲詠,堪與優人比肩。」」玄宗益喜,與之爲友,恨相 驗月,又拜太子舍人,尋又無諫議大夫、內供奉,又贈其父故下邽丞仲 翌日,奏授詹事府司直、內供奉兼崇文學士,日與諸王及姜皎等侍奉

常元 王守 友楚州 据、皎、 今問並 殿中監、宋國公, 食實 嶺外 國 史任知古召募數百人於朝堂,不得入。頃間,据等從玄宗至樓上,誅蕭至忠、岑羲、寶懷貞、 「公,實封五百戶;守一銀青光祿大夫、太常卿員外置 累 封 楷 一並預誅逆,以鐵騎至承天門。時睿宗聞鼓譟聲,召郭元振升承天樓,宣詔下關,侍御 先天元年七月,玄宗居尊位,在武德殿。八月,擢拜中書侍郎。時劉幽求、張暐並流於 据見事迫,請早爲之計。 二年七月三日,据與岐王範、薛王騭、**姜皎、李令問、王毛仲、** 刺 日,玄宗讌於內殿,賜功臣金銀器皿各一床、雜綵各一千匹、絹一千匹,列於庭,讌慰 五百戶,皎銀青光祿大夫、工部尙書,封楚國公,實封五百戶,令問銀青光祿大夫、 、李慈、李猷等。 史。 固讓尙書、殿中監,不上。 實封三百戶;毛仲輔國大將軍、左武衞大將軍、檢校開廐兼 睿宗遜居百福殿。 十八日,踞、皎依舊官各加實封二百戶,通前七百 十日,拜踞銀靑光祿大夫、戶部尚書,封趙國公, 同正員,進封晉國公,實封五百戶。 知監收使、霍

終夕,載之而歸。

宅問訊)据母,時果珍味賚之,助其甘旨。 据在帷幄之側,常參聞大政,時人謂之「內宰相」, 無有比者。又贈其父魏州刺史。或有上說於玄宗曰:「彼王琚、麻嗣宗譎詭縱橫之士,可與 | 踞轉見恩顧,每延入閣中,迄夜方出。歸休之日,中官至第召之。中宮亦使尙宮就踞

通、鄧、蔡五州刺史。天寶後,又爲廣平、鄴郡二太守。性豪侈,著勳中朝,又食實封,典十 九州刺史,又復其封。二十年,丁母憂。二十二年,起復右庶子,兼屬州刺史,又改同、蒲、 五州,常受饋遺,下檐帳設,皆數千貫。玄宗念舊,常優容之。侍兒二十人,皆居寶帳。家累 履危,不可得志。天下已定,宜益求純樸經術之士。」玄宗乃疏之。 同爲紫微侍郎。二年二月迴,未及京,便除澤州刺史,削封。歷衡、郴、滑、號、沔、鹽、許、潤 三百餘口,作造不邍於法式。雖居州伯,與佐官、胥吏、酋豪連榻飮謔,或樗蒱、藏鉤以爲 每移一州,車馬塡路,數里不絕。攜妓從禽,恣爲歡賞,垂四十年矣。 十一月,令御史大夫持節巡天兵以北諸軍。十二月,改年號爲開元,又改官名,與蘇頲

至,遂自縊 |甫以琚等負材使氣,陰議除之。 五載正月,琚果爲|林|||構成其罪,貶琚||江華郡員外司馬,削 時李邕、王弼與琚皆年齒尊高,久在外郡,書疏尺題來往,有「譴謫留落」之句。 右相林 至任未幾,林甫使羅希奭重按之。希奭排馬牒至,踞懼,仰藥,竟不能死;及希奭 而卒。 死非其罪,人用憐之。寶應元年,贈太子少保。

仲

悟,玄宗爲臨淄王,常伏事左右。及出兼潞州別駕,又見李宜德趫捷善騎射,爲人蒼頭,以錢 王毛仲,本高麗人也。父游擊將軍職事求婁,犯事沒官,生毛仲,因隸于玄宗。 性識明

五萬買之。景龍三年冬,玄宗還長安,以二人挾弓矢爲翼。

營。孝和謂之「萬騎」,亦置使以領之。玄宗在藩邸時,常接其豪俊者,或賜飮食財帛,以此 令騎豹文韉,著畫獸文衫,謂之「百騎」。 至則天時,漸加其人,謂之「千騎」,分隸左右羽林 盡歸心焉。毛仲亦悟玄宗旨,待之甚謹,玄宗益憐其敏惠。 初,太宗貞觀中,擇官戶蕃口中少年驍勇者百人,每出遊獵,令持弓矢於御馬前射生,

之不入。乙夜,福順等至,玄宗曰:「與公等除大逆,安社稷,各取富貴,在於俄頃,何以取 威。其營長葛福順、陳玄禮等相與見玄宗訴冤,會玄宗已與劉幽求、麻嗣宗、薛崇簡等謀 監丁匠刀鋸百人至,因斬關而入,后及安樂公主等皆爲亂兵所殺。其夜,少帝以玄宗著大 信?」福順等請號而行,斯須斬韋播、韋璿、高嵩等頭來,玄宗舉火視之。又召鍾紹京領 大計,相顧益歡,令幽求諷之,皆願決死從命。及二十日夜,玄宗入苑中,宜德從焉,毛仲避 及四年六月,中宗遇弒,韋后稱制,令韋播、高嵩爲羽林將軍,令押千騎營,榜棰以取

勳,進封平王。 出,傾城聚觀歡慰。 者爲中郞將。 其時,梓宮在殯,舉城編素。 以紹京、幽求知政事,署詔敕。 其犯逆者,盡曝屍於城外。 及明,玄宗引新立功者皆衣紫衣緋,持滿鐵騎而 崇簡、嗣宗及福順、宜德, 功大者爲將軍, 次 毛仲數日而歸,玄宗不責,又超授將

開 資以 三品 其父秦州 以 廐 官 廐 福 / 水隸 兼 吏皆懼 順等爲將軍以押之。龍武官盡功臣,受錫賚,號爲「唐元功臣」。長安良家子避征徭,納 及玄宗爲皇太子監國,因奏改左右萬騎左右營爲龍武軍,與左右羽林爲北門四軍(至), 知 及先天二年七月,毛仲預誅蕭、岑等功,授輔國大將軍、左武衞大將軍、檢校內外 監 刺 於其中,遂每軍至數千人。。毛仲專知東宮駝馬鷹狗等坊,未逾年,已至大將軍,階 史。 其威,人不敢犯。 牧使,進封霍國公,實封五百戶。毛仲奉公正直,不避權貴,兩營萬騎功臣、開 苑中營田草萊常收,率皆豐溢,玄宗以爲能。開元十四年,贈

卿, 晏。 稚已授 姜皎等御幄前連榻 餘 其 毛 並 (妻已 五 仲 一如故。 品,與皇太子同遊,故中官楊思勗、高力士等常避畏之。 雖 有賜莊宅, 邑號國夫人; 九年, 持節充朔方道防禦討擊大使,仍以左領軍大總管王晙與天兵軍節度 m 奴婢、駝馬、錢帛不可勝紀,常於閑廐側內宅住。 坐。 賜 妻李氏又爲國夫人。每入內朝謁,二夫人同承賜賚,生男, 玄宗或時不見, 則悄然如有所失;見之則歡洽連宵,有至 七年, 進位特進,行太僕 每入侍讌賞,與諸 孩 日

列

傳

第

張說,東與幽州節度裴伷先等計會。

發其罪,尤倨慢之。中官高品者,毛仲視之蔑如也; 宋璟及毛仲十五年間四人至開府, 力士輩恨入骨髓。 子娶毛仲女,宜德、唐地文等數十人皆與毛仲善,倚之多爲不法。 毛仲父益州大都督。 不三年,扈從東封,以諸牧馬數萬匹從,每色爲一隊,望如雲錦,玄宗益喜。於岳下以宰相源 「北門奴官太盛,豪者皆一心,不除之,必起大患。」 、張說加左右丞相,毛仲加開府儀同三司。 毛仲部統嚴整,羣牧孳息,遂數倍其初。芻粟之類,不敢盜竊,每歲迴殘,常致數萬斛。 毛仲承恩遇,妻產,嘗借苑中亭子納涼,玄宗借之。 毛仲益驕,嘗求爲兵部尙書,玄宗不悅,毛仲怏怏,見於詞色。又福 又敕張說爲監牧頌以美之。十七年,從朝五陵, 自玄宗先天正位後,以后父王同皎及姚崇、 如卑品者,小忤意則挫辱如己之僮僕。 中官等妬其全盛逾己,專 中官構之彌甚,曰: 又贈 順

實狀 迹其深愆, 逃匿,念深惟舊,義在優容,仍荷殊榮,蔑聞悛悔。 ,擢自家臣,升于朝位。 ,韶曰:「開府儀同三司、兼殿中監、霍國公、內外閑廐監牧都使王毛仲,是惟微細 後毛仲索甲仗於太原軍器監 合從誅殛; 恕其庸昧, 恩寵莫二,委任斯崇。 ,時嚴挺之爲少尹,奏之。 宜從遠貶。 可瀼州別駕員外置長任, 無涓塵之益, 在公無竭盡之效,居常多怨望之詞。 玄宗恐其黨震懼爲亂,乃隱其 肆驕盈之志。 差使馳驛領送至 往屬 (艱難)

立功後改名; 唐地文, 貶振 任,勿許東西及判事。」左領軍大將軍耿國公葛福順,貶壁州員外別駕;左監門將軍盧龍子 毛仲男太子僕守貞,貶施州司戶; 州員外別駕; 右威衞將軍王景耀, 右武衞將軍成紀侯李守德,貶嚴州員外別駕, 貶黨州員外別駕,右威衞將軍高廣濟,貶道州員外別 太子家令守廉,貶溪州司戶,率更令守慶, 守德本宜德也, 貶鶴州

宗入巴蜀迴,封蔡國公,實封三百戶。 闕。」玄宗又不能違。及安祿山反,玄禮欲於城中誅楊國忠, 年在華清宮,逼正月半,欲夜遊,玄禮奏曰:「宮外卽是曠野, 乘馬出宮門,欲幸虢國夫人宅,玄禮曰:「未宣敕報臣,天子不可輕去就。」玄宗爲之迴轡。他 其後,中官益盛,而陳玄禮以淳樸自檢,宿衞宮禁,志節不衰。天寶中,玄宗在華淸宮 上元元年八月致仕。 事不果,竟於馬嵬斬之。 須有備預,若欲夜遊,願歸城 從玄

司倉;左監門長史守道,貶涪州參軍。

連累者數十人。又詔殺毛仲,及永州而縊之。

所陷,得非彼蒼假手,以示禍淫者乎!楊國忠稟性奸回,才薄行穢,領四十餘使,恣弄威權 天子莫見其非,羣臣由之杜口,致祿山叛逆,鑾輅播遷,梟首覆宗,莫救艱步。 史臣曰:李林甫以諂佞進身,位極台輔,不懼盈滿,蔽主聰明,生旣唯務陷人,死亦爲人 以玄宗之睿

三二五五

校

勘

作威,害于而家,凶于而國。」孔子曰:「佞人殆。」誠哉是言也。 治,幸林甫、國忠而亂,與夫齊桓任管仲、隰朋,幸竪刁、易牙,亦何異哉!書曰:「臣有作福 哲,而惑於二人者,蓋巧言令色,先意承旨,財利誘之,迷而不悟也。 張暐、王琚、王毛仲,皆鄧通 開元任姚崇、宋璟而

閎孺之流也。 踞有締構之功,過多僭侈,死於非罪,亦何惜之!

贊曰:天啓亂階,甫、忠當國。蔽主聰明,秉心讒慝。 暐同二王,亦承恩德。 **吁哉僭踰** 

#### 校勘記

不知紀極。

(1) 太府 新書卷二二三上李林甫傳、通鑑卷二一六作「太守」。

(三)楊齊宣 「楊」字各本原無,據新書卷二二三上李林甫傳補。

[刊]和城 本書卷一九七南韶蠻傳作「大和城」。

(<u>M</u>) 其年 「其」字上各本原有「令問」二字,據合鈔卷一五七張暐傳刪。

色 北門四軍 各本原作「北四門軍」,據合鈔卷一五七王毛仲傳改。

# 舊唐書卷一百七

## 列傳第五十七

玄宗諸子

恆王瑱 延王玢 夏悼王 靖德太子琮 盛王琦 涼王璿 儀王璲 庶人瑛 濟王環 汴哀王璥 潁王璬 棣王琰 信王瑝 懷哀王敏 庶人瑤 義王玼 永王璘 靖恭太子琬 陳王珪 壽王 豐王珙 瑁 庶人琚

生廢太子瑛,錢妃生棣王琰,皇甫德儀生鄂王瑤,劉才人生光王琚,貞順武皇后生夏悼王 一、懷哀王敏、壽王瑁、盛王琦,高婕妤生潁王璬,郭順儀生永王璘,柳婕妤生延王玢,鍾 玄宗三十子:元獻楊皇后生肅宗,劉華妃生奉天皇帝宗、靖恭太子琬、儀王璲,趙麗妃

列

傳

第

五十

七

玄

宗賭子

三二五七

人生濟王環,盧美人生信王瑝,閻才人生義王毗,王美人生陳王珪,陳美人生豐王珙,鄭才 人生恆王暉,武賢儀生凉王璿、汴哀王璥,餘七王早夭。

竇氏爲恭應皇后,備禮改葬於華淸宮北齊陵,以尙書右僕射、冀國公裴冕爲其使。初,開元 |水之南細柳原,仍於||啓夏門內置廟袝享焉。||肅宗元年建寅月九日, 詔追册爲|奉天皇帝, 妃 師,改名踪。二十四年,拜司徒。天寶元年,兼太原牧。十一載薨〔〕,贈靖德太子,葬於渭 改封慶王,仍改名潭。十五年,遙領凉州都督,兼河西諸軍節度大使。二十一年,加太子太 封郯王。開元四年正月,遙領安西大都護,仍充安撫河東、關內、隴右諸蕃大使。十三年〔1〕, 二十五年,太子瑛得罪廢,令踪養其子,及天寶十一載踪薨,以瑛子俅爲嗣慶王,除秘書 奉天皇帝琮,玄宗長子也,本名嗣直。景雲元年九月,封許昌郡王。先天元年八月,進

齒胄之禮,仍敕右散騎常侍褚无量升筵講論,學官及文武百官節級加賜。 封野王。開元三年正月,立爲皇太子。七年正月,加元服。 其年,玄宗又令太子詣國子學行 廢太子瑛,玄宗第二子也,本名嗣謙。景雲元年九月,封眞定郡王。先天元年八月,進 十三年,改名鴻,

十五年七月,改名瑛。

惠妃。 光之母亦漸疏薄〔三〕, 儀、光王琚母劉才人,皆玄宗在臨淄邸以容色見顧,出子朗秀而母加愛焉。及惠妃承恩,鄂、 棄三子?伏惟陛下思之。且太子國本,難於動搖。 於宰相,意將廢黜。中書張九齡奏曰:「陛下纂嗣鴻業,將三十年,太子已下,常不離深宮, 失職,嘗有怨望。 兄常奴擢爲京職, 此而論之,不可不慎。今太子既長無過,二王又賢,臣待罪左右,敢不詳悉。」玄宗默然,事 爲太子,容賈后之譖,以至喪亡。隋文帝取寵婦之言,廢太子勇而立晉王廣,遂失天下。由 國乃大亂。 日受聖訓。 瑛 母趙麗妃,本伎人,有才貌,善歌舞,玄宗在潞州得幸。及景雲升儲之後,其父元禮、 妃泣訴於玄宗,以太子結黨,將害於妾母子,亦指斥於至尊。玄宗惑其言,震怒,謀 今天下之人,皆慶陛下享國日久,子孫蕃育,不聞有過,陛下奈何以一日之間廢 漢武威加六合,受江充巫蠱之事,將禍及太子,遂至城中流血。 惠妃女咸宜公主出降於楊洄,洄希惠妃之旨,規利於已,日求其短,譖於 開元初皆至大官。及武惠妃寵幸, 惠妃之子壽王瑁,鍾愛非諸子所比。瑛於內第與鄂、光王等自謂母氏 昔晉獻公惑寵嬖之言,太子申生憂死, 麗妃恩乃漸弛。時鄂王路母皇甫德 晉惠帝有賢子

且寢。

年,武惠妃數見三庶人爲祟,怖而成疾,巫者祈請彌月,不痊而殞。 中官宣詔於宮中,並廢爲庶人,鏽配流,俄賜死於城東驛。天下之人不見其過,咸惜之。其 常構異謀。玄宗遽召宰相籌之,林甫曰:「此蓋陛下家事,臣不合參知。」玄宗意乃決矣。使 之美,惠妃深德之。二十五年四月,楊洄又構於惠妃,言瑛兄弟三人與太子妃兄駙馬薛鏞 其年,駕幸西京,以李林甫代張九齡爲中書令,希惠妃之旨,託意於中貴人,揚壽王瑁

瑶、瑛、琚之罪,贈瑛爲皇太子,瑶、琚復贈爲王。 爲新平郡王、光祿卿同正員,伸爲平原郡王、宗正卿同正員,依爲嗣慶王。寶應元年,詔雪 

王,仍改名洽。十五年,遙領太原牧、太原已北諸軍節度大使。二十二年,加太子太傅,餘 如故。二十四年,改名琰。天寶元年六月,遙領兼武威郡都督、河西隴右經略節度大使。 棣王琰,玄宗第四子也,初名嗣眞。開元二年十二月,封爲鄫王。十二年三月,改封棣

於玄宗,云琰厭魅聖躬;玄宗使人掩其履而獲之。玄宗大怒,引琰詰責之。琰頓首謝曰: 十一載,孺人乃密求巫者,書符置於琰履中以求媚。」琰與監院中官有際,中官聞其事,密奏 先是,琰妃韋氏有過,琰怒之,不敢奏聞,乃斥於別室。寵二孺人,孺人又不相協。至

長。 |琰知情,怒未解,太子已下皆爲請,命囚於鷹狗坊中,絕朝請,憂懼而死。||琰妃卽少師||章滔 「臣之罪合死矣,請一言以就鼎鑊。然臣與新婦,情義絕者,二年于茲,臣有二孺人,又皆爭 臣實不知有符,恐此三人所爲也。惟三哥辯其罪人。」及推問之,竟孺人也。 玄宗猶疑

其王位。 宜都王、衞尉卿同正員,儁爲濟南王、光祿卿同正員。 琰男女繁衍,至五十五人。 天寶中封爲王者三人:僎爲汝南郡王、祕書監同正員,僑爲 寶應元年五月,代宗卽位,拾琰罪,贈

女,無子,琰死後,妃得還其父。

幽州 改名瑤。 鄂王瑤,玄宗第五子也,初名嗣初。 都督、河北道節度大使。二十一年四月,加太子太保,兼幽州都督,餘如故。二十三年, 二十五年,得罪廢。 寶應元年五月追復。 開元二年五月,封爲鄂王。十二年,改名涓,遙領

滉,封爲榮王。 十 如 故。 <del>靖恭太子琬,玄宗第六子也,初名嗣玄。</del> 二十五年, 改名琬。 五年,授京兆牧,又遙領隴右節度大使。二十三年, 天寶元年六月,授單于大都護。 開元二年三月,封爲甄王。 十四年十一月,安祿山反於范 加開府儀同三司, 十二年三月,改名 餘

傳第五十七 玄宗諸子

列

薨。琬素有雅稱,風格秀整,時士庶冀琬有所成功,忽然殂謝,遠近咸失望焉。 贈講恭太子, 陽,其月制以琬爲征討元帥,高仙芝爲副,令仙芝徵河、隴兵募屯於陝郡以禦之。 數日,琬

爲北平王、國子祭酒同正員。 魔諸子尤繁衍,男女五十八人。 |天寶中封爲郡王者二:|俯爲濟陰王、太僕卿同正員,偕

葬于見子西原。

年五 王,並授開府儀同三司,皇子珪封爲陳王,澄封爲翌王,潓封爲恆王,滔封爲汴王。陳王已 武百僚送,儀注甚盛。 下第四王,幼未授官,並置府官僚屬。其日,光、儀等十人同於東宮尚書省上,詔宰臣及文 兼 善騎射。 廣州 一月,追復官爵。 二十三年七月,光王琚、儀王濰、潁王澐、壽王淸、延王洇、盛王沐、信王沔、義王漼等十 光王琚,玄宗第八子也。開元十二年,封爲光王。十五年,遙領廣州都督、五府經略大 都督、餘如故。 初封 7甚善, 玄宗愛之。 俄除十五王府元僚,並未有府幕,同於禮院上,亦無精選。其時, 踞 据與鄂王瑤,皇子中有學尚才識,同居內宅,最相愛狎。据有才力, 以母見疏薄,嘗有怨言,爲人所構得罪,人用憐之。 寶應元

爲一。 夏悼王一,玄宗第九子也。母貞順皇后爲惠妃,見寵。一生而美秀,上鍾愛無比,名之 開元五年,孩孺而薨,玄宗追封諡。時車駕在東都,葬於城南龍門東岑,欲宮中舉目

見之。

天寶中有子封王者二人:"侁爲鍾陵郡王、光祿卿同正員,健爲廣陵王、國子祭酒同正員。 二十三年,加開府儀同三司,兼河南牧,其年改名璲。永泰元年二月薨,廢朝三日,贈太傅。 儀王璲,玄宗第十二子也,初名濰。開元十三年五月,封爲儀王。十五年,授河南牧。

蜀,託 爲副。 頟 命撤去。 都督、劍南節度大使,楊國忠爲之副。玄宗幸蜀,令御史大夫魏方進充置頓使,先移牒至 安東都護、平盧軍節度大使。 今之藩 潁 以潁王之藩,令設儲供。 **豫性儉率,將渡綿州江,登舟見綵緣席爲藉者,顧曰:「此** 王璬,玄宗第十三子也。讀書有文詞。初名澐。 **璬初奉命之藩,卒遽** 而 不持節,單 騎 徑進,人何所膽?請建大樂,蒙之油囊,爲旌節狀,先驅道路,足 玄宗至馬嵬,方進被殺,乃令璬先赴本郡,以蜀郡長史崔圓 不遑受節,綿州司馬史賁進說曰:「王,帝子 二十三年,加開府儀同三司,改名璬。安祿山反,除蜀郡大 開元十三年,封潁王。 可以爲寢處,奈何踐之?」 也, 十五 且為節度大 一年,遙

列傳

圓頗怒。 從歸京師。建中四年薨,年六十六,輟朝三日。 以威衆。」嫐笑曰:「但爲眞王,何用假旌節乎?」將至成都,崔圓迓之,拜於馬前,璬不止之, 玄宗至,豫視事兩月,人甚安之。爲圓所奏,罷居內宅。後令宣慰肅宗於彭原,遂

子伸,天寶中封滎陽郡王,授衞尉卿同正員。

年二月薨,追封諡,權窆於景龍觀。天寶十三載,改葬京城南,以祔其母敬陵也。 懷哀王敏,玄宗第十五子也。幼而豐秀,以母惠妃之寵,玄宗特加顧念。纔晬,開元八

收養,夜自抱眠之。少聰敏好學,貌陋,視物不正。開元十三年三月,封爲永王。 月,遙領荆州大都督。二十年七月,加開府儀同三司,改名璘。 永王璘,玄宗第十六子也。母曰郭順儀, 劍南節度尙書虛已之妹。 璘數歲失母, 肅宗 十五年五

陽,九月至江陵,召募士將數萬人,恣情補署,江淮租賦,山積於江陵,破用鉅億。 李臺卿、蔡垧爲謀主,因有異志。 南東路及嶺南黔中江南西路四道節度採訪等使(四)、江陵郡大都督,餘如故。」磷七月至襄 天寶十四載十一月,安祿山反范陽。十五載六月,玄宗幸閩,至漢中郡,下詔以璘爲山 肅宗聞之,韶令歸覲于閩,璘不從命。十二月,擅領舟師 以薛鏐、

東下,甲仗五千人趨廣陵,以季廣琛、渾惟明、高仙琦爲將。 |隣生於宮中,不更人事,其子裏

城王傷又勇而有力,馭兵權,爲左右眩惑,遂謀狂悖。

|埭。 璘進至當塗,希言在丹陽,令元景曜、閻敬之等以兵拒之,身走<u>吳郡,李成式使將李承慶拒</u> 威, **牒報曰:「寡人上皇天屬,皇帝友于,地尊侯王,禮絕僚品,簡書來往,應有常儀,今乃平牒抗** 匹。 百八十人,遂率所領屯于楊子,成式使判官評事裴茂以廣陵步卒三千同拒于瓜步洲 落筆署字, 漢儀隳紊, 先是,肅宗以璘不受命,先使中官啖廷瑤、段喬福招討之。中官至廣陵,成式括得馬數 希言將元景曜及成式將李神慶並以其衆迎降于璘,璘又殺丹徒太守閻敬之以徇,江左 璘 雖有 時河北招討判官、司虞郎中李銑在廣陵, 路等結號爲兄弟, 求之將兵。 窺 江左之心,而未露其事。 一至於斯!」乃使渾惟明取希言,季廣琛趣廣陵攻採訪李成式。 吳郡採訪使李希言乃平牒璘,大署其名,璘遂激怒, 銃 麾 下 有 伊婁

擇地而迴戰矣。」使者返報。其夕,銑等多燃火,人執兩炬以疑之,隔江望者,兼水中之影, 六千趨廣陵,璘使騎追之,廣琛曰:「我感王恩,是以不能決戰,逃而歸國。 將割臂而盟,以貳於璘。是日,渾惟明走于江寧,馮季康、康謙投于廣陵之白沙。廣琛以步卒 裴茂至瓜步洲,廣張旗幟,耀于江津。璘與焬登陴望之竟日,始有懼色。 若逼 季廣琛召諸 我,我則不

募敢死士趙侃、庫狄岫、趙連城等共二十人,先鋒遊弈于新豐,皆因醉而寐。」璘聞官軍之 濟者,遂入城具舟楫,使襄城王驅其衆以奔晉陵。宵諜曰:「王走矣。」於是江北之軍齊進, 擒,因中矢而薨。子陽等爲亂兵所害。肅宗以璘愛弟,隱而不言。 拒之。璘怒,命焚其城。至餘干,及大庾嶺,將南投嶺外,爲江西採訪使皇甫侁下防禦兵所 左右翼擊之,射中襄城王首,傷軍遂敗。高仙琦等四騎與璘南奔,至鄱陽郡,司馬陶備閉城 至,乃使襄城王、高仙琦逆擊之。驛騎奔告,侃等介馬而出,襄城王已隨而至,銑等奔救,張 一皆爲二矣。璘軍又以火應之。璘懼,以官軍悉濟矣,遂以兒女及麾下宵遁。遲明,不見

悼王、懷哀王、上僊公主,皆端麗,襁褓不育。及瑁之初生,讓帝妃元氏請瑁在於邸中收養, 之恩,玄宗從之。 儀同三司,改名瑁。 妃自乳之,名爲已子。十餘年在寧邸,故封建之事晚於諸王。 宮中常呼爲十八郎。十三年 三月,封爲壽王,始入宮中。 壽王瑁,玄宗第十八子也,初名淸。初,瑁母武惠妃,開元元年見幸,寵傾後宮,頻產夏 二十五年,惠妃薨,葬以后禮。二十九年,讓帝薨,瑁請制服,以報乳養 十五年,遙領益州大都督、劍南節度大使。二十三年,加開府

瑁,天寶中有子封爲王者二人: 怀爲濟陽郡王,偡爲廣陽郡王、鴻臚卿同正員。

宗朝以沛、英、豫王、太平公主武后所生,食逾於制。垂拱中,太平至一千二百戶。聖曆 太平、長寧、安樂皆以七千爲限,雖水旱亦不破損免,以正租庸充數。唐隆元年,遺制以嗣 相府增至七千戶,太平至五千戶,安樂三千戶,長寧二千五百戶,宜城已下各二千戶。相府、 戶,通前七百戶;嗣雍、衡陽、臨淄、巴陵、中山各加二百戶,通前五百戶。安樂初封二千戶, 龍 初,皇嗣封爲相王,食封與太平同三千戶。長安中,壽春王兄弟五人,並賜實封三百戶。神 長寧一千五百戶,宣城、宜城、宜安各一千戶,相王女爲縣主者各三百戶。衞王尋升儲位, 其封自開元已來,皆約以三千爲限。 公主者賜封五百戶。咸宜賜湯沐,以母惠妃封至一千戶,諸皇女爲公主者,例加至一千戶。 八 至五千五百戶;岐、薛愛弟著勳,五千戶;申府以外家微,至四千戶;邠府以外枝,至一千 雍王守禮、壽春王成器封爲親王,各賜實封一千戶。開元之後,朝恩睦親,以寧府最長,封 初,相府與太平同至五千戶至,衞王三千戶,温王二千戶,成王七百戶。壽春王加四百 百戶。 唐法,親王食封八百戶,有至一千戶;公主三百戶,長公主加三百戶,有至六百戶。 皇妹爲公主者,食封一千戶,中宗女亦同。其後,皇子封王者賜封二千戶,皇女爲

延王盼,玄宗第二十子也,初名洞(云)。 **玢母卽尙書右丞柳範孫也,最爲名家,玄宗深** 

列

傳第

五十

十六人,不忍棄於道路,數日不及行在所,玄宗怒之;賴漢中王瑀抗疏救之,聽歸於靈武。 使。二十三年七月,加開府儀同三司,餘如故,改名琢。天寶十五載,玄宗幸圖,琢男女三 興元元年薨。 **盼亦仁愛,有學問。開元十三年,封爲延王。十五年,遙領安西大都護、磧西節度大** 

天寶末,封子倬彭城郡王、秘書監同正員,侹平陽郡王、殿中監同正員。

薨,贈太傅。 府長史劉彙爲之副,以廣陵長史李成式爲副大使、兼御史中丞。琦竟不行。廣德二年四月 路除琦爲廣陵大都督,仍領江南東路及淮南河南等路節度支度採訪等使,以前江陵大都督 揚州大都督。二十年,加開府儀同三司,餘如故,改名琦。天寶十五年六月,玄宗幸蜀,在 盛王琦,玄宗第二十一子也。壽王母弟,初名沐。十三年三月,封爲盛王。十五年,領

天寶末有子封王者二人:僧眞定郡王、太常卿同正員,佩封武都郡王、殿中監同正員。

府儀同三司,其月改名環。 濟王環,玄宗第二十二子也,初名溢。開元十三年三月,封濟王。二十三年七月,授開

天寶末有子封爲王者二人:愫爲永嘉郡王、衞尉卿同正員,俛爲平樂郡王、光祿卿同

正員。

信王瑝,玄宗第二十三子也,初名沔。 開元十三年三月,封爲信王。二十三年七月,授

開府儀同三司,仍改名達。

天寶末有子封爲王者二人:修爲新安郡王、太常卿同正員,倜爲晉陵郡王、光祿卿同

正員。

義王跐,玄宗第二十四子也,初名凗。 開元十三年三月,封爲義王。二十三年七月,授

開府儀同三司,仍改名跐。

天寶末有子封爲王者二人:儀爲舞陽郡王、太僕卿同正員,慘爲高密郡王、宗正卿同

正員。

陳王珪,玄宗第二十五子也,初名渙。 開元二十三年七月,封爲陳王。二十四年三月改

名注。

列傳第五十七 玄宗諸子

中監同正員。

天寶末男女二十一人,封爲王者二人:陀爲臨淮郡王、太常卿同正員,佼爲安陽王、殿

名珙。 路節度支度採訪使,以隴右太守鄧景山爲之副,兼武威長史、御史中丞,充都副大使。洪竟 豐王珙,玄宗第二十六子也,初名澄。開元二十三年七月,封爲豐王。二十四年二月改 天寶十五年六月,玄宗幸蜀,至扶風郡,授珙武威郡都督,仍領河西隴右安西北庭等

遂閉 狂悖之詞也?延昌當奏聞于上。」子儀又數讓之,命軍士領之盡赴行在。 曰:「主上東遷,社稷無主,萬國顒顒,何所瞻仰! 今僕奉諸王等西奔,以副天下之望。 令公 何不言也?」行軍司馬王延昌責之曰:「主上雖蒙塵于外,聖德欽明, 苑門,橫截五百餘騎,擁十宅諸王西投吐蕃。 |珙歸幕次,詞又不順,羣臣恐遂爲亂,請除之,遂賜死。 廣德元年十月,吐蕃凌逼上都,上將幸陝州,自苑中而出,騎從半渡滻水。 至城西,適遇元帥郭子儀,懷忠謂子儀 王身爲藩翰,何乃發 潼關謁見,上不之 將軍王懷忠

天寶中有子二人爲王:他齊安郡王、宗正卿同正員,他宜春郡王、鴻臚卿同正員。

士衣。授右衞大將軍,加開府儀同三司。二十四年二月改名頃。天寶十五載,從幸巴圖, 恆王塡,玄宗第二十七子也,初名潓。 開元二十三年七月,封爲恆王。性好道,常服道

不復衣道士衣矣。

爲太子。高宗朝,睿宗爲豫王,雖成長,亦以則天最小子,不令出閣。及至聖曆初,封爲相 中、號爲「小武妃」。二十三年七月,封爲涼王。二十四年二月,改名璿。 延、濟,蓋舉全數。 其後,盛、儀、壽、陳、豐、恆、凉六王又就封〔七〕,入內宅。 二十五年,鄂、 長,乃於安國寺東附苑城同爲大宅,分院居,爲十王宅。令中官押之,於夾城中起居,每日 將誅庫后,故温王重茂雖年十六七,竟亦居中。先天之後,皇子幼則居內,東封年,以漸成 王,始出閣。中宗時,以譙王重福失愛,出遷外藩,衞王重俊爲太子,入與成王千里等起兵, 家令進膳。又引詞學工書之人入教,謂之侍讀。十王,謂慶、忠、棣、鄂、榮、光、儀、潁、永、 凉王璿,玄宗第二十九子也,初名漎。母武賢儀,則天時高平王重規女也,開元中入宮 初,貞觀中,高宗爲晉王,以文德皇后最少子,后崩後累年,太宗憐之,不令出閣,至立

光得罪,忠繼大統,天寶中,慶、棣又歿,唯榮、儀等十四王居院,而府幕列於外坊,時通名起

親王、公主,在於崇仁之禮院。 女,亦就十宅中。太子不居於東宮,但居於乘輿所幸之別院。太子亦分院而居,婚嫁則同 人每院四百,百孫院三四十人。又於宮中置維城庫,諸王月俸物,約之而給用。 居而已。 外諸孫成長,又於十宅外置百孫院。每歲幸華淸宮,宮側亦有十王院、百孫院。 諸孫納妃嫁 宫

恆、凉十一王扈從,幸陝州。 十二月,從還上都。 二年十月,從還京。廣德元年十二月五日,上都失守,有儀、潁、壽、延、盛、濟、信、義、陳、 天寶十五載六月,玄宗幸閩,儀王已下十三王從。至漢中郡,遣永王璘出鎭荆州。

嗜之子, 天寶中封爲王者一人: 仂, 瀘陽郡王、殿中監同正員。

汴哀王曔,玄宗第三十子也,初名滔。 開元二十五年七月,封爲汴王。 二十四年二月,

改名職,以其月薨。

啓亂階,何失衆望之速也!永王璘,父在蜀城,兄居靈武,不能立忠孝之節,爲社稷之謀,而 史臣曰:前史有云:「母愛者子抱」,太子瑛之廢,有由然矣。琬爲元帥,不幸遽薨,豈天

乃聚兵江上,規爲己利,不義不昵,以災其身,書所謂「自作孽,不可逭」也。 豐王珙因緣厄

運,竊有覬覦,不愼樞機,自貽伊咎,悲矣!

情乖萬民。 贊曰:螽斯之詠,樂有子孫。 用建藩屏,以崇本根。 口禍豐珙,自災永璘。惜乎二胤,不如仁人。 讒勝||瑛廢, 恩移至尊。 盜熾 琬卒,

#### 校勘記

(二)十三年 各本原作「三年」,據冊府卷二六五、新書卷八二奉天皇帝琮傳改。

(三) 十一歳 各本原作「十載」,據本卷下文及冊府卷二八四改。

(三) 鄂光之母 「鄂光」,各本原作「鄂王」,唐會要卷四作「鄂光」。 按據上下文意, 唐會要是, 據

山南 東路 各本原作「山東南路」,據唐會要卷五、冊府卷二八一改。

改。

(至) 五千戶 「五」字各本原無,據唐會要卷五、合鈔卷一五八壽王琨傳補。

(六) 初名洄 「洄」,各本原作「洇」,新書卷八二光王琚傳作「洄」。按本書卷八玄宗紀開元十三年亦

作「洄」,「洇」字誤,故改。

列傳第五十七 校勘記

舊唐書卷一百七

子傳作「壽信義陳豐恆涼七王」。

[中] 盛儀壽陳豐恆涼六王 數之有七王,此言「六王」,疑有訛誤。唐會要卷五、新書卷八二十一宗諸

三二七四

# 舊唐書卷一百八

## 列傳第五十八

章見素 子諤 盆 益子顗 崔圓 崔渙子縱 杜鴻漸

坊州 王府參軍,歷衞佐、河南府倉曹。丁父憂,服闋,起爲大理寺丞,襲爵彭城郡公。 加 拜給事中,駁正繩違,頗振臺閣舊典。尋檢校尙書工部侍郎,改右丞。九載,遷吏部侍郎, 銀青光祿大夫。 司馬。 章見素,字會微,京兆萬年人。父凑,開元中太原尹。見素學科登第。景龍中,解褐相 天寶五年,充江西、山南、黔中、嶺南等黜陟使,觀省風俗,彈糾長吏,所至肅然。 入爲庫部員外郎,加朝散大夫,歷右司兵部二員外、左司兵部二郎中,遷諫議大 見素仁恕長者,意不忤物,及典選累年,銓敍平允,人士稱之。 坐事 使還, 出爲

悅。 時右相楊國忠用事 天寶十三年秋,霖雨六十餘日, ,左相陳希烈畏其權寵,凡事唯諾,無敢發明,玄宗頗知之,聖情不 京師廬舍垣墉頹毁殆盡,凡一十九坊汙潦。天子以宰

列傳

第五十

八

早見

索

温 輔 兩相猜嫌,見素亦無所是非,署字而已,遂至兇胡犯順,不措一言。 充集賢院學士,知門下省事,代陳希烈。見素旣爲國忠引用,心德之。時祿山與國忠爭寵 而易制。 **祿山賓佐,懼其威權,奏寢其事。 國忠訪於中書舍人竇華、宋昱等,華、昱言見素方雅,柔** 未稱職,見此咎徵,命楊國忠精求端士。時兵部侍郎吉温方承寵遇,上意用之。 上亦以經事相王府,有舊恩,可之。其年八月,拜武部尚書、同中書門下平章事, 國忠以

太原, 備。今兵馬數少,恐非萬全,不如且至|扶風,徐圖去就。」上詢于衆,衆以爲然,乃令皇太子 丞,充置頓使。 凌農將發,六軍將士曰:「國忠反叛,不可更往蜀川,請之河、隴。」或言靈武、 0011234567878889112234556778888999< 傷,衆呼曰:「勿傷韋相!」識者救之,獲免。上聞之,令壽王瑁宜慰,賜藥傅瘡。 皇太子,請誅國忠,以慰士心。是日,玄禮等禁軍圍行宮,盡誅楊氏。見素遁走,爲亂兵所 身領劍南旄鉞,請幸成都。見素與國忠、御史大夫魏方進遇上於延秋門,便扈從之咸陽。 日,次馬嵬驛,軍士不得食,流言不遜。 龍武將軍陳玄禮懼其亂,乃與飛龍馬家李護國謀於 十五年六月,哥舒翰兵敗桃林,潼關不守。是月,玄宗蒼黃出幸,莫知所詣。 或云還京,議者不一。上意在劍南, 慮違士心, 無所言。諤曰:「還京須有捍賊之 魏方進爲 楊國忠以 翌

別。」衆咸俯伏號泣,曰:「死生從陛下。」上良久曰:「去住聽卿自便。」自是醜言方息。 七月, 難祗供。今有此綵,卿等卽宜分取,各自圖去就。朕自有子弟、中官等相隨,便與卿等訣 得別父母妻子,股亦不及辭九廟。」言發涕流。又曰:「股今須幸園,蜀路險狹,人若多往,恐 之曰:「卿等皆國之功臣、勳勞素著,朕之優賞,常亦不輕。逆胡負恩,事須迴避,甚知卿等不 春綵十萬疋,乃以其綱使濛陽尉劉景温爲監察御史,其綵悉陳於廷,召六軍將士等入,上謂 至巴西郡,以見素兼左相、武部尙書。數日,至蜀郡,加金紫光祿大夫,進封豳國公,與一子 上至扶風郡,從駕諸軍各圖去就,頗出醜言。陳玄禮不能制,上聞之憂懼。會益州貢

官。時肅宗已迴幸順化郡。九月,見素等至,册禮畢,從幸彭原郡。 **股心頓如釋負。勞卿等遠去,勉輔佐之。多難興王,自古皆有,卿等乃心王室,以宗社爲** 念,早定中原,吾之望也。」見素等悲泣不自勝。仍以見素子諤及中書舍人賈至充册禮使判 「皇帝自幼仁孝,與諸子有異,朕豈不知。往十三年,已有傳位之意,屬其歲水旱,左右勸朕 見素與宰臣房琯賷傳國寶玉册奉使靈武,宣傳詔命,便行册禮。將行, 且俟豐年。爾來便屬祿山構逆,方隅震擾,未遂此心。昨發馬嵬,亦有處分。今皇帝受命, 五品官。 是月,皇太子卽位於靈武,道路艱澀,音驛未通。八月,肅宗使至,始知靈武卽位。 尋命 肅宗在東宮,素聞房琯 上皇謂見素等曰:

重,故虛懷以待;以見素常附國忠,禮遇稍薄。明年,至鳳翔。三月,除左僕射,罷知政

事,以憲部尙書致仕苗晉卿代爲左相。

封三百戶。 上皇。十二月,上皇至京師,肅宗御樓大赦。 宰臣,無知政事者。五月,遷見素太子太師。十一月,肅宗自右輔還京,詔見素入閩奉迎太 所,喧訴于朝,由是行見素之言。及房琯以敗軍左降,崔圓、崔渙等皆罷知政事,上皇所命 未復,員闕不多。若總無條綱,恐難持久。」上然之,未暇釐革。及還京,選人數千,補授無 日忠貞 上以兇醜未滅,且示招懷,據到注擬,一無檢括。見素曰:「臣典選歲久,周知此弊。今寰區 初,肅宗在鳳翔,喪亂之後,綱紀未立,兵吏三銓,簿籍煨燼,南曹選人,文符悉多僞濫。 ()喪事官給。 上元中,以足疾上表請致仕,許之。寶應元年十二月卒,年七十六,贈司空,諡 見素以奉上皇幸蜀功,加開府儀同三司,食實

子倜、諤、凎、晳。倜、諤皆位至給事中,益終刑部員外郎,晳終祕書丞。倜子頌。 益 子質,字周仁,生一歲而孤,事姊稱爲恭孝。 性嗜學,尤精陰陽、象緯、經略、風俗之

書郎 **裨諷,頗迴大政。宰相裴垍、李絳、崔羣輩多與友善,而後進之有浮名者,亦遊其門,以是稱** 善持論,有淸譽。 累遷給事中、尙書左丞、戶部侍郎、中丞、吏部侍郎。其在諫垣,與李約、李正辭迭申 少以門蔭補千牛備身,自鄠縣尉判入等,授萬年尉,歷御史、補闕、尙

有時望、 及李逢吉駕朋黨以專政柄,而顗附麗之跡尤密,頗爲時人所譏。 著易蘊解,推演潛亢終始之義,甚有奧旨。 寶曆元年七月卒,贈禮部尚書。 然處身儉約, 有

尙閎博,好讀兵書,有經濟宇宙之心。開元中,韶搜訪遺逸,圓以鈴謀射策甲科,授執戟。 遙制劍南節度使,引圓佐理,乃奏授尚書郎,兼蜀郡大都督府左司馬,知節度留後。 自負文藝,獲武職,頗不得意。蕭炅爲京兆尹,薦爲會昌丞,累遷司勳員外郎。 崔 圓 ,淸河東武城人也。後魏左僕射亮之後。父景晊,官至大理評事。 圓少孤貧, 宰臣楊國忠

使人探國忠深旨,知有行幸之計,乃增修城池,建置館字,儲備什器。及乘輿至, 咸 如宿設,玄宗甚嗟賞之,即日拜中書侍郎、同中書門下平章事、劍南節度,餘如 天寶末,玄宗幸蜀郡,特遷蜀郡大都督府長史、劍南節度。圓素懷功名,初聞國難 殿字牙帳

會官軍不利於相州, 還京,以功拜中書令,封趙國公,賜實封五百戶。明年,罷知政事,遷太子少師,留守東 肅宗卽位,玄宗命圓同房琯、韋見素並赴肅宗行在所,玄宗親製遺愛碑于蜀以寵之。從 李光弼 用爲懷州刺史,除太子詹事,改汾州刺史,皆以理行稱。 軍迴過洛陽,所在剽掠。圓棄城南奔襄陽,韶削除階封。尋起爲 拜揚州大都督府

薨,年六十四,輟朝三日,贈太子太師,諡曰昭襄。 長史、淮南節度觀察使,加檢校右僕射、兼御史大夫,轉檢校左僕射知省事。 大曆三年六月

博綜經籍,尤善談論,累遷尙書司門員外郎。天寶末,楊國忠出不附己者,渙出爲劍州刺史。 崔渙、祖玄暐、神龍功臣、封博陵郡王。父璩、文學知名、位至禮部侍郎。渙少以士行聞, 天寶十五載七月,玄宗幸蜀,渙迎謁於路,抗詞忠懇,皆究理體,玄宗嘉之,以爲得渙

宰臣房琯又薦之,卽日拜黃門侍郎、同中書門下平章事,扈從成都府。

**換爲屬吏希中,以下估爲使料,上估爲百官料。 其時爲皇城副留守張淸發之,詔下有司訊** 濟,不交世務,頗爲時望所歸。遷御史大夫,加稅地青苗錢物使。時以此錢充給京百官料, 鞫,澳無詞以對,坐是貶道州刺史。 大曆三年十二月壬寅,以疾終。 子賓客。乾元三年正月,轉大理卿。再遷吏部侍郎、檢校工部尚書、集賢院待詔。性尚簡 不稱職聞。乃罷知政事,除左散騎常侍,兼餘杭太守、江東採訪防禦使。旋授正議大夫、太 師,舉選路絕,韶渙充江淮宣諭選補使,以收遺逸。惑於聽受,爲下吏所鬻,濫進者非一,以 肅宗靈武卽位。八月,與左相韋見素、同平章事房琯、崔圓同齎册赴行在。時未復京

丁父 大行,縣人爲之立 憂 ,終制,六遷大理卿、兼御史中丞、汴西水陸運 初以蔭補協律郎,三遷爲監察御史。詔擇令長於臺省,除藍田令,寬明勤幹,德化 碑頌德。 轉京兆府司錄,累遷金部員外郎。以父貶道州刺史,棄官就養。 兩稅鹽鐵等使。 田悅連敗,走魏州,嬰

城自守,諸道兵圍之,屢乏食,詔縱兼

魏州

四節

度糧料使,軍儲

稍給

已渡河 懐光 挑 體,不親細 乃悉斂軍財與懷光俱來,調給具備。 尹 (、 兼御史大夫。 |徳宗幸||奉天,四方握兵,未有至者。 今不來矣。」上曰:「他人不知縱,吾可保其心。」不數日,縱至,拜御史大夫。 ,縱謂衆曰:「若濟,悉以分賜。」衆利之,乃西。 事 · 、 獄訴儀制,皆付之僚吏。 數奏懷光剛愎反覆,宜陰備之。 懷光兵士久戰河外,及次河中, 縱先知之,潛告李懷光勸令奔命, 及行幸梁州 至奉天, 加右庶子,充使。 左右或短之日:「縱 將遷 延。 懷光從之。 縱之貨幣先 嘗議其大 無 幾 素善 拜原

是, 何, 尚書、東畿 唐 汝 鄧 都 觀 察 使 、 河 南 萬年丞源選爲京兆尹李齊運所抑捽至死,縱劾奏不行。 戍邊之師 貞元元年,親祠 由洛陽者, 南郊,爲大禮使。 儲飯 取辦於編戶。 尹。 是時兵革甫定,民耗六七,縱悉心求瘼,爲理簡易。 屬兵旱之後,賦入尙少,縱裁定文物,儉而 縱始官備,不徵於人,令五家相保,俾自占告發 數月,除吏部 侍 郎,尋檢校禮 中 禮。 先 部 無

列

五十

八

崔

渙

杜鴻

漸

斂,以絕胥吏之私。又引伊、洛水以通里閈,都中灌溉濟不逮爲十一二,人甚安之。 徴拜太

貞元七年六月卒官,年六十二,諡曰忠,贈吏部尚書。

澳有寵妾鄭氏,縱以母事之。鄭氏性剛戾,待縱不以理,雖爲大僚,每加笞詬。 縱率妻子候 縱孝悌,修飭自立。以父爲元載排抑,居退十餘年,左宦外府,訖載得罪,不求聞達。初,

顏,敬順不懈,時以爲難。

杜 鴻漸,故相暹之族子。祖愼行,益州長史。父鵬舉,官至王友。鴻漸敏悟好學,舉進

士,解褐王府參軍。天寶末,累遷大理司直,朔方留後、支度副使。

械、倉儲、庫物之數、令李涵齎赴平凉、肅宗大悅。 迴紇方強,與國通好,北徵勁騎,南集諸城,大兵一舉,可復二京。 雪社稷之恥,上報明主, 凉。然平凉散地,非聚兵之處,必欲制勝,非朔方不可。若奉殿下,旬日之間,西收河、隴, 簡金、關內鹽池判官李涵謀曰:「今胡羯亂常,二京陷沒,主上南幸於巴閩,皇太子理兵於平 下安蒼生,亦臣子之用心,國家之大計也。」鴻漸卽日草牋具陳兵馬招集之勢,錄軍資、器 肅宗北幸,至平凉,未知所適。鴻漸與六城水運使魏少遊、節度判官崔漪、支度判官盧 鴻漸知肅宗發平凉,於北界白草頓迎謁,

逆胡不足滅也。」肅宗然之。 邑,人皆堅守,以待制命。 因勞諸使及兵士,進言曰:「朔方天下勁兵,靈州用武之處。 其中雖爲賊所據,亦望不日收復。 今迴紇請和,吐蕃內附 殿下整理軍戎,長驅一舉, ,天下郡 則

史、荆南節度使。 武部侍郎。至德二年,兼御史大夫,爲河西節度使、凉州都督。兩京平,遷荆州大都督府長 布之儀,君臣朝見之禮,遂採摭舊儀,綿充其事。城南設壇壝,先一日具儀注草奏。肅宗曰: 「聖君在遠,寇逆未平,宜罷壇場。」餘可其奏。 及至靈武,鴻漸與裴冕等勸卽皇帝位,以歸中外之望,五上表,乃從。 肅宗卽位,授兵部郎中,知中書舍人事,尋轉 鴻漸素習帝王陳

廣德二年,代宗將享郊廟,拜鴻漸兵部侍郎、同中書門下平章事,尋轉中書侍郎。 吏部侍郎、太常卿,充禮儀使。二聖晏駕,鴻漸監護儀制,山陵畢,加光祿大夫,封衞國公。 聞之,棄城而遁。禮、朗、硤、歸等州聞鴻漸出奔,皆惶駭,潛竄山谷。 襄州大將康楚元、張嘉延盜所管兵,據襄州城叛,刺史王政遁走。嘉延南襲荆州,鴻漸 歲餘,徵拜尙書右丞、

相兼充山、劍副元帥、劍南西川節度使,以平圖亂。鴻漸心無遠圖,志氣怯懦,又酷好浮圖 柏貞節、瀘州衙將楊子琳、劍州衙將李昌巙等興兵討旰,西蜀大亂。 永泰元年十月,劍南西川兵馬使崔旰殺節度使郭英义,據成都, 明年二月,命鴻漸以宰 自稱留後。 邛州衙將

中多事 節爲邛州 道,不喜軍戎。 鴻漸孤 刺史,楊子琳爲瀘州刺史,各罷兵。 軍陷險,兵威不振,代宗不獲已,從之。仍以旰爲劍南西川行軍司馬,怕貞 既至成都,懼旺雄武,不復問罪,乃以劍南節制表讓於旺。時西戎寇邊,關 **蕁請入覲,仍表崔旰爲西川兵馬留後** 

嘉之。 推西、山南東道 贈太尉,諡曰文憲。 大曆二年,韶以旰爲成都尹、劍南 後知政事,轉門下侍郎,讓山南副元帥。三年八月,代王縉爲東都留守江,充河南、 副元帥,平章事如故。 輟朝三日,賜物五百疋、粟五百石。 以疾上表乞骸骨,從之,竟不之任。四年十一月卒, 西川節度使,召鴻漸還京。 鴻漸仍率旰同入覲,代宗

葬,不爲封樹,冀類緇流,物議哂之。 禪 理 鴻漸 安能挹化源。」朝士多屬 晚年樂於退靜, 私第在 和之。 長興里,館字華靡,賓僚宴集。鴻漸悠然賦詩曰:「常願追 及休致後病, 令僧剃頂髮,及卒,遺命其子依胡法塔

國忠恃內戚,弄重權,沮林甫姦豪,取其大位,若見素之孤直,豈許取容。 犯 難,而人不咎,出生入死,善始令終者鮮 史臣曰: 祿山 狂悖已顯,玄宗寵任無疑,見素知國危,陳廟算,直言極諫, 矣。時論以見素 取容於國忠,無言匡大政。 蓋禍胎已成,政柄 而 君不從, 且

列傳第五十八 校勘記

榮;當官屢爲吏欺,終及竄逐。所謂可與適道,未可與權。 縱忠於國,能於官,孝於家,三者 符積善之慶矣。圓守文之士,非禦侮之才。渙才兼行聞,命與時會。發言上沃主意,遽致顯 久紊,見素入相餘年,言不從而難作,雖有周、孔之才,其能匡救者乎!諤才辯,顕儉約, 備矣,孰能繼之!鴻漸有衞社之功,非干城之責,時以任崔旰爲非,則不然矣。且旰南拒貞 雅

福,朋勢取容,非君子之道焉。

節,北敗獻誠,宜以懷來,未可力制。終致歸國,豈非臧謀,向討之,卽爲劇賊矣。

然事佛徼

贊曰:玄宗失德,豫山肆逆。 見素竭節,諸公協力。

校勘記

(1) 王縉 各本原作「王縚」,本書卷一一八汪縉傳云縉于大曆三年讓東都留守。「縚」係「縉」之誤,

今據合鈔卷一五九杜鴻漸傳改。

## 舊唐書卷一百九

### 列傳第五十九

馮盎 黑齒常之 阿史那社介 子道真 李多祚 李嗣業 叔祖蘇尼失 白孝德 蘇尼失子忠附 契苾何力

中有此人,大可奇也。」即令盎發江、嶺兵擊之。 賊平,授金紫光祿大夫,仍除漢陽太守。 潮、城等五州獠叛,盎馳至京,請討之。文帝敕左僕射楊素與盎論賊形勢,素曰:「不意蠻夷 馮盎,高州良德人也。累代爲本部大首領。盎少有武略,隋開皇中爲宋康令。 仁壽初,

自隋季崩離,海內騷 爾等頗識我否?」賊多棄戈肉袒而 武德三年,廣、新二州賊帥高法澄、洗寶徹等並受林士弘節度,殺害隋官吏, 既而寶徹兄子智臣又聚兵於新州,自爲渠帥,盎趨往擊之。兵交,盎却兜鍪大呼曰: 動。 今唐雖應運,而風敎未狹,南越一隅,未有所定。 拜,其徒遂潰,擒寶徹、智臣等,嶺外遂定。或有說盎日: 公克平五嶺一 盎率兵撃

三二八七

列

傳第五十

九

馮盎

阿史

那

社介

唯我一門,子女玉帛,吾之有也。人生富貴,如我殆難,常恐弗克負荷,以墜先業。本州衣 十餘州,豈與趙佗九郡相比?今請上南越王之號。」盎曰:「吾居南越,于茲五代,本州牧伯,

數。|盘奴婢萬餘人,所居地方二千里,勤於簿領,詰擿姦狀,甚得其情。二十年卒,贈左騎 公。貞觀五年,盘來朝,太宗宴賜甚厚。俄而羅竇諸洞獠叛,詔令盎率部落二萬爲諸軍先 羅總管,封吳國公,尋改封越國公。拜其子智戴爲春州刺史,智彧東合州刺史,徙封盎耿國 錦便足,餘復何求。越王之號,非所聞也。」 衛大將軍、荆州都督。 矢,而中七人,贼退走,因縱兵乘之,斬首千餘級。 太宗令智戴還慰省之,自後賞賜不可勝 時有賊數萬屯據險要,不可攻逼。 盎持弩語左右曰:「盡吾此箭,可知勝負。」 連發七 四年,盎以南越之衆降,高祖以其地爲羅、春、白、崖、儋、林等八州,仍授盎上柱國、高

|介曰:「部落旣豐,於我便足。」諸首領咸畏而愛之。 與欲谷設分統鐵勒、紇骨、同羅等諸部。在位十年,無所課斂。諸首領或鄙其不能富貴,社 阿史那社分,突厥處羅可汗子也。年十一,以智勇稱於本蕃,拜爲拓設,建牙于磧北,

遂率其餘衆保于西偏,依可汗浮圖。後遇頡利滅,而西蕃葉護又死,**奚利邲咄陸可**汗兄弟 武德九年,延陁、迴紇等諸部皆叛,攻破欲谷設,社尒擊之,復爲延陁所敗。貞觀二年, 謂其

諸部曰:「首爲背叛破我國者,延陁之罪也。今我據有西方,大得兵馬,不平延陁而取安樂, 是忘先可汗,爲不孝也。若天令不捷,死亦無恨。」其酋長咸諫曰:「今新得西方,須留鎭壓。 爭國,社众揚言降之,引兵西上,因襲破西蕃,半有其國,得衆十餘萬,自稱都布可汗。

若卽棄去,遠擊延陁,只恐葉護子孫必來復國。」社介不從,親率五萬餘騎討延陁於磧北,連

兵百餘日。遇我行人劉善因立同娥設爲咥利始可汗,社介部兵又苦久役,多委之逃。延陁

因縱擊敗之,復保高昌國。其舊兵在者纔萬餘人,又與西蕃結隙。

敕,然後受之。及所取,唯老弱故弊而已。軍還,太宗美其廉愼,以高昌所得寶刀抖雜綵千段 十四年,授行軍總管,以平高昌。諸人咸卽受賞,社众以未奉詔旨,秋毫無所取。及降別 九年,率衆內屬,拜左騎衞大將軍。歲餘,令尙衡陽長公主,授駙馬都尉,典屯兵於苑內。

密,大破之,餘衆悉降。又下龜茲大撥換城,虜龜茲王白訶黎布失畢及大臣那利等百餘人 師旋,兼授鴻臚卿。二十一年,爲崑丘道行軍大總管,征龜茲。明年,軍次西突厥,擊處 十九年,從太宗征遼,至駐蹕陣,頻遭流矢,拔而又進。其所部兵士,人百其勇,盡獲殊 賜之,仍令檢校北門左屯營,封畢國公。

而還。 鎭軍大將軍。 屬太宗崩,請以身殉葬,高宗遣使喻以先旨,不許。 六年卒,贈輔國大將軍、井州都督,陪葬昭陵,起冢以象葱山,仍爲立碑,諡 遷右衞大將軍。 永徽 四年,加位

元。

子道眞,位至左屯衞大將軍。

之,蘇尼失遂舉其衆歸國,因令子忠擒頡利以獻。太宗賞賜優厚,拜北寧州都督、右衞大將 軍,封懷德郡王。貞觀八年卒。 所部獨不攜離。 設,督部落五萬家,牙直靈州之西北,曉雄有恩惠,甚得種落之心。及頡利政亂,而蘇尼失 貞觀初,阿史那蘇尼失者,啓民可汗之母弟,社尒叔祖也。 突利之來奔也,頡利乃立蘇尼失爲小可汗。及頡利爲李靖所破,獨騎而投 其父始畢可汗以爲沙鉢羅

遷右衞大將軍。 忠以擒頡利功,拜左屯衞將軍,妻以宗女定襄縣主,賜名爲忠,單稱史氏。 永徽初,封薛國公,累遷右驍衛大將軍。所歷皆以淸謹見稱,時人比之金 貞觀九年,

子陳,襲封薛國公,垂拱中,歷位司僕卿。

日磾。上元初卒,贈鎭軍大將軍,陪葬昭陵。

貞觀 所 居 六年 隘狹,又多瘴癘 契苾何力,其先鐵勒別部之酋長也。 一,隨其 母率衆千餘家詣沙州,奉表內附,太宗置其部落於甘、凉二州。 ,遂入龜茲,居于熱海之上。特勤死,何力時年九歲,降號大俟利發。至 父萬,隋大業中繼爲莫賀咄特勤,以地逼吐谷渾 何力至京,

授左領軍將軍。

縱橫 所攻 何力言萬均敗惡之事,太宗怒,將解其官迴授,何力固讓曰:「以臣之故而解 毀何力, 術也。」太宗 之,以爲陛下厚蕃輕漢,轉相 失機會,安可 前 級,獲駝 敗 奮擊 七 固 兄弟皆中槍墮馬,徒步而鬭,兵士死者十六七。何力聞之,將數百騎馳往,突圍而前 年 自稱己功。何力不勝憤怒,拔 言 馬牛羊二十餘萬頭,輝主脫身以免,俘其妻子而 一,贼 興凉 不 乃止。尋令北門宿衞,檢校屯營事 兵 傾其巢穴耶! 口。 披靡,萬均兄弟由是獲免。 州都督李大亮、將軍薛萬均同征吐谷渾。軍次赤水川, 何力曰:「賊非有城郭,逐水草以爲生,若不襲其不虞,便恐鳥驚魚散。 \_\_\_乃自! 誣告,馳競必多。 「選驍兵千餘騎,直入突淪川, 刀而起,欲殺萬均,諸將勸止之。 時吐谷渾主在突淪川,何力復欲襲之,萬均懲其 ,敕尙 又夷狄 臨洮 無知,或謂漢臣皆如 還。有韶勞於大斗拔谷。 縣 主 襲破吐谷渾牙帳, 萬均率騎先行、爲賊 太宗聞而 此輩,固非安寧之 萬均,恐諸蕃聞 責問其故 斬首數千 萬均乃排

+ ·四年, 列 傳 第 爲葱山 五 + 九 道 副大總管, 契 苾 何 力 討平高昌。 時何力母姑臧夫人、母弟賀蘭州都督沙門並

也。」太宗曰:「不然,此人心如鐵石,必不背我。」會有使自延陁至,具言其狀,太宗泣謂羣臣 督已去,何故不行?」何力曰:「我弟沙門孝而能養,我以身許國,終不能去也。」於是衆共執 力至,聞而大驚曰:「主上於汝有厚恩,任我又重,何忍而圖叛逆!」諸首領皆曰:「可敦及都 右聽衞大將軍。 曰:「契苾何力竟如何?」遽遣兵部侍郎崔敦禮持節入延陁,許降公主,求何力。由是還,拜 初,太宗聞何力之延陁,明非其本意。或曰:「人心各樂其土,何力今入延陁,猶魚之得水 庭,天地日月,願知我心!」又割左耳以明志不奪也。可汗怒,欲殺之,爲其妻所抑而止。 何力至延陁所,置於可汗牙前。何力箕踞而坐,拔佩刀東向大呼曰:「豈有大唐烈士,受辱蕃 在凉府。十六年,詔許何力覲省其母,兼撫巡部落。時薛延陁強盛,契苾部落皆願從之。何

之理。」太宗從之。延陁恐有詐,竟不至靈州,自後常悒悒不得志,一年而死,兩子果爭權, 憂悶,臣又攜離,不盈一年,自相猜忌。延陁志性狠戾,若死,必兩子相爭,坐而制之,必然 宜告延陁親來迎婦,縱不敢至京邑,卽當使詣靈州。畏漢必不敢來,論親未可有成日。旣 已許之,安可廢?」何力曰:「然。臣本請延緩其事,不謂總停。臣聞六禮之內,婿合親迎, 太宗旣許公主於延陁,行有日矣,何力抗表固言不可。太宗曰:「吾聞天子無戲言,旣

各立爲主。

人乎?彼爲其主,況致命冒白刃而刺臣,是其義勇士也。 爲傅藥。 二十二年,爲崑丘道總管,擊龜茲,獲其王訶梨布失畢及諸首領等。 太宗征遼東,以何力爲前軍總管,軍次白崖城,爲賊所圍,被矟中腰,瘡重疾甚,太宗自 及拔賊城,敕求傷之者高突勃,付何力自殺之。 本不相識,豈是冤讎?」遂捨之。 何力奏言:「犬馬猶爲其主,況於 太宗崩,何力欲殺身以

支賀等以歸。顯慶二年,遷左驍衞大將軍,累封郕國公,兼檢校鴻臚 永徽二年,處月、處密飯,以何力爲弓月道大總管,討平之,擒其渠帥處密時健俟斤、合 卿

殉,高宗諭而止之。

設、特勤等同惡二百餘人以歸,何力數其罪而誅之。 誤,遂有翻動,使我捨汝等過,皆可自新。罪在酋渠,得之則已。」諸姓大喜,共擒僞葉護及 何力爲鐵勒道安撫大使。乃簡精騎五百馳入九姓中,賊大驚,何力乃謂曰:「國家知汝被詿 追奔數十里,斬首三萬級,餘衆盡降,男生僅以身免。 生以精兵數萬守之〔1〕,衆莫能濟。何力始至,會層冰大合,趣卽渡兵,鼓譟而進,賊遂大潰, 龍朔元年,又爲遼東道行軍大總管。 九月,次于鴨綠水,其地卽高麗之險阻,莫離支男 會有韶班師,乃還。 其年,九姓叛,以

靺鞨 數萬據 乾封元年,又爲遼東道行軍大總管, 兼安撫大使。 南蘇城。 何力奮擊,皆大破之,斬首萬餘級,乘勝而進,凡拔七城。乃迴軍會英 高麗有衆十五萬,屯於遼水, 叉引

黑幽常

之

列

凉國公,仍檢校右羽林軍。 臨平壤。勣仍繼至,共拔平壤城,執男建〔三〕,虜其王還。授鎭軍大將軍,行左衞大將軍,徙封 國公李勣於鴨綠水,共攻辱夷、大行二城,破之。 勣頓軍於鴨綠栅,何力引蕃漢兵五十萬先 儀鳳二年卒,贈輔國大將軍、幷州都督,陪葬昭陵,諡曰烈。

衞 將軍,爲酷吏所殺。」貞,司膳少卿。

有三子:明、光、貞。明、左鷹揚衞大將軍、兼賀蘭都督、襲爵涼國公。光、則天時右豹韜

存山 之刺 績,遂復本國二百餘城,定方不能討而還。 等,仍縱兵劫掠,丁壯者多被戮。 史也。 ,築栅以自固,旬日而歸附者三萬餘人。定方遣兵攻之,常之領敢死之士拒戰,官軍敗 黑齒常之,百濟西部人。長七尺餘,驍勇有謀略。初在本蕃,仕爲達率兼郡將,猶中國 顯慶五年,蘇定方討平百濟,常之率所部隨例送降款。時定方縶左王及太子隆 常之恐懼,遂與左右十餘人遁歸本部,鳩集亡逸,共保任 龍朔三年,高宗遣使招諭之,常之盡率其衆降。

無所出。 儀 鳳中, 常之夜率敢死之兵五百人進掩賊營,吐蕃首領跋地設棄軍宵遁,敬玄因此得還。 吐蕃犯邊,常之從李敬玄擊之。 劉審 1禮之沒賊,敬玄欲抽軍,却阻泥溝,而計 累轉左領軍員外將軍

吐蕃深畏憚之,不敢復爲邊患。 石。 賊 千級,獲羊馬數萬,贊婆等單騎而 高宗歎其才略,擢授左武衞將軍,兼檢校左羽林軍,賜金五百兩、絹五百匹,仍充河源軍副 '衝,欲加兵鎭守,恐有運轉之費,遂遠置烽戍七十餘所, 開 時吐蕃贊婆及素和貴等賊徒三萬餘屯於良非川。 耀中,贊婆等屯於青海 常之率精兵一 嗣聖元年,遷左武衞大將軍 遁。 擢常之爲大使, 又賞物四百匹。 萬騎襲破之,燒其糧貯而 常之率精騎三千夜襲賊營, 度開營田五千餘頃, ·,仍檢校左 還。 羽林軍 常之以河源 常之在軍七年 歲收百餘萬 殺獲二 軍 正 當

燕國 令伐木, 誣構,云與右鷹揚將軍趙懷節等謀反,繋獄,遂自縊 遙爲聲援。 大破之,追奔四十餘里,賊散走 馬著甲,遂領二百餘騎,身當先鋒直衝,賊遂棄甲而散。 垂拱二年 營中燃火如烽燧, 三年, 寶壓以爲破賊在朝夕,貪功先行, - ,突厥犯邊,命常之率兵拒之。 突厥 入寇朔州 時東南忽有 (債北。 常之又充大總管, 時有中郎將爨寶塵表請窮追餘賊,制常之與寶壁會 大風 起 羅至 竟不與常之謀議,遂全軍而沒。尋爲周興等 7 賊 兩井,忽逢賊三千餘衆,常之見賊徒爭下 以李多祚、王九言爲副。 而死。 疑有救兵相應, 俄頃,賊衆大至。及日將暮,常之 遂狼 狽 夜遁。 追躡至黃花 以功進封

兵乎 常之嘗有所乘馬爲兵士所損, 」竟赦之。 前後所得賞賜金帛等,皆分給將士;及死,時甚惜之。 副使牛師獎等請鞭之。 常之日:「豈可以損私馬而決官

傳第五十九 黑齒常之 李多祚

列

李多祚,代爲靺鞨酋長。多祚驍勇善射,意氣感激。少以軍功歷位右羽林軍大將軍,

前後掌禁兵,北門宿衞二十餘年。

以功進封遼陽郡王,食實封八百戶,仍拜其子承訓爲衞尉少卿。 顧妻子性命。」因卽引天地神祇爲要誓,詞氣感動,義形於色。遂與柬之等定謀誅易之兄弟, 夕危逼。宗社之重,於將軍,誠能報恩,正屬今日。」多祚曰:「苟緣王室,惟相公所使,終不 十年矣。」柬之日:「將軍擊鐘鼎食,金章紫綬,貴寵當代,位極武臣,豈非大帝之恩乎?」曰: 「然。」又曰:「將軍旣感大帝殊澤,能有報乎?大帝之子見在東宮,逆豎張易之兄弟擅權,朝 神龍初,張柬之將誅張易之兄弟,引多祚將籌其事,謂曰:「將軍在北門幾年?」曰:「三

**祔廟之禮,在於尊祖奉先;肅事之儀,豈厭惟親與德。伏見恩敕令安國相王與李多祚參** 天下豪英。今漢雖乏人,陛下獨奈何與刀鋸之餘共載!』於是斥而下之。多祚雖無趙談之 誠恐萬方之人,不允所望。昔文帝引趙談參乘,盎伏車前日:『臣聞天子所共六尺輿者,皆 乘,且多祚夷人,有功於國,適可加之寵爵,豈宜逼奉至尊,侍帝弟而連衡,與吾君而共輦? 其年,將有事於太廟,特令多祚與安國相王登輦夾侍。監察御史王覿上疏諫曰:「竊惟

袁盎之強諫,獨微臣之不及。惟陛下詳擇焉。」上謂觀曰:「多祚雖是夷人,緣其有功,委以心 腹,特令侍輦,卿勿復言也。」 累,亦非卿相之重,不自循省,無聞固讓,豈國乏良輔,更無其人。 史官所書,將示於後。 何

丼殺其二子,籍沒其家。 多祚子壻羽林中郎將野呼利爲先軍總管,思勗挺刃斬之,兵衆大沮。 武樓下,冀上問以殺三思之意,遂按兵不戰。時有宮閣令楊思勗於樓上侍帝,請拒其先鋒。 節愍太子之殺武三思也, 多祚與羽林大將軍李千里等率兵以從。太子令多祚先至玄 多祚俄爲左右所殺,

其妻子。」 彼神明,重淸姦慝,永言徽烈,深合褒崇。 宜追歿後之榮,以復生前之命。 可還舊官,仍宥 柱國、遼陽郡王李多祚,三韓貴種,百戰餘雄。席寵禁營,乃心王室,仗茲誠信,翻陷誅夷。賴 **睿宗卽位,下制曰:「以忠報國,典册所稱,感義捐軀,名節斯在。** 故右羽林大將軍、上

**諸軍初用陌刀,咸推嗣業爲能。** 李嗣業,京兆高陵人也。身長七尺,壯勇絕倫。天寶初,隨募至安西,頻經戰鬭。于時 每爲隊頭,所向必陷。節度使馬靈察知其勇健,每出師,令

嗣業與焉。累遷至中郎將。

河,奄至城下。 刀將。 蔽空而下,嗣業獨引一旗於絕險處先登,諸將因之齊上。賊不虞漢軍暴至,遂大潰,塡溪 是拂林、大食諸胡七十二國皆歸國家,款塞朝獻,嗣業之功也。由此拜右威衞將軍 谷,投水溺死,僅十八九。遂長驅至勃律城擒勃律王、吐蕃公主,斬藤橋,以兵三千人戍。 天寶七載,安西都知兵馬使高仙芝奉詔總軍,專征勃律,選嗣業與郎將田珍爲左右陌 于時吐蕃聚十萬衆於娑勒城,據山因水, 仙芝謂嗣業與田珍曰:「不午時須破此賊。」嗣業引步軍持長刀上,山頭拋櫑 **壍斷崖谷**,編木爲城。 仙芝夜引軍渡信圖

芝懼,領兵二萬深入胡地,與大食戰,仙芝大敗。 王約爲和好,乃將兵襲破之,殺其老弱,虜其丁壯,取金寶瑟瑟駝馬等,國人號哭,因掠石國 或有一得,勢危若此,不可膠柱。」固請行,乃從之。路隘,人馬魚貫而奔。會跋汗那兵衆先 逸之計。」仙芝曰:「爾,戰將也。 吾欲收合餘燼,明日復戰,期一 倂力事漢。 過數千。 |王||東獻之于闕下。其子逃難奔走,告於諸胡國。 十載,又從平石國,及破九國胡幷背叛突騎施,以跳盪加特進,兼本官。初,仙芝給石國 事窘,嗣業白仙芝曰:「將軍深入胡地,後絕救兵。今大食戰勝,諸胡知,必乘勝而 若全軍沒,嗣業與將軍俱爲賊所虜,則何人歸報主?不如馳守白石嶺,早圖奔 會夜,兩軍解,仙芝衆爲大食所殺,存者不 羣胡忿之,與大食連謀,將欲攻四鎮。 仙 勝耳。」嗣業日:「愚者千慮,

奔,人及駝馬塞路,不克過。嗣業持大棒前驅擊之,人馬應手俱斃。胡等遁,路開

免。仙芝表其功,加驃騎左金吾大將軍。

郡縣 及祿山 ,秋毫不犯。至鳳翔謁見,上曰:「今日得卿,勝數萬衆,事之濟否,實在卿也。」遂與郭子 反,兩京陷,上在靈武,韶嗣業赴行在。 嗣業自安西統衆萬里,威令肅然, 所過

溝壑 决 賊軍 大戰-嗣 儀、僕固懷恩等常犄角爲先鋒將。嗣業每持大棒衝擊,賊衆披靡,所向無敵 震曜 度使,爲前軍,朔方右行營節度使郭子儀爲中軍,關內行營節度王思禮爲後軍。 墼 大 其 業 戦 呼 當嗣 伏 面 先 於陣,萬死 大 Ш 于香積寺北,西拒灃水,東臨大川,十里間軍容不斷。 谳 兵 登 至,逼我追騎,突入我營,我師囂亂。 野,距賊軍數里,列長陣而待之。賊將李歸仁初以銳師數來挑戰,我師攢矢而逐之, 山之亂,兩京未復,肅宗在鳳翔。 死 者十 ′; 賊將 奮命,所向 業刀者,人馬俱碎,殺十數人,陣容方駐。 大敗。 而冀其一生。不然,則我軍無孑遺矣。」嗣業乃脫衣徒搏,執長刀立於陣前 .推靡。是時,賊先伏兵於營東,偵者知之,元帥廣平王分迴紇銳卒,令 賊帥張通儒、安守忠、李歸仁等收合殘卒, 嗣業出賊營之背,與迴紇合勢,表裏夾攻,自午及酉,斬首六萬級,塡 至德二年九月至,嗣業從廣平王收復京城,與賊 嗣業謂郭子儀曰:「今日之事,若不以身啖寇, 前軍之士盡執長刀而出,如牆而 嗣業時爲鎭西、北庭支度行營節 東走保陝郡。 **戈鋋鼓鞞**,

列

大敗, 敗,曳白旗而下,徑抵賊背,穿賊陣,賊陣西北角先陷。 莊率衆數萬 子儀遇賊於新店,與之力戰,數合,我師初勝而後敗,嗣業逐急應接。 走河北。 赴陝助通儒輩以拒官軍。 子儀遂收東都。 嗣業以功加開府儀同三司、衞尉卿, 廣平王、郭子儀、王思禮等大軍營於陝西。 嗣業又率精騎前擊,表裏齊進,賊衆 封虢國公,食實封二 迴紇從南山望見官軍 嗣業與

嘉,將謀於百勝; 經任使。 節度使、虢國公李嗣業,植操沉厚,秉心忠烈,懷幹時之勇略,有戡難之遠謀。 贈裂土之封,用廣飾終之義。可贈武威 臥於帳 諸將自圖全,人無鬭志。 賊每出戰,嗣業被堅衝突,履鋒冒刃,爲流矢所中。 興,遞還所在。 曰:「臨難忘身,爲臣之大節; 念功加贈,經國之常典。 乾元二年,諸將同圍相州。 中,忽聞金鼓之聲,因而大叫,瘡中血出數升注地而卒。 自兇渠構亂,中夏不寧,持感激之誠,總驍果之衆,親當矢石,頻立 以其子佐國襲其官爵,食實封二百戶。」 忠誠未遂,空恨於九原。 是時築堤引潭水灌城,經月餘,城不拔。 郡王。 言念其功,良深憫悼。 其賻贈及緣葬事 故衞尉卿、兼懷州刺史、充北庭行營 ,所司倍於常式,仍令官給靈 上聞之震悼,嗟惜久之,詔 死於王事, 禮 是時,軍無統帥, 數日,瘡欲愈, 山勳庸。 久仕邊陲,備 有 可加 壯節 官 可

光弼 望,顧 勢, 可 劉 白 龍 孝德 獨往耳。」 他無所用。」光弼撫其背以遣之。 仙 曰:「未及, 白 諸將曰:「孰可取者?」僕固懷恩請行, 率鐵騎五千臨城挑戰(日)。 孝德,安西胡人也,驍悍有膽力。 可。」光弼乃招孝德前,問曰:「可乎?」曰:「可。」 光弼問:「所要幾何兵?」 光弼壯之。終問所欲, 何知其克?」懷恩曰:「觀其攬轡便辟,可萬全者。」龍仙見其獨來,甚易之, 龍仙捷勇自恃,舉右足加馬鬣上,嫚駡光弼。 孝德挾二矛,策馬截流而渡。半濟,懷恩賀曰:「克矣。」 對曰:「願選五十騎於軍門爲繼,兼請大軍鼓譟以增氣 乾元中,事李光弼爲偏裨。 光弼曰:「此非大將所爲。」歷選其次, 左右曰: 史思明攻河陽,使驍將 光弼登城 孝德日

乎? 書 攜 使余 噉 「對昌 之而 持 致辭, 龍 矛 歸, 化 躍 仙 郡王。 賊 馬 曰:「誰耶? 非他也。」 徒 而搏之。 大駭。 以 家 龍仙去十步與之言, 其後 城上 難 曰:「我, 去 職 、累戦 鼓躁,五 ,服闋復舊官。 功至安西北庭 國之大將白孝德 十騎 繼 褻駡 進。 大曆十四年九月,轉太子 行營節度、鄜坊邠 龍 如初。 也。 仙 矢不暇發,環走堤上。孝德 龍仙日:「是何猪狗!」 孝德息馬伺便, 寧節 少傅, 度使、歷 因瞋 目曰:「賊識我 尋 檢校 孝德發聲號 追及,斬首, 卒, 時年六 刑部尙

足不

降鬣。

稍近,將動,孝德搖手示之,若使其不動,

龍仙

不之測, 乃止。 孝德呼曰:「侍中

十六,贈太子

太保。

節,社众廉愼知足,蘇尼失恩惠,史忠淸謹。凡用兵破吐蕃、谷渾,勇也;心如鐵石,忠也; 孝德壯勇立功,皆三軍之傑也,豈九夷之陋哉!嗣業力贊中興,終歿王事,未可倫而擬也。 者,何力有焉。常之以私馬恕官兵,與將士均賞賜,古之名將,無以加焉。多祚忘身許國 不解萬均官,恕也;阻延陁之親,智也;捨高突勃之死,證也。立大功,居顯位,夙夜匪懈 贊曰:君子之居,九夷無陋。 壯哉嗣業,孰出其右! 史臣曰:歷代武臣,壯勇出衆者有諸,節行勵俗者鮮矣,矧蠻夷之人乎!如馮盎智勇守

#### 校勘記

- (1) 莫離支男生 「離」字各本原無,據冊府卷四二〇補。
- 男建 殘宋本作「勇建」,殿、局、廣本作「勇健」,據冊府卷三五八、通鑑卷二○一改。
- (三) 至德二年 「二年」,各本原作「六年」,册府卷三八五作「二年」,通鑑卷二二〇亦以此事繫於至 德二載。按至德僅二年,次年二月卽改元爲乾元,據改。
- (18) 五千 各本原作「五十」,據影宋本及冊府卷三九六改。

## 舊唐書卷一百一十

### 列傳第六十

# 李光弼 王思禮 鄧景山 辛雲京

略,起家左衞郎。 度副使,封薊國公,以驍果聞。 李光弼,營州柳城人。 丁父憂,終喪不入妻室。 其先,契丹之酋長。父楷洛, 光弼幼持節行,善騎射,能讀班氏漢書。少從戎,嚴毅有大 開元初, 左羽林將軍同正、朔方節

亂,封常清、 使,充赤水軍使。 使,封薊郡公。十一載,拜單于副使都護(1)。十三載, 思順愛其材,欲妻之,光弼稱疾辭官。 天寶初,累遷左清道率兼安北都護府、朔方都虞侯。 高 仙芝戰敗,斬於潼關。 忠嗣遇之甚厚,常云:「光弼必居我位。」邊上稱爲名將。八載, 又以哥舒翰率師拒賊。 隴右節度哥舒翰聞而奏之,得還京師。 朔方節度安思順奏爲副使、 五載, **尋命郭子儀爲朔方節度,收兵** 河西節度王忠嗣補爲兵馬 充節度 禄山之 知留後 副

列

傳

第

六 十

李光璐

玄宗眷求良將,委以河北、河東之事,以問子儀,子儀薦光弼堪當閩寄。

出之,誓平寇難,以慰其心。六月,與賊將蔡希德、史思明、尹子奇戰于常山郡之嘉山,大破 河北節度使,拔趙郡。自禄山反,常山爲戰場,死人蔽野,光弼酹其屍而哭之,爲賊幽閉者 卒數萬來援常山,追擊破之,進收藁城等十餘縣,南攻趙郡。三月八日,光弼兼范陽長史、 **敗黨,**斬首萬計,生擒四千。 思明露髮跣足,奔于博陵,河北歸順者十餘郡。 魏郡太守、河北道採訪使,以朔方兵五千會郭子儀軍,東下井陘,收常山郡。 賊將史思明以 十五載正月,以光弼爲雲中太守,攝御史大夫,充河東節度副使、知節度事。二月,轉

留守、同中書門下平章事,以景城、河間之卒五千赴太原。時節度王承業軍政不修,詔御史 令收繫之。頃中使至,除衆御史中丞,懷其敕問衆所在。 是,交衆兵於光弼。衆以麾下來,光弼出迎,旌旗相接而不避。光弼怒其無禮,又不卽交兵, **崔衆交兵於河東。衆侮易承業,或裹甲持槍突入承業廳事玩謔之。光弼聞之素不平。至 駮。**肅宗理兵於靈武,遣中使劉智達追光弼、子儀赴行在,授光弼戶部尙書,兼太原尹、北京 懼,遂寢之而還。翌日,以兵仗圍衆,至碑堂下斬之,威震三軍。命其親屬弔之。 以敕示光弼,光弼曰:「今只斬侍御史;若宣制命,卽斬中丞;若拜宰相,亦斬宰相。」中使 光丽以范陽祿山之巢穴,將先斷之,使絕根本。會哥舒翰潼關失守,玄宗幸蜀,人心驚 光弼曰:「除有罪、繫之矣!」中使

百戶。」 出、干城禦侮、坐甲安邊。可守司空、兼兵部尚書、中書門下平章事、 御史大夫、鴻臚卿、太原尹、北京留守、 賊將李弘義以歸。 級,軍資器械一皆委棄。 之,先歸,留蔡希德等攻之。 擊之,賊驍將勁卒死者十二三。城中長幼咸伏其勤智,懦兵增氣而皆欲出戰。 掘壕以自固。 待之,光弼曰:「城周四十里 指 北 行過府門,未嘗迴顧。賊退三日,決軍事畢,始歸府第。 城外詬詈戲侮者,光關令穿地道,一夕而擒之,自此賊將行皆視地,不敢 苦 面 取太原,鼓行而 戰,精兵盡赴 年,賊將史思明、蔡希德、高秀巖、牛廷玠等四僞帥率衆十餘萬來攻太原。 作塹數十萬,衆莫知所用。 ]朔方,麾下皆烏合之衆,不滿萬人。 詔曰:「銀青光祿大夫、檢校司徒、 西, 圖河雕 賊始至及遁, 一,賊垂至,今興功役,是未見敵而自疲矣。」 乃躬率士卒百姓外 月餘,我怒而寇怠 朔方,無後顧矣!」 河東節度副大使、薊國公光弼, 五十餘日, 及賊攻城於外,光弼即令增壘於內,壞輒補之。 ,光弼率敢死之士出擊,大破之,斬首七萬餘 光弼設 光弼所部將土聞之皆懼,議欲修城以 思明謂諸將曰:「光弼之兵寡弱,可屈 兼戶部尚書、 轉檢校司徒,收淸夷、橫野等軍 小幕, 宿於城東南隅,有急 進封魏國公, 同中書門下平章事、 全德挺生, 逼 城。 史思明揣 強弩發石以 光弼 食實封八 英才間 即應 經 擒 賊 城 知

元年,與關 內節度使王思禮入朝, 敕朝官四品已上出城迎謁。 遷侍中 改封鄭國

列

係之副 公。 綠林之盜。 始,保宗社於阽危。 總戎有命,用擇惟賢之佐,式弘建親之典。必能緝寧邦國,協贊天人,誓于丹浦之師,勦彼 光翮、器識弘遠、志懷沉毅、蘊孫、吳之略、有文武之材。 富韜鈴 二年七月,制曰:「元帥之任,實屬於師貞;,左軍之選,諒資於邦傑。 ,知節度行營事。」 ,則何以翊分閪而專征,膺鑿門而受律。求諸將相,允得其人。司空、兼侍中、鄭國公 載明朝獎, 由是出備長城,入扶大廈,茂功懸於日月,嘉績被於嚴頗。屬殘寇猶虞, 爰籍舊勳。 宜副出車之命,仍踐分麾之寵。爲天下兵馬元帥趙王 往屬艱難,備彰忠勇,協風雲而經 自非道申啓沃,學

郭子儀 慶緒 與諸 晦冥 將懾伏,都兵馬使僕固懷恩先期而 子儀爲朔方節度、兵馬 於相州 將 ,諸將引衆而退,所在剽掠,唯光弼所部不散。 八月, 頗有異議,欲逗留其衆。 率衆屯于穀水。史思明因殺安慶緒,卽僞位,縱兵河南。 兼幽州 ,拔有日矣。 大都督府長史、河北節度支度營田經略等使,餘如故。 副元帥,以東師委之。 史思明自范陽來救,屢絕糧道,光弼身先士卒,苦戰勝之。 光弼以數千騎出次氾水縣,用濟單騎迎謁,即斬於轅門。諸 至。 左廂兵馬使張用濟承子儀之寬,懼光弼 東京留守崔圓、河南尹蘇震南 加光弼太尉、兼中書令,代郭 與九節度兵圍安 奔襄陽, 屬大風 之令,

初,光弼次汴州,聞思明悉衆且至,謂許叔冀曰:「大夫能守此城狹旬,我必將兵來救。」

城,氾水、崿嶺皆須人守,子爲兵馬判官,能守之乎?」途移牒留守及河南尹并留司官、坊市 思明乘勝而西。 之,足挫其銳矣!」光弼曰:「此蓋兵家常勢,非用奇之策也。 夫兩軍相寇,貴進尺寸之間 賊勢甚熾,遭梁浦、劉從諫、田神功等將兵徇江淮,謂之曰:「收得其地,每人貢兩船玉帛。」 叔冀曰:「諾。」光弼還東京,思明至汴,叔冀與戰不利,遂與董秦、梁浦、劉從諫率衆降思明。 自守,表裏相應,使賊不敢西侵,此則猿臂之勢也。 耳。今委五百里而不顧,是張賊勢也。 挫其鋒,不利速戰。 ,公不如<u>光</u>丽。」膨無以應。 光弼整衆徐行,至洛,謂留守章陟曰:「賊乘鄴下之勝,再犯王畿,宜按甲以 洛城非禦備之所,公計若何?」陟曰:「加兵陝州,退守潼關,據 判官章損日:「東京帝宅,侍中何不守之?」光弼日:「若守洛 若移軍河陽,北阻澤潞、三城以抗,勝則擒之,敗則 夫辨朝廷之禮,光弼不如公; 論軍族之 **%**險以待

行,與賊相隨,而不敢來犯。乙夜,入河陽三城。 拒光弼。 時史思明已至偃師,光弼悉軍赴河陽。 賊憚光弼威略,頓兵白馬寺,南不出百里,西不敢犯宮闕,於河陽南築月城, 十月,賊攻城。於中渾城西大破逆黨五千餘衆,斬首千餘級,生擒五百餘人,溺死 賊已至洛城,光弼軍方至石橋。日暮,令秉炬徐 排閱守備,號令嚴明,與士卒同甘苦,咸誓 掘壕以

居人,出城避寇,空其城,率軍士運油鐵諸物,以爲戰守之備。

者大半。

公,公其勉之!」元禮俟栅開,率其勇敢出戰,一逼賊軍,退走數百步。 入馳突,不足破賊,收軍稍退,以怠其寇而攻之。光弼望見收軍,大怒,使人喚元禮,欲按軍 乎,擬戰乎?」光弼曰:「戰。」元禮曰:「若戰,賊爲我塡塹,復何嫌也!」光弼曰:「吾智不及 賊。 城,使人語荔非元禮日:「中丞看賊塡塹開栅過兵,居然不顧,何也?」元禮報日:「太尉擬守 樓、橦車隨其後,督兵塡城下塹,三面各八道過其兵,又當塹開栅,各置一門。光弼遙望賊逼 塹, 凋二丈, 深亦如之。 奇兵,表裏夾擊,殺傷甚衆,賊帥周擊領軍而退。光弼自將於中潬城,城外置栅,栅外大掘 賊衆大喜,斂軍以俟之。 過期而 元禮曰:「戰正忙,喚作何物。」良久,令軍中鼓譟出栅門,徒搏齊進,賊大潰 光弼於城東北角樹小紅旗,下望賊軍。賊恃衆直逼其城,以車二乘載木鵝、蒙衝、鬭 周擊復整軍押北城而下,將攻之。 初, 救不至,任棄也。」抱玉稟命,勒兵守南城。將陷,抱玉紿賊曰:「吾糧盡,明日當降。」 光弼謂李抱玉曰:「將軍能爲我守南城二日乎?」抱玉曰:「過期若何?」光弼曰: 抱玉復得繕完設備,明日,堅壁請戰。 賊怒見欺,急攻之。 抱玉出 周擊捨南城,併力攻中彈。光弼命荔非元禮出勁卒於羊馬城以拒 光弼遽率衆入北城,登城望曰:「彼雖衆,亂而囂,不 元禮料敵陣堅,雖出

足懼

也。

當爲公等日午而破之。」命出將戰。

及期,不決,謂諸將曰:「向來戰,何處最堅而

難犯?」或曰:「西北角。」遽命郝玉曰:「爾往擊之。」 玉曰:「压,步卒也,請騎軍五百翼之。」

玉頭來。 將也,不知步戰,請鐵騎三百。」與之百。光弼又出賜馬四十匹分給,且令之曰:「爾等望吾旗 光弼與之三百。又問:「何處最堅?」曰:「東南隅。」即命論惟貞以所部往擊之。對曰:「貞,養 岸,光弼皆斬之。初,光弼將戰,謂左右曰:「戰,危事,勝負繫之。光弼位爲三公,不可死於 明不知擊等敗,尙攻南城。光弼悉驅俘囚臨河以示之,殺數十人以威之,餘衆懼,投河赴南 資器械糧儲數萬計,臨陣擒其大將徐璜玉、李秦授、周擊印。 斬,賞援槍者絹五百疋。須臾,郝玉奔歸。 玉策馬赴賊,有一人將援槍刺賊,洞馬腹,連刺數人;,一人逢賊,不戰而退。 而戰,若麾旗緩,任爾觀望便宜;吾旗連麾三至地,則萬衆齊入,生死以之,少退者斬無捨。」 **賊手,苟事之不捷,繼之以死。」及是擊賊,常納短刀於靴中,有決死之志,城上面西拜舞,三** 死而前。 光弼連麾,三軍望旗俱進,聲動天地,一鼓而賊大潰,斬萬餘級,生擒八千餘人,軍 玉見使者曰:「馬中箭,非敢敗也。」使者馳報,光弼令換馬遣之。 玉換馬復入,決 光弼望之,驚曰:「郝玉退,吾事危矣。」命左右取 其大將安太淸走保懷州。 光弼召不戰者

生擒安太清、周摯、楊希文等,送於闕下,即日懷州平。以功進爵臨淮郡王,累加實封至一 軍感動。 賊 既敗走,光弼收懷州,思明來救,迎擊於沁水之上,又敗之。 光弼令僕固懷恩、郝玉由地道而入,得其軍號,乃登陴大呼,我師同登,城遂拔。 城將安太清極力拒守,

#### 千五百戶。

等十三州, 時 功擊敗之。 河南、淮南、山南東道、荆南等副元帥,侍中如故,出鎭臨淮。史朝義乘邙山之勝,寇申、光 詔 棄河陽, 獲已,進軍列陣於北邙山下。 賊悉精銳來戰,光弼敗績,軍資器械並爲賊所有。時李抱玉亦 釋之。 M 動,不可輕進。」僕固懷恩又害光弼之功,潛附朝恩,言賊可滅。 觀 軍容使魚朝恩屢言賊可滅之狀,朝旨令光弼速收東都。 光丽 光弼懇讓太尉,遂加開府儀同三司、侍中、河南尹、行營節度使;俄復拜太尉,充 自領精騎圍李岑於宋州。將士皆懼,請南保揚州,光弼徑赴徐州以鎮之,遣田神 浙東賊首袁晁攻剽郡縣,浙東大亂,光弼分兵除討,克定江左,人心乃安。 渡河保聞喜。 朝旨以懷恩異同致敗,優韶徵之。 光弼自河中入朝,抗表請罪, 光弼屢表:「賊鋒尙銳,請候 由是中使督戰,光弼不

泗州 其鋒。 **興皆懼其** 拒於襄 初 陽 光弼 光弼曰:「朝廷寄安危於我,今賊雖強,未測吾衆寡,若出其不意,當自退矣。」遂徑往 光弼將赴臨淮,在道异疾而行。監軍使以袁晁方擾江淮,光弼兵少,請保潤州以避 、威名,相繼赴闕。 ,朝廷患之。 未至河南也,田神功平劉展後,逗留於揚府,尚衡、殷仲卿相攻於克、鄆,來瑱旅 及光弼 寶應元年,進封臨淮王,賜鐵券,圖形凌煙閣。 輕騎 至徐州 ,史朝義 退走,田神功遽歸河南,尙衡、殷仲卿、來

廣德初,吐蕃入寇京畿,代宗詔徵天下兵。

光弼與程元振不協,遷延不至。

十月,西戎

京, 守, 同掌禁兵,委以心膂。至是,以光進爲太子太保、兼御史大夫、凉國公、渭北節度使,上遇之 犯京師、代宗幸陝。 ,以祭其去就。 `二年正月, 遣中使往宣慰。 光弼伺知之,辭以久待敕不至,且歸徐州,欲收江淮租賦以自給。 朝廷方倚光弼爲援,恐成嫌疑,數詔問其母。 光弼母在河中, 密韶子儀輿歸京師。 吐蕃退,乃除光弼東都留 其弟光進, 與李輔國 代宗還

益

厚。

悌 國太夫人,二子皆節制一品。 月,葬於三原,韶宰臣百官祖送於延平門外。 喪柩還京師。代宗遣中官開府魚朝恩弔問其母於私第,又命京兆尹第五琦監護喪事。十一 得就養,旣爲不孝子,夫復何言!」因取已封絹布各三千疋、錢三千貫文分給將士。部下護 五 田 十七。 :,雙旌在門,鼎味就養,甲第並開,往來追歡,極一時之榮。 神 功等皆不稟命,因愧恥成疾,遺衙將孫珍奉遺表自陳。 光弼御軍嚴肅,天下服其威名,每申號令,諸將不敢仰視。及懼朝恩之害,不敢入朝, 輟朝三日, 贈太保 ·,諡曰 光弼十年間三入朝,與弟光進在京師,雖與光弼異母,性亦孝 「武穆。 光弼旣疾亟,將吏問以後事,曰:「吾久在軍中,不 母李氏,有鬚數十莖,長五六寸,以子貴,封韓 廣德二年七月,薨於除州,時年

拔石 使王 翰 征 「思禮旣損脚,更欲何之? [堡城 一忠嗣 九曲 十三年,吐蕃蘇 思禮 ,思禮後期,欲引斬之,續使命釋之。思禮徐言曰:「斬則斬,却喚何物?」諸將皆壯 功,除右金吾衞將軍,充關西兵馬使,兼河源軍使。十一載,加雲麾將軍。 至 灣州 河西,與哥舒翰對爲押衙。及翰爲隴右節度使, 城傍高麗人也。 毗王款塞亞,詔翰至磨環川應接之。 父虔威,爲朔方軍將,以習戰聞。 思禮墜馬損脚,翰謂中使李大宜 思禮與中郎周泌爲翰押衙 思禮少習戎旅,隨節度 十二載, '', 以

實, 與房琯爲副 李承光並引於纛下,責以不能堅守, 貞,於紙隔上密語翰,請抗表誅楊國忠,翰不應。 同正 曰:「此乃翰反,何預祿山事。」六月,潼關失守, 員,充元帥府馬軍都將, 十四載六月,加金城太守。 使。 便橋之戰又不利,除爲關內節度使。 每事獨與思禮決之。 豫山反,哥舒翰爲元帥,奏思禮加開府儀同三司,兼太常卿 並從 軍令。 思禮西赴行在,至安化郡。 或救之可收後効, 復請以三十騎劫之,橫馱來潼關殺之,翰 十五載二月,思禮白翰謀殺安思順父元 尋遣守武功。 遂斬承光而釋思禮、崇 思禮與呂崇賁、

遂命司徒郭子儀以朔方之衆擊之而退。 五 一十里。 王師 大駭,鳳翔戒嚴,中官及朝官皆出其孥,上使左右巡御史虞候書其名,乃止。

賊將安守忠及李歸仁、安泰清

來戰,

思禮以

其衆退守扶風。

賊兵分至大和關,去鳳翔

至德二年九月,思禮從元帥廣平王收西京,旣破賊, 思禮領兵先入景淸宮(日)。 山積,牛馬 又從

子儀 萬計。遷戶部尙書、霍國公,食實封三百戶。 戰陝城、曲沃、新店,賊軍繼敗,收東京。 乾元二年, 與子儀等九節度圍安慶緒於相州 思禮又於絳郡破賊六千餘衆,器械

思禮領關內及潞府行營步卒三萬、馬軍八千,大軍潰,唯思禮與李光弼兩軍獨全。 及光弼

鎭河陽,制以思禮爲太原尹、北京留守、河東節度使、兼御史大夫,貯軍糧百萬,器械精銳

尋 加守司空。自武德已來,三公不居宰輔,唯思禮 而已。

支計,短於用兵,然立法嚴整,士卒不敢犯,時議稱之。 上元二年四月,以疾薨,輟朝一日,贈太尉, 諡日武烈, 命鴻臚卿監護喪事。 思禮 長於

大使 節度使,遷揚州長 田 鄧景山,曹州人也。 神功兵馬討賊。神功至揚州,大掠居人資產,鞭笞發掘略盡, 史、淮南節度。 文吏見稱。 爲政簡肅 天寶中, 自大理評事至監察御史。 ,聞於朝廷。 居職四年, 會劉展 商胡大食、波斯等商旅 至德初, 作亂, 引平 擢 拜青 盧 齊

上元二年十月, 傳 第 六 + 追入朝,拜尙書左丞。 贸 景 Щ 辛 雲 京 太原尹、北京留守王思禮軍儲豐實, 其外又別積 死者數千人。

散殆盡,唯存陳爛萬餘石。上聞之,卽日召景山代崇嗣。及至太原,以鎭撫紀綱爲己任,檢 米萬石,奏請割其半送京師。屬思禮薨,以管崇嗣代之,委任左右,失於寬緩,數月之間,費 都知兵馬使、代州刺史辛雲京爲節度使,從之。 兄,又不許;弟請納馬一匹以贖兄罪,景山許其滅死。衆咸怒,謂景山曰:「我等人命輕如 **覆軍吏隱沒者,衆懼。有一偏將抵罪當死,諸將各請贖其罪,景山不許;其弟請以身代其** 一馬乎?」軍衆憤怒,遂殺景山。上以景山統馭失所,不復驗其罪,遣使論之。軍中因請以

鄧景山統馭失所,爲軍士所殺,請雲京爲節度使,因授兼太原尹,以北門委之。 雲京質性沉 毅,部下有犯令者,不貸絲毫,其賞功效亦如之,故三軍整肅。迴紇恃舊勳,每入漢界,必肆 決,不畏強禦,每在戎行,以擒生斬馘爲務。累建勳勞,官至北京都知兵馬使、代州刺史。 累加 辛雲京者,河西之大族也。代掌戎旅,兄弟數人,並以將帥知名。雲京有膽略,志氣剛 至太原,雲京以戎狄之道待之,虜畏雲京,不敢惕息。數年間,太原大理,無烽警之 檢校左僕射、同中書門下平章事。

大曆三年八月庚午薨,上追悼發哀,爲之流涕,册贈太尉,輟朝三日,諡曰忠獻。後宰

臣子儀、元載等見上,言及雲京,汝然久之。十一月葬,命中使弔祭。 時宰相及諸道節度使

祭者凡七十餘幄。

惜也。 軍 景山始以文吏,或有虚名。仗鉞揚州, 閫 《馬賤人,衆怒身死,宜哉! ·旅之政肅然。以奇用兵,以少敗衆,將今比古,詢事考言,彼四子者,或有慚德。邙山之敗, 外之權不專; 贊曰:光弼雄名,思禮刑淸。 史臣曰:凡言將者,以孫、吳、韓、白爲首。如光弼至性居喪,人子之情顯矣;雄才出將, 然閫外之事,君側之人,得不愼諸! 徐州之留,君側之人伺隙。失律之尤雖免,匪躬之義或虧,令名不全,良可 雲京賞善懲惡,靜亂安邊,功著軍中,寵加身後,不亦美數! 始致亂者鄧景山,何以救之辛雲京。 召匪人而劫掠士庶; 思禮法令嚴整,儲廩豐盈,節制之才,固不易得。 分茅|抖部, 持小法而全昧機權。

#### 校勘記

拜單于 都 頀 四 副 人, 使都 無 所 護 謂 副 張森楷 使都護也。」 云:「使疑當作大,職官志大都護府有大都護一員,副大都護二員,副

列傳第六十 校勘記

(11) 臨陣擒其大將徐璜玉李秦授周擊 校勘記卷四二云:「據此似擊已被擒,而下文又云『生擒安太

李泰」。 清、周摯、楊希文等』,前後不相應。」按冊府卷三五八此處無「周摯」,作「臨陣擒其大將徐璜玉、 新書卷一三六李光弼傳此處與舊傳同,唯下文亦無「周摯」,作「禽太清、楊希仲」。通

吐蕃蘇毗王款塞

鑑卷二二一考異謂周擊於上元二年三月爲史朝義所殺。 按蘇毗爲吐蕃滅後,即

「吐蕃」,殘宋本作「吐蕃渾」,餘各本均作「吐谷渾」。

(B) 先入景淸宮 附屬于吐蕃。 通鑑卷二一七云:「蘇毗王子悉諾邏去吐蕃來降。」此據殘宋本,並刪「渾」字。

**删府卷三八五作「先入宮」,新書卷一四七王思禮傳作「先入淸宮」。** 

## 舊唐書卷一百一十

### 列傳第六十一

#### 崔光遠 房琯 一子孺復 從子式 張鎬 高適 暢璀

五品。 位, 宗爲廬陵王 有益州長史崔敬嗣,旣同姓名,每進擬官,皆御筆超拜之者數四。 訪敬嗣已卒,乃遣中書令韋安石授其子汪官。 崔光遠, 了安置在州,官吏多無禮度,敬嗣獨以親賢待之,供給豐膽,中宗深德之。 滑州 靈昌人也。 本博陵舊族。 祖敬嗣,好樗蒱飲酒。則天初,爲房州 汪嗜酒不堪職任, 且授洛州司 後引與語, 刺史。 功, 始 及登 又改 知誤

州縣。 兆尹鮮于仲通舉光遠爲長安令。 光遠卽汪之子,雖無學術,頗有祖風,勇決任氣, 開元末爲蜀州唐安令,與楊國忠以博徒相得,累遷至左贊善大夫。 十四載,遷京兆少尹。 身長六尺餘,目睛白 其載,使吐蕃弔祭。 黑分明。 天寶 十五載五月, 十 一載,京 少歷仕

傳第六十一 崔光遠

列

駕發,百姓亂入宮禁,取左藏大盈庫物,旣而焚之,自旦及午,火勢漸盛,亦有乘驢上紫宸、 興慶殿者。 使其息東見祿山,祿山大悅,僞敕復本官。先是祿山已令張休攝京兆尹十餘日,旣得 十餘日,潼關失守,玄宗幸蜀,詔留光遠爲京兆尹、兼御史中丞,充西京留守採訪使 光遠與中官將軍邊令誠號令百姓救火,又募人攝府縣官分守之,殺十數人方

光遠歸款,召休歸洛。

光遠 崔光遠,毀家成國,致命前茅。可特進,行禮部尚書,封鄴國公,食實封三百戶。」 勁,常避其鋒。 要,分命驍 號令百姓,赴召者百餘人,夜過咸陽,遂達 遠之狀報祿山。 光遠營四十里。 人前謂門官曰:「尹巡諸門。」門官具器仗以迎,至則皆斬之。領府縣官十餘人(三),於京西 於渭北召集人吏之歸順者。 ,府縣官吏驚走,獄囚皆空。 光遠以爲賊且逃矣,命所由守神威孝哲宅(1)。 八月,同羅背祿山,以廐馬二千出至滻水。孫孝哲、安神威從而召之,不得,神威懼而 勇持陌刀呼而斬之,殺賊徒二千餘人,虜馬千疋,俘其渠會一人。賊中以光遠勇 及扈從還京,論功行賞,制曰:「持節京畿採訪、計會、招召、宣慰、處置等使 光遠偵知之,率馬步二千乙夜趨其所。賊徒多醉,光遠領百餘騎持滿扼其 光遠閉府門,斬爲盜曳落河二人,遂與長安令蘇震等同出。至開遠門,使 嘗有賊剽掠涇陽縣界,於僧寺中椎牛釃酒, 靈武。上喜之,擢拜御史大夫,兼京兆尹,仍使 連夜酣飲, 孝哲以光

列傳第六十一 崔光遠 房琯

完之,甚爲堅峻。光遠不能守,遂夜潰圍而出,度河而還。 崟。 使。 處崟遂敗,奔還。賊逐處崟至城下,反間之曰:「處崟召我來,何爲不出?」 師千人渡河援之。及代蕭華入魏州,使將軍李處崟拒賊,賊大至,連戰不利, 處盜善戰有勇,衆皆倚之,及死,人用危懼。魏州城自祿山反,袁知泰、能元皓等皆繕 乾元 十二月,代蕭華爲魏州刺史,充魏州節度使。初, 元年,兼御史大夫。 五月,爲河南節度使。八月,代張鎬爲汴州刺史,兼本州防禦 司徒郭子儀與賊戰於汲郡,光遠率汴 肅宗不之罪,除太子少保。 光遠乃腰斬處 子儀怒不救,

蒱 劫 史 擊黃戍。 襄 隴 **六大夫。** ()婦女有 酒 更人郭愔等爲土賊,掠州縣,爲五堡,光遠使判官、監察御史嚴侁召而降之。 招 襄州將士康楚元、張嘉 晚年不親戎事。 光遠憂恚成疾,上元二年十月卒。 仍充山南東道處置兵馬都使。三年,除鳳翔尹,充本府及秦隴觀察使。 肅宗 及段子璋反,東川節度使李奐敗走,投光遠 金銀臂釧,兵士皆斷其腕以取之,亂殺數千人,光遠不能禁。 追還,以李鼎代之。 上元元年多,愔等潛連党項及奴剌、突厥敗革倫於秦、隴 延率衆爲亂,陷鬥、襄、澧、朗等州,以光遠兼御史大夫,持節用 二年, **棄成都尹** 充劍南節度營田 來將花驚定等討平之。 觀察處置使, 肅宗遣監軍官使按 將士 光遠在官好 ,殺監軍使, 先是,岐、 仍兼 肆 其 御 剽

四年,徵拜左庶子,遷憲部侍郎。 未畢,坐與李適之、韋堅等善,貶宜春太守。歷琅邪、鄴郡、扶風三太守,所至多有遺愛。 事中,賜爵潭南縣男。時玄宗企慕古道,數遊幸近甸,乃分新豐縣置會昌縣於驪山下,尋改 繕理廨宇,頗著能名。 |天寶元年,拜主客員外郎。 三年,遷試主客郞中。 五年正月,擢試給 察御史。其年坐鞫獄不當,貶睦州司戶。歷慈溪、宋城、濟源縣令,所在爲政,多興利除害, 馮翊尉。無幾去官,應堪任縣令舉,授虢州盧氏令,政多惠愛,人稱美之。二十二年,拜監 封岱岳,琯撰封禪書一篇及牋啓以獻。中書令張說奇其才,奏授秘書省校書郎,調補同州 文生。性好隱遁,與東平呂向於陸渾伊陽山中讀書爲事,凡十餘歲。開元十二年,玄宗將 會昌爲昭應縣。又改温泉宮爲華淸宮,於宮所立百司廨舍,以琯雅有巧思,令充使繕理。 房琯,河南人,天后朝正議大夫、平章事融之子也。、琯少好學,風儀沉整,以門蔭補弘

幸成都,加銀青光祿大夫,仍與一子官。 路。七月,至普安郡謁見,玄宗大悅,卽日拜文部尚書、同中書門下平章事,賜紫金魚袋。 十五年六月,玄宗蒼黃幸濁,大臣陳希烈、張倚等銜於失恩,不時赴難。 琯結張均、張

引於纛下,將斬之,)难從容救諫,獨斬承光而已。 皇傳付之旨,因言時事 其年八月,與左相韋見素、門下侍郎崔渙等奉使靈武,册立肅宗。 詞情慷慨,肅宗爲之改容。時潼關敗將王思禮、呂崇賁、李承光等 肅宗以琯素有重名,傾意待之,琯亦自負 至順化郡謁見,陳上

其才,以天下爲己任。 時行在機務,多決之於1萬,凡有大事,諸將無敢預言

劉悊並降於賊。 之,人畜撓敗,爲所傷殺者四萬餘人,存者數千而已。癸卯,琯又率南軍卽戰,復敗,希文 春秋車戰之法,以車二千乘,馬步夾之。旣戰,賊順風揚塵鼓譟,牛皆震駭, 鋒,十月庚子,師次便僑。辛丑,二軍先遇賊於咸陽縣之陳濤斜,接戰,官軍敗績。時琯用 將南軍,自宜壽入;劉恝將中軍,自武功入;李光進將北軍,自奉天入。、琯自將中軍,爲前 判官,給事 景山爲副,戶部侍郎李揖爲行軍司馬,中丞宋若思、起居郎知制誥賈至、右司郎中魏少遊爲 禦瀟潼兩關兵馬節度等使,乃與子儀、光弼等計會進兵。琯請自選參佐,乃以御史中丞鄧 尋抗疏自請將兵以誅寇孽,收復京都,肅宗望其成功,許之。 中劉秩爲參謀〔三〕。 馆等奔赴行在,肉袒請罪,上並宥之。 既行,又令兵部尚書王思禮副之。琯分爲三軍:遣楊希文 韶加持節、招討西京兼防 因縛芻縱火焚

虚 擇將吏,以至於敗。 琯 好賓客,喜談論,用兵素非所長,而天子採其虛聲,冀成實効。 琯旣自無廟勝,又以 琯之出師, 戎務一委於李揖、劉秩, 秩等亦儒家子, 未嘗習軍旅之

事。 爲中 使邢 延恩等督戰,蒼黃失據,遂及於敗。 人曰:「逆黨曳落河雖多,豈能當我劉秩等。」及與賊對壘,琯欲持重以何之, 上猶待之如初,仍令收合散卒,更圖 進取。

兼御 耳,非宰相器也。 宗謂之曰:「朕處分房琯與卿正 豈肯盡誠於陛下乎?臣欲正衙彈劾,不敢不先聞奏。」上由是惡琯, 韶以進明爲河南節度、 卽不 儲反 南朝爲聖皇制置天下,乃以永王爲江南節度,潁王爲劍南節度,盛王爲淮南節度, 夷甫爲宰相,祖習浮華,故至於敗。 明因奏曰:「陛下知晉朝何以至亂?」上曰:「卿有說乎?」 進明曰:「晉朝以好尙虛名,任王 元 子北略朔方, 史大 失 居 會北海太守賀蘭進明自河南至,韶授南海太守,攝御史大夫,充嶺南節度使。 、思寵。 邊 一鄙,此雖於聖皇似忠,於陛下非忠也。 又各樹其私黨劉秩、李揖、劉彙、鄧景山、竇紹之徒,以副戎權。 命諸王分守重鎭』。且太子出爲撫軍,入曰監國,琯乃以枝庶悉領大藩, 陛下待琯至厚,以臣觀之,琯終不爲陛下用。」上問其故,進明曰:「琯昨於 一大夫,何爲攝也?」進明對曰:「琯與臣有隙。」上以爲然。 今陛下方興復社稷,當委用實才,而琯性疏闊,徒大言 1 1 1 1 1 一此意,以爲聖皇諸子,但一人得天下, 推此 中謝 制云『命 而言,难 肅

圓 厚結李輔國,到後數日,頗承恩渥,亦憾於琯。 崔 圓 本蜀中拜相,肅宗幸扶風,始來朝謁。 **琯意以爲圓纔到,當卽冤相,故待圓** 琯又多稱病,不時朝謁,於政事簡惰。時議 禮薄

1館大臣,門客受贓,不宜見累。 二年五月,貶爲太子少師,仍以鎬代琯爲宰相 庭蘭招納貨賄,琯入朝自訴,上叱出之,因歸私第,不敢關預人事。諫議大夫張鎬上疏,言 卿時爲大夫,彈何忌不孝,琯旣黨何忌,遽託以酒醉入朝,貶爲西平郡司馬。 庭蘭彈琴,大招集琴客筵宴,朝官往往因庭蘭以見琯,自是亦大招納貨賄,姦贓頗甚 意。但與庶子劉秩、諫議李揖、何忌等高談虛論,說釋氏因果、老子虛無而已。 以兩京陷賊,車駕出次外郊,天下人心惴恐,當主憂臣辱之際,此時暗爲宰相,略無匪懈之 憲司又奏彈董 此 則聽董 顔眞

六月,韶日: 招納賓客,朝夕盈門,遊其門者,又將琯言議暴揚於朝。。琯又多稱疾,上頗不悅。乾元元年 郡公。琯旣在散位,朝臣多以爲言,琯亦常自言有文武之用,合當國家驅策,冀蒙任遇。 其年十一月,從肅宗還京師。十二月,大赦,策勳行賞,加琯金紫光祿大夫,進封淸河

敗績 令者捐於異路。 由是累階淸貴, 崇黨近名,實爲害政之本,黜華去薄,方啓至公之路。 房琯素表文學,夙推名器, 功。 自合首明軍令,以謝師旅,猶尚矜其萬死,擢以三孤。 而 喪我 致位台衡。而率情自任,怙氣恃權。虛浮簡傲者進爲同人,温讓謹 所以輔佐之際,謀猷匪弘。 師徒,旣虧制勝之任;升其親友,悉彰浮誕之迹。曾未踰時,遽從 頃者時屬艱難,擢居將相,股永懷仄席,

列傳

邠州刺史,秩可閬州刺史,武可巴州刺史,散官、封如故;並卽馳驛赴任,庶各增修。朕 黨不公之名,違臣子奉上之體。何以儀刑王國,訓導儲闈?但以嘗踐台司,未忍致之, 言,蓋欲人知不濫。凡百卿士,宜悉股懷。 譴,實屬其辜。 猶以琯等妄自標持,假延浮稱,雖周行具悉,恐流俗多疑,所以事必縷 自臨御寰區,薦延多士,常思聿求賢哲,共致雍熙。深嫉比周之徒,虚僞成俗。今茲所 于理。況秩、武遠更相尙,同務虚求,不議典章,何成沮勸。宜從貶秩,俾守外藩。 茲忠懇,以奉國家,而乃多稱疾疹,莫申朝謁。卻犨爲政,曾不疾其迂迴; 亞夫 翻有懷於鬱快。又與前國子祭酒劉秩、前京兆少尹嚴武等潛爲交結,輕肆言談,有朋 或云緣其切直,遂見斥退。 朕示以堂案,令觀所以,咸知乖舛,曠於政事。 誠宜効 (事君) 琯可

四日,卒於閬州僧舍,時年六十七,贈太尉。 甥女盧氏,時議薄其無士行。 八月,改漢州刺史。 室屋以居,人甚弊之。 馆到任,舉陳令式,令州縣恭守,又緝理公館,僚吏各歸官曹,頗著政 二年六月,詔褒美之,徵拜太子賓客。上元元年四月,改禮部尚書,尋出爲晉州刺史。 時哪州久屯軍旅,多以武將兼領刺史,法度隳廢,州縣廨宇,並爲軍營,官吏侵奪百姓 馆長子乘,自少兩目盲。 寶應二年四月,拜特進、刑部尙書。在路遇疾,廣德元年八月 琯到漢州, 乃厚結司馬李銳以財貨, 乘聘銳外

縱欲。年二十,淮南節度陳少遊辟爲從事,多招陰陽巫覡,令揚言己過三十必爲宰相。 儒復,琯之孽子也。 少黠慧,年七八歲,即粗解綴文,親黨奇之。 稍長,狂疏傲慢,任情

宗幸奉天,包佶掌賦於揚州,少遊將抑奪之。佶聞而奔出,少遊方遣人劫佶令迴,孺復請 先具棺櫬而集家人生斂保母,遠近驚異。及妻在產蓐三四日,遽令上船卽路,數日,妻遇 卒,及喪柩到揚州,孺復未嘗弔。 行,會信已過江南,乃還。及少遊卒,浙西節度韓滉又辟入幕。其長兄宗偃先貶官嶺下而 妻往來,久而上疏請合,詔從之。二歲餘,又奏與崔氏離異,其爲取捨恣逸,不顧禮法也如 貶連州司馬,仍令與崔氏離異。 孺復久之遷辰州刺史,改容州刺史、本管經略使。 女,崔妬悍甚,一夕杖殺孺復侍兒二人,埋之雪中。 觀察使聞之, 韶發使鞫案有實,孺復坐 風而卒。 儒復以宰相子,年少有浮名,而奸惡未甚露,累拜杭州刺史。又娶台州刺史崔昭 。初娶鄭氏,惡賤其妻,多畜婢僕,妻之保母累言之,孺復乃 、乃潛與

其耳目。及泌卒,再除忠州刺史,章阜表爲雲南安撫使,兼御史中丞。阜卒,詔除兵部郎中。 式,琯之姪。舉進士。 李泌觀察陝州,辟爲從事。 泌入爲相,累遷起居郎,出入泌門,爲 此。貞元十三年九月卒,時年四十二。

列

傳

惡之。 屬劉闢 高崇文既至成都,式與王良士、崔從、盧士玖等白衣麻蹻銜土請罪,崇文寬禮之,乃 反,式留不得行。性便佞,又懼關,每於座中數贊闢之德美,比之劉備,同陷於賊者皆

表其狀,尋除吏部郞中。

七年七月卒,贈左散騎常侍。 使、兼御史中丞,轉河南尹。 貧力微,難以 止其兵,李吉甫薦式爲給事中,將命于河朔。 時 河朔節度劉濟、王士眞、張茂昭皆以兵壯氣豪,相持短長,屢以表聞,迭請加罪。上欲 ) 徵發,憲宗可其奏,旣免力役,人懷而安之。 時討王承宗於鎭州,配河南府饋運車四千兩,式表以凶旱, 式歷使諸鎭諷諭之, 明年, 移授宣欽池觀察使。 還奏愜旨,除陝虢觀察

一兢 甚重之。 張鎬, 博州 後遊京師 人也。 ,端居一室,不交世務。 風儀魁岸,廓落有大志,涉獵經史,好談王霸大略。 性嗜酒, 好琴,常置座右。 公卿或有邀之者, 少時師事 吳兢,

鎬杖策徑往,求醉而已。

山阻兵,國忠屢以軍國事容於鎬,鎬舉贊善大夫來瑱可當方面之寄。 天寶末,楊國忠以聲名自 高,搜天下奇傑。聞寫名, 召見薦之, 自褐衣 數月,玄宗幸蜀,鎬自 拜左拾遺。 及廠

遷中書侍郎、同中書門下平章事。時供奉僧在內道場晨夜念佛,動數百人,聲聞禁外,鎬奏 山 曰:「臣聞天子修福,要在安養含生,靖一風化,未聞區區僧教,以致太平。 伏願陛下以無爲 「谷徒步扈從。 肅宗即位,玄宗遣鎬赴行在所。鎬至鳳翔,奏議多有弘益,拜諫議大夫,尋

鎬言。 少恩, 冀之誠感。 意已定,表入不省。寫爲人簡澹,不事中要。 **明兇豎,因逆竊位,兵強則衆附,勢奪則人離。包藏不測,禽獸無異,可以計取,難以義招。伏** 招討殘孽。時賊帥史思明表請以范陽歸順,鎬揣知其僞,恐朝廷許之,手書密表奏曰:「思 已陷,鎬怒曉,卽杖殺之。及收復兩京,加鎬銀靑光祿大夫,封南陽郡公,詔以本軍鎮汴州, 爲心,不以小乘而撓聖慮。」肅宗甚然之。 辰 |不以威權假之。」又曰:「滑州防禦使許叔冀,性狡多謀,臨難必變,望追入宿衞。」 鎬旣發,會張巡宋州圍急,倍道兼進,傳檄濠州刺史閻丘曉引兵出救。 時方興軍戎,帝注意將帥,以鎬有文武才,尋命兼河南節度使,持節都統准南等道諸軍 好獨任己。及鎬信至,略無稟命,又慮兵敗,禍及於己,遂逗留不進。 **尋徵爲太子賓客,改左散騎常侍。** 肅宗以鎬不切事機, **遂罷相位,授荆州大都督府長** 屬嗣岐王珍被誣告構逆伏法,鎬買珍宅坐累,貶 會有宦官自范陽及滑州使還者,皆言思明、叔 史。 後思明、叔冀之僞皆符 鎬至淮口,宋州 曉素愎戾、馭下 肅宗計

代宗卽位,推恩海內,拜撫州刺史。遷洪州刺史、饒吉等七州都團練觀察等使,尋正授

江南西道都團練觀察等使。廣德二年九月卒。

天下具膽,雖考秩至淺,推爲舊德云。 |鍋自入仕凡三年(E),致位宰相。居身淸廉,不營資產,謙恭下士,善談論,多識大體,故

科。時右相李林甫擅權,薄於文雅,唯以舉子待之。解褐汴州封丘尉,非其好也,乃去位, 宋,以求丐取給。 天寶中,海內事干進者注意文詞。 適年過五十,始留意詩什,數年之間, 於上前。 客遊河右。 體格漸變,以氣質自高,每吟一篇,已爲好事者稱誦。宋州刺史張九阜深奇之,薦舉有道 高適者,渤海蓨人也。父從文,位終韶州長史。適少濩落,不事生業,家貧,客於梁、 河西節度哥舒翰見而異之,表爲左驍衞兵曹,充翰府掌書記,從翰入朝,盛稱之

知之,然疾病沉頓,智力將竭。監軍李大宜與將士約爲香火,使倡婦彈箜篌琵琶以相娛樂, 西馳,奔赴行在,及河池郡,謁見玄宗,因陳潼關敗亡之勢曰:「僕射哥舒翰忠義感激,臣頗 

御史。 雅之才。 見納。 光、趙國珍各皆持節,監軍等數人更相用事,寧有是,戰而能必勝哉?臣與楊國忠爭, 諫議大夫,賜緋魚袋。」適負氣敢言,權幸憚之。 其 樗蒱飲酒,不恤軍務。蕃渾及秦、隴武士,盛夏五六月於赤日之中,食倉米飯且猶不足,欲 (勇戰,安可得乎? 陛下因此履巴山、劍閣之險,西幸蜀中,避其蠆毒,未足爲恥也。」玄宗嘉之,尋遷侍 至成都,八月,制曰:「侍御史高適,立節貞峻,植躬高期,感激懷經濟之略,紛綸贍文 長策遠圖,可云大體; 讜言義色, 故有望敵散亡,臨陣翻動,萬全之地,一朝而失。 實謂忠臣。 宜迴糾逖之任,俾超諷諭之職。 南陽之軍,魯炅、 申

叛, 師將渡而永王敗, 夫、揚州 事 肅宗聞 大都督府長史、淮南節度使。 其論諫有素,召而謀之。 永王璘起兵於江東,欲據揚州。 乃招季廣踩于歷陽。 適因陳江東利害,永王必敗。 詔 兵罷,李輔國惡適敢言,短於上前,乃左授太子少 與江東節度來瑱率本部兵平江淮之亂,會于安州。 初, 上皇以諸王分鎮,適切諫不可。 上奇其對,以適兼御史大 及是永王

度 (臣),百姓勞敝 未幾, 蜀中亂, ,適因出西山三城置戍,論之日 出爲蜀州刺史, 遷彭州。 劍南自玄宗還京後,於梓、益二州各置一節

劍南 雖名東 西 兩川,其實一道。自邛關、黎、雅,界於南蠻也;茂州而西,經羌中至

杖罰。督促不已,逋逃益滋,欲無流亡,理不可得。比日關中米貴,而衣冠士庶,頗亦 以四州殘敝,當他十州之重役,其於終久,不亦至艱?又言利者穿鑿萬端,皆取之百 出城,山南、劍南,道路相望,村坊市肆,與蜀人雜居,其升合斗儲,皆求於蜀人矣。且 姓;應差科者,自朝至暮,案牘千重。官吏相承,懼於罪譴,或責之於鄰保,或威之以 食之業,皆貿易於成都,則其人不可得而役明矣。今可稅賦者,成都、彭、蜀、漢州。又 而參也。而嘉、陵比爲夷獠所陷,今雖小定,瘡痍未平。又一年已來,耕織都廢,而衣 兼山南佐之,而猶不舉。 今梓、遂、果、閬等八州分爲東川節度,歲月之計,西川不可得 平戎數城,界於吐蕃也。臨邊小郡,各舉軍戎,並取給於劍南。其運糧戍,以全蜀之力, 田 土疆界,蓋亦有涯;賦稅差科,乃無涯矣。爲蜀人之計,不亦難哉!

胎陛下之憂? 昔公孫弘願罷西南夷、臨海(於), 專事朔方, 賈捐之請棄珠崖以寧中土, 仰於成都、彭、漢、蜀四州哉:盧乖聖朝洗盪關東掃清逆亂之意也。倘蜀人復擾,豈不 家若將已戍之地不可廢,已鎭之兵不可收,當宜却停東川,併力從事,猶恐狼狽,安可 足以廣土宇。奈何以險阻彈丸之地,而困於全蜀太平之人哉?恐非今日之急務也。國 末,運糧於束馬之路,坐甲於無人之鄉。以戎狄言之,不足以利戎狄;以國家言之,不 今所界吐蕃城堡而疲於蜀人,不過平戎以西數城矣。邈在窮山之巓,垂於險絕之

事無窮頓,庶免倒懸。 讜言政本,匪一朝一夕。 陛下若以微臣所陳有裨萬 臣愚望罷東川節度,以一 劍南,西山不急之城,稍以減削 一,下宰相廷議,降公忠大臣定其損 门, 則

益,與劍南節度終始處置。

疏奏不納。

璋,斬之。西川牙將花驚定者,恃勇,旣誅子璋,大掠東蜀。 卒,贈禮部尚書,諡曰忠。 用爲刑部侍郎,轉散騎常侍,加銀青光祿大夫,進封渤海縣侯,食邑七百戶。 臨吐蕃南境以牽制之,師出無功,而松、維等州尋爲蕃兵所陷。 以適代光遠爲成都尹、劍南西川節度使。代宗卽位,吐蕃陷隴右,漸逼京畿。 後梓州副使段子璋反,以兵攻東川節度使李奐, 適率州兵從西川節度使崔光遠攻子 天子怒光遠不能戢軍,乃罷之, 代宗以黃門侍郎嚴武代還, 永泰元年正月 適練兵於蜀,

求自白。君子以爲義而知變。而有唐巳來,詩人之達者,唯適而已。 親諸軍; 輕。累爲藩牧,政存寬簡,吏民便之。有文集二十卷。其與賀蘭進明書,令疾救梁、宋,以 適喜言王霸大略,務功名,尙節義。逢時多難,以安危爲己任,然言過其術,爲大臣所 與許叔冀書,綢繆繼好,使釋他憾,同援梁、宋,未過淮先與將校書,使絕永王,各

列

冕並集賢院待制。 部 帥 侍 郭子儀辟爲從事。至德初,肅宗卽位,大收俊傑,或薦璀,召見悅之,拜諫議大夫。累轉吏 郎。 暢璀,河東人也。 廣德二年十二月,爲散騎常侍、河中尹,兼御史大夫。永泰元年,復爲左常侍,與裴 大曆五年,無判太常卿,遷戶部尙書。十年七月卒,贈太子太師。 鄉舉進士。天寶末,安祿山奏爲河北海運判官。三遷大理評事, 副元

|璀廓落有口才,好談王霸之略,居職責成屬吏,齪齪無過而已。

際,有足稱者。然光遠居重藩,掌軍政,琯登相位,奪將權,聚浮薄之徒,敗軍旅之事,不知 焉。 其爲人也鮮矣。適以詩人爲戎帥,險難之際,名節不虧,君子哉!唯擢第居官,守分無過, 機而固位,竟無德以自危。 如光遠勇決任氣,會權變以立功,房琯文學致身,全節義以避寇。 史臣曰: 祿山寇陷兩京,儒生士子,被脅從、懷苟且者多矣; 去逆効順, 毀家爲國者少 儒復兇狂,式之便佞,獲令終者幸焉。 鎬直躬居位, 阽危之時, 顕沛之 重德鎭時,

贊曰:光遠、房琯,有始有終。 張鎬國器,適、璀儒風。

又何咎焉

[1] 命所由守神威孝哲宅 「宅」字各本原無,據葉校本、通鑑卷二一八補。

(三) 十餘人 「十」字各本原作「千」,據冊府卷六八六,通鑑卷二一八改。

(三)給事中劉秩「中」下各本原有「丞」字,據新書卷一三九房瑣傳、合鈔卷一六二房琯傳删。

(图) 凡三年 各本原作「凡三十年」,據冊府卷三一〇改。

(至) 梓猛二州 當爲梓字之譌。」今據本書卷四一地理志改。 「梓」字各本原作「綿」,廿二、史考異卷五九云:「案至德二載,置東川節度,治梓州,綿

(\*) 臨海 漢書卷五八公孫弘傳作「蒼海」。

列

# 舊唐書卷一百一十一

## 列傳第六十二

李峘 李暠 弟峄 族弟齊物 峴 齊物子復 李巨 子則之 暠族弟若水 李麟 李國貞

數,食死人肉,因侵害幼弱,遠近患之,前後官吏不能禁止。 與兄昇弟量,尤相篤睦,昇等每月自東都省層,往來微行,州人不之覺,其淸愼如此。俄入授 發兵捕殺羣狗,其風遂革。久之,轉太常卿,旬日,拜工部尚書、東都留守。 爲業,及死不殮,但以屍送近郊以飼鳥獸。如是積年,土人號其地爲「黃坑」,側有餓狗千 太常少卿,三遷黃門侍郎,兼太原尹,仍充太原已北諸軍節度使。 太原舊俗,有僧徒以習禪 憂去職,在喪柴毀,家人密親未嘗窺其言笑。開元初,授汝州刺史,爲政嚴簡,州境肅然。 李暠,准安王神通玄孫,清河王孝節孫也。 高少孤,事母甚謹。<br />
睿宗時,累轉衞尉少卿。 **暠到官,申明禮憲,期不再犯,** 

列

時, 使莽布支同往觀焉。 主上言,請以今年九月一日樹碑於<u>赤嶺,定</u>蕃、漢界。 樹碑之日,韶張守珪、李行褘與吐蕃 充入吐蕃使,准式發遣。」以國信物一萬匹、私觀物二千匹,皆雜以五綵遣之。及還,金城公 袖,是朝廷之羽儀。 好,無相侵掠。」漢使告亦如之。以圖奉使稱職, 同,行用 禮故崇於殊俗, 開元二十一 年正月,制曰:「繼好之義,雖屬邊鄙,受命以出,必在親賢。 ,選衆之舉,無出宗英。工部尙書李暠,體含柔嘉,識致明允,爲公族之領 金城公主旣在蕃中,漢庭公卿非無專對,有懷於遠,夫豈能忘。 旣而 吐蕃遣其臣隨漢使分往劍南及河西、磧西、歷告邊州曰:「兩國和 `勳兵部印文例,加「官告」兩字,至今行之。 轉吏部尚書印。時吏部告身印與曹印文 事欲重於當 宜持節

傅。 病卒,年六十餘,贈益州大都督。 暠 風 儀秀整,所歷皆以威重見稱, 朝廷稱其有宰相之望。 累封武都縣伯,俄爲太子少

改河北 爲林甫所構貶官,齊物坐謫竟陵太守。 縣爲平陸縣,加齊物銀靑光祿大夫,爲鴻臚卿、河南尹。 刺史。 准安王神通子鹽州刺史銳孫也。 齊物,天寶初開砥柱之險,以通 、入爲司農、鴻臚卿。 齊物無學術, !流運,於石中得古鐵犂鏵,有「平陸」字,因 在官嚴整。開元二十四年後,歷 至德初,拜太子賓客,遷刑部尚 齊物與右相李適之善,適之

鳳 翔尹、太常卿、京兆尹。爲政發官吏陰事,以祭爲能,於物少恩,而淸康自飭,人吏莫

敢抵犯。 晚年除太子太傅、兼宗正卿。

州 軫于懷。 長官僚。 珪 璋, 上元二年五月卒,輟朝一日。 登會府,擒姦掩鈎距之術,恤獄正喉舌之官。 士林楨幹,淸廉獨斷,剛毅不羣。 桑榆之時, 壯志逾勵; 宜錫寵章、載光營魄。可贈太子太師。」 松柏之性,晚歲常堅。天不愁遺,奄然殂謝, 韶曰:「故金紫光祿大夫、太子太傅、兼宗正卿齊物,宗室 歷踐周行,備經中外,威名益振,忠效彌彰。 三尹神 遂令調護儲**閩**,再登師傅,從容賓友,師 念親感舊,深

度、胡懷義等阻兵,黷亂州縣,姦贓狼藉。 兼 爲官奴婢,配作坊重役,復乃令訪其親屬,悉歸還之。在容州三歲,南人安悅。 中丞,充本管招討使,加檢校常侍。 委。 喪,起爲 叛,荆南節度張伯儀數出兵,爲希烈所敗,朝廷憂之。以復久在江陵, 御 党大 性苛刻,爲伯玉所信,奏爲江陵縣令,遷少尹,歷饒州、蘇州 子復 江陵 夫、嶺南節度觀察使。 ,字初陽,以父蔭累官至江陵府 少尹、兼御史中丞,充節度行軍司馬。 會安南經略使高正平、張應相 先時西原叛亂(三),前後經略使征討反者,獲其人皆沒 司錄。精曉吏道,衞伯玉厚遇之,府中之事,多以咨 復誘懷義杖殺之,奏元度流於荒裔。又勸導百姓 伯儀既受代,以復爲容州 次卒官, 刺史、皆著政聲。 得軍民心,復方在 其下參佐偏裨李元 刺 遷廣州 史、 李希烈背 兼御史 刺 <del>U</del>

曉於政道,所在稱理,徵拜宗正卿,加檢校工部尙書。未一歲,會華州節度李元諒卒,以復 **令變茅屋爲瓦舍。** 瓊州久陷於蠻獠中, 復累遣使喻之,因奏置瓊州都督府以綏撫之。復

爲華州刺史、潼關防禦鎭國軍使〔三〕,仍檢校戶部尚書,兼御史大夫。

有差。復久典方面,積財頗甚,爲時所譏。 度、鄭滑觀察營田等使、兼御史大夫。復到任,置營田數百頃,以資軍食,不率於民,衆皆悅 ' 十二年,加檢校左僕射。 十三年四月卒官,年五十九,廢朝三日,贈司空,賻布帛米粟 貞元十年,鄭滑節度使李融卒,軍中潰亂,以復檢校兵部尚書,兼滑州刺史、養成軍節

儀,每宣勞贊導,周旋俯仰,有可觀者。 若水,齊物族弟,累官至左金吾大將軍,兼通事舍人。 建中元年八月卒。 容貌甚偉,在館三十年,多識舊

察使。所歷以誠信待物,稱爲良吏。八年卒,贈戶部尙書,諡曰誠。 州刺史、江南東道按察使。轉號潞二州刺史,益州大都督府長史、攝御史大夫、劍南節度按 李麟,皇室之疏屬,太宗之從孫也。父濬,開元初置十道按察使,精選吏才,以濬爲潤

以 父任補職,累授京兆府戶曹。開元二十二年,舉宗室異能,轉殿中侍御史, 歷戶

黜 陟使, 考功、吏部三員外郎。天寶元年,遷郎中,尋改諫議大夫。 稱旨,遷給事中。 七載,遷兵部侍郎。 同列楊國忠專權,不悅麟同職,宰臣奏麟 五載,充河西、隴右、磧西等道 辽

本官權 知 、禮部 貢 舉。 俄而國忠爲御史大夫,麟復本官。 十一載,遷銀青光祿大夫、國子祭

構 酒。 逆, 十四四 朝廷以麟儒 年七月,以本官出爲河東太守、河東道採訪使,爲政淸簡,民吏稱之。其年多,祿山 者,恐非禦侮之用,乃以將軍呂崇賁代還,復以祭酒歸朝,賜爵渭源縣男。

宗以麟宗室子,獨留之,行在 正 月 7,拜同 六月,玄宗幸蜀,麟奔赴行在。 中書門下平章事。 百司,麟總攝其事。 時扈從宰相韋見素、房琯、崔渙已赴鳳翔,俄而崔圓繼去,玄 既至成都,拜戶部侍郎,兼左丞。遷憲部尚書。至德二年 其年十一月,從上皇還京,策勳行賞,加金

紫光祿

大夫、刑部尚書、同中書門下三品,進封

褒國公。

不悅。 馬 白 ,勢傾同 匹。 時張皇后干 乾元 葬日 朝。 元 年,罷 韶京兆府差官護送,官給所須。麟好學能文,嘗編聚皇朝已來制集五十卷,行 宰相苗晉卿、崔 預朝政,殿中監李輔國以翊衞 麟 知 放政事 ,守太子少傅。 圓 已下懼其威權,傾心事之,唯麟正 二年八月卒,時年六十六, 肅宗之勞,判天下兵馬事,充元帥府行 身蓮 事 贈太子太傅, ,無所依 附 賻 輔 軍司 絹

於時。

至,又加充管內河中晉絳慈隰沁等州觀察處置等使,餘並如故。 方、鎭西、北庭、興平、陳鄭等節度行營兵馬及河中節度都統處置使,鎭于絳,賜名國貞。旣 兼御史大夫,充劍南節度使。入爲殿中監。 二年八月,遷戶部尙書、兼御史大夫,持節充朔 逼城,元帥李光弼東保河陽,國貞領官吏寓于陝。數月,徵爲京兆尹。上元初,改成都尹、 正,有吏才,歷安定、扶風錄事參軍,皆稱職。乾元中累遷長安令,尋拜河南尹。會史思明 李國貞,淮安王神通子淄川王孝同之曾孫。父廣業,劍州長史。國貞本名若幽,性剛

無負於將士耳。」衆引退。突將王元振獨曰:「今日之事,豈須問焉! 賊所擒,因指所在,遂於獄中執國貞,將害之,國貞曰:「軍中乏糧,已有陳請,人不堪賦,予 給。」信宿軍亂,攻國貞,夜燒衙城門。國貞莫知所圖,左右勸國貞棄城遁去,國貞日:「吾銜 聞,未報。軍中誼諠怨灩,左右以告國貞,國貞喻之曰:「軍將何苦如是,已爲奏聞,終有所 命爲將,不能靖難,安可棄城乎!」左右固勸迴避,乃隱於州獄, 國貞旣至絳,屬軍中素無儲積,百姓飢饉,難爲聚斂,將士等糧賜多闕。 詐負縲紲。 」抽刀害國貞及二男、 會國貞麾下爲 國貞頻以狀

以|鏑 名 日 使, 錡 罪狀 持積財 挽 爲節度 子 錡 而 硬 德宗 以父蔭貞元中累至湖、杭二州刺史。多以寶貨路李齊運,由是遷潤州刺史兼鹽 隨身」; 進奉,以結恩澤,德宗甚寵之。 使, 罷其鹽鐵使務。 械送賜錡 以胡、奚雜類虬鬚 , 輸遂坑殺善貞, 者爲 靇 其 崎 特 利權,且得節度, 一將,名曰「蕃落健兒」。 天下 恩驕 ·切齒。 态, 乃增置兵 有浙 反狀未發 西人布衣崔善貞詣 額, 德宗復於潤州 選善弓矢者聚之一 | 鎭海 鐵

蘇、杭、 官王 將姚志安所繫, 遂 監 一辆兵 軍 一澹爲 使 憲宗 聞 湖、睦等州 室五 留後。 亂 卽 位 遺 劍 .已二年,諸 衙將趙琦 旣 **釘於船舷**,生致於錡, 分授管內鎮將, ,遂殺其鎮將 而 遷 延 慰喩 發期 道 倔強者入朝,而嫡 ,又臠食之。 ,澹與中使頻喩之,不悅, 李深 令殺刺 未至 湖州辛 史。 而 復以兵注中使之頸, 崎 鏑 秘亦殺其鎮 不自安,亦請 於是常州 敗 得免 刺 遂 將趙惟忠; 史顏防 諷 入朝 將 ,乃拜錡 士以給冬衣 用客李雲謀, 佯驚救解之, 而蘇州 左僕射。 日殺澹而 刺 矯 史 囚 李素 制 鏑 於 傳檄于 乃署判 別 食之。

等州。 初 三將 錡 以宣 夙 有 州 向 富 順志,而錡甥裴行立 饒,有丼吞之意 ,遺兵 亦思向順,其密謀多決於行立 、馬使張 子良、 李奉 仙、田 少卿領兵三千分略宣 乃迴戈 趣 城 執鉤於

列

傳

第

六

+

李

國

貞

李

鯂

者,不可勝紀。

幕,縋而出之,斬於闕下,年六十七。其「挽硬」、「蕃落」將士,或投井自縊,紛紛枕藉而死

累。」又問:「錡親兄弟從坐否?」武曰:「錡親兄弟是若幽之子,若幽有死王事之功,如令錡 兄弟從坐,若幽卽宜削籍,亦所未安。」宰相頗以爲然,故誅蠲詔下,唯止元惡一房而已。 宰相鄭絪等議錡所坐,親疏未定,乃召兵部郎中蔣武問曰:「詔罪李錡一房,當是大功 」武曰:「大功是錡堂兄弟,卽准安王神通之下,淮安有大功於國,不可以孽孫而上

郡太守,兄弟夾河典郡,皆以理行稱。 行修立,天寶中爲南宮郎,歷典諸曹十餘年。居父喪,哀毀得禮,服闋,以郡王子例封趙國 楊國忠秉政,郎官不附已者悉出於外,峘自考功郎中出爲睢陽太守。尋而弟峴出爲魏 李峘,太宗第三子吳王恪之孫。恪第三子琨生信安王禕,禕生三子,峘、嶧、峴。 | 恒志

拜蜀 恒與六軍兵馬使陳玄禮等平之,以功加金紫光祿大夫。時峴爲鳳翔太守,匡翊肅宗,兄弟俱 郡太守、劍南節度採訪使。上皇在成都,健兒郭千仞夜謀亂,上皇御玄英樓招論,不從, + 四載,入計京師。屬祿山之亂,玄宗幸蜀,峘奔赴行在,除武部侍郎,兼御史大夫。

効勳 力。 從上皇還京,爲戶部尚書,峴爲御史大夫,兼京兆尹,封梁國公,兄弟同制封公。

貶袁州 時展 宋州 徒 刺 乾 黨 元 史劉展 方強 初 兼御 握兵河南,有異志,乃陽拜展淮南節度使,而密詔揚州長史鄧景山與峘圖之。 ,既受韶,卽以兵渡准。 史大夫,持節都統 二年 ,病卒於貶所,追贈揚州大都督,官給遞乘,護柩還京。 淮南、江南、江西節度、宣慰、觀察處置等使。二年,以 景山、峘拒之壽春,爲展所敗。 恒走渡江,保丹陽,坐

興里 初 門列三戟,兩國 峘 爲 戶部尚書,峴爲吏部尚書、知政 公門十六戟,一三品門十二戟,榮耀冠時。 事,嶧爲戶部侍郎、銀靑光祿大夫,兄弟同居長 **嶧位終蜀州刺** 

司

馬。

寶應

魏郡 餘日 百 姓 太守; 字臣 謠曰:「欲得米粟賤,無過追李峴。」其爲政得人 峴 樂善下士,少有吏幹。以門蔭入仕,累遷高陵令,政術知名,特遷萬年令、河南 楊國忠惡其不 入爲· 金吾將軍 附己,以 ,遷將作監,改京兆府尹,所 雨災歸咎京兆 尹 ,乃出 ·L 在皆著聲績。 如 爲 此 長 沙郡太守。 天寶十三載,連雨六十 時京師米麥踊貴

大夫,兼京兆 十二月 至 一徳初 制 ,朝廷務收才傑 「銀青 尹 ), 封 梁國公。」乾元二年,制日:「李峴朝廷碩德,宗室 光祿大 夫、守禮部 ,以清寇難 尚書李峴 ,峴召至行 韻 在 ,拜扶風 軍 周給 開物 太守、兼御史大夫。 成 一蓋王。 務。 川 光 可 中 禄大 書侍 大,行 至德二年 郎、 同 御史 中

列

書門下平章事。」與呂諲、李揆、第五琦同拜相。 峴位望稍高,軍國大事,諸公莫敢言,皆獨

決於峴,由是諲等銜之。

有敕 釋放 須有 輔國以此讓行軍司馬,請歸本官,祭事等並停,由是深怨峴。 前軸國 ,莫敢違者。 追呼,諸司莫敢抗。御史臺、大理寺重囚在獄,推斷未了,牒追就銀臺,不問輕重,一時 初,李輔國判行軍司馬,潛令官軍於人間聽祭是非,謂之祭事。忠良被誣構者繼有之, 押署,然後施行。及峴爲相,叩頭論輔國專權亂國,上悟,賞峴正直,事並變革。 每日於銀臺門決天下事,須處分,便稱制敕,禁中符印,悉佩之出入。縱

直其事。 李曄皆貶嶺下一尉,鎣除名長流播州。 若虛順旨 已知, 與鎣同。 定刑獄。 其妻進狀訴夫冤。 鳳翔 卿出去。」若虛奏曰:「臣出卽死。」上因留在簾內。有頃,伯陽至,上問之,伯陽頗言 其 妻 妻論 伯陽怒,使人召若虚 ,附會中人。上怒,叱出之。 七馬坊押官,先頗爲盜,劫掠平人,州縣不能制,天興縣令知捕賊謝夷甫擒獲決殺 訴不已,詔令侍御史毛若虛覆之,若虛歸罪於夷甫,又言伯陽等有情,不能質 又訴,詔令御史中丞崔伯陽、刑部侍郞李曄、大理卿權獻三司訊之(1),三司 輔國先爲飛龍使,黨其人,爲之上訴,詔監察御史孫鎣推之。 詞氣不順。 伯陽貶端州高要尉,權獻郴州桂陽尉,鳳翔尹嚴向及 峴以數人咸非其罪,所責太重,欲理之,遂奏:「若虛 伯陽欲上言之,若虛先馳謁,告急於肅宗,云:

騎常侍韓擇木入對, 希旨用刑,不守國法,陛下若信之重輕,是無御史臺。」上怒峴言,出峴爲濁州刺史。 時右散 上謂之曰:「峴欲專權耶?何乃云任毛若虛是無御史臺也?令貶蜀州

幸陝 于政事堂邀客,時海內多務,宰相元載等見中官傳詔命至中書者,引之升政事堂,仍置楊待 刺 史,股自覺用法太寬。」擇木對曰:「峴言直,非專權。 **峴爲宰相,令去其榻。** ,峴由商山 代宗卽位,徵峴爲荆南節度、江陵尹,知江淮選補使。入爲禮部尚書,兼宗正卿。屬墾 路赴行 在。 既還京師,拜峴爲黃門侍郎、同中書門下平章事。故事,宰臣不 奏請常參官各舉堪任諫官、憲官者,不限人數。 陛下寬之,祇益聖德爾。」 興

罔理 覆。 事 欲從器議。 廷議數日 義,又失國家惟新之典。 ,尋遷吏部 或陛下親戚,或勳舊子孫,皆置極法,恐乖仁恕之旨。 初收東京,受僞官陳希烈已下數百人,崔器希旨深刻,奏皆處死;上意亦欲懲勸天下, 一数順 況 ,方從峴奏, 河北殘寇未平,官吏多陷,苟容漏網,適開自新之路,若盡 3 時峴爲三司使,執之日:「夫事有首從,情有輕重 尙書, 知 困獸猶 全活甚衆。 「鬭,況數萬 江淮舉選,置銓洪州。 且羯胡亂常,無不凌據,二京全陷,萬乘南巡,各顧其生,衣冠蕩 人乎! 其料敵決事皆此 崔器、 明年, 日諲 類。 改檢校兵部尙書, 皆守文之吏, 竟爲中官所擠,罷 昔者明王 |,若一概處死,恐非陛下含弘之 一行誅,是堅叛逆之黨,誰 不識 |用刑,殲厥渠魁,脅從 兼衢州刺 大體, 知政 史。 ,爲太子詹 殊無變通。

列傳

第

六

+

李

帕

李

年七月以疾終(至),時年五十八。

其黨史敬忠亦伏法。以巨與敬忠相識,坐解官,於南賓郡安置。又起爲夷陵郡太守。 來巨家,資給之,由是坐貶義陽郡司馬。六載,御史中丞楊愼矜爲李林甫、王鉷構陷得罪, 之妹婿柳勣陷韶獄,巨母扶餘氏,吉温嫡母之妹也,温爲京兆士曹,推勣之黨,以徐徵等往 果決,頗涉獵書史,好屬文。開元中爲嗣號王。天寶五載,出爲西河太守。皇太子杜良娣 李巨,曾祖父號王鳳,高祖之第十四子也。鳳孫邕,嗣號王,巨卽邕之第二子也。剛銳

分授之,遂以巨兼統嶺南節度使何履光、黔中節度使趙國珍、南陽節度使魯炅,先領三節度 識郡太守、攝御史大夫、河南節度使。 翌日,巨稱官**銜**奉謝,玄宗驚日:「何得令攝?」 卽日 曰:「比來人多口打賊,公不爾乎?」巨曰:「不知若箇軍將能與相公手打賊乎?」 尋授陳留 事,玄宗大悅,遂令中官劉奉庭宣敕令宰相與巨語,幾亭午,方出。國忠頗怠,對奉庭謂巨 巨相識,忌之,謂人曰:「如此小兒,豈得令見人主。」 經月餘日不得見。 |玄宗使中官召入奏 「兼御史大夫。」巨奏曰:「方今艱難,恐爲**賊**所詐,如忽召臣,不知何以取信?」玄宗劈木契 及祿山陷東京,玄宗方擇將帥,張垍言巨善騎射,有謀略,玄宗追至京師。楊國忠素與

圍走。 以補過,則何以處之?」玄宗曰:「卿隨宜處置之。」巨至內鄉,趣南陽,賊將畢思琛聞之,解 有詔貶炅爲果毅,以潁川太守來瑱兼御史中丞代之。 巨奏曰:「若炅能存孤城,其功足 巨趣何履光、趙國珍同至南陽,宣敕貶戾,削其章服,令隨軍効力。 至日晚, 以恩命

供國用,頗有乾沒,士庶怨讟。 使李奐於綿州,路經遂州,巨蒼黃修屬郡禮迎之,爲子璋所殺。 師、兼河南尹,充東京留守,判尙書省事,充東畿採訪等使。 令炅復位。 **竣其所犯贓賄,貶爲遂州刺史。** 至德二年,爲太子少傅。十月,收西京,爲留守、兼御史大夫。三年夏四月,加太子少 後與妃張氏不睦,張氏卽皇后從父妹也。宗正卿李邈構之, 屬劍南東川節度兵馬使、梓州刺史段子璋反,以衆襲節度 '於城市橋梁稅出入車牛等錢以

薦之。貞元二年,自睦王府長史遷左金吾衞大將軍,以從父甥竇申追遊無閒親累,貶昭州 子則之,以宗室歷官,好學,年五十餘,每執經詣太學聽受。 嗣曹王皐自荆南來朝,

司馬。

史臣曰:屠孝友淸愼,居官有稱;齊物貞康整肅,復節制權謀; 第六十二 李 巨 校 盐 記 國貞淸白守法,皆神通 三三四七

之曾玄,宗室之翹楚。 者,皆宗室之英也。 陰私,齊物積財興議,國貞急於操下,皆尺之短也。麟修整,峘循良,匪躬立事,始終無玷 幌之剛正才略,有足可稱。初爲國忠所憎,終沮朝恩之勢(<)。處羣邪 **錡之爲逆,不累其親,前人之積德彰矣,當朝之用法明矣。然]]

。然]]** 

贊曰:宗室賢良,枝葉茂盛。最尤者誰?峴獨守正。

果決,亦可嘉焉,終以贓賄貪殘,良可痛也。

#### 校勘記

(1) 吏部尚書 「吏部」,各本原作「兵部」, 新書卷七八潍安王神通傳作「吏部」。按下文云「吏部

告身」,則當以吏部爲是,據改。

- (1) 西原 各本原作「西京」,據新書卷七八淮安王神通傳改。
- (三) 潼關 防禦鎮國軍使 「防」字各本原無,據合鈔卷一六三季爲傳補。
- (图) 三司訊之 各本原無此四字,據冊府卷三一七補。
- (五)永泰 各本原作「永康」,據合鈔卷一六三李順傳改。
- (六) 終沮朝恩之勢 殿本考證云:「按李峴傳中,乃爲李輔國掎摭,非魚朝恩也,應誤。」

# 舊唐書卷一百一十三

## 列傳第六十三

#### 苗晉卿 裴冕 裴遵慶 子向 向子寅 寅子樞

苗晉卿、上黨壺關人。 世以儒素稱。 祖變,高道不仕,追贈禮部尙書。 父殆庶,官至絳

州龍門縣丞,早卒,以晉卿贈太子少保。

軍。 部選事。 略無愠色。二十九年,拜吏部侍郎。前後典選五年, 三年,遷吏部郞中。 二十四年,與吏部郞中孫逖並拜中書舍人。 二十七年,以本官權知吏 秩滿隨調,判入高等,授萬年縣尉。遷侍御史,歷度支、兵、吏部三員外郎。開元二十 晉卿幼好學,善屬文,進士擢第。 晉卿性謙柔, 選人有訴訟索好官者, 雖至數千言, 或聲色甚厲者, 晉卿必含容之, 。初授懷州修武縣尉,歷奉先縣尉,坐累貶徐州司戶參 政既寬弛, 胥吏多因緣爲姦, 賄賂

列

當郡太守,張倚爲准陽太守。敕曰:「門庭之間,不能訓子;選調之際,仍以託人。」 時士子 告之。豫山恩寵特異,謁見不常,因而奏之。玄宗大集登科人,御花萼樓親試,登第者十無 科,興在其首。衆知興不讀書,論議紛然。有蘇孝愠者,嘗爲范陽膩令,事安祿山,具其事 史中丞張倚男處多選,晉卿與遙以倚初承恩,欲悅附之,考選人判等凡六十四人,分甲乙丙 郎宋遙主之。選人旣多,每年兼命他官有識者同考定書判,務求其實。天寶二年春(1),御 皆以爲戲笑。 一二;而奭手持試紙,竟日不下一字,時謂之「曳白」。上怒,晉卿貶爲安康郡太守,遙爲武 時天下承平,每年赴選常萬餘人。一李林甫爲尚書,專任廟堂,銓事唯委晉卿及同列侍

遂出為陝州 爲憲部尙書。 出俸錢三萬爲鄕學本,以敎授子弟。 ·禮:『下公門,式路馬。』況父母之邦,所宜奪敬。汝何言哉!」大會鄕黨,歡飮累日而去。 又 **清歸鄕里。旣至虛關,望縣門而步。小吏進曰:「太守位高德重,不宜自輕。」晉卿曰:** 天寶三載閏二月,轉魏郡太守,充河北採訪處置使,居職三年,政化洽聞。會入計,因 刺 屬祿山叛逆,楊國忠以晉卿有時望,將抑之,乃奏云:「宜以大臣鎭遏東道。」 史、陝െ號兩州防禦使。及入對,固辭老病,由是忤旨,改憲部尚書致仕。 尋改河東太守、河東採訪使, 入爲尚書、東京留守, 徵

及朝廷失守,衣冠流離道路,多爲逆黨所脅,自陳希烈、張均已下數十人盡赴洛陽,晉

以容之。 卿 潛 遁山谷,南投金州。 。既收 兩京,以功封韓國公,食實封五百戶 會肅宗至鳳翔, 手韶追晉卿赴行在, ,改爲侍 中。 後以 即日拜爲左相, 賊寇漸除,屢乞骸骨,優 軍國大務悉

衡, 小心畏愼 晉卿 寬厚廉謹,爲政舉大綱,不問 ,未嘗忤人意。 性聰敏,達練事體,百 小過,所到有惠化。 司文簿,經目必曉,而修身守位 魏人思之,爲立碑頌德。 ,以智自 及秉鈞

全

議者比漢之胡廣

韶許之,罷知政事

,爲太子太傅。

明年,帝思舊臣,復拜爲

侍中。

宰 不同 臨 注,亦於 襲,善算 斷 大行皇帝遺 ·,更無事 天下 恩 、從宜 玄宗 豈合受韶。 難 禮 良謀 崩, 一無改。 部 跡 徇常情。 韶,便合聽朝。 ,立勝擒敵。 肅宗詔晉卿攝冢宰。 檢見舊敕,恭惟太宗、高宗、大行皇帝在位之日,皆有國哀,視 ,但存文字。 今朝 陛 今遺韶有處分,皇帝宜三日 下發哀已五日矣,願准遺詔聽政,則四夷萬國,無任悲幸。」肅宗時疾 臣 陛下若行古之道,居喪不言,蒼生何依,百事皆廢。 且一時之事 命已上,皆言臣 萬 姓顒顒,不勝 上表固辭曰:「臣聞古者殷高宗在諒闇之中,百官聽於冢 ,禮不相沿。 大願。 心昏貌朽,加以疾病,事 而 今殘寇猶虞,日殷萬務,皆緣 伏惟陛下知理 聽政。 陛下 遵太宗故 國之重 有急速,斷 一,順 事 事 人心之切,以 則 伏 不 在 兵馬 讀 無冢宰 輟 須 國 ٠, () 凡 以爲 屯守討 家 起 彌 聖 居

留

表殞絕

乃产

時晉卿年已衰暮,又患兩足,上特許肩輿至中書,入閣不趨,累日一視事。歷三朝,皆以謹 害,所存是適權,防威滅端,所利者大。陛下因心純至,天地明祭。伏以報劬勞之恩,申罔 之至,無加於孝也,其有容瘁心絕,指景悼生,此匹夫守節之常情,殊王者嗣續之大計。昨 **遵遺命,三日而聽政。臣博聽衆情,不勝懇願,伏望割痛抑哀,則天下悲幸。」上號泣從之。** 及僧道耆壽等,相顧聚言,以臣老且無能,愚豈測聖,況久無居攝,臣不敢奉詔。 特乞陛下 極之思,終身之痛,豈計朝夕!但以一日之內,萬務在中,須達宸聰,始成國政。 百僚萬姓 合於通變,垂範作則,可舉而行。 又士或墨穣,時遇金革,豈非衡恤,謂義在斷恩。 且百善 之時百官聽於冢宰者,蓋君幼小,御極事殷,情理當然。沿革不一,今古異同,而周武、漢文, 二十日,陛下於大行皇帝柩前卽位,是承先帝遺顧之言,亦前代不易之典。 則知所略不爲 數日,肅宗晏駕,代宗踐祚,又詔晉卿攝冢宰。晉卿上表懇辭曰:「臣以昔者天子居喪

害。及上自陝至,册爲太保,罷知政事,又韶以太保致仕。永泰元年四月薨,輟朝三日,令 初,晉卿東都留守,引用大理評事元載爲推官。至是載爲中書侍郎、平章事,懷舊恩,諷有司 京兆少尹一員護喪事,緣葬諸物並官給,賻絹布五百段、米粟五百石。 太常議諡曰「懿獻」。 廣德初,吐蕃寇長安。晉卿時病臥於私第,蕃聞之,興入逼脅,晉卿閉口不言,賊不敢

<u></u>
鐵充京畿採訪使,表爲判官。遷監察御史,歷殿中侍御史。 冕雖無學術,守職通明,果於臨 事,針甚委之。及針得罪伏法,時宰臣李林甫方竊權柄,人咸懼之,針賓佐數百,不敢窺針 冕獨收餓屍,親自護喪,瘞于近郊,冕自是知名。 河東人也,爲河東冠族。天寶初,以門蔭再遷渭南縣尉,以吏道聞。御史中丞王 河西節度使哥舒翰表爲行軍司馬,累

遷員

外郎中。

從殿 漸又進日:「殿下藉累聖之資,有天下之表。 入靈 是時,冕爲河西行軍司馬,授御史中丞,詔赴朝廷。遇太子於平凉,具陳事勢,勸之朔方,亟 曰:「南平寇逆,奉迎鑾輿,退居儲貳,侍膳左右,豈不樂哉! 公等何言之過也?」 冕與杜鴻 意人事,不可固違。 武。 下六軍 玄宗幸蜀,至益昌郡,遙韶太子充天下兵馬元帥,以冕爲御史中丞兼左庶子,爲之副 | 冕與杜鴻漸、崔漪等勸進曰:「主上厭勤大位,南幸蜀川,宗社神器, 將士,皆關 若逡巡退讓,失億兆心,則大事去矣!臣等猶知之,況賢智乎!」太子 輔百姓,日夜思歸。 大軍一散,不可復集,不如 元貞萬國,二十餘年,殷憂啓聖,正在今日。 因而撫之以從衆,臣 須有所歸,天 所

列傳

等敢以死請。」凡勸進五上,乃依。 肅宗卽位,以定策功,遷中書侍郎、同中書門下平章事

倚以爲政。

道士 川節度使。又入爲右僕射。永泰元年,與裴邈慶等並集賢待制口。 事,遷右僕射。 了以儲積爲務。<br />
人不願者,科令就之,其價益賤,事轉爲弊。 冕性忠勤,悉心奉公,稍得人心。 然不識大體,以聚人曰財,乃下令賣官鬻爵,度尼僧 兩京平,以功封冀國公,食實封五百戶。 尋加御史大夫、成都尹,充<u>劍</u>南西 肅宗移幸鳳翔,罷冕知政

卒, 載遂舉冕代之。 **昵術士中書舍人劉烜充山陵使判官。** 其嗜利若此。 起,代爲謝 爲左僕射。 名馬在櫪,直數百金者常十數。 奇,市肆因而 代宗求舊,拜冕兼御史大夫,充護山陵使。 詞。 元載秉政。載爲新平縣尉,王鉷辟在巡內,冕常引之,載頗德冕。 効之,呼爲「僕射樣」。初代鴻漸,小吏以俸錢文簿白之, 冕顧子弟, 拜職未盈月,卒,大曆四年十二月也。 **冕兼掌兵權留守之任,俸錢每月二千餘貫。** 冕時已衰瘵,載以其順已,引爲同列。 每會賓友,滋味品數,坐客有昧於名者。 恒坐法,冕坐貶施州刺史。 冕以倖臣李輔國權盛,將附之,乃表輔國親 上悼之,輟朝三日,贈太尉,賻帛五百 受命之際,蹈舞絕倒,載 性本侈靡,好尚車服及營珍饌, 數月,移灃州刺史,復徵 自創巾子,其狀新 會宰臣杜鴻漸 喜見於色, 趨 而扶

匹、粟五百石。

知。 判南曹。 ,博涉載籍 隨調吏部,授大理寺丞,剖斷刑獄,舉正綱條,理行始著。 一 遵 慶, 天寶中,海內無事 ,謹身晦跡,不干當世之務。 絳州聞喜人也。 ,九流輻輳會府,每歲 代襲冠冕, 爲河東著族。 以門蔭累授潞府司法參軍,時年已老,未爲 吏部選人,動盈萬數。 **瓊慶志氣深厚,機鑑敏達,** 遷司門員外、吏部 **遵慶敏識強記**, 員外郎 自幼強 人所 事

覈文簿,詳而不滯,時稱吏事第一,由是大知名。

州奔 朝謁 奏見,累稱之,遷黃門侍郎、同中書門下平章事。 中、尙書右丞、吏部侍郎,恭儉克己,遲重謹密,頗有時望。 上以瓊慶忠純,特遣往汾州宣慰懷恩。 · 為副將<br />
范志誠以邪說惑之,<br />
懷恩遂以懼死為詞。 赴行在。 天寶末,楊國忠當國,出不附已者例爲外官, 及乘輿還京,以遵慶爲太子少傅。 **瓊慶旣見懷恩**, 廣德初,僕固懷恩阻兵汾上,指中官爲詞 **瓊慶亦出爲郡守。** 具陳朝旨,懷恩引過聽命,將隨 會審寇陷京師,乘輿幸陝,瓊慶自汾 上元中,蕭華輔政,素 肅宗即: 位, 知 徽拜給 **遵慶**,每 遵慶

時有選人天興縣尉陳琯於銓庭言詞不遜,凌突無禮,代宗詔付瓊慶於省門鞭三十,貶爲吉 永泰 元年 ,與裴冕等並於集賢院待制, 罷知 政事。 尋改吏部尙書、右僕射, 復 知選事

列

傳

州員外司戶參軍。 **遵慶敦守儒行,老而彌謹。嘗爲風狂族姪撾登聞鼓告以不順,** 

187,不省,其見信如此。 大曆十年十月薨於位,年九十餘。

**遵慶初登省郎,嘗著王政記,述今古禮體,識者覽之,知有公輔之量。** 

感悟,遂來降,故同州不陷,向由是知名。累爲京兆府戶曹,轉爍陽、渭南縣令,奏課皆第 尉林寶役徒板築,不及期,將斬之,吏人百姓奔竄。向卽詣貴先軍壘,以逆順之理責之,貴先 朱泚反,李懷光又叛河中,使其將趙貴先築壘于同州,舒來奔奉天,向領州務。貴先因脅縣 ,朝廷亟聞其理行,擢爲戶部員外郎。 子向,字傃仁,少以門蔭歷官至太子司議郎。建中初,李紓爲同州刺史,奏向爲從事。

尹,兼河東節度副使。改晉州刺史,充本州防禦使,遷號州刺史。入爲京兆少尹,拜同州刺 少尹,德宗召見喻旨,尋用爲行軍司馬、兼御史中丞,改汾州刺史,轉鄭州。又復爲太原少 史,充本州防禦使。 **德宗季年,天下方鎭副倅多自選于朝,防一日有變,遂就而授之節制。 向已選爲太原** 入爲大理寺卿,出遷陝虢都防禦、觀察使。三歲,拜左散騎常侍, 自常

向本以名相子,以學行自飭,謹守其門風。 歷官仁智推愛,利及於人。 至是,以年過致

侍復爲大理

政 及領 朝廷優異,乃以吏部尚書致仕于新昌里第。 外任,亦挈而 隨之。 有孤惸疾苦不能自恤,向尤周給,至今稱其孝睦焉。 內外支屬百餘人, 向所得俸祿, 必同其費, 大和四年九

月卒,年八十,贈太子少保。

庶子 審權 鐸罷 王 初,擢拜給事中,改京兆 鐸復見用,以舊恩徙爲鄭滑掌書記、檢校司封郎中,賜金紫,入朝歷兵、吏二員外郎。龍 , 尋出爲歙州 出鎮 相 子寅,登進士第,累官至御史大夫卒。子樞,字紀聖,咸通十二年登進士第。 失職 河 ,樞亦久之不調。從僖宗幸閩,中丞李煥奏爲殿中侍御史,遷起居郎。 中,辟爲從事,得祕書省校書郞,再遷藍田尉。 刺史。 尹。 乾寧初,入爲右散騎常侍,從昭宗幸華州,爲汴州宜諭 宰相孔緯尤深獎遇。 大順中,緯以用兵無功貶官,樞坐累爲右 直弘文館。大學士王鐸深知之, 使。 中和初, 宰相杜

朱全忠保薦之,言樞有經世才,不可棄之嶺麦,尋復拜門下侍郎,監修國史,累兼吏部尙書, 樞 因 樞 亦爲 是相結,改個 傳韶,全忠皆稟朝旨,獻奉相繼,昭宗甚悅,乃遷兵部侍郎。 初,樞 工 一部尙書。 自歙州罷郡歸朝,路經大梁,時朱全忠兵威已振,樞以兄事之,全忠由是重之。及 吏部侍郎。 天子自岐下還宮,以樞檢校右僕射、同平章事,出爲廣南節度使。 未幾,換戶部侍郎、同平章事。 其年多,昭宗幸華州, 時催胤專政,亦倚全忠,二人 崔胤 貶官, 制 出,

判度支。 崔胤誅,以全忠素厚,相位如故。 從昭宗遷洛陽,駐驆陝州, 進右僕射、弘文館大

學士、太淸宮使,充諸道鹽鐵轉運使。

再貶瀧州司戶。 六月十一日,行及滑州,全忠遣人殺之於白馬驛,投屍於河,時年六十五。 全忠言,尋希旨罷樞相位。和陵附享,拜尙書左僕射。五月,責授朝散大夫、登州刺史,尋 佐曰:「吾常以裴十四器識眞純,不入浮薄之伍,觀此議論,本態露矣。」切齒含怒。 幸有方鎭節鉞之命,何藉樂卿?恐非元帥梁王之旨。」乃持之不下。俄而全忠聞樞言,謂賓 哀帝初嗣位,柳璨用事,全忠嘗奏用牙將張廷範爲太常卿,諸相議,樞曰:「廷範勳臣, 柳璨聞

道哉 **盗而振,盜憎而亡,宜哉!君子守道遠刑,蓋慮此也。 謹**密,遇蕭華素知。位重行純,老而彌篤,彼二公固有慚德。 可以致身; ,引元載之恩焉。或言晉卿不爲巧宦者,誠不信也。冕力贊中興,名居大位,奉公抱義, ! 奉林甫之旨,順胥吏之意,悅附張倚,欺罔時君。 生爲重臣,諂林甫之勢也;歿改 史臣曰:晉卿謹身莅事,足爲純臣,避寇全忠,固彰大節。然博達精審,豈不知寬猛之 賣官度僧,是何爲政?及其老也,貪冒尤深。邍慶學術貞明,爲國忠所出,恭儉 向克荷堂構,不墜門風。

#### 校勘記

(1) 二年 各本原作「一載」,據新書卷一四○苗晉卿傳、通鑑卷二一五改。

(三) 裴遵慶 「慶」字各本原作「度」,據本卷下文裴選慶傳改。

第六十三 校勘记

列

# 舊唐書卷一百一十四

### 列傳第六十四

## 魯炅 裴莪 來瑱 周智光

跳盪功,累授右領軍大將軍同正員,賜紫金魚袋。 生可畏,得無人乎?」艮時立在階下,翰指艮曰:「此人後當爲節度使矣。」後以隴右破吐蕃 顏眞卿爲監察御史,使至隴右,翰嘗設宴,眞卿謂翰曰:「中丞自郎將授將軍,便登節制,後 魯炅,范陽人也。身長七尺餘,涉獵書史。天寶六年, 隴右節度使哥舒翰引爲別奏。

之南,築栅,四面掘壕以自固。至五月,賊將武令珣、畢思琛等來擊之,衆欲出戰,炅不許。 防禦使。尋兼御史大夫,充南陽節度使,以嶺南、黔中、山南東道子弟五萬人屯葉縣北,滍水 **賊於營西順風燒煙,營內坐立不得,橫門扇及木爭出,賊矢集如雨,炅與中使薛道等挺身遁** 

僔

六 十

껃

魯炅

中、荆襄子弟半在軍,多懷金銀爲資糧,軍資器械盡棄於路如山積。至是賊徒不勝其富。 走,餘衆盡沒。嶺南節度使何履光、黔中節度使趙國珍、襄陽太守徐浩未至,裨將嶺南、黔

贼徒望見,知其聽銳,不敢逼。<br />
旧昇旣入城,<br />
艮衆初以爲望絕,<br />
忽有使來宣命,<br />
皆踴躍一心。 **躨曰:「將軍必能入,我請以兩騎助之。」 日昇又自有傔騎數人,仲犀又以數騎共十人同行。** 肅宗使中官將軍曹日昇來宣慰,路絕不得入。日昇請單騎入致命,仲犀曰:「不可,賊若擒 食盡,煑牛皮筋角而食之,米斗至四五十千,有價無米,鼠一頭至四百文,餓死者相枕藉。 陽太守魏仲犀合勢救之。犀使弟孟馴爲將,領兵至明府橋,望賊而走,衆遂大敗。炅城中 豫州刺史武令珣等攻之,累月不能克。武令珣死亡,又令田承嗣攻之。潁川太守來瑱、襄 遏,又得相持數月。 何得沮之!縱爲賊所獲,是亡一使者;苟得入城,則萬人之心固矣。公何愛焉?」中官馮廷 吾敕使,我亦何安!」顏眞卿適自河北次于襄陽,謂仲犀曰:「曹使旣果決,不顧萬死之地, 日昇以其十人至襄陽取糧,賊雖追之,不敢擊,遂以一千人取音聲路運糧而入,賊亦不能 **灵收合殘卒,保南陽郡,爲賊所圍。尋而潼關失守,賊使哥舒翰招之,不從。又使僞將** 

重 而出南陽,投襄陽。田承嗣來追,苦戰二日,殺賊甚衆。賊又知其決死,遂不敢逼。朝廷 灵在圍中一年,救兵不至,晝夜苦戰,人相食。至德二年五月十五日,率衆持滿傅矢突

幟,分以土田。可開府儀同三司、兼御史大夫,封岐國公,食實封二百戶,兼京兆尹。」 寒陽節度事、上柱國、金鄉縣公魯炅,蘊是韜略,副茲節制,竭節保邦,悉心陷敵。 委積於牆塹間。 月,王師收兩京,承嗣、令珣等奔於河北。 因除御史大夫、襄陽節度使。時賊志欲南侵江、漢,賴炅奮命扼其衝要,南夏所以保全。 十二月,策勳行賞,詔曰:「特進、太僕卿、南陽郡守〔三、兼御史大夫、權知 南陽遭大亂之後,距鄧州二百里,人煙斷絕,遺骸 表之旗

鄧州 於相 時諸節度以迴紇戰敗,因而退散,盡 日 至 刺史。 乾元元年,兼鄭州刺史,充鄭、陳、潁、毫等州節度使。上元二年,爲淮西襄陽節度使、 新鄭縣, 二年六月六日,賊將史思明自范陽來救,戰於安陽河北,王師不利,炅中流矢奔退。 十月,與朔方節度使司徒郭子儀、河東節度使太尉李光弼等九節度同圍安慶緒 聞郭子儀已整衆屯穀水,李光弼還太原,炅憂懼,仰藥而卒。 西、襄陽節度行營步卒萬人、馬軍三百,以李抱玉爲兵馬使,炅分界知東面 |棄軍糧器械,所過虜掠,|| 艮兵士剽奪尤甚,人因驚怨。五

行 軍 裴茙 司馬,塡遇之甚厚。 ,以門蔭入仕,累遷京兆府司錄參軍。 及瑱 淮西之敗,逗留不行,茂密表聞奏。朝廷以與掌 來瑱鎮陝州,引爲判官,與移襄州,又爲瑱 重兵,惡之,密

茂。 位 守在要衝, 兵交戰, 施恩宥,肆諸朝市,所未忍爲。 又轉輸之物,軍國所資,擅爲費用,其數甚廣。 事 亦 韶以| 茂代頃爲襄州刺史, 充防禦使。 「輕圖異端,誣構忠良,妄興兵甲。 奉韶依舊任 寶應元年七月,敕曰:「前襄州刺史裴茙,性本頑疏,行惟狂悖。 暉報曰:「瞋已奉恩命復任此。」|蔑惶惑,喻其麾下曰:「此言必妄。」 遂引射瑱軍,因與瑱 茂大敗, 士卒死傷殆盡。 無聞方略。 「<u></u>ر環遂設具於江津以俟之。 所以申命來瑱,重撫漢南,卽宜奔赴闕廷,謝其曠職。 宜寬殊死之刑,俾就投荒之謫,宜除名,長流費州。」 | 莪走還穀城舊營,塡追擒之。朝旨務安漢南,乃歸咎於 遽令追召,敢欲逗留,是有無君之心,不唯罔上之罪。 茂本鎮穀城,及受密命,乃率麾下二千人赴襄陽。時與 及敗撓,遲迴赴召,將至京師,會有是命。 據其抵犯,合置嚴誅。 頃因試用, 爰委軍戎, 但自朕登極已來,屢 而乃顧惜名

茂器局輕褊, 初興師徒,給用無節。

驛,賜自盡。

持節磧西副大使、四鎭節度使,後爲右領軍大將軍、仗內五坊等使,名著西陲。 來瑱 , 那州 永壽人也。 父曜, 起於卒伍。 開元十八年,爲鴻臚卿同正員、安西副都護、 寶應元年,

以子貴,贈太子太保。

鎬

薦塡

中侍 御 暉 有縱橫之略,臨事能斷,堪當禦侮之任。 丁母憂,以孝聞。 史, 少尙名節,慷慨有大志,頗涉書傳。 充伊西、北庭行軍司馬。 玄宗詔朝臣舉智謀果決、才堪統衆者各一人。 天寶初,四鎮從職。 十一載, 爲左贊善大夫、殿 拾遺張

乃以寅 夫, 御 曜故將,城下拜泣 度使魏 同三司、兼 史大 情 頭繕修有備。賊繼至城下,頭親射之,無不應弦而斃。賊使降將畢思踩招頭,踩卽頭父 恟 攝御史中丞、本郡防禦使及河南淮南遊奕逐要招討等使。魯炅敗於葉縣,退守南陽, 安祿山反,張垍復薦之,起復兼汝南郡太守,未行,改潁川太守。 懼 仲犀救之。犀遣弟孟馴將兵至明府橋,望風敗走,賊追蹙,大敗而還。兵素少,遇敗, 爲南陽太守、兼御史中丞,充山南東道節度防禦處置等使以代炅。 夫、河南節度使,因奏炅能守<u>南陽,韶各復本位。 賊攻圍南陽累月,</u>瑱分兵與襄陽節 頭綏撫 御 史大夫,封潁國公,食實封二百戶,餘 訓練,賊不能侵。 · 再頭,頭不應。前後殺賊頗衆,咸呼與爲「來嚼鐵」。 以功加銀青光祿大 詔爲淮南西道節度使。收復兩京,與魯炅同制加開府儀 如故。 賊攻之。 尋以嗣號王巨爲 城中 -積粟素

軍 爲史思明 乾元 元 年 所敗 ,召爲殿中監。 東京 震駭。 二年,初除凉州刺史、河南節度經略副大使〔三〕。未行,屬相州 元帥司徒郭子儀鎭瀔水,乃以嗔爲陝州刺史,充陝、號等州

殺刺 節度,井潼關 史 史翽 (目)。以與爲襄州刺史、兼御史大夫,充山南東道襄、鄧、均、房、俭、商、隨、郢、復 防禦、團練、鎭守使。 乾元三年四月十三日,襄州軍將張維瑾、曹玠率衆謀亂,

十州節

度觀察處置使。

如故。 豫、滸、鄭、汴、曹、宋、潁、泗十五州節度觀察使,外示尊崇,實奪其權 收麥畢赴上」,復諷屬吏請留之。邊莪於商州召募,以窺去就 丞、襄鄧等七州防禦使以代之。 檢校戶部尚書、兼御史大夫、安州刺史,充淮西申、安、蘄、黃、光、沔節度觀察,兼河南陳、 之狀,謀奪其位,稱「與善謀而勇,崛強難制,宜早除之,可一戰而擒也」。」肅宗然之,遂以與 呂諲病於江陵,頭在襄州,又恐仲昇構已,遂顧望不救。及師出,仲昇已沒。裴茙頻表陳頭 布恩惠,懼其得士心,以與爲鄧州刺史,充山南東道襄、鄧、唐、復、郢、隨等六州節度,餘並 身赴韶命, 行及 上元三年,肅宗召瑱入京。璌樂襄州,將士亦慕瑱之政, 俄而淮西節度王仲昇與賊將謝欽讓戰於申州城下,爲賊所虜。初,仲昇被圍累月, 鄧州, 復詔 歸鎭。肅宗聞其計而惡之。後呂諲、王仲昇及中官皆言瑱 與懼不自安,上表稱「淮西無糧饋軍,臣去秋種得麥,請待 因諷將吏、州牧、縣宰上表請留 也。 加裴莪兼御史中

茂圖之。 寶應 元年五月,代宗卽位,因復授塡襄州節度、奉義軍渭北兵馬等使,官如故,潛令裴 其月十九日,裴莪率衆浮漢江而下。 日暮,候者白頭,謀於帳下,副使薛南陽日:

茂及弟薦 與之戰。」 瑱 將士告之曰:「爾何事來?」曰:「尙書不受命,謹奉中丞伐罪人。 若尙書受替,謹當釋兵。」 茂。彼若 富貴在於今日。」遂爭射之。 而 尚書奉詔留鎮,裴莪以兵代,是無名也。 日:「 至,尙書破之必矣。」翌日平明,茂督軍士五千列于瀔水北,與以兵逆之,登高而陣, 恩制 乘我之不虞,今夕而至,直燒城市,我衆必懼而亂,彼 脱身北 兩 軍 復除塡此 相見,遂以麾下旁萬山而出其背,表裏夾擊,護軍大敗,投水而死,殺獲殆盡 走,妻子並爲與所擒,與甚厚撫之。 州。」乃取告身敕書以示,護軍皆曰:「僞也。承命討君,豈千里空歸 塡奔歸旗下,薛南陽曰:「事急矣, 請以三百騎爲奇兵, 尙書勿 且茂之智勇,非尚書敵也,衆心歸尚書,不歸於 因抗表謝罪。 乘亂而擊,則可憂也。 擒茙於申口,送至京師 若及 呼茂 明

度、 順,王仲昇賊平來歸,證與與賊合,故令仲昇陷賊三年(景)。 觀察等使,代左僕射裴冕充山 節度觀察處置等使、上柱 至公、惡稔旣彰 月,旗入朝 春秋之義,貴在於必書,君臣之間 謝罪 ,明罰難貸。開府儀同三司、行兵部尚書、中書門下平章事、充山南東道 、代宗特寵異之, 國、領國公來瑱,謬當任用,素乏器能, 陵使。 遷兵部尙書、同中書門下平章事,依前山南東道節 時中官驃騎 ,法存於無赦。 大將軍程元 代宗含怒久之,因是下詔曰: 沮勸式 逸於前典, 振居中用 巫歷班榮, 事 發瑱 進退莫匪於 累經節制 言涉不

長流

費州

賜死

於藍

田

故驛。

列傳第六十四 來瑱 周智光

莅職 遲留 ト祝頗聞於私議。 超登宰輔,光拜夏卿,列在三台,掩其一眚。山陵先遠,事委近臣,謀謨素闕於大猷, ,實乖堂陛之儀,爰及干戈之忿。 實虧周愼,且間樞言,何以輔弼鼎司,儀刑簪敍?據其所犯,合置殊 頃者分閫頒條,久淹江、漢。 **殿以舊臣宿將,道在含弘,會其來庭,用甄後効。** 或頻徵不至,或移鎮

寶應二年正月,貶播州縣尉員外置。 以嘗侍軒闥,用存寬免之辜;緬範舊章,兼膺黜削之譴。 翌日,賜死於鄠縣,籍沒其家。 其身官爵,一切削除。 

四散 告之,演義而從之。 ,掩于坎中。 校書郎殷亮後至,獨哭於屍側,貨所乘驢以備棺衾,夜詣縣令長孫演以情 亮夜葬而祭,走歸京師。 代宗既悟元振之誣構,積其過而配流湊州

授崇義節度使、兼御史中丞以代暉。 廂下搆一小室而寢止,抗疏哀請收葬,優詔許之。 左兵馬使李昭禦之,奔房州。 先是,與行軍司馬龐充統兵二千人赴河南,至汝州,聞與死,將士魚目等迴兵襲襄州, 昭及薛南陽與右兵馬使梁崇義不叶相圖 崇義爲頭立祠,四時拜饗,不居與廳及正堂視事,於東 廣德元年,追復官爵。 ,爲崇義所殺。

與之昵狎。 朝恩以扈從功,恩渥崇厚,奏請多允,屢於上前賞拔智光,累遷華州刺史、同華

二州節度使及潼關防禦使,加檢校工部尙書、兼御史大夫。

城, 八十一人,焚坊州廬舍三千餘家。懼罪,召不赴命。 收駝馬軍資萬計,因逐賊至鄜州。 永泰元年 , 吐蕃、迴紇、党項羌、輝、奴刺 智光與杜冕不協,遂殺鄜州刺史張麟,坑杜冕家屬 十餘萬衆寇奉天、醴泉等縣、智光邀戰,破於澄 朝廷外示優容,俾杜冕使梁州,

路以過 時准南 讎也。 持告身以授之。 爾鼠輩 張志斌自陝入奏,智光館給禮慢,志斌責其不肅。 遂聚亡命不逞之徒,衆至數萬,縱其剽掠,以結其心。 而 斬之。 挾天子令諸侯,天下只有周智光合作。」因歷數大臣之過。元仙股慄, 永泰二年十二月,智光專殺前號州刺史、兼御史中丞龐充。 作福 ,智光使部將邀斬於乾坑店,橫死者衆。 節度使、檢校右僕射崔圓 又劫諸節度使進奉貨物及轉運米二萬石,據州反。 作威 智光受詔慢駡曰:「智光有數子,皆彎弓二百斤,有萬 一,懼死不敢入朝。 入覲,方物百萬,智光強留其半。 我本不反,今爲爾作之。」因叱下斬之,臠其肉以飼從者。 優韶以智光爲尙書左僕射,遣中使余元 智光大怒曰:「僕固懷恩豈有反狀!皆由 初,與陝州節度使皇甫温 智光自廊坊專殺,朝廷惠之, 充方居穣絰,潛行,智光追 舉選之士竦駭,或竊同州 人敵 智光贈絹百匹遣 ,堪出將入相。 不協, 仙 只

列傳

第

之。於州郭置生祠,俾將吏百姓祈禱。

卯,梟智光首于皇城之南街,二子腰斬以示衆。判官監察御史邵賁、都虞候蔣羅漢並伏誅, 刺史、兼御史大夫、長春宮等使。是日,智光爲帳下將斬首,并子元耀、元幹等二人來獻。丁 問。乃以兵部侍郎張仲光爲華州刺史、兼御史大夫、潼關防禦使,又以大理卿敬括爲同州 同、華路絕,上召子儀女婿工部侍郎趙縱受口詔付子儀,縱裂帛寫韶置蠟丸中,遣家童間道 餘黨各以親疏准法定罪。命有司具儀奏告太淸宮、太廟、七陵。 智光爲澧州刺史,散官勳封如故。乃聽將一百人隨身,便路赴任,其所部將士官吏,一無所 大曆二年正月,密韶關內河東副元帥、中書令郭子儀率兵討智光,許以便宜從事。 子儀奉詔將出師,華州將士相顧攜貳。智光大將李漢惠自同州以其所管降子儀。

兵入華州大掠,自赤水至潼關二百里間,畜產財物殆盡,官吏至有著紙衣或數日不食者。 時淮西節度使李忠臣入覲,次潼關,聞智光阻兵,駐所部將往禦之。及智光死,忠臣進

久之。炅收滍水敗衆,守南陽孤城,每蹈危機,竟効死節,料敵雖非其良將,事君不失爲忠 史臣曰:嘗讀李陵傳,戰敗不能死,屈節降虜庭,君不得爲忠臣,母不得爲孝子,每長數

位,爲裴莪巧言;終歸朝廷,遭元振誣構。賜死之辜匪辨,用刑之道不明。 致舊將立祠,門

贊曰:魯炅竭節,來瞋枉死。裴莪兇人,智光逆子。

更偷葬,出將入相,一至於斯,惜哉!智光狂悖,不足與論。

#### 校勘記

- [1]武令珣死 令珣攻之。 令珣死,又令田承嗣攻之。』下又云:"王師收兩京,承嗣、令珣奔河北。』唐曆:"慶緒 新書卷一四七魯炅傳同。按通鑑卷二二〇考異云:「舊魯炅傳云:『 灵保南陽,賊使武
- 據鄴,武令珣自唐、鄧至。』艮傳云武令珣死,誤也。」
- (三) 南陽郡守 「郡守」,各本原作「郡公」,據合鈔卷一六五叠炅傳改。按魯炅爲南陽太守見上文,下 文叉稱其爲「金鄉縣公」,則作「郡公」非。
- [三]河南節度 合鈔卷一六五來璵傳「河南」作「河西」。
- 殺刺史史謝 「刺史」下各本原脫「史」字,據新書卷一四四來瑱傳、合鈔卷一六五來瑱傳補
- (至) 故令仲昇陷賊三年 元三年」作「上元二年」,此處作「陷賊二年」。 | 校勘記卷四三引張宗泰說,疑「三年」二字衍文。 按上文仲昇於上元三年被虜,至此似未足一年。合鈔卷一六五來獲傳「上

列

# 舊唐書卷 一百一十五

## 列傳第六十五

崔器 趙國珍 崔瓘 敬括 韋元甫 魏少遊 衞伯玉

#### 李承

佳器, 深州安平人也。 會祖恭禮,狀貌豐碩,飲酒過斗。 貞觀中, 拜駙馬都尉, 尚神堯

館陶公主。父肅然,平陰丞。

錄 符敕,一時焚之,膀召義師,欲應潤上軍。 叛賊,長安守將安守忠、張通儒並亡匿。 丞宋渾爲東畿採訪使,引器爲判官;渾坐贓流貶嶺南,器亦隨貶。 ,轉都官員外郎,出爲奉先令。 器有吏才,性介而少通,舉明經,歷官淸謹。 逆胡陷西京,器没於賊, 仍守奉先。 又渭上義兵起,一朝聚徒數萬。 及渭上軍破,賊將崔乾祐先鎭瀟、同,使麾下騎三 天寶六載,爲萬年尉,踰月拜監察御史。 十三年, 量移京兆府 居無何,屬賊黨同羅 器懼,所受賊文牒 中

列

傳

第六

+

五

催器

趙

國

十人捉器,器遂北走靈武。

樂禍 烈已下,皆相顧曰:『我等國家見待如此,悔恨何及。』及聞崔器議刑太重,衆心復搖。」肅宗 賊官歸闕,奏云:「賊中仕官等重爲安慶緒所驅,脅至相州,初聞廣平王奉宣恩命,釋放陳希 環衛,令扈從羣官宰臣已下視之。及收東京,令陳希烈已下數百人如西京之儀。 日:「朕幾爲崔器所誤。」 固言不可,乃六等定罪,多所原宥,唯陳希烈、達奚珣斬於獨柳樹下。後蕭華自相州賊中仕 爲三司使。 ,殘忍寡恩,希旨奏陷賊官準律並合處死。 器素與呂諲善,諲引爲御史中丞、兼戶部侍郎。 器草儀注,駕入城,令陷賊官立於含元殿前,露頭跣足, 肅宗將從其議,三司使、梁國公李峴執奏, 從肅宗至鳳翔,加禮儀使。克復二京, 撫膺頓首請罪,以刀杖 器性陰刻

三日而器卒。 ,叩頭曰:「大尹不自由。」左右問之,器答曰:「達奚大尹嘗訴冤於我,我不之許。」如是 呂諲驟薦器爲吏部侍郎、御史大夫。 上元元年七月,器病脚腫,月餘疾亟,瞑目則見達

趙國珍,牂柯之苗裔也。 天寶中,以軍功累遷黔府都督,兼本管經略等使。 時南蠻閣

之,召拜工部尙書。大曆三年九月,以疾終,贈太子太傅。 羅鳳叛,宰臣楊國忠兼劍南節度,遙制其務,屢喪師徒。 南方地形,國忠逐奏用之。 在五溪凡十餘年,中原興師,唯黔中封境無虞。 中書舍人張漸薦國珍有武略,習知 代宗踐祚,特嘉

亂,犯州城,以殺達奚觀爲名。 臧玠與判官達奚覯忿爭,觀曰:「今幸無事。」)玠曰:「有事何逃?」 厲色而去。 是夜, 玠遂搆 肅,恭守禮法。將吏自經時艱,久不奉法,多不便之。大曆五年四月,會月給糧儲,兵馬使 大夫,以甄能政。遷潭州刺史、兼御史中丞,充湖南都團練觀察處置使。 務。居二年,風化大行,流亡襁負而至,增戶數萬。有司以聞,優詔特加五階,至銀靑光祿 崔瓘 ,博陵人也。以士行聞,莅職淸謹。 瓘惶遽走,逢玠兵至,遂遇害。代宗聞其事,悼惜久之。 累遷至澧州刺史,下車削去煩苛,以安人爲 瓘到官, 政在簡

御史。天寶末,宰臣楊國忠出不附己者,括以例爲果州刺史。 敬括,河東人也。少以文詞稱。鄕舉進士,又應制登科,再遷右拾遺、內供奉、殿中侍 列 第 六 + 五 崔 璲 敬 括 韋 元 甫 魏 少 累遷給事中、兵部侍郎、大理 三三七五

卿。 近輔,以括爲同州刺 而從容養望,不舉綱紀,士亦以此少之。 性深厚,志尙簡淡,在職不務求名,因循而已。 史。 歲餘,入爲御史大夫。 大曆六年三月卒。 遲重推誠於下,未嘗以私害公,士頗稱焉; 大曆初, 叛臣周智光伏誅, 韶選循良爲

於位。 漸首薦之,徵爲尙書右丞。 狀」。元甫有器局,所莅有聲,累遷蘇州刺史、浙江西道都團練觀察等使。 大夫自己、淮南節度觀察等使。 奏充支使,與同幕判官員錫齊名。 章元甫,少修謹,敏於學行。 會淮南節度使缺,鴻漸又薦堪當重寄,遂授揚州長史、兼御史 在揚州三年,政尙不擾,事亦粗理。 元甫精於簡牘,錫詳於訊覆,涉推誠待之,時謂「員推革 初任滑州白馬尉,以吏術知名。 本道採訪使章涉深器之, 大曆六年八月, 以疾卒 大曆初,宰臣杜鴻

等奉迎,留少遊知留後,備宮室掃除之事。少遊以肅宗遠離宮闕,初至邊藩,故豐供具以悅 少遊,鉅鹿人也。早以吏幹知名,歷職至朔方水陸轉運副使。 肅宗幸靈武,杜鴻漸

以助軍,少遊與漢中郡王瑀沮其議,上知之,貶渠州長史。後爲京兆尹,請中書門下及兩省 肅宗至靈武,殿宇御幄,皆象宮闈,諸王、公主各設本院,飲食進御,窮其水陸。 之。將至靈武,少遊整騎卒千餘,干戈耀日, 五品已上、尙書省四品已上、諸司正員三品已上、諸王、駙馬中期周已上親及女婿外甥,不 至此本欲成大事,安用此爲!」命有司稍去之。累遷衞尉卿。 於靈武南界鳴沙縣奉迎, 。乾元二年十月,議率朝臣馬 備威儀振旅而入。 肅宗日:「我

得任京兆府判官、畿令、赤縣丞簿尉,敕從之。遷刑部侍郎。

聚於城外,皆懷塼石候之,期投擊以快意。」載聞之,特令所由吏擁百姓入城內,由是獲免。 虺。朝恩、希暹旣誅,元載當權,納明觀姦謀,容之,特令江西効力。明觀未出城,百姓萬衆 在洪州二年,少遊爲觀察使,承元載意荷容之。及路嗣恭代少遊,到州,卽日杖殺,識者以 封趙國公。賈明觀者,本萬年縣捕賊小胥,事劉希暹〔三〕,恃魚朝恩之勢,恣行兇忍,毒甚豺 <u>《</u>滅魏之名,多路之政。 <u>大曆六年三月己未卒於官,贈太師〔m〕</u> 大曆二年四月,出爲洪州刺史、兼御史大夫,充江南西道都團練觀察等使。四年六月,

少遊居職,緣飾成務,有規檢,善任人,果於集事。 前後四領京尹,雖無赫赫之名,而齪

歐廉謹,有足稱者。

獻俘百餘人至闕下,詔解縛而赦之,遷伯玉神策軍節度。上元二年二月,史思明領衆西下 馬六百匹,歸仁與其黨東走。以功遷右羽林軍大將軍,知軍事。轉四鎮、北庭行營節度使。 月,逆賊史思明遺僞將李歸仁鐵騎三千來犯,伯玉以數百騎於疆子坂擊破之,積尸滿野,虜 位,興師靖難,伯玉激憤,思立功名,自安西歸長安。 初爲神策軍兵馬使出鎭。 乾元二年十 圖長安,史朝義率其黨夜襲陝州。伯玉以兵逆擊,大破賊於永寧。賊退,進位特進,封河東 衞伯玉,有膂力,幼習藝。天寶中杖劍之安西,以邊功累遷至員外諸衞將軍。 肅宗卽

郡公。

昂代其任,伯玉潛諷將吏不受詔,遂起復以本官爲<u>荆</u>南節度等使,時議醜之。 <u>大曆十一年</u> 大夫,充荆南節度觀察等使。 二月入覲,以疾卒於京師。 廣德元年多,吐蕃寇京師,乘興幸陝。以伯玉有幹略,可當重寄,乃拜江陵尹、兼御史 尋加檢校工部尙書,封城陽郡王。<br />
大曆初,丁母憂,朝廷以王

李承,趙郡高邑人,吏部侍郎至遠之孫,國子司業會之第二子也。承幼孤,兄曄鞠養

汴州 史。 月除憶淸令,旬日拜監察御史。 琴爲准南 圓卒 旣長,事兄以孝聞。 陷賊 ,歷撫州、江州 西道黜陟使,奏於楚州置常豐堰以禦海潮,屯田瘠鹵 ,拘承送洛陽。 二刺史, 舉明經高第,累至大理評事, 承在 淮南節度使崔圓 [賊庭,密疏姦謀,多獲聞達。 課績連最。 遷檢校考功郎中兼江州 [請留充判官,累遷檢校刑部員外郎、 充河南採訪使郭納判官。 兩京克復,例貶撫州臨川 ,歲收十倍,至今受其利 刺 史, 徴拜 吏 尹子奇圍 部則 兼侍御 尉。 數

恬然 不順 得完復。 地。 使。 立功之後 上悅之,每對朝臣多稱希烈 之跡 九月, 自安 朝廷慮不受命,欲以禁兵送承,承請單騎 畤 梁崇義縱恣倨慢,朝廷將加討伐。 ,誓死王事。 ,上思承言,故驟加擢用。 **「、縱恣跋扈,不稟朝憲,必勞王師問罪。」上初未之信。** 轉襄州 刺史、 希烈不能屈,遂剽虜闔境所有而去,襄、漢爲之空。 山南東道節度觀察鹽鐵等使。 承白黜 建中二年七月,拜同州 陟迴,因奏之曰:「希烈將兵討伐,必有微 李希烈揣知之, 徑行。 既至,希烈處承於外館 希烈旣破崇義,擁兵襄州 上表數崇義過惡, 刺史、 無幾, 河中尹 希烈既平崇義 ア、晉絳 承治之一年,頗 迫脅 請率先誅 都 防禦 「萬態 勳 遂有 ,但恐 果有 觀 承 其 察

承亦使腹心臧 初,希烈 雖 叔 歸蔡州,留將校等於襄州守當時所掠得財帛什物等,後使襄、漢,往 雅往來許、蔡, 厚結希烈腹心周曾、王玢、姚憺等。 及曾等謀殺希烈,以衆 來不絕。

列傳

第

六

+

五

李

承

校

勘

記

歸朝,多承首建謀也。 觀察使。 建中四年七月,卒於位,年六十二,贈吏部尚書。承少有雅望,至其從官,頗以貞 累賜密詔褒美之。承尋改檢校工部尙書,兼潭州刺史、湖南都團練

廉才術見稱於時。

終,非達奚訴冤,無以顯其陰責矣。國珍守黔溪,瓘修禮法,括推誠馭下,元甫爲政寬簡, 勤勞盡瘁,方之者鮮矣。 少遊規檢集事,皆可稱者。 史臣曰:自古酷吏濫刑,幸免者多矣,苟無強魂爲祟,沮議者惑焉。器深文樂禍,居官令 伯玉破敵立功,足爲猛士,丁憂冒寵,終是武夫。承忠慤謀議

贊曰:崔器深文,達奚作祟。七子伊何?李承爲最。

#### 校勘記

- (1) 兼御史大夫 「大夫」二字各本原無,據冊府卷三二四補。
- (三) 事劉希暹 「事」字各本原無,據葉校本補
- (三) 太師 新書卷一四一魏少游傳作「太子太師」。

#### 舊 唐 卷 百百 **十** 六

#### 列 傳第六十六

蜀王遡 恭王通 恩王連 鄆王榮 越王係 淮陽王僖 肅 宗 代宗諸子 襄王僙 原王逵 韓王迥 忻 王 造 承天皇帝倓 昭靖太子邈 肅宗十三子 <del>化王倕</del> 簡王遘 雅王逸 韶王暹 衞王佖 代宗二十子 召王偲 嘉王運 均王遐 **益王**迺 彭王僅 恭懿太子侶 端王遇 隋王迅 睦 克 王 僴 王述 循王遹 荆 定 涇 王侹

選

一逾

侗

肅宗皇帝十四子:章敬皇后生代宗皇帝,宮人孫氏生越王係,張氏生承天皇帝,王氏生 列 傳 第 六 + 六 肅 宗 代 宗 諸 子

衞王佖,陳婕妤生彭王僅,韋妃生兗王僴,張美人生涇王侹,裴昭儀生襄王僙,段婕妤生杞 王倕,崔妃生召王偲,張皇后生恭懿太子侶、定王侗,宮人生鄆王榮、宋王僖。

封趙王。乾元二年三月,九節度之兵潰於河北,史思明僭號於相州,王師未集,朝廷震駭。 韶以李光弼握兵關東以代子儀。 光弼請以親賢統師,七月,韶曰: 越王係,本名儋,肅宗第二子也。天寶中,封南陽郡王,授特進。 至德二年十二月,進

妖,尙稽天討,蛇豕竊依於城堡,塗炭久被於齊毗, 股爲人父母, 寧忘閔念。 雖好生息 亂,中夏不寧。上憑宗社之靈,下藉熊羆之力,由是廓清咸、洛,拯此生人。頃以河朔殘 授律,實仗於親賢。蓋將底寧邦家,保息黎獻者矣。 股以薄德,續承鴻緒,往屬元兇暴 戰,每冀其歸降;而餘孽昧恩,靡聞于悔禍。所以軒后親征於獯鬻,周文致役於昆夷, 古之用兵、蓋非獲已。 握兵之要,古先爲重;命帥之道,心膂攸憑。是知靖難夷兇,必資於金革;總戎

於戎律。且兇徒嘯聚,頗歷歲時,惡旣貫盈,理當撲滅。君親有命,可不敬乎!俾展龍 敬以立身;志尙權謀,有經通之遠智。知子者父,方有屬於維城;擇能而授,俾克申 趙王係幼稟異操〔〕,夙懷韜略,負東平之文學,蘊任城之智勇。性惟忠孝,持愛

豹之韜,永淸梟獍之類。可充天下兵馬元帥,仍令司空、兼侍中、薊國公光弼副知節度行

營事。應緣軍司署置,所司準式。

九月,史思明陷洛陽,光弼以副元帥董兵守河陽,王不出京師。十月,下詔車駕親征,

諫官論奏乃止;王請行,不許。三年四月,改封越王。

以 兵護太子 后令內謁者監段恆俊與越王謀,召中官有武勇者二百餘人,授甲於長生殿。是月乙丑,皇 國 恆俊等百餘人禁繫, 后矯韶召太子,程元振伺知之,告輔國。元振握兵於凌霄門候之,太子旣至,以難告。太子 將圖不軌,若不誅之,禍在頃刻。」太子泣而對曰:「此二人是陛下勳舊內臣,今聖躬不康,重 頃矯制命,逼徙聖皇。今聖體彌留,心懷怏怏,常忌吾與汝。又聞射生內侍程元振結託黃門, 曰:「皇太子仁惠,不足以圖平禍難。」復以除輔國謀告之,曰:「汝能行此事乎?」係曰:「能。」 日:「必無 此事驚撓聖慮,情所難任。若決行此命,當出外徐圖之。」后知太子難與共事,乃召條謂之 ,使人以肅宗命召太子入宮。皇后謂太子曰:「賊臣輔國,久典禁軍,四方詔令,皆出其口。 寶應元年四月,肅宗寢疾彌留。皇后張氏與中官李輔國有隙,因皇太子監國,謀誅輔 此事。 匿於飛龍廐。丙寅夜,元振、輔國勒兵於三殿前,收捕越王及同謀內侍朱光輝、段 聖恙危篤,吾豈懼死不赴召乎?」元振曰:「爲社稷計,行則禍及矣。」遂以 幽皇后於別殿,侍者十數人隨之。是日,皇后、越王俱爲輔國所害。

列傳

第

王,授殿中監同正員;逾封齊國公,光祿卿同正員。 條子:建、道、逾。建,建中元年十一月,封武威郡王,授殿中監同正員; 追封興道郡

萬人,光弼、子儀,全軍河朔,謀爲興復,計之上也。」廣平王亦贊成之,於是令李輔國奏聞。 玄宗欣然聽納,乃分從官、士卒以遣之。 皇家所有,何以維屬人情?殿下宜購募豪傑,暫往河西,收拾戎馬,點集防邊將卒,不下十 崩,不因人情,何以興復。夫有國家者,大孝莫若存社稷。今從至尊入閩,則散關已東,非 曰:「至尊奔播,吾不忍違離左右,俟吾見上奏聞。」 (修於行宮謂太子曰:「逆胡犯順,四海分 **豫山之亂,玄宗幸蜀,倓兄弟典親兵扈從。 車駕渡渭,百姓遮道乞留太子,太子諭之** 承天皇帝倓,肅宗第三子也。天寶中,封建寧郡王,授太常卿同正員。英毅有才略,善

望於元帥。況太子從日撫軍,守日監國。今之元帥,撫軍也,廣平爲宜。」遂以廣平爲元帥, 靈武,太子卽帝位。 沛之際,血戰在前。太子或過時不得食,後涕泗不自勝,上尤憐之〔三〕,軍士屬目歸於後。 人之量。」上曰:「廣平地當儲貳,何假更爲元帥?」 左右曰:「廣平今未册立, 艱難時人尤屬 時敗卒膽破,兵仗不完,太子旣北上,渡渭,一日百戰。從自選驍騎數百衞從,每蒼黃顕 廣平旣爲元子,欲以後爲天下兵馬元帥。 侍臣曰:「廣平王冢嗣,有君

| 後典親軍,李輔國爲元帥府司馬。

日爲良娣、輔國所構,云:「建寧恨不得兵權,頗畜異志。」肅宗怒,賜倓死。 時張良娣有籠,倓性忠謇,因侍上屢言良娣頗自恣,輔國連結內外,欲傾動皇嗣。自是, 既而省悟,悔

泌因奏曰:「臣幼稚時念黃臺瓜辭,陛下嘗聞其說乎?高宗大帝有八子,睿宗最幼。 平言及建寧,則嗚咽不已。 陛下之言,出於讒口也。」帝因泣下曰:「事已及此,無如之何! 之。 無由敢言。乃作黃臺瓜辭,令樂工歌之,冀天后聞之省悟,卽生哀愍。 臨朝,乃鴆殺孝敬,立难王賢爲太子。賢每日憂惕,知必不保全,與二弟同侍於父母之側, 生四子至,自爲行第,故睿宗第四。 計,割愛而爲之所也。」巡對曰:「爾時臣在河西,豈不知其故。 廣平兄弟,天倫篤睦,至今廣 事,肅宗改容謂泌曰:「倓於艱難時實得氣力,無故爲下人之所間,欲圖害其兄,殷以社 平王立大功,亦爲張皇后所忌,潛構流言,泌因事諷動之。 逐,死于黔中。 陛下有今日運祚,已一摘矣,愼無再摘。」上愕然曰:「公安得有是言!」 時廣 瓜熟子離離。 明年多,廣平王收復兩京,遣判官李泌入朝獻捷。 一摘使瓜好,再摘令瓜稀,三摘猶尙可,四摘抱蔓歸。』 長日孝敬皇帝,爲太子監國,而仁明孝悌。 泌與上有東宮之舊,從容語及建寧 而太子賢終爲天后所 辭云:『種瓜黃臺下, 天后方圖 天后所 一稷大

擇日册命,改葬于順陵,仍祔于奉天皇帝廟,同殿異室焉。」 **攸宜。敬用追諡日承天皇帝,與興信公主第十四女張氏冥婚,諡曰恭順皇后。 股以眇身,續膺大寶,不及讓王之禮,莫申太弟之嗣,所懷靡殫,邈想逾切,非常之命,寵錫** 誓寧家國。 克協股志,載符天時,立辨羣議之非,同獻五原之計。 中興之盛,實藉奇功。 景 參舊邦再造之勤,成天下一家之業,而存未峻其等,歿未尊其稱,非所以旌徽烈,明至公也。 命不融,早從厚穸,天倫之愛,震惕良深。流涕追封,胙于東海,頃加表飾,未極哀榮。夫以 達,理至逾精。乃者寇盜橫流,變興南幸。先聖以宸扆之戀,將侍君親;惟王以宗廟之重, 慶,保鴻名之光。 及代宗卽位,深思建寧之冤,追贈齊王。大曆三年五月,詔曰:「故齊王倓,承天祚之 降志尊賢,高才好學,藝文博洽,智略宏通。斷必知來,謀皆先事,證無不 有司準式,

衛王佖,肅宗第四子。天寶中,封西平郡王,授殿中監同正員。 早薨。 寶應元年五月,

追贈衞王。

彭王。乾元二年多,史思明再陷河洛,關東用兵,人情震懼,羣臣請以親王遙統兵柄。 三年 彭王僅,肅宗第五子。 天寶中,封新城郡王,授鴻臚卿同正員。 至德二年十二月,進封

### 四月韶日:

**潢毓慶,璿萼分輝,**忠孝稟於天成,文武稱其備用。今三秦之地,萬國來庭,誠宜列皇 於用武;又維城作翰,道方弘於建親。咨爾分闆之崇,成予磐石之固。彭王僅等, 革猶虞。賴文武蓋臣,協心同德,庶克淸於玄禮,期永保於皇圖。 且授鉞分符,義已先 命六官,亦樹犬牙之制。歷考前載,率由舊章。股以薄德,纘承鴻緒,屬豺狼未殄, 充北庭節度大使,涇王侹可充隴右節度大使,杞王倕可充陝西節度大使,興王侶可充 子以建封,崇懿藩而制勝,是資固本,委以臨戎。彭王僅可充河西節度大使,兗王僴 古之哲王,宅中御字,莫不內封子弟,外建藩維。故周稱百代,抑聞麟趾之美,漢 銀 金 口

僅,是歲薨、

鳳翔節

度

大使。

子鎭,授太僕卿同正員,封常山郡王。

和公主。 郡王,授太子詹事 克王僴, 肅宗第六子。母韋妃, 刑部尚書堅之妹。 肅宗在東宮, 選爲太子妃, 生僴及永 堅後爲李林甫誣構被誅,太子懼,奏請與妃離異,於別宮安置。僴,天寶中封潁川 同正 員。 至德二年十二月,進封克王。 乾元三年, 領北庭節度大使。

列傳第六十六 肅宗代宗諸子

應元年薨

涇王侹,肅宗第七子。 天寶中,封東陽郡王,授光祿卿同正員。 至德二載十二月,進封

乾元 三年,領隴右節度大使。 興元元年薨。

鄭王榮,肅宗第八子。

天寶中,封靈昌郡王。早世。 寶應元年五月,追贈耶王。

襄王債 ,肅宗第九子。 至德二載十二月,封襄王。貞元七年正月薨。

起王 一種,肅宗第十子。 母段婕妤,貞元六年六月贈爲昭儀。 倕, 至德二載封, 貞元十四

年薨。

召王偲,肅宗第十一子。 至德二載十二月封,元和元年薨。

|恭懿太子侶,肅宗第十二子。 至德二載封興王。上元元年六月薨。 伯,皇后張氏所生,

上尤鍾愛。 后屢危太子,欲以興王爲儲貳,會薨而止。七月丁亥,詔曰:

聰明。 時,而資敬益彰,穎晤逾爽。愛親之戀,言不間於斯須;告訣之辭,事先符於夢寐。 之贈,永懷軫念,有惻彝章。 厚禮所以飾終,易名所以表行。 河間聚書,幼聞樂善之旨;延陵聽樂,早得知音之妙。 第十二子故興王侶,毓慶璿源,分華若木,天資純孝,神假 況情鍾天屬,寵及褒封,載疇加等之美,式備元儲 頃以暫嬰沉瘵,殆積 顧 旬

**瑤英始茂,遽摧於當春;隙駟俄遷,忽沉於厚夜。興言痛悼,閔惜良深。宜賁寵於靑宮,** 惟至性,實切深哀。將胙土析珪,載崇藩翰,聞詩對易,爰就琢磨。方冀成立,豈期夭喪。 俾哀榮於玄穸。可贈太子,諡曰恭懿。應緣喪葬,所司準式,仍令京兆尹劉晏充監護使。

韶宰臣李揆持節册命。十一月,葬于高陽原。 其哀册曰:

永傷。考諡惟古,褒崇有式。爰韶史司,恭宜懿德。其辭曰: 位,嚴塗獨以成列。皇帝哀玉林之閟景,憫璿萼之罹霜(13),瞻龍綍而增思,懷雁池而 恭懿。冬十一月庚寅、韶葬于長安之高陽原、禮也。燕隧開封、龍輼進轍、陳祖載而就 節度觀察大使興王侶,薨于中京內邸,殯于寢之西階。 粤八月丁亥,册贈皇太子,廟號 維上元元年,太歲庚子,六月己未朔,二十六日甲申,皇第十二子持節鳳翔等四州

賢王。驪源孕彩,日幹騰芳,深仁廣孝,蘊藝含章。秀發童年,惠彰齔齒,蹈禮知方,承尊 觀 歷 叶旨。對 1樂表音。近經在口,六律諧心,才優藝洽,絕古超今。蛇豕猶梗,寰區未义。滌慮祈眞, 險艱。 壇受帥。玉質金聲,文經武緯,樂善爲寶,崇儒是貴。濬哲外朗,温文內深,閱書成誦, 惟天祚唐,累葉重光,中興宸景,再紐乾綱。本枝建國,磐石疏疆,克開龍胤,實日 日流辯,占鳳擅美,魯、衞後塵,間、平絕軌,胡孽初構,王師未班,爰從襁褓,載 愛備中掖,名崇懿藩,居常稟訓,動不違顏。禮及佩觿,朝加分器,胙土延渥,

彌曠盈 秦醫莫仗。靈儀窅而上賓,徽音邈其長往。 焚香演偈。食去葷血,心依定惠。庶福邦家,俾淸兇穢。霧露嬰疾,聰明害神,沉痾始遘, 旬。 ,止慮無擾,發言有倫,在膏方亟,問膳逾勤。雲物告徵,星辰變象,楚藥無救, 違舊邸於靑社,卽幽陵於黃壤。嗚呼哀哉!

閟銀棨於泉宮(E)。 悼,貫椒壺而纏悲。 指鶉野而西臨,背鳳城而右出。天慘慘而苦霧,山蒼蒼而曀日。望馳道而長辭,赴幽 塗 而永畢。 魂氣奪兮去何之,精靈存兮孝有思。 嗚呼哀哉!生爲寵王兮宸愛所鍾,歿追上嗣兮朝典斯崇。升玉笙於洞府, 金石誰固,人生有終,簡册攸記兮德音無窮。 敢直詞於篆美,庶永 旌遺芳於碣館,賁新命於儲闈。嗚呼哀哉!先遠戒候,占龜獻吉。 念君親之永隔,託夢寐而來辭。 延桂宮而震

代而成風。嗚呼哀哉!

念過深,故特以儲闈之贈寵之。 们 売 時 年 八 歳。 既薨之夕,肅宗、張后俱夢侶有如平昔,拜辭流涕而去。 上疾累月方平。 帝方寢疾,追

定王侗、肅宗第十三子。 亦張后所生,侶之母弟。 至德二載,封定王。寶應初薨,時年

甚幼。

宋王僖,肅宗第十四子。 初封准陽王,早夭,追封宋王。

代宗皇帝二十子:睿眞皇后沈氏生德宗皇帝,崔妃生昭靖太子,獨孤皇后生韓王迥;

餘十七王、舊史不載母氏所出。

昭靖太子邈,代宗第二子。 寶應元年(名),封鄭王。大曆初,代皇太子爲天下兵馬元

帥。 王好讀書,以儒行聞。 大曆九年薨,廢朝三日,由是罷元帥之職。 上惜其才早夭,册贈

昭靖太子,葬於萬年縣界。

均王遐,代宗第三子。早夭,貞元八年追封。

睦王述,代宗第四子。 大曆九年冬,田承嗣謀亂河朔,時鄭王居長,典兵師,不幸薨落,

諸王皆幼,多未封建。 大臣奏議請封親王,分領戎師,以威天下。 十年二月,詔曰:

之紀綱,爲中都之屏翰。然則旌鉞之寄,推擇攸難,因親之任,各膺其命。 虞、夏之制,諸子疏封; 漢、魏以還,十連授律。 是用錫珪班瑞,盤石開疆,信通邑 第四子述、

第五子逾、第六子連、第七子迥、第八子遘、第十三子造、第十四子暹、第十五子運、第

列傳第六十六 庸宗代宗諸子

雅王:仍並可封開府儀同三司。 度觀察處置等大使;遘可封鄜王;造可封忻王,充昭義軍節度觀察處置等大使;暹 朝典,維城之固,爾其懋哉。述可封睦王,充嶺南節度支度營田、五府經略觀察處置等 賦,繕分閫之謀,克勤公家,允輔王室。今則均茅社之寵,盛槐庭之儀,授鉞登車,嗣茲 誠,温良孝恭,形於進對,動皆合義,居必有常。 可以理衆靖人,撫封宣化,而總列城之 十六子遇、第十七子遹、第十八子通、第十九子逵、第二十子逸等,並敏茂純懿,稟於衷 可封韶王,運可封嘉王,遇可封端王,遹可封循王,通可封恭王,逵可封原王,逸可封 大使;逾可封郴王,充渭北鄜、坊等州節度大使;連可封恩王;韓王迥可汴、宋等節

沈太后、韶以睦王爲奉迎太后使,以工部尚書喬琳副之。貞元七年薨。 是時,皇子勝衣者盡加王爵,不出閣。德宗朝,述爲諸王之長。時分命中使周行天下,求訪

丹王逾,代宗第五子。 大曆十年,封郴王,領渭北鄜坊節度大使。 建中四年, 改丹王。

元和十五年薨。

韓王迥,代宗第七子。 恩王連,代宗第六子。 以母寵,既生而受封,雖沖幼,恩在鄭王之亞。寶應元年,封韓 大曆十年封,元和十二年薨。

貞元 十二年薨,時年四十七

一遘,代宗第八子。 大曆十年, 封鄜王 ,建中四年,改封簡王。 元和四年薨。

迺 八代宗第九子。 大曆四年封。

隋王迅,代宗第十子。 大曆十年封,興元元年薨。

建中二年正月,追封荆王 ,贈開府儀同三

蜀王 | 遡,代宗第十二子。 大曆十四年封。本名遂、建中二年改今名。

韶王 暹, 代宗 十四子。 大曆十年封,貞元 大曆十年封,仍領昭義軍節度觀察大使。 十二年薨。

元和六年薨。

忻王

造,代宗第十三子。

嘉王運 代代宗 十五 子。 大曆 一年封 貞元 十七年薨。

循王 端王遇、代宗 遹 代宗第十七子。 大 曆 + 年 封。

十六子。

大曆

一年封

7,貞元

七年薨。

恭王 通 代宗 第十八子。 磿 十年封。

原王逵 王逸 ,代宗第二十子。 ,代宗第十九子。 大曆 曆 十年封,貞元十五年薨。 十年封, 大和六年薨。

列

傳

第

六 +

六

痲 宗

代

之運,收忠義之心,忍行愛子之刑,終宥姦閹之罪,大雅君子,爲之痛心。 於義斷,毀譽遽逐於情移。雖申生孝己之仁,卒不能迴君父之愛,悲哉!孝宜皇帝當屯剝 史臣曰:豔妻破國,孽子敗宗。前代英傑之君,率不免於斯累者,何也?良以愛惡不由 張后卒以凶終,固

其宜矣。

良堪太息。

贊曰:牀簣之愛,人情易惑。以義制情,哲王令德。李侯悟主,韻諧金石。 褒諡建寧,

#### 校勘記

- (二)趙王係 「趙」字各本原作「越」,按彼時係猶未封越王,而爲趙王,今據唐大韶令集卷三六改。
- (三)上尤憐之 「上」字冊府卷二九一作「太子」,是時肅宗未卽位,當以「太子」於意較治。
- (三) 天后所生四子 「四子」,各本原作「三子」,據御覽卷一四九、通鑑卷二二〇改。
- 憫璿萼之罹霜 「罹」字局本作「搉」,餘各本均作「惟」,據英華卷八三九、唐大韶令集卷三二改。
- 至 關銀棨於泉宮 「閱」字各本原作「閱」,據英華卷八三九改。
- **3** 寶應元年 「寶應」,各本原作「寶曆」,據新書卷八二十一宗諸子傳改。

## 舊唐 書卷一百一十七

## 列傳第六十七

嚴武 郭英义 崔寧 弟寬 從孫蠡 **蟸子莞** 從孫黯 嚴震 嚴礪

事中。 而已。 京師,頗自矜大。 大收才傑,武杖節赴行在。宰相房琯以武名臣之子,素重之,及是,首薦才略可稱,累遷給 嚴武,中書侍郎挺之子也。 既收長安,以武爲京兆少尹、兼御史中丞,時年三十二。以史思明阻兵不之官,優游 弱冠以門蔭策名,隴右節度使哥舒翰奏充判官,遷侍御史。 出爲綿州 刺史,遷劍南東川節度使,入爲太子賓客、兼御史中丞。 神氣雋爽,敏於聞見。幼有成人之風,讀書不究精義,涉獵 至德初,肅宗興師靖難

遷黃門侍郎。 遷京兆尹、兼御史大夫。二聖山陵,以武爲橋道使。 上皇誥以劍兩川合爲一道,拜武成都尹、兼御史大夫,充劍南節度使; 與宰臣元載深相結託,冀其引在同列。 無何,罷兼御史大夫,改吏部侍郎,喜 事未行, 求爲方面, 復拜成都尹 入爲太子賓客,

三三九五

列

傳第

六

+

七

殿武

郭

英乂

書,封鄭國公。

劍南節度等使。 廣德二 一年,破吐蕃七萬餘衆,拔當狗城。 十月,取鹽川城, 加檢校吏部尚

禮,甚爲時議所貶。 **圖方閭里以徵斂殆至匱竭,然蕃虜亦不敢犯境。** 都杖殺之口,由是威震一方。 前後在圖累年,肆志逞欲,恣行猛政。 初爲劍南節度使,舊相房琯出爲管內刺史,琯於武有薦導之恩,武驕倨,見琯略無朝 永泰元年四月,以疾終,時年四十。 蜀土頗饒珍產,武窮極奢靡,賞賜無度,或由一言賞至百萬。 梓州刺史章彝初爲武判官,及是小不副意,赴成 而性本狂蕩, 視事 多率胸臆, 雖慈母言不

隴右 河 雕間,以軍功累遷諸衞 節 郭英义,先朝隴右節度使、左羽林軍將軍知運之季子也。 度使、兼御史中丞。旣收二京,徵還闕下,掌禁兵。 員外將軍。 至德初,肅宗興師朔野, 遷羽林軍大將軍, 英义以將門子特見任用, 少以父業,習 加特進。 知武藝,策名 以家 遷

**御**史大夫, 棄神策軍節度。 朝 廷方討史思明,選任 將帥,乃起英义爲陝州刺史, 代宗即位,加檢校戶部尚書、兼御史大夫。元帥雍王自陝統諸 充陝西節度、潼關防禦等使, 尋加

艱去

百戶 軍 下兵 討 、 徴 賊洛陽,留英乂在陝爲後殿。 與朔方、 拜尙書右僕射, 迴紇之衆大掠都城 封定襄郡王。 ,延及鄭、汝等州, 東都平,以英乂權爲東都留守。 恃富而驕,於京城創起甲第 比 屋蕩盡。 廣德元年, ,窮極奢靡。 既至東都,不能禁暴 策勳加實封 與宰臣元載 縱

交結,以久其權

霏 不憤 度使 無所 以。 屢 抑之。 裝 怒 飾 忌 句 英义奔於簡州 會劍南節度使嚴武卒,載以英义代之,兼成都尹,充劍南節度使。旣至成都,肆行不軌 憚。 至 以 日 肝因蜀人之怨, 皆先 軍 費數萬,以爲笑樂。 玄宗幸蜀時舊宮,置爲道 政 (苛酷,無敢發言。 拜 m 普州 後 視事。英义以觀 刺史韓澄斬英义首以送旰,丼屠其妻子焉 白西 Ш 未嘗問 率壓下五千餘衆襲成都,英乂出軍拒之,其衆皆叛,反攻英 又頗 士觀,內有玄宗鑄金眞容及乘興侍衞圖畫。 百 、恣狂蕩,聚女人騎驢擊毬, 地形勝, 姓間 事 乃入居之,其眞容圖畫,悉遭毀壞。 ,人頗怨之。 又以西山兵馬使崔旰得衆心, 製鈿驢鞍及諸服用,皆侈 見者無 節

調,遂客遊 崔 寧,衞州人,本名旰。 劍南 從軍 爲 步 卒 雖 儒家子,喜 事 鮮于仲通 縱 横之術。 又隨李宓討雲南 衞州 刺史茹璋授旰符離令,旣罷,久不 肝 歸 成 都。 行軍司

馬崔論 將遣使 推按, 見町 **屽部下截耳稱冤**, 悦其狀貌, 又以其宗姓厚遇, 中使奏之。 薦爲衙將。 **町亦赴京師,授司戈,** 歷事崔圓、 裴冕。 歷司階、折衝郎將軍等 晃遭流謗, 朝廷

官。

之。 誠奇錦珍貝,價兼百金,獻誠大悅。 是知名。 叶曰:「節度使張獻誠 寶應初,蜀中亂,山賊擁絕縣道,代宗憂之。嚴武薦旰爲利州刺史,旣至,山賊遁散,由 嚴武爲劍南節度 見忌,且又好利,誠能重路之,旰可以從大夫矣。」武至劍南,遺獻 ,赴鎭過利州,心欲辟旰爲部將, 武乃遺獻誠書求肝,獻誠然之,令旰移疾去郡。肝乃之 以利非屬部,屽難輒去,俾旰籌

劍南,武奏爲漢州刺史。

諜知之以告。 士卒,皆願致死命。 曰:「崔旰,神兵也。」將更前進,以糧盡還師。 久之, 吐蕃與諸雜羌戎寇陷西山柘、靜等州, **町晝夜穿地道攻之,再宿而拔其城。** 始次賊城,周圍皆石礫, 攻具無所設。 武大悅,裝七寶輿迎旰入成都,以誇士衆,賞 韶嚴武收復。 因拓地數百里,下城寨數四。 唯東 南隅環丈之地, 壤土可穴, 武遣旰統兵西山,旰善撫 番衆相語

**贄**過厚。

郭嘉琳爲都虞候,皆請英幹兄英乂爲節度使。 永 泰 元 年五月,嚴武卒,杜濟爲西川行軍 司馬,權 **町時為西山都知兵馬使,與軍衆共請大將王** 知軍府事。 時郭英幹爲都 知兵馬使,

都 備 崇俊 者數百人,衆心 ,通其妾媵 誣 爲節度使。 殺 未赴 王 一崇俊 成 都。 離 叉 肝知之,轉 叛 召旰 奏倶至 英义 町 遂出 還成 怒,出兵 京 入深山 師 都 兵拒 會朝廷已除英义, 英乂減 聲 敵,英乂與之接戰,英乂 英义 言 助 自 肝 將 率 健 討 師 糧賜,人心怨 吐 攻 蕃 肝 其 FF 使因 値 實襲之也。 天 見英乂陳其 怒。 軍 大 大敗而 寒, 肝 雪深數尺, 町家 在 ::: 還, 西 在 山 收餘兵纔 漢 聞 英乂 之, 州 英义 英 大恐 至成 土 乂遷之 馬 乃 凍 成 歸

成都

,將卒因

多逃散

之? 爲道 軍,與旰 英乂單騎 乃移去眞容自居之。 觀 初 乃 , 天寶 戦。 率兵攻 兼寫 奔簡州 中, 茂琳等軍 玄宗眞容, 成 劍南節 爲普州 都。 累敗,軍人多投旰。 英乂 度使鮮于仲 置之正室。 刺 **叶**聞之, 史韓澄 出兵於城 謂將士 所 通 殺。 英义因 西門, 嘗 建一 曰:「英乂反矣 時邛、劍 町令降將統兵 令柏茂琳爲前軍 入觀行香 使院 所 院宇 在 起 悅其 甚 與英义 兵 不然, 華 和攻 竹樹 , 麗。 郭英幹為 (轉戰) 劍南 何得除毁玄宗眞 , 及玄宗幸蜀, **逐奏**請 ,大敗之。 大 左 亂 以他 軍 郭嘉 通 嘗居之, 兵至子 〈容而 舊院爲 琳 爲後 自 城 居 軍 因

牒述 道 副 元 泳 泰 帥 過失,言町 二年二月,乃以 劍南 西 有方略; Ш 節 黄門侍 度 使。 |叶腹心攝諸州刺史者皆奏正之, 令||下及將校不疑怨。 郎平章事 鴻漸 出 [駱谷 杜 鴻 有謀 漸 兼 《者曰:「 成 都 尹 相公駐車 山 南 西道 閬 劍 州 南 東 遙制 川 西 劍 川 南 然後與 邛 數 南 移

列

必束 東川 鴻漸貪其利, 身歸 節度使張 朝。 **遂至成都**, 獻誠及諸賊帥合議,數出兵攻旰。 此上策也。」 日與判官杜亞、楊炎將吏等高會縱觀,軍州政事悉委旰,仍連表 鴻漸畏懦,計疑未決。會旰使至, 旣數道連兵,未經一年,兵勢減耗,旰窮, 卑辭厚禮,爰緝錦數千匹。

西山 聞 強,肆侈窮慾,將吏妻妾,多爲所淫污,朝廷患之而不能詰。 恃地險人富,乃厚斂財貨,結權貴,令弟寬留京師。元載及諸子有所欲, 歷御史知雜事 防禦使、 先時,張獻誠數與旰戰,獻誠屢敗,旌節皆爲旰所奪。 大曆十四年入朝,遷司空、平章事,兼山陵使,尋代喬琳爲御史大夫、平章事。 西川節度行軍司馬,仍賜名曰寧。 御史中丞。寬兄審亦任郎中、諫議大夫、給事中。 大曆二年,鴻漸歸朝,遂授寧西川節度使。 朝廷因鴻漸之請,加成都尹,兼 累加尙書左僕射。 寧在蜀十餘年, 寬恣與之, 故寬驟 寧以爲 地險兵

寢。 選擇御史當出大夫,不謀及宰相,乃奏請以李衡、于結等數人爲御史。 炎又數讒毀劉晏,寧又救解之。寧旣厚結元載已久,楊炎又出自載門,寧初附炎,炎因 楊炎大怒,其狀遂

此大怒。

維、白垻;一出黎垻、雅,過邛、郟。戎酋誠其衆曰:「吾要蜀川爲東府,凡伎巧之工皆送邏 其年十月,南蠻大下,與吐蕃三道合進:一出茂州,過文川及灌口,一出扶、文, 過方

寧還鎭 娑 策何從? 也; 諸將等夷 自 因 因 小禍 四年 江 是役得置親兵內其腹中,蜀將必不敢動。 ,平歲賦一縑而已。」是蠻之入,連陷郡邑,士庶奔亡山谷。 若有 油 受大 趣 」炎曰:「淸無歸寧。今朱泚所部范陽勁兵,戍在近甸,促令與禁兵雜往,舉無不 白垻,與山南兵合擊,蠻兵敗走。范陽軍 功, 獨 炎懼寧怨己, 今寧來朝,尚有全師守蜀。 福也。」帝曰「善」, 義 因叛亂得位,不敢自有,以恩柔煦育,威令不行。 不可奪。 ·入蜀難制,謂德宗曰:「蜀川天下奧壤,自寧擅置其中,朝廷失其外府 則西川之奧,敗固失之,勝亦非國家所有。 卽 止寧不行。 貨利之厚,適中奉給,貢賦所入,與無地同。 然後換授他帥,以收其權,得千里肥饒之地, 乃發禁兵四千、范陽兵五千,赴援東川。 又擊破於七盤,遂拔新城,戎、蠻大敗。 屬寧在朝,軍中無帥, 今雖歸之, 必無功, 陛下熟察。」帝曰:「卿 始寧與 是徒遣 德宗促 川 凡

爲 邊, 州 靈州 大都督、 但令居 寧途 刺史呂希倩與寧同力招撫党項 王翃爲振武 韶 廊州 單于鎭北大都護 西川 節度使, 雖以寧爲節度, ,李建徽爲鄜州 制授檢校司空、 、朔方節度等使,兼廊坊丹延 每道皆置 ,及戴休顏、杜從政、呂希倩等,皆炎署置也。 歸降者甚多。 同中書門下平章事、御史大夫、京畿觀察使, 一留後, 自得 |炎惡之, 奏事 都團 , 炎悉諷 練觀察使。 因奏希倩 令何寧過犯。 撫綏之功,才堪委 託以 重臣綏靖北 寧巡 杜希 邊 兼

斬馘六千,生擒六百,傷者殆半,饑寒隕於崖谷者八九萬

召歸朝,除右僕射知省事 ,以神武將軍時常春代之。

娜等促之,不敢前。又懼賊兵追及,娜乃大聲而言曰:「已至此,不必顧望。」至奉天,娜具以 之。旣還,俄有中人引寧於幕後,二力士自後縊殺之,時年六十一。初,將誅寧,召至朝堂, 湛作寧遺朱泚書,使寧無以自辯,翊遂獻之。 | 杞因誣奏曰:「崔寧初無葵藿向日之心,聞於 事聞。會朱泚行反間,僞除柳渾宰相,署寧中書令。寧朔方掌書記康湛時爲盩厔尉, 初,涇原兵作亂之夕,寧與翊及御史大夫于頎俱出延平門而西,數下馬便液,每下輒良久。 所親曰:「聖上聰明英邁,從善如轉規,但爲盧杞所惑至此爾。」、杞聞之,潛與王翃圖議陷之。 將夏綏銀節度使韓潭奏請以新加禮部尙書恩制以雪寧之罪。韶從之,任其家收葬。 因俯伏歔欷曰:「臣備位宰相,危不能持,顚不能扶,宜當萬死,伏待斧鉞。」 上命左右扶起 城中與朱泚堅爲盟約,所以後於百辟。今事果驗。 云令江淮宣慰。 尋命翰林學士陸贄草誅寧制;贄求寧與泚書,將以狀生之。 朱泚之亂,上卒迫行幸,百僚諸王鮮有知者。寧後數日自賊中來,上初喜甚。 初 ,寧入朝,留弟寬守成都。瀘州楊子琳乘間以精騎數千突入成都,據城守之。 寧旣得罪,籍沒其家。中外稱其冤,乃赦其家,歸其資產。貞元十二年六月,寧故 。使兇渠外逼,姦臣內謀,則大事去矣。」 。復亂言云,其 寧私謂 寬屢 | 翃逼

戰力屈,子琳威聲頗盛。寧妾任氏魁偉果幹,乃出其家財十萬募勇士,信宿間得千人,設隊

伍將校,手自麾兵,以逼子琳。子琳懼,城內糧盡,乃拔城自潰。子琳素有妖術,其夕致大雨,

引舟至庭除,登之而遁。

擢第。 |寧季弟密,密子鱠,父子皆以文雅稱,歷使府從事。 繪生四子: 蠡、黯、確、顏,皆以進士

憂。 循,雅當整革。其兩京、天下州府,以國忌日爲寺觀設齋焚香,從今已後,並宜停罷。」 異皇王之術,頗乖教義之宗。昨得崔蠡奏論,遂遣討尋本末,禮文令式,曾不該明,習俗因 年,權知禮部貢舉。 遷 戶部郞中,出爲汝州刺史。 而近代以來,歸依釋、老,徵二教以設食,會百辟以行香。將以有助聖靈,冥資福祚。 詔曰:「朕以郊廟之禮,嚴奉祖宗,備物盡誠,庶幾昭格。 恭惟忌日之感,所謂終身之 蠡 字越卿,元和五年擢第,累辟使府。 四年,拜禮部侍郎,轉戶部。 開成初,以司勳郎中徵,尋以本官知制誥。明年,正拜舍人。三 寶曆中,入朝監察御史。 。上疏論國忌日設僧齋,百官行香,事無經 大和初,爲侍御史,三

薨字野夫。 列 傳 第 六 大中二 十七 一年,擢進士第,累官至尙書郞、 崔 窜 腏 食 知制誥。正拜中書舍人、戶部侍郎。

| 蠡尋爲華州刺史、鎭國軍等使,再歷方鎭。 子薨。

民結怨。旣而爲軍人所逐,飢渴甚,投民舍求水,民以溺飮之。初爲軍人所俘,翦其髭髮, |薨自恃淸貴,不恤人之疾苦。百姓訴旱,薨指庭樹曰:「此尙有葉,何旱之有?」 乃答之,吏 觀察使,以器韻自高,不屑細故,權移僕下。時河南寇盜蜂起,王仙芝亂漢南,朝綱不振,而 乾符中,自尙書右丞遷吏部侍郎。」薨美文詞,善談論,而馭事簡率,銓管非所長。 出為陝州

子居敬、居儉。居敬終尚書郎,居儉中興終戶部尚書。

拜而獲免。以失守貶端州司馬,復入爲左散騎常侍,卒。

道吾此意。」黯具條奏以聞。尋遷員外郎。會昌中,為諫議大夫。 行事之日,被衣冠坐以俟旦。比聞主者不虔,祭器勞敝,非事神蠲潔之義。卿宜嚴敕有司, 虔,請敕有司。文宗謂宰臣曰:「宗廟之事,股合親奉其禮,但以千乘萬騎,動費國用,每有司 歸字直卿,大和二年,進士擢第。 開成初,爲青州從事。 入爲監察御史,奏郊廟祭器不

確字岳卿,顏字希卿,位皆至尚書郞。

嚴震,字遐聞,梓州鹽亭人。世爲田家,以財雄於鄉里。至德、乾元已後,震屢出家財

劍黜陟使,薦震 開 道節度使又奏爲鳳州刺史,加侍御史,丁母 又歷試衞尉、太常少卿。 州 以 府儀同三司、兼御史中丞。爲政淸嚴,興利除害,遠近稱美。 助 長 史。 邊軍 及嚴武 授州長史、王府諮議參軍。 理行爲山南第一,特賜上下考,封鄖國公。 移西川 署爲 嚴武卒, 乃罷 押衙,改恆王府司 歸。 東川節度判官章收薦震才用於節度使嚴武,遂授合 憂罷。 東川 馬。 節度使又奏爲渝州 起復本官, 嚴武以宗姓之故,軍府之事多以委之。 在鳳州十四年,能政 仍充興、 建中初,司 刺 鳳兩州 史,以疾免。 勳郎中章楨爲山、 團練使, 不渝 山南 累 加 西

光等。 用誠領兵五千至盩厔已東迎護,上聞之喜。 召君。」用誠惶懼起走, 舍,用誠左右森然。 得慶符,乃請壯丁五人偕行。旣出駱谷,用誠以勛未知其謀,乃以數百騎迎勛,勛與俱之傳 1誠,即不受召,臣當斬其首以復。」上喜曰:「卿何日當至?」 勛剋 慶又遺牙將馬勛奉表迎候,上臨軒召勛與之語,勛對曰: 「臣請計日至山南取節度使符召用 城 ,李懷光頓軍咸陽,又與之連結。 建中三年,代賈耽爲梁州 時李懷光連賊,德宗欲移幸山南。 **勛先聚草發火於驛外,軍士爭附火。** 壯士自背東手而擒之。 刺史、兼御史大夫、山南西道節度觀察等使。 泚令腹心穆庭光、宋瑗等齎白書誘震同叛 **慶既聞順動,遣吏馳表往奉天迎駕,** 既而用誠爲賊所誘,欲謀背逆, 不虞用誠子居後,引刀斫勛,勛左右遽承其 勛乃從容出懷中符示之曰:「 日 時而奏,帝勉勞之。 朝廷憂之。 及朱泚竊據京 震集衆 仍令大將張 大夫 斬庭 勛 會

列

臂,刀下不甚,微傷勛首。 遂格殺其子,而仆用誠於地。 從用誠反逆,有何利也?但滅汝族耳!大夫使我取張用誠,不問汝輩,欲何爲乎?」衆皆聾 即死!」勛即其營,軍士已被甲執兵矣。 勛大言曰:「汝等父母妻子皆在梁州,一朝棄之,欲 賴 日,上頗憂之,及勛至,上喜動顏色。翌日,車駕發奉天,及入駱谷,李懷光遣數百騎來襲, 山南兵擊之而退,興駕無警急之患。尋加震檢校戶部尙書,賜實封二百戶。 於是縛用誠送州,慶杖殺之,拔其副將,使率其衆迎駕。 勛以藥封首馳赴行在 壯士跨其腹,以刃擬其喉曰:「出聲 ,愆約半

梁州 爲事 未決,李晟表至,請車駕駐驆梁、洋,以圖收復,羣議乃止。梁、漢之間,刀耕火耨,民以採稆 畿,李晟方圖收復,藉六軍聲援。如幸西川,則晟未見收復之期也。幸陛下徐思其宜。」議 日 億,武族勤 京城,車駕將還京師,進位檢校尙書左僕射。詔曰:「殷遭罹寇難,播越梁、岷,蒸庶煩於供 ·放選,百姓給復一年。洋州宜升爲望,見任州縣官,考滿減兩選。 爲興元府,官名品制,同京兆、河南府,鄭縣升爲赤,諸縣升爲畿。見任州縣官,考滿 洎六師駐驆,<br />
慶設法勸課,鳩聚財賦,以給行在,民不至煩,供億無闕。<br />
其年六月,收復 ,雖節祭十五郡,而賦額不敵中原三數縣。自安、史之後,多爲山賊剽掠,戶口流散大 三月,德宗至梁州。山南地貧,糧食難給,宰臣議請幸成都府。 於扞衞。凡百執事,各奉厥司,眷于是邦,復我興運,宜加崇大,以示將來。 山南西道將士,並與甄 宜改

稅。」以<u>震爲興元尹,賜實封二百戶。</u>

貞元 貞元元 十五年六月卒,時年七十六,廢朝三日,册贈太保,賻布帛米粟有差。及喪將至,令百 年十一月,德宗親祀昊天上帝于南郊,震入朝陪祭。十一年二月,加同平章事

官以

次赴宅弔哭。

三度表 興元 旣 並見 日, 刺 兼 史、兼監察御史。貞元十五年,嚴震卒,以礪權留府事,兼遺表薦礪才堪委任。七月,超授 諫議、給事、補闕、拾遺並歸門下省共議:礪資歷甚淺,人望素輕,遽領節旄,恐非允當。 礪在位 雑話 拯及孟容言議。」上遣三司使詰之。拯狀云:「實於衆中言曾論奏,不言三度。」繁證之不 尹,兼御史大夫,山南西道節度、支度營田、觀察使。韶下,諫官御史以爲除拜不當。是 孟容等又云:「拯實言兩度。」拯請依衆狀。 論 ,未見聽允。』給事中許孟容曰:『誠如 ,發論喧然。 慶之宗人也。性輕躁,多姦謀,以便佞在軍,歷職至山南東道節度都虞候、興州 1食残, 士民不堪其苦。 拾遺李繁獨奏云:「昨除拜嚴礪,衆以爲不當。諫議大夫苗拯云:『已 素惡鳳州刺 史馬勛, 此,不曠職矣。』」又云:「李元素、陳京、王舒 翌日,貶拯萬州刺史,李繁播州參軍, 誣奏貶賀州司戶。 縱情肆志, 皆此

列傳

第

六 十

七

殹

校勘

記

其贓,以死恕其罪。

三四〇八

類也。 元和四年三月卒。 卒後,御史元稹奉使兩川按察,糾劾礪在任日臟罪數十萬。 韶徴

足稱也,況狂夫乎!英义失政,其死也宜哉。嚴震立功,其道也顯矣。 矣,輔相之才可見矣!」武不稟父風,有違母誨,凡爲人子者,得不戒哉!雖有周、凡之才,不 史臣曰:爵人於朝,與衆共之;刑人於市,與衆棄之。縊崔寧,除嚴礪,時君之政可知

贊曰:英义失政,崔寧發身。 武爲士子,慶作純臣。

#### 校勘記

(1) 赴成都杖殺之 册府卷四四八「赴」上有「召」字。

(三) 邛南等道 「邛南」,各本原作「南邛」,據新書卷六七方鎭表及卷一四四崔寧傳、 通鑑卷二二

四改。

# 舊唐書卷一百一十八

## 列傳第六十八

元載 王昂 李少良 郇謨附 王縉 楊炎 黎幹 劉忠翼附 庾準

累上不升第。 **邠州新平尉**。 適景昇,冒姓元氏。載自幼嗜學,好屬文,性敏惠,博覽子史,尤學道書。 守苗晉卿又引爲判官,遷大理司直。 元載,鳳翔岐山人也,家本寒微。父景昇,任員外官,不理產業,常居岐州。 天寶初,玄宗崇奉道教,下詔求明莊、老、文、列四子之學者。 監察御史章鎰充使監選黔中,引載爲判官,載名稍著,遷大理評事。 家貧,徒步隨鄉賦, 載策入高科,授 載母攜載 東都留

|肅宗嘉之,委以國計,俾充使江、淮,都領漕輓之任,尋加御史中丞。 數月徵入,遷戶部侍 表載爲副,拜祠部員外郎,遷洪州刺史。兩京平,入爲度支郎中。 肅宗卽位,急於軍務,諸道廉使隨才擢用。時載避地江左,蘇州刺史、江東採訪使李希 載智性敏悟,善奏對,

列

傳第

六

十八八

元载

三四〇九

諸宗, 如故。 郎、 屬國柄 度支使丼諸道轉運使。 因是相昵狎。 **詣輔國懇辭京尹,輔國識其意,然之。** 時輔國權傾海內, 既至朝廷,會肅宗寢疾。 舉無違者, 翌日拜藏同中書門下平章事,度支轉運使 會選京尹,輔國乃以載兼京兆尹。 載與倖臣李輔國善,輔國妻元氏,載之 載

以度支轉運使職務繁碎,負荷且重,慮傷名,阻大位,素與劉晏相友善,乃悉以錢穀之務委 侍郎、同中書門下平章事,加集賢殿大學士,修國史。 <u></u>董秀,多與之金帛,委主書卓英倩潛通密旨。以是上有所屬,載必先知之,承意探微,言必 劉晏、裴遵慶同扈從至陝。 之,薦晏自代,載自加營田使。 方任載以政,反罪繇而已。 玄合,上益信任之。 旬日,肅宗晏駕,代宗卽位,輔國勢愈重,稱載於上前。 妻王氏狠戾自專,載出朝謁,縱子伯和等遊于外,上封人顧繇奏之,上 及興駕還宮,遵慶皆罷所任,載恩寵彌 李輔國罷職,又加判天下元帥行軍司馬。 又加 銀青光祿大夫,封許昌縣子。 載能何上意,頗承恩遇,遷中書 盛。 輔國死,載復結內侍 廣德元年,與宰臣

萬慮。 內 朝恩 侍魚朝恩負恃權寵,不與載協,載常憚之。 五年三月,朝恩伏法,度支使第五琦以朝恩黨坐累, 献兼判度支,志氣自若,謂己有 驕横,天下咸怒,上亦知之,及聞載奏, 大曆四年多,乘間密奏朝恩專權 適會於心。 載遂結北軍大將同謀, 不軌,請 以防

來,未有其比 京輦要司,皆排去忠良,引用貪猥。 膏腴別墅,連疆接畛,凡數十所,婢僕曳羅綺一百餘人,恣爲不法,侈僭無度。 室宇宏麗 除惡之功,是非前賢,以爲文武才略,莫己之若。外委胥吏,內聽婦言。城中開南北二甲第, , 冠絕當時。 又於近郊起亭榭,所至之處,帷帳什器,皆於宿設,儲不改供。 士有求進者,不結子弟,則謁主書,貨賄公行,近年以 江、淮方面,

任寄多年,欲全君臣之分,載嘗獨見,上誠之,不悛。 與王縉同列,縉方務聚財,遂睦於載,二人相得甚歡, 日盆縱橫。 代宗盡祭其跡,以載

爲表入事行,潛遣所由吏於河中經營。 以關輔、河東等十州戶稅入奉京師,創置精兵五萬,管在中都,以威四方,辭多開闔。 患。 帝初納之,遺條奏以聞。 初,扈駕自陝還,與縉上表,請以河中府爲中都,秋杪行幸,春首還京,以避審戎侵軼之 自魚朝恩就誅,志頗盈滿,遂抗表請建中都,文多不載。

甘,舊壘存焉。 **境極于潘源,吐蕃防戍在摧沙堡,而原州界其間。原州當西塞之口,接隴山之固,草肥水** 而 涇州散地,不足爲守。」載嘗爲西州刺史,知河西、隴右之要害,指畫於上前曰:「今國家西 節度寄理於涇州印。大曆八年,蕃戎入邠寧之後,朝議以爲三輔已西,無襟帶之固, 吐蕃比毁其垣墉,棄之不居。其西則監牧故地,皆有長濠巨塹,重複深固。

列

六十八

移子儀大軍居一次,以爲根本,分兵守石門、木峽、隴山之關。北抵于河,皆連山峻嶺,寇不可 築之,貯栗一年。戎人夏牧多在青海,羽書覆至,已逾月矣。今運築並作,不二旬可畢。 書生言,舉國從之,聽誤矣。」上遲疑不決,會載得罪乃止。 徒庸,車乘畚锸之器皆具。檢校左僕射田神功沮之曰:「夫興師料敵,老將所難。陛下信一 是謂斷西戎之脛,朝廷可高枕矣。」兼圖其地形以獻。|載密使人踰隴山,入原州,量井泉,計 越。稍置鳴沙縣、豐安軍爲之羽翼,北帶靈武五城爲之形勢。然後舉隴右之地以至安西, 雖早霜,黍稷不藝,而有平凉附其東,獨耕一縣,可以足食。 請移京西軍戍原州,乘間

庭之內,非其黨與不接,平素交友,涉於道義者悉疏棄之。 |載醜跡聞,| 載知之,奏於上前,少良等數人悉斃於公府。 由是道路以目,不敢議職之短。門 檢勘,從之。時功狀奏擬,結衡多謬,載欲權歸於已,慮有司駁正。會有上封人李少良密以 初,六年,載條奏應緣別敕授文武六品以下,敕出後望令吏部、兵部便附甲團奏,不得

情行、李待榮及載男仲武、季能並收禁,命吏部尚書劉晏訊翰。晏以載受任樹黨,布于天 下,不敢專斷,請他官共事。敕御史大夫李涵、右散騎常侍蕭昕、兵部侍郎袁傪、禮部侍郎常 下後,上御延英殿,命左金吾大將軍吳湊收載、縉于政事堂,各留繫本所,并中書主事卓英 代宗寬仁明恕,審其所由,凡累年,載長惡不悛,衆怒上聞。大曆十二年三月庚辰,仗

滋遠,釁惡貫盈。將肅政於朝班,俾申明於憲網,宜賜自盡。 謬,罔不由茲。 害,暴子侵牟,曾不隄防,恣其凌虐。 常以罔上面欺。 邪,懸於帝典;獎善懲惡,急於時政。 未彰,遺闕斯衆,致茲刑辟,憫愧良深。僶俛行之,務申沮勸,凡在中外,悉殷懷焉, 元載,性頗姦回,跡非正直。 諫議 是日,宦官左衞將軍、知內侍省事董秀與載同惡,先載於禁中杖殺之。敕曰:「任直去 大夫杜亞同推究其狀。 頃以君臣之間,重於去就,冀其遷善,掩而不言。 陰託妖巫,夜行解禱,用圖非望,庶逭典章。 寵待踰分,早踐鈞衡。 辯罪問端,皆出自禁中,仍遣中使詰以陰事, 行僻辭矯,心狠貌恭,使沈抑之流,無因自達, 和鼎之寄,匪易其人。 亮弼之功, 中書侍郎、同中書門下平章事 **股涉道猶淺**,知人不明, 納受贓私,貿鬻官秩。 。曾無悔非,彌益凶 未能經邦成務; 挾邪之志, 載、縉皆伏 戾,年序 賞罰差 凶 理績 妻忍

史,宜 臣 容,矜以耋及,未忍加刑。 無曠厥官,各愼 ,豈得不覆奏 又制曰:「門下侍郎、同中書門下平章事王縉,附會姦邪,阿諛讒佞。 據茲犯狀, 罪至難 卽 赴任。 於戲!朕恭己南面,推誠股肱,數求哲人,將弼予理。昧於任使,過在股躬, 厥職。」初,晏等承旨,縉亦處極法,晏謂涵曰:「重刑再覆,國之常典,況誅大 又法有首從,二人同刑,亦宜重取進止。」涵等咸聽命。 俾申屈法之恩,貸以岳牧之秩。可使持節括州諸軍事 及晏等覆奏,上乃 ,守括州刺

减

縉罪從

氏,開元中河西節度使忠嗣之女也,素以兇戾聞,恣其子伯和等爲虐。 伯和恃父威勢,唯以 部員外郎,次子季能,祕書省校書郎,幷載妻王氏並賜死。 載長子伯和 ,先是貶在揚州兵曹參軍,載得罪,命中使馳傳於揚州賜死。次子仲武 女資敬寺尼眞一,收入掖庭。

聚斂財貨,徵求音樂爲事

兩分賜中書門下御史臺五品已上、尚書省四品已上。 墓,動棺棄柩,及私廟木主;幷載大寧里、安仁里二宅,充修百司廨宇。 室,倡優偎褻之戲,天倫同觀,略無愧恥。及得罪,行路無嗟惜者。 肆 其 志。 李待榮及陰陽人李季連,以載之故,皆處極法。 載 在相位多年,權傾四海,外方珍異,皆集其門〔三〕,資貨不可勝計,故伯和、仲武等得 輕浮之士,奔其門者,如恐不及。名姝、異樂,禁中無者有之。兄弟各貯妓妾于 遣中官於萬年縣界黃臺鄉毀載祖及父母墳 中使董秀、主書卓英倩、 以載籍沒鍾乳五

五年 **踩**等拒昂,乞留伯玉,詔許之。 昂復檢校刑部尙書,知省事。 六月,爲江陵尹、兼御史大夫,充荆南節度觀察使,代衞 永泰元年正月,檢校刑部尚書知省事,改殿中少監。 王昂者,出自戎族,以軍功累遷河中尹,充河中節度使。 元載秉政,與載深相結託。 伯玉。 專事奢靡,廣修第宅,多畜妓 貪縱不法,務於聚斂,以貨藩 昂旣行, 伯玉 諷 大將楊

公廨園菜,收其錢以潤屋,甚爲時論所醜。 妾,以逞其志。在刑部,雖公務有程,昂耽徇私宴,連日不視曹事。性貪吝,無愧苟得,乃鬻 元載誅,貶連州刺史,遣中使監至萬州,過硤江,

墜江而卒。

及于累。 良微旨,漏於載所親,遂達於載。載密召珽問之,珽具白其狀及禁中語。 泄禁中奏議,制使陸延同伏罪。初,革頌及珽俱與少良友善,與載子弟親黨款狎。 之,乃奏少良狂妄,詔下御史臺訊鞫。是時御史大夫缺,載以張延賞爲之,屬意焉。 留少良於禁內客省,少良友人韋頌因至禁門訪少良,少良漏其言,頌不愼密,遂爲載備 政,所居第宅崇侈,子弟縱橫,貨賄公行,士庶咸嫉之。 上大怒,並付京兆府決殺。 李少良者,以吏用,早從使幕,因職遷殿中侍御史。 ` **英**,國子司業善經之子也,少傳父業,頗通經史,性浮躁而疏,故 少良怨不見用,乘衆怒以抗疏上聞。 罷,遊京師,干謁權貴。 載得之,奏于上前, 時元載專 頌得少 少良以 知

哭於東市。人問其故,對曰:「有三十字請獻於上。 京兆府以聞。 大曆中,元載弄權自恣,人皆惡之。八年七月,晉州男子郇謨以麻辮髮,持竹筐及葦蓆 上卽召見,賜衣,館於禁內客省。其獻三十字,各論一事。其要者:「團」字、 若無堪, 便以竹筐貯屍, 棄之于野。」

列

傳第

六十八

元

王

於賦手,中外共怒,當時歸咎於賦,故少良封事於前,郇謨哭市於後。凡百有位,宜爲明誠。 哭市,護不聞奏,上以爲蔽匿,貶連州桂陽縣丞員外置。 元載當承寵得志,每改張朝政,出 「監」字。 團者、 請罷諸州團練使;監者,請罷諸道監軍使。殿中御史楊護職居左巡,郇謨

先,加憲部侍郎,兼本官。時兄維陷賊,受僞署,賊平,維付吏議,縉請以已官贖維之罪,特爲 累授侍御史、武部員外。 王 | 縉字夏卿,河中人也。 豫山之亂,選爲太原少尹,與李光弼同守太原,功效謀略,衆所推 少好學,與兄維早以文翰著名。縉連應草澤及文辭淸麗舉,

文,時稱爲工。改兵部侍郎。 減等。 之,加上柱國,兼東都留守。 · 爾薨於徐州,以縉爲侍中、持節都統河南、淮西、山南東道諸節度行營事。 廣德二年,拜黃門侍郎、同平章事、太微宮使、弘文崇賢館大學士。 三年,幽州節度使李懷仙死,以縉領幽州、盧龍節度。 曆專入拜國子祭酒,改<u>鳳翔</u>尹、秦隴州防禦使,歷工部侍郎、左散騎常侍。 撰玄宗哀册 歲餘,遷河南副元帥,請減軍資錢四十萬貫修東都殿宇。 屬平珍史朝義,河朔未安,韶縉以本官河北宜慰,奉使稱旨。 縉赴鎭而還,委政於燕將朱希彩。 其年,河南副元帥李光 縉懇讓侍中,從

帥、東都留守,從之。太原舊將王無縱、張奉璋等恃功,且以縉儒者易之,每事多違約束。 屬 河東節度辛雲京卒,遂兼太原尹、北都留守、河東節度營田觀察等使。 **縉又護河南副元** 

朝悉召斬之,將校股慄。

者,戎州人也,數論事,載甚病之,而力不能去也。幹嘗白事於曆, 縉曰:「尹, 南方君子也, 然恃才與老,多所傲忽。 一歲,罷河東歸朝,授門下侍郎、中書門下平章事。時元載用事,縉卑附之,不敢與忤, 而侮人,率如此類 載所不悅,心雖希載旨,然以言辭凌詬,無所忌憚。時京兆尹黎幹

安知朝禮

」其慢

行 嘗 令羣僧 诗,諷令施財,助已修繕。 里 禁中, 念誦,謂之內道場。 問以福業報應事 第爲寺, |縉弟兄奉佛,不茹葷血, |縉晚年尤甚。 講誦仁王經,以攘虜寇。 雖 勢移公卿,爭權擅威, 有贓姦畜 爲之追福,奏其額曰寶應,度僧三十人住持。 ,載等因而啓奏,代宗由是奉之過當,當令僧百餘人於宮中陳設佛像,經 亂 敗 其飮膳之厚,窮極珍異,出入乘廏馬,度支具廩給。 戮 初, 相繼 代宗喜祠祀,未甚重佛,而元載、杜鴻漸與縉喜飯僧徒。 日 相凌奪。 苟幸其退,則橫 ,而代宗信心不易,乃詔天下官吏不得箠曳僧尼。 凡京畿之豐田美利 與杜鴻漸捨財造寺無限極。妻李氏卒,捨道政 加錫賜。 胡僧 每節度觀察使入朝,必延至寶 不空,官至 多歸於寺觀, 吏不 卿監,封 每西蕃 能制。 國公, 通 入寇,必 又見縉 代宗

等施 死;西戎犯闕,未擊而退。此皆非人事之明徵也。 力已定,雖小有患難,不足道也。故祿山、思明毒亂方熾,而皆有子禍;僕固懷恩將亂而 人事棄而不修,故大曆刑政,日以陵遲,有由然也。 財立寺,窮極瓌麗,每對揚啓沃,必以業果爲證。以爲國家慶祚靈長,皆福報所資,業 帝信之愈甚。公卿大臣旣挂以業報,則

牒,令臺山僧數十人分行郡縣,聚徒講說,以求貨利。代宗七月望日於內道場造盂蘭盆,飾 歲以爲常,而識者嗤其不典,其傷敎之源始於縉也。 以金翠,所費百萬。又設高祖已下七聖神座,備幡節、龍傘、衣裳之制,各書尊號于幡上以 識之,舁出內,陳於寺觀。是日,排儀仗,百僚序立於光順門以俟之,幡花鼓舞,迎呼道路。 五臺山有金閣寺,鑄銅爲瓦,塗金於上,照耀山谷,計錢巨億萬。 曆爲宰相,給中書符

納財賄,貪猥之跡如市賈焉。元載得罪,縉連坐貶括州刺史,移處州刺史。大曆十四年,除 太子賓客、留司東都。建中二年十二月卒、年八十二。 李氏,初爲左丞韋濟妻,濟卒,奔縉。縉嬖之,冒稱爲妻,實妾也。 又縱弟妹女尼等廣

議大夫,棄官就養,亦以孝行禎祥,表其門閭。 被害,褒贈全節侯。 祖哲,以孝行有異,旌其門閭。父播,登進士第,隱居不仕,玄宗徵爲諫 肅宗就加散騎常侍,賜號玄靖先生,

幾死。 人,與常滾並掌綸誥,滾長於除書,炎善爲德音,自開元已來,言詔制之美者,時稱常、 樹六闕,古未有也。服闋久之,起爲司勳員外郎,改兵部,轉禮部郎中、知制誥。遷中書舍 職就養岐下。丁憂,廬於墓前,號泣不絕聲,有紫芝白雀之祥,又表其門閭。孝著三代,門 記。 炎美鬚眉,風骨峻峙,文藻雄麗,汧、隴之間,號爲小楊山人。 神烏令李大簡嘗因醉辱炎,至是與炎同幕,率左右反接之,鐵棒撾之二百,流血被地, 節度使呂崇賁愛其才,不之責。後副元帥李光弼奏爲判官,不應,徵拜起居舍人,辭 釋褐,辟河西節度掌書

道州 禮部 夫、門下侍 司馬。 郎中劉單,單卒,引吏部侍郎薛邕;邕貶,又引炎。 侍郎,修國史。元載自作相,常選擢朝士有文學才望者一人厚遇之,將以代已。初,引 |炎樂賢下士,以汲引爲已任,人士歸之。 嘗爲李楷洛碑,辭甚工,文士莫不成誦之。 遷 郎、同 **德宗卽位,議** 平章 用宰相,崔祐甫薦炎有文學器用,上亦自聞其名,拜銀青光祿大 淡有風儀,博以文學,早負時稱,天下翕然,望爲賢相 載親重炎,無與爲比。載敗,坐貶

列

入大盈 相轄 有司 聞。」炎以片言移人主意,議者以爲難,中外稱之。 日:「凡財賦皆歸左藏庫,一用舊式,每歲於數中量進三五十萬入大盈,而度支先以其全數 無以計天下利害。 則天下動搖。先朝權制,中人領其職,以五尺宦豎操邦之本, 之喉命,天下理亂輕重皆由焉。 皆奉給 司不得窺其多少,國用不能計其嬴縮,殆二十年矣。中官以冗名持簿書,領其事者三百人, ,無失遺。及第五琦爲度支、鹽鐵使,京師多豪將,求取無節, ,度宮中經費 杒 其間,連結根固不 內庫,以中人主之意,天子以取給爲便,故不復出。是以天下公賦,爲人君私藏,有 國家舊制,天下財賦皆納於左藏庫,而太府四時以數聞, 一歲幾何,量數奉入,不敢虧用。 臣愚待罪宰輔,陛下至德,惟人是恤,參校蠹弊,無斯之甚。 可動。及淡作相,頓首於上前,論之曰:「夫財賦,邦國之大本,生人 是以前代歷選重臣主之,猶懼不集, 如此,然後可以議政。 豐儉盈 琦不能禁,乃悉以租賦進 尚書比部覆其出入,上下 `往往覆敗,大計一失, 虚,雖大臣不得知, 惟陛下祭焉。」韶 請出之以歸 則

玄宗方事夷狄,戍者多死不返,邊將怙寵而諱,不以死申,故其貫籍之名不除。 書,人戶蹇溢,隄防不禁。 户 部 定令式,國家有租 徒以空文總其故書,蓋得非當時之實。 賦庸調之法。 口 轉死,非舊名矣; 開元中,玄宗修道德,以寬仁爲理本,故不爲版籍之 舊制、 田畝移換, 人丁戍邊者, 非舊額矣; 蠲其租庸, 貧富升降, 六歲 至天寶中, 非舊第 **発歸。** 

其苛,蠶食于人。凡富人多丁者,率爲官爲僧,以色役免;貧人無所入則丁存。故課免於 姦,或公託進獻,私爲贓盜者動萬萬計。河南、山東、荆襄、劍南有重兵處,皆厚自奉養,王 綱目大壞,朝廷不能覆諸使,諸使不能覆諸州,四方貢獻,悉入內庫。 度支、轉運二使;四方征鎮,又自給於節度、都團練使。 賦斂之司數四,而莫相統攝, 兵起,始以兵役,因之饑癘,徵求運輸,百役並作,人戶凋耗,版圖空虛。 之外,積徵其家三十年租庸。天下之人苦而無告,則租庸之法弊久矣。 上,而賦增於下。是以天下殘瘁,蕩爲浮人,鄉居地著者百不四五,如是者殆三十年。 重者不去,新舊仍積,不知其涯。百姓受命而供之,瀝膏血,鬻親愛,旬輸月送無休息。 賦所入無幾。吏職之名,隨人署置;俸給厚薄,由其增損。故科斂之名凡數百,廢者不削, 王鉷爲戶口使,方務聚斂,以丁籍且存,則丁身焉往,是隱課而不出耳。遂案舊籍,計除六年 迨至德之後, 權臣猾吏,因緣爲 軍國之用,仰給於

商者 年墾田之數爲準而 便者正之。 而 賦於人,量出以制入。戶無主客,以見居爲簿;人無丁中,以貧富爲差。不居處而行 ,在所郡縣稅三十之一,度所與居者均(B),使無饒利。 居人之稅,秋夏兩徵之,俗有不 |炎因奏對,懇言其弊,乃請作兩稅法,以一其名,日:「凡百役之費,一錢之斂,先度其 其租庸雜徭悉省,而丁額不廢,申報出入如舊式。其田畝之稅,率以大曆十四 均徵之。夏稅無過六月,秋稅無過十一月。逾歲之後,有戶增而稅減輕,

列

著、賦 沮其非利,言租庸之令四百餘年,舊制不可輕改。上行之不疑,天下便之。人不土斷而地 及 ·人散而失均者,進退長吏,而以尙書度支總統焉。」 德宗善而行之,詔諭中外。 而掌賦者 不加斂而增入,版籍不造而得其虛實,貪吏不誠而姦無所取。自是輕重之權,始歸於

朝廷。

錄事 開豐州陵陽渠,發京畿人夫於西城就役,閭里騷擾,事竟無成。 運、租庸、青苗、鹽鐵使,炎作相數月,欲貶晏,先罷其使,天下錢穀皆歸金部、倉部。又獻議 罪,左僕射劉晏訊劾之,元載誅,炎亦坐貶,故深怨晏。 政。 ·參軍王沼有微恩於炎,舉沼爲監察御史。感元載恩,專務行載舊事以報之。初,載得 祐甫之所制作,炎隳之。 炎救時之弊,頗有嘉聲。莅事數月,屬崔祐甫疾病,多不視事,喬琳罷免,炎遂獨當國 初減薄護作元陵功優,人心始不悅。又專意報恩復讎。道州 晏領東都、河南、江淮、山南東道轉

**農卿**。 萬人以翼後。三月,詔下涇州爲具。涇軍怒而言曰:「吾曹爲國西門之屏,十餘年矣!始治 策,宜緩以計圖之,無宜草草興功也。又春事方作,請待農隙而緝其事。」炎怒,徵秀實爲司 二年二月,奏請城原州,先牒涇原節度使段秀實,令爲之具。秀實報曰:「凡安邊卻敵之長 初,大曆末,元載議請城原州,以遏西番入寇之衝要,事未行而載誅。及炎得政,建中 以那等別駕李懷光居前督作,以檢校司空平章事朱泚、御史大夫平章事崔寧各統兵

之。涇州別將劉海賓斬文喜首,傳之闕下。荷非海賓效順,必生邊患,皆因炎以喜怒易帥, 萬,閉城拒守,令其子入質吐蕃以求援。時方炎旱,人情騷動,羣臣皆請赦文喜,上皆不省。 受韶,上疏復求段秀實爲帥,否則朱泚。於是以朱泚代懷光,文喜又不奉韶。涇有勁兵二 于哪,纔置農桑,地著之安;而徙于此,置榛莽之中,手披足踐,纔立城壘;又投之塞外,吾 德宗滅服御以給軍人,城中軍士當受春服,賜與如故。命朱泚、李懷光等軍攻之,乃築壘環 何罪而置此乎!」李懷光監朔方軍,法令嚴峻,頻殺大將。 涇州裨將劉文喜因人怨怒,拒不

**涇帥結怨故也(邑)。原州竟不能城。** 

乃擢用盧杞爲門下侍郎、平章事,炎轉中書侍郎,仍平章事。二人同事秉政,梠無文學,儀 獨孤妃爲皇后,上自惡之,非他過也」。或有密奏「炎遣五使往諸鎭者,恐天下以殺劉晏之罪 心分往諸道:裴冀,東都、河陽、魏博,孫成,澤潞、磁邢、幽州;盧東美,河南、淄青;李舟, 貌瘦陋,炎惡而忽之,每託疾息於他閣,多不會食,、祀亦銜恨之。舊制,中書舍人分押尚書 歸己,推過於上耳」。乃使中人復炎辭於正己,還報信然。自此德宗有意誅炎矣,待事而發。 山南、湖南;王定,淮西。擊言宜慰,而意實說謗。且言「晏之得罪,以昔年附會姦邪,謀立 叛,殺之,妻子徙嶺表,朝野爲之側目。<br />
李正己上表請殺晏之罪,指斥朝廷。<br />
炎懼,乃遣腹 炎旣構劉晏之罪貶官,司農卿庾準與晏有隙,乃用準爲荆南節度使,諷令誣晏以忠州

六曹,以平奏報,開元初廢其職,杞請復之,炎固以爲不可。杞益怒,又密啓中書主書過, 逐之。炎怒曰:「主書,吾局吏也,有過吾自治之,奈何而相侵?」

從,已懷反側。尋又使其黨李舟使馳說,崇義固而拒命,遂圖叛逆,皆炎迫而成之。至是, 矣,不能食言。」遂以希烈統諸軍。 德宗欲假希烈兵勢以討崇義,然後別圖希烈。 炎又固言不可,上不能平,乃曰:「殷業許之 日平賊後,恃功邀上,陛下何以馭之?」初,炎之南來,途經襄、漢,固勸崇義入朝,崇義不能 爲子,親任無雙,竟逐忠臣而取其位,背本若此,豈可信也!居常無尺寸功,猶強不奉法,異 屬梁崇義叛換,德宗欲以淮西節度使李希烈統諸軍討之。炎諫曰:「希烈始與李忠臣

論議疏闊,遂罷炎相,爲左僕射。後數日中謝,對於延英,及出,馳歸,不至中書,盧祀自是 **鄠坐以度田不實,改爲大理卿,時人惜之。至是, 祀因羣情所欲,又知郢與淡有隙,故引** 與郢友善,炎大怒。張光晟方謀議殺迴紇酋帥,炎乃以休爲入迴紇使,休幾爲虜所殺。郢 益怒焉。杞尋引嚴郢爲御史大夫。初,郢爲京兆尹,不附炎,炎怒之,諷御史張著彈郢,郢 兼御史中丞。炎又夙聞源休與郢有隙,乃拔休自流人爲京兆尹,令同郢過。休莅官後, 會德宗嘗訪宰相羣臣中可以大任者,盧杞薦張鎰、嚴郢,而炎舉崔昭、趙惠伯。上以炎 甚,歸而得政,睚眦必讎,險害之性附於心,唯其愛憎,不顧公道,以至於敗。惠伯亦坐淡貶 弘貸,俾從遠謫,以肅具僚。可崖州司馬同正,仍馳驛發遣。」去崖州百里賜死,年五十五。 36、蔑恩棄德,負我何深! 考狀議刑,罪在難宥。 但以股於將相,義切始終,顧全大體,特有 苟利其身,不顧於國。 加以內無訓誡,外有交通,縱恣詐欺,以成贓賄。詢其事跡,本末乖 中二年十月,韶曰:「尙書左僕射楊炎,託以文藝,累登淸貫,雖謫居荒服,而虛稱猶存。 江南立私廟,尋以玄宗臨幸之所,恐置廟非便,乃罷之。至是,炎以其地爲廟,有飛語者云: 乃不思竭誠,敢爲奸蠹,進邪醜正,旣僞且堅,黨援因依,動涉情故。 隳法敗度,罔上行私 當奪官。」杞怒,謫晉衡州司馬。更召他吏繩之,曰:「監主自盜,罪校。」開元中,蕭嵩將於曲 把召大理正田晉評罪,晉曰:「宰臣於庶官,比之監臨,官市賈有羨利,計其利以乞取論罪, 代,野奏追捕惠伯詰案。御史以炎爲宰相,抑吏貨市私第,貴估其宅,賤入其幣,計以爲臟。 初臨萬邦,思弘大化,務擢非次,招納時髦。 拔自郡佐,登于鼎司,獨委心膂,信任無疑。 而 東都,令河南尹趙惠伯貨之,惠伯爲炎市爲官廨。時惠伯自河中尹、都團練觀察等使初受 「此地有王氣,炎故取之,必有異圖。」語聞,上愈怒。及臺司上具獄,詔三司使同覆之。 |炎早有文章,亦勵志節,及爲中書舍人,附會元載, 時議已薄之。 後坐 載貶官, 憤恚益 |炎子弘業不骨,多犯禁,受賂請託,郢按之,兼得其他過。 初,炎將立家廟,先有私第在

費州多田尉,蕁亦殺之。

擊之,捕賊尉不能止,遂皆賜死於藍田驛。 幹,害若豺狼,特進劉忠翼,掩義隱賊,並除名長流。」旣行,市里兒童數千人譟聚,懷瓦礫投 其姦謀。及德宗初卽位,幹猶以詭道求進,密居興中詣忠翼第。事發,詔曰:「兵部侍郎黎 性險,挾左道,結中貴,以希主恩,代宗甚惑之。時中官劉忠翼龍任方盛,幹結之素厚,嘗通 京兆尹、兼御史大夫。幹自以得志,無心爲理,貪暴益甚,徇於財色。十三年,除兵部侍郎。 出爲桂州刺史、本管觀察使。至江陵,丁母憂。久之,會京兆尹缺,人頗思幹。八年,復拜 肅爲理,人頗便之,而因緣附會,與時上下。大曆二年,改刑部侍郎。魚朝恩伏誅,坐交通 黎幹者, 戎州人。始以善星緯數術進, 待詔翰林, 累官至諫議大夫。 專遷京兆尹, 以嚴

巨萬。大曆中,德宗居東宮,幹及淸潭嘗有姦謀動搖。及是,積前罪以誅之。 忠翼,宦官也,本名淸潭,與董秀皆有寵於代宗。天憲在口,勢迴日月,貪饕納賄,貨產

方郎中、知制誥,遷中書舍人。 輝素寡文學,以柔媚自進,旣非儒流,甚爲時論所薄。 尋改 御史中丞,遷尙書左丞。曆得罪,出爲汝州刺史。復入爲司農卿,與楊炎厚善。炎欲殺劉 命。於是先殺人,然後下詔賜自盡,海內冤之。|炎以殺人慢徵準爲尚書左丞。|建中三年六月 |晏,知||準與||晏有隙,乃用爲||刑南節度。||準乃上言得||晏與||朱泚書,且有怨望,又召補州兵以拒 庾準,常州人。 父光先,天寶中文部侍郎。 準以門蔭入仕,昵於宰相王縉,縉驟引至職

丁巳卒,時年五十一。贈工部尙書。

邪,以至顯覆。炎隳崖祐甫之規,怒段秀實之直,酬恩報怨,以私害公。三子者咸著文章, 儉,遭王縉之復;徇楊炎之意,曲致劉晏之冤。 積惡而獲令終者,其在餘殃乎! 殊乖德行。「不常其德,或承之羞」,大易之義也。富貴不以其道,小人之事哉!觀庚準之 進身,弄時權而固位,衆怒難犯,長惡不悛,家亡而誅及妻兒,身死而殃及祖禰。 縉附會姦 贊曰:載、縉、淡、準,交相附會。 左傳有言,貪人敗類。

## 校勘記

(1) 節度寄理於涇州 新書卷一四五元載傳作「初,四鎮北庭行營節度使寄治涇州」。

41] 中書主事 本卷上下文、合鈔卷一六九元載傳均作「中書主書」。

(三) 皆集其門 「門」下各本原有「如恐不及名姝異樂」八字,校勘記卷四三云::「如恐不及八字又見

(1) 度所與居者均 下,此必衍文。」據刪。 新書卷一四五楊炎傳「所」下有「取」字。

即極(三)

合鈔卷一六九楊炎傳作「涇師」。

## **舊唐書卷一百一十九**

## 列傳第六十九

楊綰 崔祐甫 子植 植再從兄後 常衮

右經書,凝塵滿席,澹如也。含光晦用,不欲名彰,每屬文,恥於自白,非知己不可得而見。 以四聲呼之,諸賓未言,綰應聲指鐵燈樹曰:「燈盞柄曲。」衆咸異之。及長,好學不倦,博通 既暮而罷。 早孤家貧,養母以孝聞,甘旨或闕,憂見于色。 經史,九流七略,無不該覽,尤工文辭,藻思淸贍。 而宗尙玄理,沉靜寡欲,常獨處一室,左 泉令,皆以儒行稱。棺生聰惠,年四歲,處羣從之中,敏識過人。嘗夜宴親賓,各舉坐中物 十三年,玄宗御勤政樓,試博通墳典、洞曉玄經、辭藻宏麗、軍謀出衆等舉人,命有司供食, 楊綰字公權,華州華陰人也。 取辭藻宏麗外,別試詩賦各一首。 祖温玉,則天朝爲戶部侍郎、國子祭酒。父侃,開元中體 親友諷令干祿、舉進士、調補太子正字。天寶 制舉試詩賦, 自此始也。 時登科者三人,館

三四二九

列傳

第

六 十

九

楊綰

爲之首,超授右拾遺。

急賢,及綰至,衆心咸悅,拜起居舍人、知制誥。 歷司勳員外郎、職方郎中,掌誥如故。 秩同列,給受宜均,悉平分之,甚爲時論歸美。 書舍人,兼修國史。 故事,舍人年深者謂之「閣老」,公廨雜料,歸閣老者五之四。 綰以爲品 天寶末,安祿山反,肅宗卽位於靈武。 綰自賊中冒難,披榛求食,以赴行在。 時朝廷方

再遷禮部侍郎,上疏條奏貢舉之弊曰:

壹虛誕,終取擯於鄉閭。自時厥後,其道彌盛,不思實行,皆徇空名,敗俗傷敎,備載前 資,履謙恭之操,藏器則未嘗自伐,虛心而所應必誠。 夫如是,故能率已從政,化人鎮 俗者也。自叔葉澆詐,茲道浸微,爭尙文辭,互相矜衒。馬卿浮薄,竟不周於任用,趙 史,古人比文章於鄭、衞,蓋有由也。 國之選士,必藉賢良。蓋取孝友純備,言行敦實,居常育德,動不違仁。體忠信之

以孔門之道,責其君子之儒者哉!祖習旣深,奔競爲務。矜能者曾無愧色,勇進者但 文,不越諸家之集。遞相黨與,用致虛擊,六經則未嘗開卷,三史則皆同挂壁。 奏進士加雜文,明經塡帖,從此積弊,浸轉成俗。 近煬帝始置進士之科,當時猶試策而已。至高宗朝(1),劉思立爲考功員外郞,又 幼能就學,皆誦當代之詩,長而博 況復徴

代。古之賢良方正,豈有如此者乎!朝之公卿,以此待士,家之長老,以此垂訓。 清。方今聖德御天,再寧寰宇,四海之內,顒顒向化,皆延頸舉踵,思聖朝之理也。不以 返淳朴,懷禮讓,守忠信,證廉隅,何可得也!譬之於水,其流已濁,若不澄本,何當復 欲凌人,以毀蕭爲常談,以向背爲已任。 投刺干謁,驅馳於要津;露才揚已,喧騰於當 欲其

家之義。試日,差諸司有儒學者對問,每經問義十條,問畢對策三道。其策皆問古今 策試者,以孝廉爲名,薦之於州。刺史當以禮待之,試其所通之學,其通者送名於省。 此。 八、策通二爲中第,與出身;下第罷歸。其明經比試帖經,殊非古義,皆誦帖括,冀圖 理體及當時要務,取堪行用者。其經義并策全通爲上第,望付吏部便與官;其經義通 |左傳、公羊、穀梁、禮記、周禮、儀禮、尙書、毛詩、周易,任通一經,務取深義奧旨,通諸 自縣至省,不得令舉人輒自陳牒。比來有到狀保辯識牒等,一切並停。其所習經,取 之體也。望請依古制,縣令祭孝廉,審知其鄉閭有孝友信義廉恥之行,加以經業,才堪 此時而理之,則太平之政又乖矣。 如 凡國之大柄,莫先擇士。自古哲后,皆側席待賢,今之取人,令投牒自舉,非經國 有行業不著,所由妄相推薦,請量加貶黜。所冀數年之間,人倫一變,旣歸實 **丼近有道舉,亦非理國之體,望請與明經、進士並停。 其國子監舉人,亦請準** 

學 了,當識 大猷。 居家者必修德業,從政者皆知廉恥,浮競自止,敦龐自勸,教人之本,實

在茲焉。事若施行,卽別立條例。

詔 左右丞、諸司侍郎、御史大夫、中丞、給、舍同議奏聞。給事中李廙、給事中李栖筠、尚書

左丞賈至、京兆尹兼御史大夫嚴武所奏議狀與綰同。尚書左丞至議日: 道乎?考文者以聲病爲是非,唯擇浮豔,豈能知移風易俗化天下之事乎?是以上失其 之義曰:「先王以是經夫婦,成孝敬,厚人倫,美敎化,移風俗,蓋王政之所由廢興也。」 行,則及辭也。宣父稱顏子不遷怒,不貳過,謂之好學。 諡號述行,美極人文,人文興則忠敬存焉。是故前代以文取士,本文行也,由辭以觀 矣。漸者何?謂忠信之凌頹,恥尙之失所,末學之馳騁,儒道之不舉,四者皆取士之 小人之道長,則亂臣賊子生焉。 臣弑其君,子弑其父,非一朝一夕之故,其所由來者漸 源而下襲其流,波蕩不知所止,先王之道,莫能行也。 夫先王之道消,則小人之道 故延陵聽詩,知諸侯之存亡。今試學者以帖字爲精通,不窮旨義,豈能知遷怒貳過之 能措一辭,不亦明乎!間者禮部取人,有乖斯義。 燙曰:「觀乎人文以化成天下。」 關雎 謹按厦之政尙忠,殷之政尙敬,周之政尙文,然則文與忠敬,皆統人之行也。 至乎修春秋,則游、厦之徒不 且夫

乎?今取士試之小道,而不以遠者大者,使干祿之徒,趨馳末術,是誘導之差也。 夫以 再亂而十年不復。向使禮讓之道弘,仁義之道著,則忠臣孝子比屋可封,逆節不得而 藝。四人之業,士最關於風化。 蝸蚓之餌雜垂滄海,而望吞舟之魚,不亦難乎!所以食垂餌者皆小魚,就科目者皆小 夫一國之事,繫一人之本謂之風。 贊揚其風,繫卿大夫也,卿大夫何嘗不出於士 近代趨仕,靡然向風,致使祿山一呼而四海震蕩,思明

萌也,人心不得而搖也。

之辱也。 以子孫速顕,享國咸促。國家革魏、晉、梁、隋之弊,承夏、殷、周、漢之業,四隩旣宅, 術異,荷濟一時。自魏至隋,僅四百載,三光分景,九州阻域,竊號僭位,德義不修,是 社稷不隕,終彼四百,豈非興學行道、扇化於鄉里哉。厥後文章道弊, 尙於浮侈, 取士 焉;周有天下八百年,文、武之政廢而秦始并焉。 觀三代之選士任賢,皆考實行,故能 九州攸同,覆燾亭育,合德天地。安有捨皇王舉士之道,蹤亂代取人之術?此公卿大夫 振經術之學,東都終持名節之行。 至有近戚竊位,強臣擅權,弱主孤立,母后專政,而 風化淳一,運祚長遠。秦坑儒士,二代而亡。漢興,雜三代之政,弘四科之舉,西京始 且夏有天下四百載,禹之道喪而殷始興焉,殷有天下六百祀,陽之法棄而周始興 楊綰所奏,實爲正論。

傳第

故事 也,請兼廣學校,以弘訓誘。今京有太學,州縣有小學,兵革一動,生徒流離,儒臣師 繫之數百年之外,而身皆東西南北之人焉。今欲依古制鄕舉里選,猶恐取士之未盡 復興刺,擾擾由其歸本矣。人倫之始,王化之先,不是過也。 儒碩生,間居其職。十道大郡,量置太學館,令博士出外,兼領郡官,召置生徒。 其謬歟?祇足長浮薄之風,啓僥倖之路矣。其國子博士等,望加員數,厚其祿秩,選通 氏,祿廩無向。貢士不稱行實,胄子何嘗講習,獨禮部每歲擢甲乙之第,謂弘獎擢,不 區字,尙復因循,版圖則張,閭井未設,士居鄉土,百無一二,因緣官族,所在耕築,地望 ,保桑梓者鄉里舉焉,在流寓者庠序推焉。朝而行之,夕見其利。如此則靑靑不 然自典午覆敗,中原版蕩,戎狄亂華,衣冠遷徙,南北分裂,人多僑處。 聖朝一平

悌力田,宜有實狀,童子越衆,不在常科,同之歲貢,恐長僥倖之路。詔停之。再遷吏部侍郎, 李廙等議與綰協,文多不載。宰臣等奏以舉人舊業已成,難於速改,其今歲舉人,望且許應 已久,遽廢之,恐失人業。」乃詔孝廉與舊舉兼行。 縮又奏歲貢孝悌力田及童子科等,其孝 舊舉,來歲奉韶,仍敕禮部卽具條例奏聞。 代宗以廢進士科問翰林學士, 對日:「進士行來

歷典舉選,精覈人物,以公平稱。

用。是年三月,藏伏誅,上乃拜館中書侍郎、同中書門下平章事、集賢殿崇文館大學士,兼 修國史。館久積公輔之望,及詔出,朝野相賀。館累表懇讓,上屬意稍重,縮不敢辭。 樞衡,未卽罷遣。仍遷綰爲太常卿,充禮儀使,以郊廟禮久廢,藉綰振起之也,亦以觀其效 奏爲國子祭酒、實欲以散地處之。一賦貪冒日甚,天下淸議,亦歸於綰,上深知之,以賦久在 尊重,心實疏忌。 會魚朝恩死,載以朝恩嘗判國子監事,塵汚太學,宜得名儒,以淸其秩,乃

俗移風若此 南西川節度使寧之弟,家富於財,有別墅在皇城之南,池館臺樹,當時第一,寬即日潛遭毀 每出入騶馭百餘,亦卽日減損車騎,唯留十騎而已。其餘望風變奢從儉者,不可勝數,其鎭 拆。中書令郭子儀在邠州行營,聞館拜相,座內音樂減散五分之四。京兆尹黎幹以承恩, |縮素以德行著聞,質性貞廉,車服儉朴,居廟堂未數月, 人心自化。 御史中丞崔寬, 劍

第存問,尚藥御醫,旦夕在側,上聞其有間,喜見容色。數日而薨,中使在門,馳奏於上,代宗 革舊弊,唯網是膽,恩遇莫二。網累抗疏辭位,頻詔敦勉不許。及縮疾亟,上日發中使就 **變悼久之,輟朝三日。詔曰:** |縮有宿痼疾,居職旬日,中風,優詔令就中書省攝養,每引見|延英殿,特許扶入。 時濫

王者之於大臣也,存則寄其腹心,均於肢體,參於軍國之重,敍以陰陽之和,歿

同休。 紫金魚袋楊綰,性合元和,身齊律度,道匡雅俗,器重宗彝。寬柔敬恭,協於九德;文行 議大夫、守中書侍郎、同中書門下平章事、集賢殿崇文館大學士、監修國史、上柱國、賜 謝,屏予之歎,震悼良深。所懷莫從,長想何及。況歷官有素絲之節,居家無匹帛之餘, 掖專宥密之地,南宮領選舉之源。以儒術首於國庠,以禮度掌於高廟,簡廉其質,條職 忠信,弘於四教。內無耳目之役,以孝悌傳於家;外無車服之容,以貞實形於代。西 則 德已行於海內。雖賢人之業,冀於可久;而夫子之命,末如之何。方有憑依,遽此淪 誄 ;其事功,加之命數,告於宗廟之祭,襚以紱冕之章,則九原可歸,百辟知勸。 頃以任非其才,毒流于政,爰登淸淨之輔,庶諧至理之期。道風旣穆於朝班,儉 故朝

榮之盛, 近年未有其比。太常初諡曰「文貞」。 館大學士、修國史、上柱國、賜紫金魚袋、贈司徒楊綰,履道居貞,含和毓德,行爲人紀,文合 禮經之通典。 曰:「天不使股致太平,何奪我楊綰之速也! 俯及大斂,與卿等悲悼同之。」宰輔賻贈恩遇哀 叉 詔文武百僚臨於其第,遣內常侍吳承倩會弔,贈絹千匹、布三百端。上深惜之,顧謂朝臣 清而晦名,無自伐之善;約以師儉,有不矜之識。方册直書,秩宗相禮,辭稱良史, 垂範作則,存乎格言。 朝議大夫、中書侍郎、同中書門下平章事、集賢殿崇文 詔曰:「褒德勸善,春秋之舊章;考行易名,

故飾以華衮,增其法賻,備膺典策,載賁朝經。可贈司徒。

端,性疏狂,嫉其賢,乃肆毀黷,異同其議。上怒,貶端爲廣州員外司馬 之義,皆錫以美名。諡法曰:『忠信愛人曰文,平易不懈曰簡。』宜諡曰文簡。」 比部郎中蘇 學茂醇儒。委在樞衡,掌茲密命,彌契沃心之道,累陳造膝之誠。將以布天下五行之和 君臣一德之運,遽軫藏舟之歎,未展濟川之才。素業久而彌彰,淸風歿而可尙。 自古飾終 · 同

故。 道二教,嘗著王開先生傳以見意,文多不載。凡所知友,皆一時名流。或造之者,淸談終 山濤、謝安之儔也。 望日崇,天下雅正之士爭趨其門,至有數千里來者。以淸德坐鎭雅俗,時比之楊震、邴吉、 日,未嘗及名利。或有客欲以世務干者,見縮言必玄遠,不敢發辭,內愧而退。大曆中,德 清識過人,至如往哲微言,五經奧義,先儒未悟者,館一覽究其精理。雅尙玄言,宗釋 縮儉薄自樂,未嘗留意家產,口不問生計,累任淸要,無宅一區,所得俸祿,隨月分給親

廟,負木主以竄。 之則。

祐甫舉進士,歷壽安尉。安祿山陷洛陽,士庶奔进,祐甫獨崎危於矢石之間,潛入私 站 甫字貽孫。 歷起居舍人、司勳吏部員外郎,累拜兼御史中丞、永平軍行軍司馬,尋知 祖晊,懷州長史。父沔,黃門侍郎,諡曰孝公。家以淸儉禮法,爲士流

+

崔祐

本軍京師留後。 事(三),數爲宰相常衮所侵,酤甫不從;衮怒之,奏令分知吏部選,每有擬官,衮多駁下,言 性剛直,無所容受,遇事不回。累遷中書舍人。時中書侍郞闕,祐甫省

百僚慶賀,祐甫獨否。中官詰其故,答曰:「此物之失常也,可弔不可賀。」中使徵其狀,祐甫 時朱泚上言,隴州將趙貴家貓鼠同乳,不相爲害,以爲禎祥。詔遣中使以示於朝,衮率

上奏言

數相侵。

疆吏不勤扞敵。 又按禮部式具列三瑞,無貓不食鼠之目,以茲稱慶,臣所未詳。 伏以 矣,無乃失於性乎! 鼠之爲物,晝伏夜動,詩人賦之曰:「相鼠有體,人而無禮。」又曰: **《興論之,恐須申命憲司,察聽貪吏,誠諸邊候,無失徼巡。 貓能致功,鼠不爲害。** 國家化洽理平,天符洊至,紛綸雜沓,史不絕書。 今茲貓鼠,不可濫廁。 若以劉向五行 鹿麞兔,彼皆以時殺獲,爲國之用。 貓受人養育,職旣不修,亦何異於法吏不勤觸邪, 鼠也。」然則貓之食鼠,載在禮典,以其除害利人,雖微必錄。今此貓對鼠不食,仁則仁 「碩鼠碩鼠,無食我黍。」其序曰:「貪而畏人,若大鼠也。」臣旋觀之,雖云動物,異於麋 臣聞天生萬物,剛柔有性,聖人因之,垂訓作則。禮記郊特姓曰:「迎貓,爲其食田

代宗深嘉之。衮益惡帖甫。

之,不堪其怒。乃上言酤甫率情變禮,輕議國典,請謫爲潮州刺史。 乎?」帖甫曰:「若遺詔何?詔旨可改,孰不可?」 滚堅諍不服,而聲色甚厲,不爲禮節。又 出,人情而已。且公卿大臣,榮受殊寵,故宜異數。今與黔首同制,信宿而除之,於爾安 臨 則朝臣宜如皇帝之制。」|祐甫執曰:「伏準遺詔,無朝臣庶人之別,但言『天下人吏,敕到後出 而除,約四月也。 哀慟 臣當三日也。」滚曰:「案賀循注義,吏者,謂官長所署,則今胥吏耳,非公卿百僚之例。」酤甫 天子喪爲二十七日。且當時遺詔雖曰『天下吏人三日釋服』,在朝羣臣實服二十七日而除, 爲君斬衰三年。漢文權制,猶三十六日。國家太宗崩,遺詔亦三十六日,而羣臣延之,旣葬 曰:「左傳云:『委之三吏。』則三公也。史稱循吏、良吏者,豈胥徒歟?」 滚曰:「禮,非天降地 ,三日皆釋服」,則朝野中外,何非天下。凡百執事,誰非吏職。則皇帝宜二十七日而羣 |涕泗,或中墀返哭,顧慕若不能去,同列者皆不悅。及||滚與禮司議羣臣喪服,曰:「案禮, 代宗初崩,發哀於西宮,衮以獨受任遇,哀逾等禮。例,晨夕臨者,皆十五舉音,而衮輒 高宗崩,服絕輕重(三),如漢故事,武太后崩亦然。及玄宗、肅宗崩,始變 內議太重,改爲河南

初, 肅宗時天下事般,而宰相不減三四員,更直掌事。若休沐各在第,有詔旨出入,非

列

大事 檢校 **祐甫出至昭應縣,徵還。** 日,百僚苴絰序立於月華門,立貶衮爲河南少尹,以酤甫爲門下侍郎、平章事,兩換其職。 曰:「向言可謫,今言非罪,何也?」二人皆奏實未嘗有可謫之言, 德宗大駭,謂滚誣罔。 是 居不言之際,滾循舊事,代署二人之名進。貶酤甫敕出,子儀及泚皆表明酤甫不當貶謫,上 司空平章事失泚,名是宰臣,當署制敕,至於密勿之議,則莫得聞。時德宗踐祚未旬日 不欲歷抵諸第,許令直事者一人假署同列之名以進,遂爲故事。 **尋轉中書侍郎,修國史,仍平章事** 是時,中書令郭子儀、

進擬 嘗謂曰:「有人謗卿所除擬官,多涉親故,何也?」 權勢與匹夫等。 祐甫代衮,薦延推舉,無復疑滯,日除十數人,作相未逾年,凡除吏幾八百員,多稱允當。 而去,於是綱紀大壞。 永泰之後,四方旣定,而元載秉政,公道隘塞,官由賄成。中書主書卓英倩、李待榮輩用事, 勢傾朝列,天下官爵,大者出元載,小者自情、榮。 必須諳其才行。 上初 即位,庶務皆委宰司。 非以辭賦登科者,莫得進用。 臣若與其相識,方可粗諳,若素不知聞,何由知其言行?獲謗之由,實 及元載敗,楊綰尋卒,常衮當國,杜絕其門,四方奏請,莫有過者,雖 自至德、乾元中,天下多戰伐,啓奏塡委,故官賞紊雜。及 雖賄賂稍絕,然無所甄異,故賢愚同 祐甫奏曰:「臣頻奉聖旨, 四方齎貨賄求官者,道路相屬,靡不稱途 令臣進擬庶官。 及

在於此。」上以爲然。

**祐**甫召駕鶴 上欲納其奏,慮正己未可誠信,以計逗留止之,未有其辭,延問宰相。 神策軍使王駕鶴掌禁兵十餘年,權傾中外,德宗初登極,將令白琇珪代之,懼其生變。 與語,留連之,秀珪已赴軍視事矣。 時李正己畏懼德宗威德, 乃表獻錢三十萬 祐甫對日:「正己

聖德 姦詐 [,又令外藩知朝廷不重財貨。]上悅從之,正己大慚,而心畏服焉。 ,誠如聖慮。 臣請因使往淄青,便令宣慰將士,因以正己所獻錢錫賚諸軍人,且使深荷 祐甫謀猷啓沃,多所

弘益 了,天下以爲可復<u>貞觀、開元之太平也</u>。

朱泚之亂,祐甫妻王氏陷於賊中,泚以嘗與祐甫同列,雅重其爲人,乃遺王氏繒帛菽粟,王 氏受而緘封之,及德宗還京,具陳其狀以獻。 文集三十卷。 甚悼惜之,廢朝三日,册贈太傅,賻布帛米粟有差,諡曰文貞。無子,遺命猶子植爲嗣。 至多被疾,肩輿入中書,臥而承旨,或休假在第,大事必令中使咨決。 薨時年六十,上 故事,門下侍郎未嘗有贈三師者,德宗以誠甫謇謇有大臣節,故特寵異之。 士君子益重祐甫家法,宜其享令名也。

判度支,請減內外官俸祿,植封還敕書,極諫而止。 甫 吏部 植 侍 字公修,祐甫弟廬江令嬰甫子。 郎 植潛心經史,尤精易象。 植既爲相,上言出繼伯父胤,推恩不及於父,韶贈嬰 累壓淸要, 爲給事中,時稱舉職。 鎛復奏諸州府鹽院兩稅、権酒、鹽利、匹 時皇甫鎛以宰相

列

段等加估定數,及近年天下所納鹽酒利擡估者一切徵收,詔皆可之。 召植宣旨嘉諭之,物議罪鎛而美植。 尋除御史中丞,入閣彈事,頗振綱紀。 植抗疏論奏,令宰臣

精思理。太宗文皇帝特稟上聖之資,同符薨、舜之道,是以貞觀一朝,四海寧晏。有房玄齡、 行帝道,治致昇平。及神龍、景龍之間,繼有內難,玄宗平定,興復不易,而聲明最盛,歷年 圖代之。自後旣無座右箴規,又信姦臣用事,天寶之世,稍倦于勤,王道于斯缺矣。 夜孜孜,致君於道。璟嘗手寫尙書無逸一篇,爲圖以獻。玄宗置之內殿,出入觀省,咸記在 杜如晦、魏徵、王珪之屬爲輔佐股肱,君明臣忠,事無不理,聖賢相遇,固宜如此。 長久,何道而然?」植對曰:「前代創業之君,多起自人間,知百姓疾苦。初承丕業,皆能厲 古人以章、弦作戒,其益弘多。陛下旣虛心理道,亦望以無逸爲元龜,則天下幸甚。」穆宗善 **德宗皇帝嘗問先臣祐甫開元、天寶治亂之殊,先臣具陳本末。臣在童丱,卽聞其說,信知** 心,每數古人至言,後代莫及,故任賢戒慾,心歸冲漠。開元之末,因無逸圖朽壞,始以山水 繼體,嘗經天后朝艱危,開元初得姚崇、宋璟,委之爲政。此二人者,天生俊傑,動必推公,夙 長慶初,拜中書侍郎、同中書門下平章事。穆宗嘗謂侍臣曰:「國家貞觀中,文皇帝躬 玄宗守文 建中初,

他日,復謂宰臣曰:「前史稱漢文帝惜十家之產而罷露臺。又云身衣弋綈,履革鳥,集

以即位之後,躬行儉約。繼以景帝,猶遵此風。由是海內黔首,咸樂其生,家給戶足。迨至 爲事實。且耕蠶之勸,出自人力,用旣無度,何由以至富強!據武帝嗣位之初,物力阜殷, 年稅及舟車六畜,人不聊生,戶口減半,乃下哀痛之詔,封丞相爲富人侯。皆漢史明徵,用 武帝,公私殷富,用能出師征伐,威行四方,錢至貫朽,穀至紅腐。 上務侈靡,資用復竭,末 酷之後,項氏戰爭之餘,海內凋弊,生人力竭。漢文仁明之主,起自代即,知稼穡之艱難,是 前代無比,固當因文帝儉約之致也。」上曰:「卿言甚善,患行之爲難耳。」 上書囊以爲殿帷,何太儉也,信有此乎?」植對曰:「良史所記,必非妄言。漢興,承亡秦殘

由。乃罷知政事,守刑部尚書,出爲華州刺史。大和三年正月卒,年五十八。植雖器量謹厚, 鎮,令克融等從還。不數月,克融囚弘靖,害賓佐,結王廷湊,國家復失河朔,職植兄弟之 杜元穎素不知兵,且無遠慮。克融等在京羈旅窮餓,日詣中書乞官,殊不介意。及張弘靖赴 而無開物成務之才,及喪師異方(E),天下尤其失策。 獻,請朝廷命帥。 憲宗皇帝削平羣盜,河朔三鎭復入提封。長慶初,幽州節度使劉總表以幽、薊七州上 總仍懼部將構亂,乃籍其豪銳者先送京師。時朱克融在籍中。植與同列

俊字德長。 列 第六十九 祖濤,大理卿孝公沔之弟也。濤生儀甫,終大理丞,卽俊之父。以門蔭由 楹 酤 甫 三四四三

情也,無宜閉糶,重困於民也。」自是商賈通流。 入爲戶部侍郎、判度支。 都團練觀察使。湖南舊法,豐年貿易不出境,隣部災荒不相恤。 俊至,謂屬吏曰:「此非人 入爲膳部郎中,充荆襄十道兩稅使,賜金紫。遷蘇州刺史,理行爲第一。轉潭州刺史、湖南 得監察裏行,又從巽領使,爲河陰院鹽鐵留後。入爲侍御史,尋改膳部員外,充轉運判官。 選授宣州錄事參軍。觀察使崔衍奇其才,奏加章服,俊辭而不受。李巽鎭江西,奏爲副使, 太廟齋郎調授太平、東陽二主簿。李衡廉察湖南、江西,辟爲賓佐,坐事沈廢。 久之,復以

爲河南尹,時年七十,抗疏致仕,詔以戶部尙書歸第。明年暴卒,輟朝一日,贈太子少保,諡 德,俊黨方盛,人不敢糾其罪。 罷領度支,檢校禮部尙書,出爲鳳翔節度等使。 不期歲,召 給,恐爲事例,不可聽從。。弘正不獲已,遣魏卒還藩,不數日而鎭州亂,弘正遇害。穆宗失 請留魏卒爲綱紀,其糧賜請度支歲給。穆宗下宰臣議,俊固言魏、鎭各有鎭兵,朝廷無例支 正移帥鎭州。弘正之行,以魏卒二千爲帳下,又以常山之人久隔朝化,人情易爲變擾,累表 時傻再從弟植爲宰相,倰性剛褊,恃其權寵,與奪任情。時朝廷以王承元歸國,命田弘 子嚴,登進士第,辟襄陽掌書記、監察御史,方雅有父風。 | 俊居官清嚴,所至必理,然性介急,待僚屬不以禮節,恃己之廉,見贓汙者如讎焉。

爲學士。 累授 連爲寇盜,滾累上章陳其利害,代宗甚顧遇之,加集賢院學士。 不妄交遊。內侍魚朝恩恃權寵,兼領國子監事,滾上疏以爲不可。 元年,遷中書舍人。「袞文章俊拔,當時推重,與楊炎同爲舍人,時稱爲常楊。 《補闕、起居鄓。 常衮,京兆人也。父無爲,三原縣丞,以衮累贈僕射。衮,天寶末舉進士,歷太子正字, 時中官劉忠翼權傾內外,涇原節度馬璘又累著功勳, 寶應二年,選爲翰林學士、考功員外郎中、知制誥,依前翰林學士。永泰 恩寵莫二,各有親戚干貢部 大曆元年, 遷禮部侍郎, 仍 時朝廷多事,西北邊 性清直 孤潔,

及求爲兩館生,衮皆執理,人皆畏之。

各騁 文學者給十二千,而給冼馬十千。 使,崇文、弘文館大學士,與楊綰同掌樞務。 清儉之稱,與縮之道不同。先是,百官俸料寡薄,縮與滾奏請加之。 滚惡少詹事趙惎,遂給二十五千。 太子洗馬,實司經局長官,文學爲之貳,沒有親戚任 私懷,所加俸料,厚薄由己。時少列各定月俸爲三十五千,滉怒司業張參,唯止給三 元載之得罪,令衮與劉晏、李涵等鞫之,獄竟,拜衮門下侍郎、同平章事,太清、太微宮 故事,每日出內廚食以賜宰相,饌可食十數人,沒特請罷之, 其輕重任情,不通時政,多如此類 代宗尤信重館。 **鮨弘通多可, 衮頗務苛細** 時韓滉判度支、衮與滉

無幾,楊綰卒,滾獨當政。

第 六 +

常

以財勢者無因入仕。一一切杜絕之,中外百司奏請,皆執不與,權與匹夫等,尤排擯非文辭 自廣也,滚又塞絕其門,以示尊大,不相往來。旣懲元載爲政時公道梗澁,賄賂朋黨大行,不 迄今便爲故事。又將故讓堂廚(B),同列以爲不可而止。議者以爲厚祿重賜,所以優賢崇 登科第者。雖窒賣官之路,政事大致壅滯。 國政也,不能,當辭位,不宜辭祿食。 政事堂有後門,蓋宰相時到中書舍人院,咨訪政事,以

服輕重,代相署奏。初換酤甫河南少尹,再貶爲潮州刺史。楊炎入相,素與滾善,建中元 |雨不能平之,累至忿競。 遂令||祐||市分知吏部選事,所擬官又多駁下。 時||夜散官尚朝議,又 爲文貞,滚微諷比部郎中蘇端令駁之,毀縮過甚,端坐黜官。時旣無中書侍郎,舍人崔祜甫 年,遷福建觀察使。四年正月卒,時年五十五。久之,贈左僕射。有文集六十卷。 無封爵,郭子儀因入朝奏之,遂特加銀青光祿大夫,封河內郡公。及代宗崩,與酤甫爭論喪 領省事,滚以爲同中書門下平章事兼得總中書省,遂管綜中書胥吏、省事去就及其案牘,酤 代宗旣素重楊綰,欲以政事委之。縮尋卒,衮與綰志尙素異,嫉而怒之。有司議諡綰

史臣曰:善人爲邦百年,卽可勝殘去殺,楊綰入相數日,遽致移風易俗。周、召、伊、傅,

談;崔祐甫除吏八百,人無間言。開物成務之才,滅私徇公之道可知也。噫!公權餘旬日 **熘拜相之麻,贈官之制,改諡之詔,則當時秉筆者無媿色矣。 昔趙文子薦士七十,古爲美** 蕭、張、房、杜、歷代爲相之顯者,蔑聞斯道也。 嘗讀諸集,賞善多溢美,書罪多溢惡;如楊 而薨,始孫未期年而逝,邀古已來,理世少而亂世多,其義在茲矣。常衮之輩,不足云爾。

## 校勘記

(1) 高宗 各本原作「高祖」,據本書卷一九〇中劉憲傳、冊府卷六四〇改。

贊曰:公權儒道,貽孫相才。 命乎不永,時哉可哀。

- [11] 祐甫省事 本卷常衮傳「省」上有「領」字。
- (三)服絕輕重 <a href="#">
  合鈔卷一七〇崔祐甫傳「絕」字作「紀」。</a>
- (日) 異方 合鈔卷一七〇崔祐甫傳作「冀方」。
- (至) 堂廚 各本原作「堂封」,據唐會要卷五三、御覽卷八四八改。

